

1.155



PEMERINTAH PROPINSI DAERAH TINGKAT I BALI
KANTOR DOKUMENTASI BUDAYA BALI

**ALIH AKSARA LONTAR
KAKAWIN SUTASOMA
TAHUN 1994**



KANTOR DOKUMENTASI BUDAYA BALI
PROPINSI DAERAH TINGKAT I BALI
JL. IR. JUANDA NO. 1 TELEPON 228593
DENPASAR



Naskah milik : Kantor Dokumentasi Budaya Bali
Nomor: Cakupan No. :
Kropak No. :
Panjang / lebar : 51 cm / 3,5 cm
Jumlah : 155 lembar
Diketik tanggal : 14 Juni 1994
Disalin oleh : NKR Erawati

KAKAWIN SUTASOMA

[I.B.] Om Awighnāmāstu.

1. Śrī bajrājñana śūnyātmaka parama sirānindya
ring rāt wiśeṣa,
līlā śuddhā pṛtiṣṭeng hṛdaya jaya -
jayāṅkēn mahāsvarṅga loka,
ekācatreṅg śarirāṅguripi sahana ning
bhūr bhuwah swah prakirṅga,
sākṣat candrārṅkka purṅnadbhuta ri wijil-
irān sangka ring boddha citta.
2. Singgih yan siddha yogiśwara wkas - ira
sang satmya lāwan bhaṭāra,
sarwa jña mūrṭti śūnyāganal - alit
inucap muṣṭi ning dharmma tatwa,
sangsiptān pet hulik ri hati sira
skungēn yoga lāwan samādhi,
byakta lwir bhranta cittaṅgrasa riwa -
riwa ning nirmmalācintyarūpa.

3. Ndah yekan mangkanā śanti kinñēp i-
tutur sang huwus siddha yogi,
pūjan ring jñāna śuddhāparimita śaraṇā ning
mikēt langwa - langwan,
dūrān ngwang siddha kawyāngidunga iwang-apan
tan wruh-ing śāstra matra,
nghing kewran dening-ambēk raga raga i manah
[2.a.] sang kawī rajya -/- gobha. śobha.
4. Pūrwwā prastāwa ning parwwa racaṇa ginlār
sangka ring boddha kawya,
ngūnī dwāpāra ring treta kṛtayuga sirang
sarwwa dharmmāṅgakāra,
tan len hyang brāhma wiṣṇwiśwara sira matmah
bhūpatī martyaloka,
mangke praptang kalī śrī jinapati manurun
mātyanang kālāmūrka.
5. Sambandhan śrī mahāketu kurukula sirānak
nirāṅ korawāṅśa,
dewī prajñadharī kāsih-ira pinuji ring rāt
putus ring kahaywan,
ngkāneng rājyādhi keng hastina siniwi tkap
ning mahāwīra sangghya,
sakweh-kweh sang watēk bhūpati sira mararēm
bhakti ring śrī narendra.
6. Śobhang rājyā hālēp lwir smara bhawana lē-
yēp sarwwa dībyāprameya,
dwāranyā marppat. atyādbhutaa kanaka murub
lwir gunung bahni muntab,

sök rangkang mas maṅindre dalēm-ika kumṅar
 rātna sangghyānya muṅcar,
 diptāng wātratri denyā rahina sama hiḡēp
 ning wwang-ing jro kaḡatwan.

7. Kintu pwekang sara -/- t durbbhala kinarāṅa
 [2.5.7] ning daitya len rākṣasākweh,
 kirṅnāglar sök pēnuh ring wamacala nikanang
 rātna kaḡḡādirājya,
 krūrāṅṅp kuwwa mungpang mamirurut anawan
 wanwasāncurṅna denyā,
 wrin - wrin sakweh watēk bhāratakula karu-
 hun sang tapāsṅi nagāgra.

8. Nā hetu śrī narendrāṅgutis i sahana ning
 wīra yodhādbhuteng prang,
 mwang sang yogīśwarāṅgampēha ri pamanasing
 detya kālāgni tulya,
 ndātan mantuk jugāṅghing suta haji karēṅgō
 bhaṣmya ning śatru śakti,
 mangkā ling sang munindrākira - kira ri ha-
 jēng śrī mahāketu rāja.

9. Warṅnan sang śrī narendrādhipa sira maharēp
 mānakā mwang sudewī,
 hetunyan boddhi cittenulah -ulah-ira ring
 sthāna sanghyang jinārcca,
 rép prāptang ratri tistis marēngi hning-ikang
 jnana cāndropamanya,
 ngkā tā śrī boddhisatwāja ri gati nira yan
 sunwa sang śrī narendra.

10. Tuṣṭāmbēk śrī mahāketu manēmu -/- paramā-
 [2.ā.]
 nugrahā hyang jinendra,
 śīghron ampēh nirang yoga wkasan-umijil śobha
 sangkeng pahoman,
 prapte ngkaneng sudewī sira mawara - warah
 yan huwus labda kāryya,
 byaktang rāt swastha cūrpnang kali hōlēm-i
 wijil śrī mahāsākya singhā.
11. Ndah śīghrang kāla tandwāngiḡam-ika sira
 sang śrī mahārāja putri,
 hārḡāmbēk śrī narendrāngariwuwus ri manah
 sang sḡng kesyanāmrāt,
 pūjā mantrā stuti mwang sayu - sayut-iniwō-
 homa yajñānukāri,
 sakweh sang bhikṡukācāryya nagara humiring
 yoga sang śrī narendra.
12. Ndah sakweh-kweh nikang stri dalēm-ika rumngō
 garbbhinī śrī supatni,
 wḡddhā lek śīghra molah wtēng-ira matatur
 sang haneng garbbha dibya,
 liḡḡū tang bhūmi tejā narawata dumilah trus
 tēkeng swarggaloka,
 hung hung ning dewa sangghyeng langit-ajaya-
 jayan sottaning buddha janma.

-- 0 --

1. Atha ri sḡng watēk hyang-ika yan pamūrḡita
 mamuṡpa ning nāgara,

[3:6:] pramu -/- ka bhaṭāra śakra saha kinnarādhīpa
 surārṣi dewangghyana,
 kṣṇan umijil bhaṭāra jina rūpa śuddha kula
 rāja putrādhika,
 suka ta manah narendra lumihat sireng-anak-
 apūrwa ring kādbhuta.

2. Api tuwi sarwa pāpa ya wināśa bhaṣmi ri
 wijil nirānindita,
 tumitis-umungku hārjja mabnēr bule walika
 suṣṭa māryyāhala,
 kimuta tikang wujil dadi magēng tapas hirēng-
 ameka roga kṣaya,
 karaḷa nikang sarājya paḍa bhaktyangastuti
 ri jōng narendrātmaja.

3. Nguni - nguni sang wwanḡ adyah i dalēm kapūhan-
 i sirāmihat kāsrpan,
 kaka - kaka len nuweña matulung paḍāngdan i
 ajōng nirāngde suka,
 hana sira wṛddha kilyaniklīka rakwan inuṭus
 narendrādhīpa,
 wali nira tan kurang capang ikārjja sāmpan-
 arēpat samākweh marēk.

-- 0 --

1. Tan warḡnan ri lawas nirā rēja manohara
 hinuningan-ing wwanḡ-ing puri,
 sāmpan rakwa gnēp pitung wulan-ikang dina
 tmu bañu sangsayātuha,

[4.a.]

kyāting śrī -/- sutasoma nira de nṛpati
winuwus-ing jagat kabeh,
sangke warṇa nirā gawe suka nikang bhuwana
pinakamuṣṭi ning hiḍḍp.

2. Lwir ring swapna tuwuh nirenggal-angadēg
lagu ta layu kumarā sadṛśa,
solah bhāwa nireki cumbu pinacēh - pacēh-añaluki
hetu ning guyu,
sangsiptan ri huwus nirā pumaka göng tumaruṇa
paripūrṇa suśrama,
hyang ning kingking-angiḍḍarāt smu ni rūm
nira wahu tumurun sakeng tawang.
3. Ndin ngganya ngwang-anēmwa rāja suta rōja
kadi mira surūpa digjaya,
strī - strī jro pura lēnglēngēpu kasēkan
smara lumihati sang nṛpātmaja,
tēkwan rakwa sireki wijñā kadi tan hana si-
ringen-ireng pralāpita,
baryyan ratri gurit nireki winiweka rinasan-
amangun lare hati.
4. Mangkin tibra manahnya yan mangēni raṣmi nira
pinakadewa ning puri,
prajñeng śīta wicakṣaḥānawam aguṇa wruh angi-
naki buddhi ning para,
śāstrañādi kawṛddha citta masih-ing kasihan-
ika parārtha kewala,
[4.b.] sarwāstrādbhuta sangka ring manah-aneka tu -/-
hu - tuhu jinātmakeng praja.

5. Yekā hetu nikang jagat paṇa bhakti malulut i
sirāmbēk-ūttama,
sāmantā prabhu wīra yodha juga tan hana
luput-i manah nikeng hati,
mwang rakryan mapatih jayendra sira tan
sipi manah-ira ring nr̥pātmaja,
wiprāgrānupamādi ning kuśala paṇḍita nagara
n ayajña sasmṛti.
6. Lumreng rāt subhageng tri loka kajanāpriya
nira katkeng purantara,
ring swarggā sthana bhaṭāra śambhu para dewa
gaṇa milu mangastawe sira,
nghing tekang surakanyakāsmu wiwal mihat i
manis-ireng swanāgara,
de ning buddhi nirāgraheng madanatantra ma-
nalahasa ring sq̄ng rimang.
7. Singgih yan jinamūrṭti śuddha kulawangśaja-
wka - wka śāstra pāraga,
singhit ring bratayogamantra satuwuh sira
satata subhakti ring guru,
śrī jñāneśwarabajra rakwa guru sang prabhu
guru nira sang nr̥pātmaja,
nā hetunya tikang kaṭungkajana tan dahat ahli-
kasādhun-ūttama.
8. Buddhī śrī naranātha mangkin-atlēb sih-ira ri
sira sang nr̥pātmaja,
nghing strī rātna wiśeṣa yogya pasunge sira
mayugala rāja putri -/- ka,

tĕkwan rakwa sirekinastwakna bhūpati pangu-
cap-ire nareśwara,
ngkā sang nātha ta rakwa mangjuru sumiwyā
tumuta ri sirang watĕk ratu.

9. Ndan sakweh nira sang marĕk pramuka sang
dwijawara rĕši śewa sogata,
kapwānūt i wuwus narendra tuhu dharmma karaḡa
magawe jagaddhita,
śighrāng dūta kinon lumakwa marĕkeng nṛpa
suta mañjingeng puri,
sāmpun prāpta ri sanmukā nṛpati sang nṛpa
suta tumuluy mangañjali.

-- 0 --

1. Om putrangku bhaṡāra buddha kinabhaktyan ta
pramaḡenghulun
swastyāstu prabhu dharmmamūrtti ng usirĕntāng-
rakṡa dharmma sthiti,
āpan byakta hilang / gĕlēh-gĕlēh ikang rat yan
kitekāndiri,
panglinggan ri wijilta ngūni magawe tuṡṡā
pramaḡeng jagat.
2. Sangsiptanya tuhanku rakwa kita ratwānugrahang-
kwīng kita,
sakweh sang paranātha yeka pinangĕn samānta
yodha prabhu,
sāmbyāsomahaneki māstwakna donte bhūmi
rājādhipa,
ngkā rakryan -/- mihate raranya pilihĕn ndan
sing sayogyālapĕn.

3. Tēkwan rakwa kiteki manggala wiśeṣāmumpuni
stryāhajēng,
rātnā mwang maṣīrāja pakṣi curigan dan sing
lēwih ring jagat,
manggēh dṛwyangi sang narendra karuhun tang
jiwwa ning rāt kabeh,
yapwan langghyanawādha ḍaṇḍa niyata ngwwang
yan prasanggheng kita.
4. Lāwan tan hana yuktya ning kadi tuhankwā-
nghing mawinyā sirēn,
muktyang sanggama kāmātantra: makadon putrāti-
dharmmottama,
ring bhogādhi kapadma ḍaṇḍa glarēn tang bu-
ddha wījākṣara,
sanghyang buddha wibāṇa supta ya gēngēn ring
byūha kāmāṇḍaka.
5. Yapwan mangkana denta nitya magawe lampah
subhikṣang jagat,
mwang sakweh bala yodha yeka warahēn ring
nītiśāstran laku,
astamtang caturāśrameka tarinēn ring pañcaśī -
lākrama,
widhyā mwang brata len tapanya huningan de
śrī narendrādhipa.
6. Apan rakwa haneki paṇḍita mahāduṣṭātisādhun
katon,
[6.ā.] munggwing maṇḍala śiṣya sa -/- ngghya wki sēk
strī - stryārjja makweh wiku,

len tang rābi ning prawīra masurud saskāra
bhaktī sněng,
tan lupatang pinaranya lişya mawarah dharmmā-
tmah sanggama.

7. Yeka ngde uyanging tri loka magawe sanghāra
hārohara,
singgih yan suta tatwa ning parama śiṣyāng-
kěn gurū mwan bapa,
trang-trang bhyoma hudan salah masa wtunyan
sarwwa wījan wagu,
tistis tang daśa deśa duṣṭa maliwēr gring
tan pakālāngasut.
8. Sangksepanya duwěg tibā na wara paṇḍā paṇḍya
yan mangkana,
sakweh-kweh ika rampasěn walatungěn bwāngěn
mareng sāgara,
swastang rāt palapanya śiṣya nika tan cam-
pur prasiddhālayu,
dirgghyāyuh sira sang narendra tuhu yan bhū-
pālakāngrakṣa rat.
9. Sajnā śrī naranātha dibya kahiḍēp lwir
tirtha śuddhoṣadhi,
singgih ngganya purih ning-amběk-agawe dharmmā-
atmajānindita,
nistanyodaya śastra tatwa juga tan manggěh
tkap ning hulun,
dening buddhi kahīnapuṣyan akalīs ring wwan
sinanggih prabhu. /

10. Yan kāngĕn rusiting giḡāmawa jagat tan
wring dayāngenakā,
sōk ring wiryya mahāprabhāwa sakalāwak hyang
jagat kāraḡa,
rājānugraha wigraheki magawe bhaktyā ni-
kang rāt kabeh,
stri rātnādhika bhoga bhojana pnuh yekāmangun
pātaka.
11. Tĕkwan tan kawrang suminggahana sakwĕh ning
mahādurjjana,
stryānak mwang kula waḡḡu yĕka hamĕsĕn
yāngkĕn kalĕngkeng jagat,
yadyan rākṡasa detya bhūta muburang rāt
dewa towyadbhuta,
mangġĕh śatru tkap sang-ādiri lĕhĕng yan
wīra śaktiḡ raḡa.
12. Yapwan sor sipi kāśmalanyan-inucap byāktā-
nghĕting rorawa,
rūkṡakwĕh nikanang swarājya kahawang dhar-
mmā pratiṡṡeng dangu,
śūrātyanta ri kāstawanyan atupis yan śatrun
āsadbhuta,
himsa pāpa nikaika tan dwa rumawuh dūrā
kayogīśwaran.
13. Sangkĕpanya wuwus patik haji ri sojar
śrī narendrādhipa,
ndātan sĕnggahĕn-alpa dharmma kuṡilā -/-
prang waktra niśśāsana,

nantĕn tan hana len sakeng paramasūnya -
 rĕmba ning pārwwata,
 jāti sanggama wighna margga karaṇa ndi
 nyāng panĕmwang hayu.

14. Nāhan ling naranātha putra mawuwus puh
 twas narendrādhipa,
 mwang sakweh para wīrayodha runḡō mwang
 sang mahāśabdika,
 towin ngganya paḡomngōn-mĕngĕni sanggup śrī
 narendrātmaja,
 dening nwam nira singhit-ing paramayogin -
 drāmunah wāhyaka.
15. Ngkā rakryan mapatih jayendra mawuwus
 marmāngalap twas rĕsĕp,
 singgih ling ni tuhanku yogya pituhun de
 sang mahāpaḡdita,
 tan gwāgyākna de nṡpātmaja manah ning śūra-
 rotteng tapa,
 tolih ngganya tangis narendra katilar
 mwang reṇa rakryan kari.
16. Milwang rāt maktĕr paḡānalaha sonĕk mūrccitā-
 kweh mangō,
 astamtang bala wīra yodha kapgan punggĕl
 manah nyeng hati,
 tan hopĕn tikang-ambĕk-ing wwang-i dalĕm
 strī kanya ng gĕng wingit,
 āpan rakwa narendra putra karĕsĕpnyāpūr -
 wwarāgeng tilam. /

17. Ndin ngwang tan lēlēhā tuminghala ri
 rūm ning mungsirang parwwata,
 dhīrānwām prabhu cakrawartti tanayā dadyā
 paragyātngō,
 cūrṅnang manmatharūpa yeka hamēsō nisroma
 mundhyātmake,
 göng ning wiryya wiśeṣa rakwa paḍēmēn
 ring jñāna śantā smṛti.
18. Rātnanopama ta mrabandamara rūmtāngde pa-
 nas ning hati,
 candrārkkādbhuta pūrṅna ta pwa ri sḍēng ning
 megha kambwan riris,
 śāstrājñādhika paḍitēng kujana bhūmyā-
 tyanta ring niṣpala,
 mangkā kṣatriya janma rāja suta ya nmung-
 sṣām riheng śūnyata.
19. Towin rakwa haneka dharmma karēngō de
 sang mahābhikṣuka,
 wrddhyānak putu yogya yeka pasungeng mattā-
 pitā nindita,
 widhyā gocara kirṅna śiṣya pasungeng ḍang-
 gurwanāntākrama,
 dharmmadeśana śuddha lakṣaṇa tapānun dāna
 ring rāt kabeh.
- - O ----
1. Kayogyān-ika masku rakwa juga sakṣaṇa sumilih-
 ane nareśwara,
 amuktyakna lābha ning jaya mamṛddhyakna suta
 sutantra kottama,

huwus pwa kawaśang manah licin ikāpa-
 [8.a.] gēh a-/- tiśaya wṛddhya nirmmala,
 samangkana narendra putra musireng giri
 sumikēpa sandi ning tapa.

2. Kunēng phala nikeki tan pagawayāmbēk-anala-
 hasa dukha ning jagat,
 narendra sira liṅa sāmpun-atuhā ndin asayuta
 ri sang nṛpātmaja,
 hana pwa ri tangis nikang stryanaka towi
 tan-ucapan avarṇa bañcana,
 purī sahēḍḅging paḍamwan ika tan kahatakna
 tkap mahārdhika.

--- 0 ---

1. Nā de ḍayendra mawuwus ri narendra putra,
 ḍanghyang mahosadhi purohita wijñā mojar,
 योग्येकी rakwa ri hatūrnya mahātibhāgya,
 singgih purih ning-ati bhakti wiśeṣa mantri.
2. Lāwan muwah tmah-ikēkin anindhya sūkṣma,
 tan sangka ring marēna muṣṭi warah munindra,
 nyāng sapta yoga glarēnta sahendikanya,
 byaktang swacitta mapagēh tka ring nirātmya.
3. Nyāng śūnya pājara ling ta mareng wanādri,
 ngke rājya śūnya tatmah nika merutulya,
 ring śūnya nāgara paḍanyan amukti pāpa,
 [8.b.] yan tan wruhi parama sū -/- nya śinunya
 ning ngwang,

4. Sangsipta teki wuwus-ingwang-i jöng narāryya,
tan wang mawalkala jugeka pinaṇḍiteng rāt,
tan muṇḍi rūpa tuwi tan si malingga-mūrddha,
wahyātma towi kta yan makamūrtti sanghyang.
5. Yapwan wiśeṣa ratu manggala teki pāpa,
yan paṇḍya rūpa juga manggōha tang kadibyan,
do aywa mangkana tkap naranātha putra,
jñānā tiśuddha paramārtha wiśeṣa mulya.
6. Sang paṇḍitāryya nagarīking-uśāna tonēn,
strī rātna pājaran: ireki mahātirāmya,
līlā gagā matun i rūm ning-akung kalangwan,
lolyānacah sira na mukti sasaseningken.
7. Pūjā samādhi ringēp nira dhīra citta,
ngkāne tngah minging-arūm malurū sugaṇḍa,
mantranya tapwa rēngihing kaknan smarāmrāt,
suswārjja lepana yayan tumēmwang kasiddhyan.
8. Nā ling dwijendra sahasāstra sahopadeśa,
sang śrī narendra suta sārjjawa yatna mojar,
wruh ngwang mateki yan asinggwana ning mayoga, /
[9.a.] yan paṇḍitang manah-acintya wiśeṣa ring rāt,
9. Nghing durllabheki sang-anēmwa sireng swarājya,
sang nisprayojana yayan sira kepwan-ambēk,
dening byamoha ri kaśaktin-ing-indra yārtha,
rāgādi yeka magawe sasar ing kamokṣan.

10. Kakyāti ring giri ya tonggwana ning mayoga,
mon setra sindu wana durgga bhayan karěsrěs,
ring śūnya margga tuwi yogyang anung ya dūra,
sangkenng kaqatwan-usirěn para mottameka.
11. Nāhan wuwus nira tatan kawngang winighnan,
śrī hastinendra kalawan naranāthapatni,
kědwā marabyakna ling nira rakwa mangke,
pūjan sireng nagara de para wīra sangghya.
12. Ndan ring samantara surup nira sanghyang-ārkkā,
sāmpun lugas ri papupul naranātha ring jro,
sang śrī narendra suta śighra tkeng swawěśma,
mwang wīrasena humiring paḍa dibya rūpa.

-- 0 --

1. Tistis māsa pilih taběh pat i kjěp ning akmit i
sirang narendra tanaya,
mampěh śabda nikang garantung ala/- ngö lě-
[9:6:] ngōng-asěpi manah nikang sanagara,
nghing rūm ning jaya gaṅṅi gaṅṅa karěngō
mawuranika pikanděl-ing pura humung,
dening kweh nira sang mahottama humastwa
jaya - jaya ri aywa sang narapati.
2. Ndan sang śrī sutasoma teki sira tan mṛm
umangěni tuwuh nireki siwiněn,
kewṛn de ni manah nirā kahṛt i bhūktya ni pa-
ngawaśa ning puṅarbbhawa gati,

āpan tan hana len sakeng tapa jugā hulah-
akna tkap mahājanapada,
pōng ning yoga niraśrayekana sqēng hawana
ning-umusir nirātmaka hlēm.

3. Nāhan hetu nireki śighran-umijil mgat i lulut-
ireng yayah bibi sinēr,
sāmpun prāpta sireng pangastryana nikang
bala inaliwatan paḍāmṛm -aturū,
sakweh ning ghupurāngdadak mnga tatan winē-
ngakni tkap narendra tanaya,
dening jñāna wiśeṣa tan hana wngang humawaraḷa
ri muṣṭi ning twas-inamēr.

4. Byātītan ri wijil nirāngidul-adoh kadi
laku ning-anukṣmakēn hurip anis,
prāpte deśa ri pinggir-ing pura mawāng -/
10.a. śāsadhara ri samIpa ning pasawahan,
warṇnan śrī naranātha mepu kapēgan sira ri
hilang-i sang narendra tanaya,
tan tṛṣṇeng phala ning prabhūttama nimitta
ning-angēnēs i pāmṛm-ing bala gaḷa.

5. Sāmpun rakwa pinet sireng nagara sing
paranan-ira ta ngūni nora katēmu,
yekā hetu nikang sarājya manangis kadi ka-
pjahan-ātri ring pura humung,
mūrccā śrī nṛpatīśwarī kapati tan wngang-anahēn i
tibra ning lara kinēl,
tandwodāni sirā nghing-ati wuwus nira n
anguraya nirṇnakēn hati tēnuh.

6. Ahānaku tuhanku hah sipi lalis ta bapa tan
wlas mangaryyakēn,
hangisyani matāku tan bsur-amakpak apitatur i
sandi ning daya,
ndi kungguan i suluh - suluhta tulusāpiha
hīḍēpa ring sang nareśwara,
gumantya siwi ning jagatdhita pangōbana ning-
aśaraḡe swanāgara.
7. Ūjarku kinnēpku yeka mamangun gēng i suka ni
manah nareśwara,
marāngrs i manis - manis ta saphalānulus-asēmu
ohaḡara manmatha, /
[10.6.] lalu pwa ri tuhanta sūkṣma ri kjēp ning-
akēmit-umareng tapowana,
sumāddhya ri katēmwan-ing paramasūnya tan-
arēpi wīryya sang prabhu.
8. Syapānung-usirēnku rakwa makajīwita ri wuyungi
sang nareśwara,
pilih tan agēgēh larangku yadiyan rwa tēlung
anak akāryya ring puri,
kita pwa juga tan hanānguwuha tan sapinalap-
ala ring hulun tēmēn,
ūdhū lēhēngatāku matya sapaḡin kita tan-
umuliheng swanāgara.
9. Nahan tangis-irang narendra dayitā makin apu-
hara luh ningangrēngō,
narendra kamatēnggēngēn sira nangepwan umē-
kēh apa tan wring enaka,

ri ngūni sira tan sakeng-iman-iman manah-
 ira ri nareśwarātmaja,
 nirāwaraṇa yoga sandi paramārtha karaṇa ning-
 anēmwakēn suka.

10. Rikang kṣaṇa bhaṭāra buddha sakalānurun i
 sira madadyangātmaja,
 tinūt ni pangidēm narendramahaṣṭi ri wijil-
 iran-apūrwwa ring jagat,
 waling nira mateki tuhwa palarēn saphala
 siwinēn-ing swanāgara, /

[11.a.]

balik pwa magawē wiyoga pakabañcana sumēk i
 manah nareśwara.

11. Hanāmbēk-ira tan katēmwa ni anak nira sawngi
 kalih wngi prihēn,
 pitowi kta tan kapanggiha daśāng wngi liwata
 kunang sakerikā,
 ndatan malēra ring swarajya musirang giri
 wana pinakeṣṭi ning ng hiḍēp,
 sadenya pjahāku ling nira ri tan katēmu
 nira nareśwarātmaja.

12. Sḡng nṛpati śoka duhkita ḍatēng sahana - ha-
 na nikang balādhika,
 sahānakēbi mañjing-ing pura muwah para ratu
 sira bhakti manglawad,
 lawan sang-ati wrddha paṇḍita mahottama maka-
 muka sang dwijeśwara,
 sahojar-ira weda śāstra karēngō pangimur-imur-
 ire nareśwara.

13. Narendra huningan patangguh i bhujangga haji
marĕk-i sang narācĥipa,
muwah nr̥pa wadhu sireki juga tan dahat
anahĕn i tibra ning lara,
apan puri ikang dadinya mawamohita suka
tinĕmunya tan luput,
Īwĕh tmĕn-ikang sadā suka ginĕngnya matmahana
duh -/- kiteng jagat.
- [II.5.]
14. Kalinghanika aywa sang prabhu wimohita ma-
lara ri tan sih-ing widhi,
tatan tangis-ikang wnang lumipurā nr̥pati tu-
mkanang prayojana,
bhaṭāra hana ring swacĭtta ya pagĕhĕn tu-
muduhakna muṣṭi ning hiḍĕp,
sireki śaraḡāśrayanta kāraḡa ning-anĕmu dukka
len suka.
15. Nahan ling-ira sang dwijendra suka sang nr̥pa-
ti tuturi roda ning manah,
hilang ptĕng-ikang twas āsmu kadi candra su-
minang awa sāmpun-ing jawuh,
ĭkang bala sumamburat paḡa huwus mangulati
ri sirang nr̥pātmaja,
narendra hana ring pahoman-ika tañcaritakna
lawan mahārdhikā.

--- 0 ---

1. Ndan sang śrĭ naranātha putra caritan sira
tka ri hujung nikang wukir,

līlātūt hiring ing gěgěr - gěgěr-angungkuli
 pasawahan-ing lěbak - lěbak,
 grong-grong rong p̄rdung-ing jurang gumuruh-
 atri bañu nika sakeng ruhur wukir,
 syoksyuk śabda nikang tahēn kapawanan kadi
 pasurak-i śabda ning -/- tasik.

[12.a.]

2. Wanwā kweh kuwusīma sūnya kaparah patani ja-
 mur i pinggir-ing hawan,
 sēñjang - sēñjang-ikana pinañcuran awarña ka-
 buyutan-i sanding-ing pkēn,
 strī stryākweh madulur - dulur rara wulañjar
 i ka paḍa mangangsur-ing lěbuh,
 len tekang marahup hanādyus. aciwo s-ing-ulah-
 ika paḍawudāwuda.
3. Kubwan - kubwan-ikā rēḡēb pakis. awor kaja - kaja
 ran i tīra ning bañu,
 duryyanwung lwananekamanggis andhēng pucang.
 arēja rinambatan sērēh,
 aryyan haḡḡuru ring gěgěr gubug i sanding-ika
 liniput-ing pasang gaḡing,
 bantyangnyātri kneng wilantih anusup kidang-
 ika malayū lawan wijung.
4. Pakšinyāwurahan hane pangarēbut waha ndēng-i
 pinggir-ing hawan,
 cukcak cangkilangan parañjangan-ikāniru - niru
 wuwus-ing rējit sēpah,
 kirḡnang pakši garantung-ing pangalangō - lē-
 ngēng-asēmu kinangsyang-ing hēping,

mraknyeñjuh mangigël maningtingangasin kadi
mangayapi pinggir-ing jurang.

5. Lor wetanya tgal - tēgal apahapā -/- pangē-
[12.6.] bētan-ika sūnya nismara,
kṣetrāgōng kahiring kidul paḍara . . . pōng kayun-
ika kasine lawan rukēm,
sōk tekang kunapāglar hana añar hana lē-
was. ahamēng sḡng basah,
śwanyātryāwurahan waneh ya marēbut cēngēl-
alayū mangīrakēn wēhang.
6. Dangdangnyāliwēran paḍātri. mihating śawa ma-
ktēkan-ing lēbak - lēbak,
romanyādēl aket lawan śira hawor dukutak : -ing-
usungan haneng padu,
len tekang tahulan kaphāla matumang gara-
gasan i samīpa ning- hawan,
dodok wuk nanahēn kasampiri pagērnnya kura-
kura gaḍāng - gaḍāng janur.
7. Nyāng grodhāsulur ing lēmah kpuh-agōng ka-
ramaya na milēt tkeng ruhur,
sōk rangkangnya na marppatā paduwitāna ri
tngah- ~~ika~~ nārjja kokiran,
byātitan ri surup hyang-arkka nrpa putra
sira ḡatēng-arāryyan-ing yaśa,
ngkān mañjing sira ring pangārccaḡa mangārcca-
ḡa ri sang-atirūpabherawi.

8. Pūjan solah-ireki śūnya ringĕp nira ri hu-
wus-iran pangañjali,
[13.a.] dhyāyī -/- śrī wara boddha satwa śinarīra-
kĕn-ira saha yoga dharaka,
rĕp prāpteng kiraṅgeng ruhur saka ri keśa
niran-asĕmu mṛtyu bhāsvara,
sāmpunyedrana pin tigehulu nireki hilang i
wadanā nrpātmaja.

-- 0 --

1. Kāla śrī hastinendrātmaja sĕṅg-umnĕb ting-
kah-ing bāyu lumra,
enak tāmbĕk nire tan hana rasa ni parok
ning tigā jñāna śūnya,
ūmwas tang swedha sangke rahi nira tumibeng
bhūmi liṅḡwātighora,
ait śrī widyutkarāli sira majil i harĕp sang
sĕṅg sūkṣma rūpa.
2. Ghorang warṇnāhirĕng dwā daśa muka dumilah
sōng nikang netra rakta,
ḍangṣṭra rwāgrātitikṣṇāng ring-iringi masawit
kāga kṛṣṇābhīmāna,
keśawyang bāng kaphalādbhuta skar-ira ring
karṇa tulya dwicandra,
malwālaṅḡung tĕuh ning wtĕng-akawaca mong
camma singhā ya rūpa.
3. Sarwāstrāne kawarṇnākrama ri tangan-ire-
kang daśāstra prakara,

cāpa mwanā nāgapāśa kṛtala muśala len ba-
 jra cakrāniwaryya,
 pūrwāng haste tngēn śobhita mamawa kaphālā-
 putih śangka tulya,

[13.6.] su -/- msum rah len wuduk ning wwanā isi nika
 kiwākadgātitiḱṣa.

4. Tindak lwir parwwatolah ta masidkung i
 bhūmi bhaktyāpraṇāmya,
 ngkāneng jō śrī narendrātmaja majar-i tngah
 ning mahāyoga sandi,
 bhohbhoh he kitang sādḥaka parama tmēn te-
 kung ambēkta dībya,
 singgih yan buddhamūrtyārēṣ i kaparagan
 ing bhāwacakrāpraṇāmya.

-- 0 --

1. He wruh matāku kita yañ jinamūrṭti sākṣat,
 anwam suśila jitacakpu hanindya mantra,
 śadwargga śatru matakut kita denta śirṇa,
 len tang tri wiḡhna malayu paḷa sapta bhaṣma.
2. Sakwēnya tan hana wwanā mihateng guṇanta,
 brāhmāwiharā catureki ya panglaganta,
 metryāpagēh karuṇa tan surud-ing swacitta,
 śūreng manah mudita śighra tkang upekṣa.
3. Ring sūkṣma yoga klit ing paramārtha buddha,
 wruh tan sakeng wacita te kita tān wiśēṣa,
 bhedanya tunggal-ika tan hana matra denta,
 gēmpung kabeh ndi kariya yan luputeng kamokṣan.

4. Ndah kantĕnanya sipi tuṣṭa -/- niking
 [14.a.] bhaṭāra,
 sobhāgya harṣa ri tkapta mamūrṭti sanghyang,
 swedambujāstu pangaranta muwah ya mangke,
 ambāda denta linga ning paraloka tĕmbe.

-- 0 --

1. Nihan hana mateki dibya panganugrahangkwekita,
 mahāhṛdayadharaṇiki pangaranya mantrādhika,
 putus-ning-atiśakti wighna mala sarwwa śa-
 trun hilang,
 niroga nirūpādrawang jana phalanya siddhottama.
2. Tuwin ri sqĕnganta dhīra mahaseng smaśānālaya,
 nirāgraha malinggiheng kunapa lot ma-
 dewa śraya,
 samangkana kitan pamūrṣitaknang sahanugraha,
 awās ri tka ning prayojana sasādhya sang
 sadhaka.
3. Apan wruh-aku yan kitā harĕp-atinggalang
 nāgara,
 sumadhya ri katĕmwa ning paramabodhisatwam
 laku,
 sumeru giri rāja rakwang usirĕn ta dibyottama,
 nda yeka patapan bhaṭāra guru siddha yogī-
 śwara.
4. Nahan ling-ira sanghyang-adbhuta maweh warānu-
 graha,
 wisārjjana sire kamantyan-i huwus nirangakṣama,

[14.5] narendra suta somya mampĕh-i -/- kanang ma-
nah nirmmala,
rikāmalih i yoga supta wkasan waruh tang dina.

5. Byatĭta ri wijil nireki ri huwus nirānganjali,
tkeng yawa matunda margga ri samĭpa ning
parwwata,
jurang - jurang halas gunung kaliwatan tuban
yābarung,
kayunya wki sĕk ptungnya dumudul maniñjo parung.

-- 0 --

1. Dharmmāgōng kālasan-ika katmu,
prāsāddhākweh pukah-ikana rubuh,
wimbā hyang durmukapati kaguling,
ngkāne sor ning ghupura kasiharĕp.
2. Lor hyang wiṣṇwarcca masmu mabhutĕng,
krūrāng anggā kṣaṇa taru tumuwuh,
dwārādhyākṣanya paḍa kasulayah,
lwir daityānglah tkap-ira ring-ayun.
3. Tunwantunwan galagah-ika kidul,
kagyātekang mṛga katunu mĕsat,
centĕn mwan sĕnggah-ika makamuka,
mungsi grong pringgan-ing-acala lĕngut.
4. Tan ngeh yan warṇnan-isi nikang-alas,
truhtruh sanghyang saha gĕrĕh-anitir,
śighrāḍṣ tang jawuh-asmu pinĕh,
prodbhūtang maruta parĕng-angasut.

5. Yekāng -/- hēb śrī nṛpasuta sakarēng,
 /-15-ā-7 ngkāne kowok i kayu nika magōng,
 bārpēt tīkar riris ahli paḍang,
 śighrādan śrī nṛpasuta lumaris.

6. Makweh ta pārwwata wana kahawan,
 len tekang pājaran inusi nira,
 sāmpun sapta dina sira lumaku,
 kongāng tekang giripati parana .

-- 0 --

1. Honyādbhuta hiring-ika rāmya tang patapan
 ārjja masmu siluman,
 ngkāne harēpa dukuh-ikan pahoman-atisobhita
 kagiri - giri,
 tumpang pitu wuwung-ika meru bhāśwara pu-
 caknya maḥimaya lumēng,
 diptāsmu hawana ni sang makahyangan-umungsira
 parama paḍa.

2. Sök sarwwa kusuma hana handwang arjja masa-
 mipa wulakan-alangō,
 janggāngalaya ri tētē ning mahantēn-ika kāngi-
 nanangawayaway,
 kadyāwarah-i lēngēng-ikang tapowana pangubwanan-
 ika ri hi sor,
 kirṇanang mamanguyu ri lēbak - lēbaknya ma-
 ngalulwasu nika karēngō .

--- 0 ---

1. Śighrāṅ ḍatēng ta -/- sira ring patapan
[15.6.7] surāmya,
 sakweh mahārṣi sama harṣaja tuṣṭa citta,
 hyun - hyun tuminghal i raras nira dibyarūpa,
 praptāngnēs kadi mure kdap ing tuminghal.
2. Ngkāne wit ing bhujaga puṣpa siran panganti,
 līlāngungang jurang-i sor lēngit-āprameya,
 ndan sang rēṣi prawara keśawa labda yoga,
 yatnan paśanti wihikan ri sirang narāryya.
3. Dhū bhagya sang prabhu sutādhika bhāratangēa,
 sākṣat tan ing rati hiḍēpkwi ḍatēng ta mangko,
 pintēn purihnya phala ning wara yoga siddhi,
 mangke tkanta sakala hyang-ananta buddha.
4. Hetunya mangkana mahārdhika harṣa ningwang,
 yan ton narāryya niyatang giri bhūmi śuddha,
 nging sangghya ta nghulun i denta tkā swadeha,
 dukkottama prawala ning mara nissahāya.
5. Rakryan tuhanku mapahetu ning-osah-ambēk,
 tan dharmma ning kadi kitā jnēkeng wanādri,
 prih tānayolahanungenaka ring swarājya,
[16.a.7] byaktā prasutwa tinmunta jayeng tri loka. /
6. Tēkwan prabhāwa ni tuwuh ta mahāmṛteng rāt,
 śāstra jña śakti gunamanta śuśīla buddhi,
 tan len gumantya ri narendra jagat pramāṇa,
 sām̄pun suwarddhana wuwus prabhu hastinendra.

7. Sangsipta teki warahën ngwang i dukha rakryan,
panggil wnanng malapane sukët-ing swacĭtta,
yadyan haneki kawiwalta ri jōng narendra,
nyā manghulun majar atanggwa marën wirodha,
8. Nā ling mahārṣi sumahur naranātha putra,
tan sangka ring hana wimohita ning śarĭra,
tan dukha bhāra tuwi tan tuna sih narendra,
ĭcchā swabhāwa masurāśraya don-ing-ambĕk.
9. Ndā ndah muwah karaṇa ning swikarawĭlāśa,
hyun-hyun rumĕngwakĕn i rānya nikang wanādri,
tan lupta teki ri ḍatĕng suta mahārṣi,
swarggopamāmuwuhi sang muni dewa tulya.
10. Donyā pramoda hana ning bala milwa mangko,
rĕṣkwĭ gatinya tuhu nārusuheng tapāswi,
dadyā prabhangśa ta lawan hiṇa buddhiśanta,
tan yukti ning -/- marĕk i jōng nira paṇḍi-
tāryya.

--- 0 ---

1. Kalinghanyān to aywa manalahasāmbĕk muni wara,
ri don-ing prāptānim layat atilar ing bhṛtya
sahana,
amintang dibyānugraha nira kabeh tĕkyangatĕra,
mareyyārgrā ning pārwwata mahasalĭlāmgamngan.
2. Nahan ling śrĭ bhūpāla tanaya sukāmbĕk yatiwara,
rikā sakweh sang paṇḍita masgĕh-ing sang
nṛpa suta,

pnuh tang bhojānānindya haraka talēs
 wenya sumaji,
 sale puntī durryan panasa panginum wwe saha
 sqah.

3. Ndatan warṇnan tingkah nira wngi tkāng anda
 sumaput,
 samangkā śrī rājeśwara suta mgil keśawa sira,
 thēr mojar rakwāpti wihikana ring meru
 wiwara,
 rikālēh śrī ghoripati sira mamangguh kasu-
 tapan.

4. Kunang sang paṇḍyānūt sakaharēp-irā nindita
 tmēn,
 tangēh yan warṇnan ri kṣaṇa ta maguling
 bwat alu sira,
 bhawiṣyāmṛm kālih sira kalalu māsiñjing awungu,
 mirir tang bāywā tis muni manuk-ikang wwa
 arēbut. /

[17.a.]

5. Dināwang rāt teja hyang-arupa sumunwing giri
 wana,
 kidāngnyā mangsul ring gēgēr-awurahan wēknya
 malayū,
 byatītādan sang śrī nṛpa suta muwah sang
 yatiwara,
 samāgyātūt lambung ning-acala tumut tan
 pahangiring.

6. Tad anantareki laris nira lēhēng-amēgat - mē-
 gat gunung,
 hana pājatan katmu sūnya maspi ri samīpa
 ning parung,
 mawalantagārang .-aputih śikara nika kayunya
 kanginan,
 kumlab - kēlab kadi klab ni tapih-ing-ama-
 rāngganānglayang.

7, Kusumāngjrah -ing natar-angungkuli jurang-
 alangō kading tulis,
 bhramarānggrng-ing gaḥung-awarṇa manēlēhi si-
 rang nṛpātmaja,
 karuhun munīndra sangakāhyangatiki saha hārṣa
 gorawa,
 bhagawān sumitra panlah nira guru wana pāk-
 ṣa sogata.

8. Wacanāryya paḥḍita sabhagya sira mihat. i
 sang nṛpātmaja,
 syapa teki ling nira ri sang para rēṣi sa-
 mahasrangādulur,
 sipi hārṣa ning hulun-i denira parama su-
 rūpa digjaya,
 paramārtha sukṣma śa -/- rīra mtu ri sḍēng-
 ing nirātmaka.

9. Rēṣi keśawā wasita sārjjawa mawarahi sang
 mahāmuni,
 sutasoma sajña nira bhūpati suta - suta has-
 tineśwara,

kawiwāni dharmma śaraṇa guna paramahitādiśastrawān,
sakaleśwarambēk-ira tan hana siringan-irēng ja-
gaddhita.

10. Ya ta hetu sang prabhu mamarwata : gēng-
i sih-ire nṛpātmaja,
ta ya len gumantya ri siran tri bhuwana
pati katwang-ing jagat,
api towi śakyamuni mangdadi sira wiśeṣa
dewata,
subhageki ngūni ri wijil nira parasurabhaktya
mūrṣita.

--- 0 ---

1. Kunang karaṇa sang narendra suta yan layat.
angnēs i himbang-ing wukir,
marāmngamnging ta powana sinadhya ri wikana-
ri sang mahāmuni,
muwah pinakamuṣṭining twas-aharēp wruha ri
śikara ning mahāgiri,
prayojana nimitta ning swataku tan kahawa-
raṇa madewatāśraya.
2. Nahan ling-ira keśawāja ri gatī nṛpa suta
maha sang jajah langō,
sirang wiku sumitra garjjita mawakta
madhura ri sirang nṛpātmaja,
tu -- hanku bapa dewaśraddha ri hidēpkwi
tka ni tanayangkwiking wukir,
ri dewanta kuru nātha wangśa putu lingku
kita saka ri sang nareśwari.

--- 0 ---

1. Sambāda sang śrī rawibhoja ring dangu,
rwānak nirā sang subalāgrajā prabhu,
mwang sang jayatsena pamungśu yanghulun,
sangkan rare paṇḍita wr̥ttīlakṣaṇa.
2. Yekā tinūt ning wanawāśa bhikṣuka,
rākangku bhūpāla ri līpa ning bapa,
mānak rwa sikyānakēbī lawaṅ jalu,
sang candra singhā tuha poruṣottama.
3. Prājñādharī strīki pamungśu dug singi,
kālap tkap hastinarāja bhūpati,
yekā pakebung nr̥pa putra tan waneh,
sang candra singhāngadēg-ing swanāgara.
4. Sāmpun pjah mangkana rakwa ring puri,
rogī ya dening wiśa durjanānglare,
ndān ātmaja śrī naranātha bhūpati,
kyāting sarat sang daśa_bāhu śaktiman.
5. Wāntēn wkā sang daśabāhu kanyaka,
dyah candrawatyārēja nāma putrika,
yogyān sawāwe kita bhaktya ring jinēm,
pan wwang sanak sang nr̥pa putra / tan madoh.
6. Nāhan wuwus sang yati ring nr̥pātmaja,
tuṣṭettamāmbēk sutasoma garjjita,
yekān sirānēmbah-i jēng munīśwara,
somyātutur bhakti nirān makāwitan.

7. Malwī sirāminta ri sih ni sang kakai,
 aptyā rumēngwā prabhu dhatrajādhika,
 doning mahāwīra jagat paraśrayā,
 śaktyād̄bhutā gōng daśabāhu ring laga.
8. Om sang narendrātmaja mājara nghulun,
 tingkal nikang dhatrasutendra digjaya,
 śrī candra singhā tiki ngūni pūrwwaka,
 nā patya dukhān sira sah sakeng pura.
9. Sang rewatī strī nira satya subrata,
 rowang nirang lungha musir wanantara,
 putrārjja pinrih nira dhīra ring raṇa,
 sūkṣmā tadin rājya tan wruh-ing bala.
10. Prapteng ukir pañca patirthan-ūttama,
 dhyāyī sire madhya nikā ndatan bēsūr,
 akweh mahābañcana tan sinangśaya,
 wwil bhūta jōng masthaka rodra kātara.
11. Kirṇang kawaṇḍāngidēring nareśwara,
 sthīran pagēh buddhi nirān mamet hayu,
 ait rēp turun hyang widhi ghora gōng galak /
 sarwwastra yekān daśabāhu rūpaka.
12. Śighran tkānambut i sang nareśwara,
 lwir kadyangulwa naranātha tar wihang,
 śrī rewatī glāna kawēs mihat sira,
 yekānangis makrak-aminta jīwana.

7. Malwī sirāminta ri sih ni sang kakai,
 aptyā rumēngwā prabhu dhatrajādhika,
 doning mahāwīra jagat paraśrayā,
 śaktyād̄bhutā gōng daśabāhu ring laga.
8. Om sang narendrāt̄maja mājara nghulun,
 tingkal̄ nikang dhattrasutendra digjaya,
 śrī candra singhā tiki ngūni pūrwwaka,
 nā patya dukhān sira sah sakeng pura.
9. Sang rewatī strī nira satya subrata,
 rowang nirang lungha musir wanantara,
 putrār̄jja pinrih nira dhīra ring raṇa,
 sūkṣmā tadin rājya tan wruh-ing bala.
10. Prapteng ukir pañca patirthan-ūttama,
 dhyāyī sire madhya nikā ndatan bēs̄sur,
 akweh mahābañcana tan sinangśaya,
 wwil bhūta jōng masthaka rodra kātara.
11. Kirṇang kawaṇḍāngidēring nareśwara,
 sthīran pagēh buddhi nirān mamet hayu,
 ait rēp turun hyang widhi ghora gōng galak /
 sarwwastra yekān daśabāhu rūpaka.
12. Śighran tkānambut i sang nareśwara,
 lwir kadyangulwa naranātha tar wihang,
 śrī rewatī glāna kawēs mihat sira,
 yekānangis makrak-aminta jīwana.

[19.ā.]

7. Malwī sirāminta ri sih ni sang kakai,
 aptyā rumēngwā prabhu dhatrajādhika,
 doning mahāwīra jagat paraśrayā,
 śaktyād̄bhutā göng daśabāhu ring laga.
8. Om sang narendrāt̄maja mājara nghulun,
 tingkaḷ nikang dhattrasutendra digjaya,
 śrī candra singhā tiki ngūni pūrwwaka,
 nā patya dukhān sira sah sakeng pura.
9. Sang rewatī strī nira satya subrata,
 rowang nirang lungha musir wanantara,
 putrār̄jja pinrih nira dhīra ring raḡa,
 sūkṣmā tadin rājya tan wruh-ing bala.
10. Prapteng ukir pañca patirthan-ūttama,
 dhyāyī sire madhya nikā ndatan bēs̄sur,
 akweh mahābañcana tan sinangśaya,
 wwil bhūta jōng masthaka rodra kātara.
11. Kirṡnang kawaḡḡāngidēring nareśwara,
 sthīran pagēh buddhi nirān mamet hayu,
 ait rēp turun hyang widhi ghora göng galak /
 sarwwastra yekān daśabāhu rūpaka.
12. Śighran tkānambut i sang nareśwara,
 lwir kadyangulwa naranātha tar wihang,
 śrī rewatī glāna kawēs mihat sira,
 yekānangis makrak-aminta jīwana.

13. Wkasan atiki sanghyang somyāwlas ri narapati,
rikā tumuluy-aśabdāstwāsūnwāka musu bala,
tuwin-atisāya ring rāt śakting prang jaya
suyaśa,
ling-ira tēhēr-umūkṣān tuṣṭāmbēk bhuanapati.
14. Karapa niran-umantuk ring rajya magēhi pura,
rahina wngi mangedkā dhyāyi hyāng smara pinupul,
dumadak-amahi rēs-rēs-rēs śrī nṛpa mahiṣi,
tan arēn awdi kāngēn rūpā hyang widhi kasusu.
15. Ri pangiqam-ira mangkin tar māryyāsmu gigirēn,
lalu diwaśa mijil tang rāryyādbhuta tan-ahajēng,
kagiri - giri daśābhāwānak śrī nṛpa mahiṣi,
prawala kadi mijil hyang durwaktrān saka
ring-ibu,
16. Salihat-ira sudewī ring putrāsiga malayu,
sahana - hana nikang strī kāpwārēs mihati sira,
/19:6:7 nṛpati sira -/- mnēng tan pojar ngēr i hati,
manēsēl i gati ning tan tingkah ning mapahutana.
17. Īrika nṛpati motus ring wīrāngānutang-anak,
labuhēn-i tēlēng-ing lod wet ning tan su-
ka mihati,
wahu ta sira sinambut lēs : mukṣāmarēngi
kqap,
ri waluyira hilang tang hastākweh smara
saqraṣa.
18. Sahapatēr adulur mwanq liqḍū gōng prabhawa
mira,

kusuma rawuh-ikā sangkeng bhyōmāngibēki pura,
surawacana humung brāhmājan nindita karēngō,
tinut ingaran-iran sang brāhmājān pinagēhakēn.

19. Atha ri hilang ikang rūpādbhūte nṛpati suta,
paḍa ta suka nikang wwang sākweh ning marēk-
i sira,
pramuka narapatī mwang śrī dewyādisuka girang,
mihat-ing-anak apūrwwa lwir swapnopama kahiḍēp.
20. Ri tuha nira magēng tan luptekānjaya ring-ayun,
magaḍapati kalāwan śryāwanggādhipa matakut,
dadi ta mulih-ikā sang kāśīndre sura bhawana,
kumalilir-ika mangkin wṛddhyāng śaktya parimita.
21. Tuwin-atiśaya bhaktī jōng śrī hastina -/-
[20.a.] nagara,
dlitiking anak angde rāma śrī nṛpati suta,
satata pinakamukyāntyān.ing pārthiwa manuku,
mjahi sahana ning detyāmūk wuk manēki wana.
22. Nahan-ikana wuwus sang paḍyārūm ri nṛpa suta,
tumulatah i kaśaktin kāśīndrātiśaya dahat,
muwah-ika nṛpa putrāminte jōng paramamuni,
majarakna ri sangkanyang śatru ngrusuhi jagat,
23. Apan-atiśaya śakti prang sakweh para nṛpati,
ndhya ka ri madhaniwūk sang kāśīndrāhari sakala,
makin-angibēki tekang yakṣā lwiralun angasut,
jumahatakni sakweh ning rājyopama baḍawa.

1. Nāhan wuwus śrī nṛpa putra ring kaki,
om ling nira mpungku ri sang nṛpātmaja,
sakweh mahārṣiki susākṣi kottama,
yatnan ruməngwe sawuwus rasanḡhulun.
2. Ngūnin huwus sang prabhu paṇḍaweśwara,
mantuk mareng swargga maluy nirātma,
sakweh nirang bhūpati dewa mūrṭtika,
misreng tayārēs laku ning kalin tka.
3. Ndā tandwa tekā -/- hana rākṣasādhipa,
20.6. dom wūlmacarmmā wsi mūrṭti ning kali,
ring göng luhur tulya sumeru bhāsvara,
krūrādbhutānāma si śūciloma ya.
4. Mohāmunah sing sahaneng jagattraya,
dewādi janmoraga satwa kāsihan,
bhrāṣṭā punah denya tkapnya göng galak,
sākṣat bhaṭāreśwara kālarūpaka.
5. Nā hetu sang śrī jinarāja dewata,
kapwātmaḥ rāja sutāwlae ing jagat,
kyāting sarāt śryāgra kumāra sājnika,
śīghrānglagekang danujātibhīṣaṇa,
6. Sor tang mahārākṣasa de nirang raṇa,
ginlut nirekā sira tansah ing ḡaḡa,
gambīra makral sira tan wnanng sinah,
lwir parwwatendra bwat-irān panindihi.

7. Glānang mahārākṣasa tan wnanng mingĕr,
de śrī narendrātmaja śakti digjaya,
hetunya tibrā lĕk aminta jīwana,
bhaktyātisāntārēs i jōng mahājina.
8. Lāwān muwah śabda nikanng mahāsura,
[21.a.] bhoh ndhyā -/- ku hetuntā nimitta ning jaya,
āpan rare tan masa ning mahottama,
śaktyādhika ndin hana dewa sātmyaya.
9. Nā lingnya māngārjjana mūrṭti digjaya,
krūradbhuteng rāt karaṅgku śaktiman,
nyāng bhūr bhuwah swah kawnanng kacūrṅnitan,
ndhyānung muwah yāmagutangkwi ring raṅa.
10. Ngkā tekanng yakṣa maminta sih nira,
mahyun wruhe sang pinakeṣṭya pālaga,
tan dadya ling sang jinamūrṭti dūrllabha,
yan tona dening hati mūrṅka ingṣaka.
11. Hetunya mārḍhyādhika ing sakojwala,
manggĕh ri somyā nikanang karākṣasa,
hyun - hyun manah śrī jinamūrṭti tanggapa,
śīghran sirojar wara dharmma deśana.

--- 0 ---

1. Samangkana tēwĕk nikān matapa ring giri
sumkung i muṣṭi ning hiḍĕp,
nirāgraha ri śakti ning tri mala ṣad ripu
paḍĕm-ika denya ring manah,

gnēp dwi daśa pañca warṣa ri lawas nika
 mulahakēn kaśaktikan,
 pjah ta ya muwah narendra suta mantuk-ing-
 amara jinendra sātmaka.

2. [21.6.] Īkang ng hama -/- ra sūciloma matmah sudaśa-
 suta suḍaṇḍa nāma ya,
 prabhūttama ri rātnakaṇḍa phala ning tapa
 tinmu nikā ndatan wurung,
 pnuh sahana ning prawīra bala pārthiwa gaṇa
 paḍa śakti sādharma,
 suwarṇa rajatādiratna ri kaḍatwan-ira kadi
 janarddhanāṅglaya.

3. Anindya guḍa śakti ring brata suśīla satu-
 wuh-ira rāja bhūpati,
 sudhīra ri kalakwan-ing japa samādhi taman
 alupa ring jina smṛti,
 ya kāraṇa bhaṭāra rudra manurun manurun i ri
 sirang nareśwara,
 prahāṣaṇa ri kirtti sang paramabuddha ri
 gati nika śantikātmaka.

4. Sirāngarani sang jayāntaka ri sang prabhu
 siniwi ri ratnakaṇḍaka,
 wimāna makawāhananya ya pasung nira kadi
 sih-ireng dhaneśwara,
 bhaṭāra tuwi tan hanāmjahaneri yan apituwi
 yā nareśwara,
 muwah ling-ira rūdrāmūrtti sakaleng raṇa
 pamuput-ikang anugraha.

5. Tlas pwa phala ning tapenulahakēn mahlimanah i
 sang mahāsura,
 hilang sih-ira ring jagat mariwlasnya ring-
 anēmu wiyoga kā -/- sihan,
 thēr madēg-ikang kasinghan atighora pangasih-
 i: bhaṭāra śangkara,
 ya hetu nikanang jagat giri - girin sahana
 nika tkeng kadewatan.
6. Kunang kta ri ngūni mūla nika yan prabhu
 nara makarūpa rākṣasa,
 haneka juru bhojakaryya mabangun jangan:angi-
 nakane nareśwara,
 amogha ta hilang laweh - laweh-ikan hinahal ing
 asu sūkarottama,
 mijil ta ya mamet pahēlyanamukāng kunapa ja-
 na tlas miniśrakēn.
7. Hatūrnya ri narendra tandwa tka ng angrahati-
 pamēṭēka karakṣasan,
 ūsāna ring-ūsāna tapwan-amangan jangan-atisaya
 bhūkti śad raṣa,
 nimitta nika yan matakwan -i lawēh - lawēh-ika
 ring-akāryya tan bēsura,
 nya teki pjahanya yan matura madwa karaṣa
 nika jāti tan salah.
8. Ya hetu nika yan thēr mutusa kon akla kla-
 na mangsa mangkana,
 muwah sinalahēki śanta tinut ing prakasita pu-
 ruṣādha sājñika,

nimitta nika yan kinon milaga de sahana -
 hana -/- nikang wwang-ing puri,
 tlas karuhunāmbēk-ing bala samūha para
 ratu makon gumindala.

9. Ya kārāṇa nikān mareng wana ri lambung-ing
 acala sumeru parwwata,
 makin ta ya manerawān mangan-ikang nara maka-
 ratu ning mahāsura,
 arēs sahana ning watēk ratu kabeh saka parēk-
 i paminggir ing wana,
 tñuh twas-ika yan rinampas-inamēs tkapi bala
 nikang jayantaka.

--- 0 ---

1. Para ratu sang haneng pura ri ratnakaṇḍa
 nguniweh nikang balaghaṇa,
 giri - giri mepu tan wring-ulahārēs-ing sudaśa
 putra śakti ring ayun,
 tuhu - tuhu rudramūrtti maśarīra ring raṇa
 pasung bhaṭāra karaṇa,
 karaṇa nikā pṛṇāmya makon-umantuka ri sang
 mahāsurapati.
2. Kraman-umulih ya śīghra tka ring swarājya
 saha wīra rākṣasa bala,
 makin atighora yan siniwi ning mahāsura
 para prabhu mamarēka,
 kumēl aktēr kawēs rasa nikang tri loka tkap-
 ing balāpratihata,
 titir andōk kadewatan-amūk surāpsara balānawan
 surawadhu.

3. Ya -/- tang umarānaput pura sabhūmi bhārata
 [23.a.] musuh yayah nṛpa suta,
 ndi karika yan w nang tlasa de watĕk ratu
 makādi dhatra tanaya,
 pituwi bhaṭāra wiṣṣu parananta tan w nang-
 ikang durātmaka ripu,
 ri hana nikang narendra nara mangsa pāwak i
 titah nikang kali yuga.

4. Nghing-atiki sang narendra suta rakwa pi-
 nalar ing samānta bhuwana,
 maḍĕmana duhka ning jagat-angungsyā dharmma
 yaśa kirtti ring pabharatan,
 apan-ing-uśāna janma kitang agrasesuka nga-
 ranta wīra suyaśa,
 swabhawa kitān pamatyan i kamūrkkā ning ka-
 lana śūciloma wkasan,

5. Ika si jayāntaka pwa tmah-ing mahāsura si-
 śūciloma tumuwuh,
 kita sutasoma rakwa ya tmah bhaṭāra su-
 gateki tandwa mĕngiku,
 kalingan-ikā tayeka juga lena sangka ri
 kitāmrihang ripu kula,
 tlas-ulah-ing samādhi japa mantra sang parama
 paṇḍitāryya sulabha.

--- 0 ---

1. Nā ling muniwara sumahur narendra suta wā-
 dhaka ring-ujar-arūm,

[23.6.7] dhū mangkana kaki -/- ya nimitta ning hulun-umungsi ring halas-alēyēp,
rēs ning kinira - kira kinon gumantya siwim
ing bhuwana sukakara,
bhūphālaka giṇa ya tkap narendra muharātangis-
analahasa.

2. Wet ning kajugulan umatēk kahīnaning amūrṭti
ta karaṇa nika,
dūran wnanga śaraṇa ning jagat nguni - ngunin
wihangana malaga,
āpan sang-inabhimata ratwanindhya paraṇa-
ṣṭagaṇa nira hana,
singhā kṛtti tuhu - tuhu singha bhūpati jagat
pati ngaran-ika.
3. Ndātan hana nika wiparīta yan wnanga bhūpati
jaya wijaya,
nghing rakwa wanagamana muṇḍyang enaka ri
sang putu paramamuni ,
denyan mamurangana gēgēr manabungana linggih-
ira sang-atapa,
mwang dening-apningan-ing-adri rakwa makire-
patapan-i karēsēp.
4. Nāhan wacana nira ri sang munindra jngēr - epu
mangētēki hati,
om sang nṛpa suta bapa aywa mangkana jagat
kasihana rumuhun,
āpan niyata hilang-ikāng tri loka tkap ing
sudaśa ripu,

yan tan kita mjahana ratwa ning bhuwanang
 [24.a.] ungsirēn i -/- ng aśaraṇa.

5. Sāmpun pwa kakawaśa tkapta bhūpati jagat
 parakita suyaśa,
 yekan musira kita ring-adri sūnya laris-
 āmanaruka patapan,
 bhāgyan mapagēha makapājaran lēyēp-ikang
 swanagara lalunēn,
 āpan sama karaṇa ning-adbhutānmu wiśeṣa gati
 kahuwus.
6. Śrī dharmmasuta sira ngūni pāṇḍu tanayā -
 graja saphala tirun,
 sākṣat tuha - tuha nrpa putra bhārata kulā-
 nggēh-ira ta suyaśa,
 sangkan rara ya tiki sirān jagatpati munin-
 dra manngēt-ing-ulah,
 siddhārtha manmu paramārthikeng nagara pājaran-
 ira karēngō.
7. Ndātan kna nika kita ratwa māsku kaharēp-
 kwiki tulusakna,
 ring sāmajar maḍaḍa halēpnyā rakwa raṇa padma
 mamahi kalangēn,
 rakryan bungah i kṅar-ing-indu śīla paramānga-
 jēng ing-anakbi,
 aśwā bharaṇa nika ya śīghra ring grha
 sadotsawa mangulapakēn.
8. Wetnyā karaṇa mangajēnging dadī miṭuna hang-
 san amuwuhi langō,

[24.6.] paṇḍyādhika ma -/- kahalēp. i sabhā kula suputra
 manginaki riya,
 lokātraya rawi pakabhūṣaṇanya sumēng. ing langit-
 angadah - adah,
 rajyottama mangalēpi bhūmi maṇḍala tkeng
 bala gaṇa mabhingar.

-- 0 --

1. Ndan sira sang kṣinatriya tatan hana kahalēp-
 irā jugenaka,
 bheda sakeng nr̥patyahulunā bhuwana siniwi
 ning jagat kabeh,
 loka parāśraye guṇa sudhīra nipuna ri ka-
 rākṣan-ing jagat,
 dharmma wiśeṣa tan panasareng-aji salaku
 nirātidigjaya.

2. Pāpa kapāpa tandwa tumuwuh pwa linga nira
 putungku ring prabhu,
 dūran ikang kaśaktikan. i de niran amjahi wi-
 ghna ning jagat,
 singgih hujarta yogya lamun bala pati śa-
 rananta digjaya,
 nghing juga aywa lakṣaṇa kitāmagēhakna ti-
 kang jina smṛti.

3. Mangkana de nirāwacana dharmma pituturi sirā
 nr̥pātmaja,
 mwang sira sang watēk rēṣi kabeh pwa sama
 sira mangaswakēn wuwus,

[25.a.] sang nṛpa putra tan wawarēngō --/- sira
ri pamidhi sang mahāyati,
nghing parameṣṭi buddha kinnēp nira tulusa
mahāyaṇa brata.

-- 0 --

1. Sdhēng kepwan sang paṇḍita sira tkap sang
nṛpasuta ,
blah tang bhūmī ngke harēp-ira mangang te-
ja dumilah,
bhaṭārī sanghyang ning kṣititala mijil bhā-
swara katon,
catur astānindyābharaja muka sākṣat śāsadhara.
2. Rikan praptānēmbah sira mkul i jōng bhārata
kula,
gēyuh tan śobhāngluh malara rumngō reh
nṛpasuta,
ahā sang śrī śāstrātmaka lihat i bhaktingkwi
ri kita,
praṇamyānggēh donta yadi jnēkēng kānana sabha.
3. Ri tan somyanteng bhūmi sahana muwah ring
kadi kami,
awās tang rāt syuh durbbala ri pamatēk
ning kaliyuga,
mahī nirwījekang rasa nirasa tang niccha
sulabha,
narendrā telik ring parahita mahādharma wisata.
4. Tumut sakweh sang pāṇḍita paramawīprādhikaluṣa,
ndatan manggēh widhyākrama nira tunājñāna
wimala,

725.6.7 wiśirṇṇang strī drohīpriya suta pitā dweṣa lumari,
hanekang dharmma sthāna kuṭi ka -/- wanan tan
hana mulat.

4. Daridrākweh dātasugih lakumēd-atyanta kasihan,
dhirā luh tang pāpituna hurip-ikāṅ buddhi
kuśala,
kuliṇa dāsālpang kujana ratu:sing māna: siniwi,
pratingkah ning rāt yan kaliyuga sukāmbēk
diya diyu.

5. Ya tāṅde kleśangkun rasa bubulana kanggang
kṣititala,
tkap ning mūrkkātyanta kujana mahānāraka rasa,
kasēngguan dening rākṣasa sudaśaputra prabhu
ta ya,
alah bwat ning sāptāṇḍa -girigaṇa denyādbhu-
ta tmēn,

6. Tuwin meh prāptāṅgekajaladi tmah ning
tri bhuwana,
wināśang rāt norang daśadiśi mamōṅg
tan patuduhan,
bhaṭāra hyang śrī buddhaśiwa winayācintya
kahiḍēp,
tkap ning gālaknyādbhuta danuja nā mangda
di: - ta ya.

-- O --

1. Māṅkā ta tmahan-ikanang jagat yadikitān
malēmēha siwinēn,
āpan ta ya humjahane kaśaktin-ikanang
sudaśa suta ripu,

yāwwat kaliyuga jinamūrṭti sang prabhu wnanḡ
tri bhuwana śaraḡa,

[26.a] tāwwat saḡah-ika niyatang -/- sarāt manmu
duhka haruhara sada.

2. Ling śrī kṡititala huwus nirān praḡata
mūkṡa mamarēngi kḡap,
swāpnopama ri hiḡēp-irang munīndra sama hārṡa-
ja mihat.i sira,
kapwānut.ⁱ sawuwus-irang mahīdhara lēwēs hayu
nira pitutur,
sākṡat wayulih.ing-amutēr tasik tkap-
irāmṡta ri yatiwara.

-- 0 --

1. Ndan śrī bhūpati putra tan wawarēngö ting-
kah bhaḡārī kṡiti,
māyābañcana rakwa ling nira tkap ning
buddhi niśśangsaya,
yekāngde lara sang mapotra karuhun sakweh
ni sang pāḡḡita,
sangke. wlas nira ring tri loka muharang
luh mārṡawan ring wijang.
2. Wwantēn teki muwah mahārṡi mawuwus sobhā-
hangan ring manah,
he śrī bhūpati putra aywa kta mangkāmbēkta
mūdheng jagat,
niċcā śāsana sang narāryya yadiyan lunghā-
mrihang śūnyata,
tirthāmet wiṡa sadhraṡanta wiphalang swar-
ggā madadyā kawah.

3/ Āpan rakwa tuwuhta yekan-inusir sang
 wṛddha-wṛddheng tapa,
 ring rūpādhi kawāni śakti guṇaman janmottamā
 nindita,

26.6 ma -/- nggēh rakwa tumirwi rūmta saphalāntuk
 ning kayogīśwaran,
 toh ndyānung palarēnta pan kita tmah yogi
 sanusmṛti.

4. Sangsiptanya tuhanku nora phala ning göng
 sūkṣma mungging wana,
 de sang kṣatriya janma wīra taruṇātang-
 gwan wiśeṣang jagat,
 wwang mūdhādharma kewalanghat-ing-ujar niś-
 tṛṣṇa dhireng brata,
 byaktāwas kabaliknya yan lamu - lamun śighrā
 tkeng pātaka.

5. Nāhan teki wuwus nirāsmu pacēh sakweh ni
 rowang nira,
 mitrānggānya tkap nirekana mahāprāṇarathi ra-
 kwāwuwus,
 ah dūran hana matra ninghulun-ike mwan
 sang munīndrādhipa,
 śṛddhānūta rikang prayojana hade tan dharmma
 sang paṇḍita.

6. Singgih yan sira sang sasar kaptēngan
 dehing manah sangasaya,
 lagyāgēgwan-ikang sukābyudaya kaṣṭe-
 śwaryyan atupis,

yan miśrā kalawan bhaṭāra kta yan śakrādi
 tapwan harēp,
 nging sanghyang paramārtha buddha kinñēp
 sang siddha yogīswara.

7. Lingteki -/- n wiphalang tapenulahakēn de
 [27.a.] sang mahākṣatriya,
 mon hyang mon wara kīnarendra suradāthādinya
 tan wādhakan,
 tonēn hyang parameṣṭi rudra matapeng merwādi-
 parwālama,
 hyang ning hyang sura ning sureka matapā
 ndhyānung pinet denika.

-- 0 --

1. Kalīnghan-ika tan haneki hala ning tumuta
 kni manah muniśwara,
 kalīnghan-ika sang narendra suta mānuṣa si-
 naput i śakti ning tamah,
 bhaṭāra towi nora lena saka ring tapa wi-
 nangun-ireng tri kayika,
 haneka malihang pinet nira turung katmu tinmu
 ning tutur hiḍēp.

2. Awās kita rike manah sang-anmū krama tinmū
 ni sang huwus licin,
 sirānmu ndatan pangaku yan katmu rusit i
 sandi ning hiḍēp,
 tangēh yan-ucapēn tawās twan-ira ring tri
 bhuwana ring-apan kapanggiha,
 prasiddha ng atisunya margga kinñēp nṛpa-
 suta tinut-ing manah lēngōng.

3. Kitāwacana buddhi mūdha ri siran balik
 ika kita mūdha kaśmala,
 pitowi sira buddha mūrṭti ring-apan sira
 [22:6] kawatēka / ring punarbhawa,
 hana pwa gati ni nghulun sama mapakṣa
 sira siwinēn-ing jagat kabeh,
 takutkwi ruga ning tri loka ri huwus nira
 ratu maluyeng tapowana.
4. Nahan ling-ira dharmma mūrṭti tētēs ing ka-
 huwusan i sinādhya sang wiku,
 muwah sahana sang munindra sama māstwa kni
 wuwus-irāti paṇḍita,
 kunang rasika sang sinabdan apa tan sahur-
 asmu wirang mungis-mungis,
 nimitta nira yan milag kadi rare cala
 katngēr i duhka ning manah.
5. Samāntara ḍatēng tikang surasa bhojana hara-
 ka bhinukti tan kurang,
 kilang br̥m ika śūkla rakwa pangēh muniwara
 ri sang nṛpātmaja,
 byatīta ri huwus nirānadhaha nindya suka
 sira tkap muniśwara,
 narendra suta kapwa mamwit-i munindra ka-
 hnēngan i deniran laku.
6. Nda śīghra ri lēpas niran pramuka keśawa
 dumuluri sang nṛpātmaja,
 talun - talun i parśwa ning wukir-aneka kayu
 rēbah-i pinggir-ing hawan,

ptung - ptung i salwang-ing gēgēra wor i wuluh-
ika rumambaying parung,

guhāpbung-ike dalēmnya pilih-ungguan i matan-
[28.a.] ike ghora gēng / galak.

7. Kidulnya hana tirtha nirmala sake ruhur-i
pucak-ikang gunung magōng,
tjunya gumuruh tkeng jurang-awarṇa grēh i pa-
surak ning-ampuhan,
I sornya dhngēn ārjja sanggar awawar janur
aking asamīpa kāhyangan,
pilih makapamūrṣitan tkapi sang kawī hana sē-
sēran tanah tikēl.
8. Narendra suta yeka tandwa marahup sira wkas-
an .-asūryyasewana,
tlasta haliwat laris nira sakerika saha rēṣi
sangghya mangdulur,
jurang - jurang-arēs haneki wiṭa wṛkṣa kēpuh-
agēng-arambuyan matēb,
paranti: paran-ing mahākala duṣṭa mamati - mati
satwa ring wana.
9. Rikā prawara keśawājar-i narendra suta ri
hana ning mahāsura,
gajendramuka śūciloma suta tatwa nika pa-
ngawak-ing kalin tka,
awaknya kadi parwwatāgēng-aluhur matan-ika
rawi tulya ya paḍang,
galaknya kadi kalarudra mihat-ing bhuwana
ri sqēng-ing prakāmpita.

10. Nimitta nika yañcaturbhuja bangun paśupati
 suta ring prang ābhuta,
 /-28-6-7 gaṇānjaya sirā manugraha -/- ni ngūni ri pa-
 tapan-ikeng himālayā,
 tinūtnya pangaran si durmuka tkap nira
 karaṇa nikojwaleng raṇa,
 bhaṭāra tuwi tan mnang mjahaneriya pamu-
 put-ikang anugraha.
11. Ya hetu nika yan w nang mamati sesi ning-
 acala mṛgādi bhakṣana,
 tkeng jaladhi mīṇa durbala tlas pēsu tika
 rinamēs lawan mumul,
 muwah sahana sang tapaswi karikā saka sasiki
 cinidra ring wngi,
 arēs giri - girin sahimbang-ikanang giri tka ni
 ngare nikang wukir.
12. Kalinghan-ika aywa maskun amnēr manalajung-
 irikang kēpuh magōng,
 mahābhaya tmēn yadin kita kaciryana tkap-
 ikanang mahāsura,
 nihan tutēn-ikang awan manngēn ing gēgēr i
 lēpit-ikang gunung kidul,
 rikan tumḍun-ing jurang prawala tan kahawa-
 raṇa sinādhyaning manah,
13. Sirang nṛpati putra mogha wihangākral ipa -
 sayut i rāryya pāḍita,
 kacātrika nireng jagat tumuwuh-ārddha tka ma-
 wlas-ing kamāṅsaka,

nimitta nira yan harēp wruha rikang gaja-
muka makawīghna ning jagat,
[20.a.] malar sira w nang tumanggēhana tan da -/- hata
nika makaryya duryaśa.

-- 0 --

1. Ya hetu sang śrī naranātha putra,
parah nikang wṛkṣa lawan mahārṣi,
katon tikang balung amarwwatāgēng,
kaphāla śelanya prangnya danta.
2. Dukūla lāthanya dukutnya roma,
wḍing - wding wastra rujēt sukētnya,
hatur nika satwa jana prakirṇa,
pjah tkap - ing gajawaktra mūrka.
3. Byatīta lampah nira śighragāmi,
tkerikan gadgada durmmukāhya,
mēlēd mangilwākrak asiṇḍughōṣa,
prakopa yar ton naranātha putra.
4. Ahosyapekong nara dibyarūpa,
tkeyyaku mwang rēṣi śūddha warṇa,
lēwēs ri tan wruh rikang parāna,
lugeng-urip parwwata langghyana ngke.
5. Ndhya teku karyyaryu dumeh para ngke,
gendra kāgāpati dewa towi,
taman ta menghadri suka swabhāwa
tkapku jīwā kṣaya ring wanādri.

6. Lawan syapeki pwa ngaranmu ring rāt,
pilih mahākin nara dewa rāja,
sake halēp tādihika dibyarūpa,
smarāmarānung pinakopamanta.
7. Bhaṭāra wiṣṣu pwa kunang -/-linganku,
[29:6] kitenya mūrṭti hyang-anangga duṣṭa,
prayojanāngadugēng ing kaśaktin,
ulah pwa deādbhuta cakrapāṇi.
8. Tri wikramānung makapāngadantā,
tangañ catur mewwi wu sangkya ghora,
śirah susun sapta matumpa - tumpang,
haneka sewu lwir-ikang matākweh,
9. Īkā ta rūpanta lawan guṇanta,
tahānghulun sora tkapmu ring prang,
yadin kamu hyang suranātha mangko,
hilang tekang bajra wibajra dengku,
10. Nahan wuwus ning gajawaktra rodra,
narendra putrādbhuta sarjja tojar,
tatan surendrāku tan ari hyang,
mahājana kṣatriya bhāratangśa.
11. Nghulun suta śrī nṛpa hastinendra,
prakāṣa sajña sutasoma ring rāt,
marēng giriśṅga sinadhya tan len,
girīndra rājeki ginēngkwing-ambēk.

12. Kunēng nimittangku tkeng kita ngkē,
ndatan :takut matya kabhūktya demu,
mahāyaśārthekei sudharma pinrih,
sudharma dharmmahuta ring mahingsa.
13. Āpan mahāpātakang arddha hingsa,
[30.a.] tininda ring rāt para -/- sādhu melik,
madoh sakeng śūnyapadān paratrā,
sasar mareng gohmuka tambra tēmbē.
14. Sahaśrawarṣā pwa kitan hana ngka,
tinut tkap ning yamadṛtyayodha,
ndatan matī tan mahurip gatinya,
saranta göng duka sadālare twas.
15. Ya teka : pamrat ning-akaryya hingsa,
rajah tamah tan surud ring swacitta,
hilang nikang satwa tkap nikāṅdoh,
hilang nikā śighra tkeng-awēci.
16. Tumut mareng ṣadripu śatru ring jro,
tri wighna pañcendriya mogha darppa,
sudhīra mamah wukir-ing śarīra,
ri tan hanā ning mahasatwa bhaṣma.

-- 9 --

1. Ndah yeka rakwa magawe lara ning tri loka,
siddhātmaḥ tanu gajendramukādipāpa,
bhīneka rakwa kalawan gaṣarājadewa,
īccha swabhāwa nira yan gajawaktrarupā,

2. Lāwān jagat śaraṇa hetu ning-āsyacūrṇa,
 daityādirāja pjaheki tkap bhāṭāra ,
 sūkṣmātisukṣma maya śakti mahāprabhāwa,
 [30:5:7] sot ning wiśeṣa winuwus -/- mara dhagdha putra.

3. Tan mangka teka kita kewala durmukāhya,
 tapwan maweh suka nikang bhuwanā prameya,
 lobhā wērā kawigaran kadi hasti satwa,
 dūran wnanḡ śaraṇa ning bhuwanaṇḡa raja.

4. Wantēn pwa hetu ning-anindhya catur bhujeng
 prang,
 tan sih bhāṭāra juga kewala patakāgōng,
 hāh yogya tinggalaknang gajawaktrarūpa,
 rūpanta teka tinut-ing pati tan tinangḡl.

5. Hetunya mangkana haneki wiśeṣa nātha,
 brahmaja rakwa panlah nira dhatra putra,
 rakanku parṇnah-ira teka jagat praṇamya,
 ghorāniwaryya daśabāhu sḡng nikang prang.

6. Bhraṣṭang watēk kalana de nira ring raṇḡḡa,
 daityādi rākṣasa pjah sahananya bhaṣma,
 yekan takutkwitita yan wruh ha sang narendra,
 byaktan ri duhka nira pan kita buddhi mūrka.

7. Ndah kantēnanya pangucapkwi gajendra waktra,
 satwādicitta rēḡḡpan pwa mahāwiśeṣa,
 krodhanta patyana tamahta ya dohakēnta -/-,
 [31:ā:7] karuṇyabuddhi gawayēn tulakanta mṛtyu.

8. Yapwan wirodha wihangeku manakta mangke,
hingsākuru pwa wala de nika duryāsanta,
byaktang swajiwa matupis guṇa śaktimanda,
de śrī narendra sakaleśwara bhūmipāla.
9. Nāhan wuwus nṛpasutāmuji sang narāryya,
marmānumodhana ri sang gajawaktrarūpa,
durwaktra hewa ya tkap naranātha putra,
hiṣṭanya cañcala bangun gajawaktra krodha,
10. Dhikhah kamu nṛpasutādharma bhāratangśa,
bhānggābhimāna juga taṅ tuhu sādhu ring rāt,
jambat wuwusmu paracidra mahāwiweka,
liṣṭyāmu duṣṭa kuhakāmutungī kadi ngwang.
11. Ndin wīra rāja wnanḡ-adbhuta matyanāku,
brahmārṣi wiṣṇu kawēs suranātha kumyus,
hinghanya sang prabhu kakanyu si dhataputra,
mah dūra rodra mihateki tkapku ring prang .

-- 0 --

1. Nā lingnyān matmah tri wikrama magōng tang
rūpa ghorāhirēng,
krūrāngganya catur bhujā kawasakēn yān mūrṭti
sanghyang gaṇa,
[31:6:7] sātu -/- s teka gaḡing nikā ringi ringī
lwir mṛtyu sākṣat murub,
nāgendrāpaṇa tulya ning tulalayādbhutā ta
medhālangu,

2. Muntab teja nikāgni kātara sakeng kumbhāti-
 rodrān kutug,
 mwang mangkeng matasūryya wimba dumilah mwang
 bāyubajrāngasut,
 syuh bhaṣmyāng wana wrkṣa satwa katunu lwir
 pārwwatāgnyujwalā,
 ūṣṣang swargga tkapnya durbbala salah dhyā-
 nang watēk dewata.

3. Tindak lwir bubulang mahītala blah kombak
 wwaying sāgara,
 kālembang kapalumba - lumba mawērō jong phal-
 wāran karēm,
 menggung tang ĩmawan prakampa kadawut bungkah
 nikang mandarā,
 gambhīrānguluwung katon natar ikang nāgen-
 dra māwrg ta ya.

4. Ghor - ghorang giri rewatekana rubuh glā-
 nang tri loka kṣaya,
 dening krodha nikang gajendra muka śabdā-
 tryāngalun garwwita,
 āyay kṣatriya pāpa duṣṭa lihat-iking-hasti-
 waktrādbhuta,
 yadyan bhūmi sabhūr bhuwah swah-uyēngēn
 byaktātmaḥ sāgara.

5. Sasiptan laku pet kaka nyu -- kēt-ikang śakti
 <ā.ā.ā> jagat kottama,
 mwang rāmanyu si hastinendra pinangēn sakweh
 nikang bhūpati,

hakwīkyāmapagəng raṇāta kēra göng ning
 krodha harohara,
 dhik tan durmukarūpa tāku yadiyan tan
 bhraṣṭa dengkwing raṇa.

6. Nojar sang gaṇa mūrṭti śīghra sumahur śrī
 hastinendrātmaja,
 ai tandang kamu kong prakopa winarah ring
 dharmma śastrottama,
 jambat ngwang ngusirāśrayānurunanang sā-
 mantayodha prabhū,
 bhoh pembuh ṣata koṭi hasti wadanākun
 tan surud ring raṇa.
7. Ling śrī bhūpati putra tandwan umasōtang
 durmukāhyābhutəng,
 sarwwastradbhuta sangka ring tangan-anekan
 śīghra sāmpun lēpas,
 ndātan pamyati sang narendra suta kagyat
 sang parā rṣyā ngiring,
 ngkāne dūra wanān panganti ri sirārēs ring
 warāstrāngawur.
8. Krodhekang gajawaktra sambut-ikangng bhūh
 parwwatāgrāśīla,
 āndēmnyādbhuta bhaṣmi bhūta ri harēp śrī
 bhūminātātmaja,
 sakweh ning wara sañjatātryasasaran lwir
 larwa - larweng-apuy, /
- de ning jñāna wiśeṣa sandi patulak bwat ning
 mahārorawa.

9. Mangkin krodha bhaṭāra durmuka tkap ning
 pārwwatāstrān hilang,
 yekā hetu nirātikāptya muburang treloka bhū-
 mi syuhēn,
 prodbhutang lungayan lumung ya mangawil
 wit ning kṣiti mwan wiyat,
 makrak sang paradewa ghūrṇa lumihat mohūt i
 sanghyang gaṇa.
10. Lāwan sang sutasoma pinrih-iniwō de sang
 watēk dewata,
 jñānānung pamisārjja rodra tulerēn ling
 hyang surendrāwuwus,
 nāhan hetu nireka citta humnēng boddhyāgri-
 mudrā pagēh,
 pōh ning satwa mijil tang-astrabhiduran
 sangkeng swacittādbhutā.
11. Pūrṇang teja bangun śaśangka ri tangan
 śrī hastinendrātmaja,
 tēmpuhnye ḍaḍa sang gajendramuka gēk gēr
 ghyora tan pamyati,
 sangkeng dṛsnya sawang girīndra ḍumawuh
 puh twas nikang rākṣasa,
 glānang nglah juga tar wēnang malap-ikang
 bajrā bwat anglindihi.

-- 0 --

1. Tan sangkeng göng-ing-astra hetu -/- nika
 [22.ā.] yan rasa pjaha wimūrcca kāsihan,
 sāmpan tatwa bhaṭāra rakwa wiṣanāmṛta pawa-
 rah i sang muniśwara,

sor tekang wiṣa denireng kujana tirtha
tmahan-ira ring mahārddhika,
yekā hetu nirang gajendramuka tan papaḍa
tkap i tibra ning lara.

2. Tēkwan hyang gaḡa rakwa sah sira sakeng
asura matutur-ing kaśāntikan,
dening jñāna wiśeṣa śakti rumakut ri wuyung-
ira rikang jagat kabeh,
lāwān wruh sira yan narendrasuta buddha-
sakala magawe jagatdhitā,
nāhan hetu nirān mulih sahalawan surapati
saha dewatāngdulur.

3. Ndan sang kāri wimohita hnēkarēn nangis-
alara mamīnta jīwana,
ai sang śrī sutasoma piṇḍa hapa tāku matlas-
ana hingsakojwala,
māna krodha kaṅungka tan huninganēn tilarakna
ri satwa ning hati,
sangkā yan lara ning manah bhiduradharaga
pjah i lalista ring hulun.

4. Yekā hetu nirān wawang malap-ikang bhidura
maluyi śuddha ning manah, -/-
[33:6:7] śiḡhrānēmbah ikang gajendramuka bhaktya si-
kara ri lēbū ni jōng nira,
pāḡḡyāgurwa ri sang narendra suta ling nika
mamaha suke nṛpātmaja,
yogābyāṣa rikang girindra tumute salaku
nira mahāyaḡa brata.

5. Ndan sakweh nira sang rēsi pramuka keśawa
 datēngi sang sirang nṛpātmaja,
 kapwāngastuti dibya sang nṛpati putra sakala
 jinamūrtti ring sarat,
 tan warṇan ri huwus nireki nṛpa putra
 mamisiki ri sang mahāsura,
 jñānānusmṛtisāsaneke pawarah nira ya sapawarah
 ning-āgama.

6. Byātītan ri huwus nirāmisiki sang gajamuka
 ri katatwan-ing dedi,
 lampah śrī nṛpa putra yeka caritan sira lu-
 maku lawan munīśwara,
 ndan sang sāmajawaktra tan saḥ -angiring
 ri sira manusup-ing wanāntara,
 grong durggārēs-ikang kalakwan-i lēpit - lēpit
 i siluk-ikang gunung midēr.

7. Kañcit rakwa haneki nāgapati kādbhutan tka
 saking-agra pārwwata,
 ngak - ngāk śabda nikang harēp mamangane
 nṛpa suta dinunungnya göng ga - / - lak,
 yatnekan gajawaktra yāngalangakēn tan upin
 ulanganing mahābhaya,
 ghorang hangga sapārwwatāgra binōbbēd ning uraga
 giri mandaropama.

8. Krūrekan manahut manōbur-i mukendriya gajamuka
 suddha niścalā,
 bāywagnyārdhana tatwa yeka pasangōnya gumsōng-
 ana nāga bandana,

he sang durmuka aywa mangkena wuwus nṛpa
 suta lawan muniśwara,
 ten dadyā muni bodhdhapakṣa satatāmati - mati
 makabuddhi mangkana.

9. Āpan rakwa bhaṭāra buddha sira satwa karuṇa
 sahaneng jagattraya,
 yadyan śatru tkap nireki juga tan pinṛjaha
 nira kewalāhning,
 jñānāweṣa minuṣṭi rakwa makaśastra pasukakēn-i
 citta ning musuh,
 byaktang krodha mamūrṭti satwa manukula tkap-
 ing-ati paṇḍiteng manah.

10. Yekā rakwa tinūt nirang sugatapakṣa satata
 magawe jagaddhita,
 ton ngūnī ngwang-i gōngta rudra sakaleng
 guṣa mahli kasāntan ūttama,
 mangkā te -/- ka kabuddhya sang gajamukāngla-
 wanang-uraga śakti digjaya,
 sambyān rakwa parikṣanēn gati jināsmaraṇa ka-
 raṇa ning jayeng raṇa.

11. Nāhan ling jinamūrṭti durmuka ri katutur-i
 sapawkas nireng dangū,
 sāmput rakwa lēpas manahnya yuga pāt mamarṣ-
 ngi ri manah nṛpātmaja,
 kapwārok mapisan tkeng bhujaga padma hṛdaya
 sira jīwahāraka,
 glānang nāga wimūrcca kesṣp-anibeng kṣiti
 malupa ri dhagdha ning hati.

1. Wēkasan ta yānglilir-i sāmpun-ika mahli
 citta satwika,
 aharēp subhaktya ri gajendramuka ling-ika
 dharmma mūrttikā,
 gajawaktra śighra matulak tumuduhakēn-i sang
 nṛpātmaja,
 sira teki sang humuripīkita sakala wisēṣa
 paṇḍita.

2. Ya tinutnya yen pṛṇata bhakti ri suku
 jinamurtti sādharma,
 gajawaktra harṣaja mihat milu musapi lēbū
 ni jōng nira,
 karuhun maharṣi paḍa māstuti ri sira tkapnya
 śāntika,

[32.a.] kawngan tumon ri kamahātmyan-ira tu -/- hu
 bhaṭāra ring : jagat.

3. awiwakṣi teki laku sang nṛpa suta wuwusēn
 kathākna,
 tka ring jurang mayukapārwwata kayu wki sēk
 nirantara,
 pang ikāwilēt lumalaying hawan amuhara
 sanghub-ing wukir,
 matmah ptēng ri tkaning limut-amaḡēmi tikṣṣa
 ning rawi.

4. Gunung-adbhutāsmu mahāsura katmu ri madhya
 ning waḡa,
 matutuk guhālwa masiyung kpuh aruhur anganti
 ring gēgēr.,

mata tulya bhaskara śilāputih-akalangan-ing
gunung miḍēr,

maṣawit latāgōng-angurambat-i parangan-ikang
mahāgiri.

5. Baḡamanya megha ri ruhur lungayan-ika kuwung-
kuwung pluk,
saha bāyubajra kumusuh kadi laku nira rodra
gōng galak,
wkasan mirir - mirirakēn kusuma tka ri jōng
nṛpātmaja,
kadi sēmbahanya tumutāngiringa kadi gajendra
waktra ya.
6. I tēpinya sumber-umijil mēsāt- asmu ririsnya
kānginan,
hana satwa rāja ri samipa nika wahu mijil
sakeng guha,
maharōp mamuktya ri wkanya dinmak-ika mēpu
kāsīha -/- n,
makḍal - kēḍal manangis-ahyun-umura ya gupay
katindihan.
7. Nṛpaputra tandwa lumihat sira - tumuluya
śabda wakpaṭu,
mṛghanātha he bibi huwus juga hila - hila
aywa mangkana,
tuwi tan waneh wka tkapta hamiku makamangsa
bhakṣaka,
putus-ing kaduryaśan-ikung pati niyata tkāng-
upādrawa.

8. Tuwi nora pāpa kadi pāpa ning-anak-atiduṣṭa
ring yayah,
gurutalpakēki ya paḡanya niyata tka ring
yamālaya,
ndan-alah kapāpan-ika karwa tkap-i laku sang
mṛgādhipa,
ngka sahaśra koṭi kta pāpa nika ya mawarah
ning-āgama.
9. Kalawan ta yeka hana dharmma wacana suta-
kirttya ring jagat,
talaḡādikūpa surayajūa janayaśa kasor tkap nika,
apa yan w nang gumawayang kriya saguḡa ning-
ātmajottama,
karuhun kasangkalan-ikang bapa bibi ya lē-
pas nirātmaka.
10. Iti nā wuwus nṛpati putra numuhuti rikang
mṛgādhipa,
mṛḡa singha yatna sumahur wacana nika ri
sang nṛpātmaja, -/-
[36.a.] wruh-ikeng hulun ri guḡa doṣa ning-inucapakēn-
ta yogyana,
nghinga teki mogha kawahan lapa karaḡa ning-
ingsakātmaja,
11. Akire waneh ngwang-iki tan hana kaw nang-
iking mṛḡheng wana,
pṛmuka knas kapi lutung wijung-ika sama
durbalālayu,

nguniweh ta sang tapa kawēs giri - girin-
ika mūrṭti ning hulun,
karaḡa ngku yan suta subhojena ri pamatēk-
ing hilālapa.

12. Śubhawākya mangkana rikā nṛpa suta saha luh
nirantara,
siliḡiryya rakwa kaharēp nira matalanga jīwa
sakṡaḡa,
taḡahēnya tan swanga lemun mahuripa wka
ning mṛḡādhīpa,
paramārtha dharmma ngusirēn karuḡa ri lara
ning nirāśraya.

-- 0 --

1. Nāhan ling sang narendrātmaja parama sukāmbēk
nikang satwanātha,
tandwoḡanyāḡ huwakēn wka nika malajēḡ
mungsiṛeng deśa durgga,
amham yan ton sirang bhāratekula pamēpēḡ
ning wayah yowanānwam,
hetunyār-angsa yan garjjita madēḡ-i harēp
śrī mahārāja putra.

2. Prodbhutang hakṡi mulyār -/- siyung-ika
malungid katarangap nikalwa,
karwang haṡṡātitikṡāringi - ringi rumakut
yyār ngga sang nātha putra,
mumbul sangkēḡ jajādṡs ḡātih-ira cinucup
denikng satwanātha,
glānāḡlah citta nirbāḡa ya rinēḡēp-iran
mantukēḡ buddhaloka.

[36.5.]

3. Ndan sang hastindra waktrā mwang uraga
kalawan keśawā glāna citta,
kepwan dening manah tan wngang-asayuti sang
śrī mahārāja putra,
āpan sampun purih sang kumawasak nikang
boddhi satwopadeśa,
tulyekāmbēk nirānūng pjaha mahuripānghing
yaśawṛddhi mulya.
4. Byātītan līna sang śrī jīnakula pinangan
denikang satwanātha,
liṅgū tang bhūmi tan kram hyang-arūṅa ma-
lara lwir nirāngdoh mangulwan,
tan śabhang byoma kadyāngśmu tangis-i tṅuh
ning ghyāṅāsanghub-angluh,
gēntōrnyāsamba - sambat kilat-asmu kḍap ning
tṅuh mārkatikēṅan.
5. Lāwan sang satwanāthāsmu kahuwan-i pjah
śrī mahārāja putra,
dening rah kesēp-ārddhāmṛta mamarēgi garbbhā-
mangun śāntacitta,
[37.a.] mangkin kāngē -/- n warah sang muniwara sira-
yan rāja sunwāniwaryya,
hetunyan bhakti tansah manangisi ri dagan
sang mahānātha putra.
6. Hāh-ah he bhūmināthātmaja pahurip-atah sang
mahāboddhisatwa,
tinghalte duhka ning kaśmala mamati tuhanta
nyatāṅḍa doṅa,

āpan byaktekanang pāpa tumuwuh-asēwō wōltik-
ing manakarmma,
lud ngwang satwātimuḍācēm̄r-aku ring-apan
tan tkeng rorawāngga.

7. Sangsiptan piṇḍaha pwang hulun-atēlasanā
dweṣa ring putra dharmma,
māryyānggēng krodha māryyangapakangapaka ring
sang mahāpaṇḍitāgra,
yāpwan sangkeng lalis sang nṛpa tanaya
thēr matya tan labḍajīwan,
mīlwa ngwang līṇa wet ning taya manginaka-
neng hingsa kābuddhipāpa.

--- 0 ---

1. Nā ling mṛgendrāwacane nṛpātmaja,
ndan dura rakwāmuripang huwus pjah,
satwendra yekāmriha minta patyana,
de hastiwaktroraga mukya sang rēṣi.
2. Ndan sang śinabdan sira teki langghyana,
puh twas niran kewala dukitā -/- nangis,
[32757] satwendra dhīrapatya tumārjjanatunu,
diptang nakānghing pwang-iniṣṭi pālaga.
3. Ndah hyang surendrādhipa ring sulaya,
prāpteki tandwohuti sang mṛgeśwara,
bhoh he kitang mong bibi aywa mangkana,
nyātāku hetwang mahurip nṛpātmaja,

4. Mangkānāwāk śabda nirang surādhipa,
dhyāyī kṣaṇā śrī nṛpa putra manglilir,
buddhasmṛtī pwang winibhājya ring śawa,
mwang pañcabāywardhana sangka ning hurip.

5. Pūrṇang śarīroki muwah kading dangu,
lwir supta polah nira tekya mār bangun,
ngkā teng macan bhakti ri jōng nṛpātmaja,
mwang hastiwaktroraga tuṣṭa sang rēṣi.

6. Ndān śrī narendrātmaja mepu sungkawan,
mangke ri jīwā nira de śatakratu,
lwir dāna ring wwah dhana ratna kañcana,
tambośading-angga sulakṣaṇottama.

7. Āpan tikang wwang matakut ya ring pati,
lud tar wruh-ing margga wiśeṣa ngungsirēn,
trpṅng ng anak mwang putu patnikānglare,
/ 38.a. / yogyan huripnyān tulungēn suredhipa. /

8. Ngwang teki dūran hana mātra tolihēn,
tyageng hurip dharmma wiśeṣa mulya ya,
niṣkāraṇolah suranātha ring hulun,
gōng bañcānāmbēk tuna dharmma kewala.

9. Nāhan wuwus sang nṛpa putra mangkana,
ai śrī narendrātmaja ling surādhipa,
sih teng mahāsatwa jagaddhitenapi,
donkwāmalang ri prakṛtinta yan pjah.

10. Ngūnin pjah teki tkap mṛgeśwara,
 wlasterikang mong suta saṅgi ning hati,
 līnanta yekā mṛganātha matyana,
 patyānya nirdon karuṇanta ring jagat.
11. Jīwanta mangke paramārtha ring sarāt,
 jīwā nikang satwa mahāsukeng manah,
 yāwat pjah sang nṛpa putra ring wana,
 tāwat pjah tang mṛga satwa tan kasah.

--- 0 ---

1. Sangksepanya ya hetu ning wawang-anindya
 humuripi kita,
 tan sangkeng wara bañcanāngalangi dontan
 umaluya jina,
 dharmmānūta ri sihta ring sakala satwa
 ya karaṇa tmēn,
 āstam jīwa ning jagat ri tka ning bhu-
 wana haruhara.
2. Ling sanghyang suranātha ring kṣaṇa mila/- g
 sira tatan-ucapēn,
 somyāmbēk sutasoma deni pangucap niran-
 amlasakēn,
 mwang sakweh nira sang rēṅi pramuka
 keśawa ta paṇa suka,
 durwaktroraga satwanātha karuhun rēṅi ri
 surapati.

---- 0 ----

1. Satwendroraga tika mukya hastiwaktra,
bhaktyāngāñjali ri sirang narendra putra,
kapwāminta winarah-ing mahopadeśa,
dwārānang tutén-ing-acintya sūnya margga.
2. Āpan kwēhi manahi sang mahātiyogi,
wantén nirmmala bhawa mokṣakān ginéng twas,
len tang tyāga pjah-anung ya teṣṭa dharmma,
panglinggan nṛpa suta nāṣṭamangkya mulya.
3. Sangsiptan lēwih-ikanang paratra margga,
sangkéng mokṣaka ri hiḍép patiknarārya,
dhū bhagyādhika pangucapta sādhu ring rāt,
ādya ngwang majara masakṣyā sang rēṣindra.
4. Singgih ling ta parama mokṣa mārḡga dibya,
dening rāt kunang-ika sang mahātiwidwan,
tak mokṣāngga juga wiśeṣa dharmma margga,
mātyasing saporaga ning kaboddhisatwam.
5. Pēh ning śastra tkap-i sang -/- wiśeṣa sādhu,
[39.a.] yadyan pālōha suka yan parārtha donya,
dūrlakṣmyāthawa sugiheki tan wikalpa,
mon matyāhuripa lamun jagaddhitārtha.
6. Nghing tekang parama niraśrayeki gōngōn,
ring jñānādhika wkas-ing mahāwiśeṣa,
tan swarggābyudaya siran pangekacitta,
yekāngde sasar-ikanang paratra margga.

7. Toh ndyānūṅ wiwitan-inālinganta mangko,
widhyādi krama ginlar tkap bhaṭāra,
dharmaḍdharma tuwuh-ikang samāsta bhūmi,
māti mwang mahurip-aneka sṛṣṭi ning wwang.
8. Pūjā yoga japa samādhi dāna puṇya,
len tekang brata śuci pakṣa bherawātwa,
salwirnyeng-aśubha-śubha prawṛtti ning rāt,
jñānāweṣa milu tumut puṇarbhaweka.

--- 0 ---

1. Kunang sang wwang niśreyaśa nira tatan
siddhi ring-ulah,
ndatan pūjā tan yoga ringṣp-irā niṣha-
wasada,
luput sangkeng bhāwakrama pati hurip tan
pangawara,
apan sākṣat sangkan paran-ika sirācintya
bhawana.
2. Sireka dṛwyājñāna tiga hurip-ing bhūmi sahana,
bangun phalwei wwe tan milu ba -/- nū si-
6-32:5.7 reng duhka suka len,
guṣānekālit tan lēga masōk-ing-ālwādbhuta tmōn,
agōng tan mopōk mañjing-ing ahṣt-ikā sūkṣma
sumilib.
3. Kalinghanyewēh sang winuwus ning-wang-amuwus,
apan rakwokin tan w nang-inubhayan pan sira mucap,
sirānonton katon sira juga manon pan sira
manon,
adoh tan dūra ngke sira ta maparēk tan kaparēkan.

4. Ya tekā pinrih ming wiku ri tka ning
 dharmma kapatin,
 sawang kris sah sangkeng sarungan-inunus
 ten kawaragan,
 tkap ning tri nyārok rwa pinasah-ireng
 jñāna wimalā,
 wiḍagḍāningkaproma salaya tinūt ning nirupama.
5. Acintyānumpak ring taya matapakan bhaṣkara
 wulan,
 ikā lwir sang liḡādhika sama lawan mokṣa
 karaṇa,
 nda sangsiptan sing solaha juga lamun
 nirmala sadā,
 prasiddhāmor-ing ten hana kaluputi wāhya
 wibhawa.

-- 0 --

1. Nāhan ling jinamūrṭti mājar-i kadibyan-
 ing pati - pati,
 mwan tang mokṣaka margga kempōn-i wuwus-
 nirān pawacana,
 ndan sang samajawaktra nā -/- gapati satwa-
 nātha karuṇa,
 bhaktyāngaṅjali jōng nirā melaku sih nireki
 tulusa.

[40.a.]

2. Dening yoga samādhi tan hana ri sang nir-
 aśraya yati,
 nistang margga wiśeṣa rakwa ri hiḡḡp
 patik nṛpa suta,

siddhang yoga yānārdha ling nira niraśrayeki
kahiḍḍēp,
nēm kwehnyādhika ring śiwatwa ya rēngōn
mahottama tmēn,

3. Pratyāhāra kalanya kālapan-ing-indriyeka wi-
nalat,
sangkenng artha jugeka rakwa makamargga bu-
ddhi wimala,
nyāng dhyānādhika dhira yoga humiḍḍēp swa-
sāḍhya mapagēh,
nirbyāmoha taman kasambi ring-ulah prapañca
satata.
4. Prāṇāyāma ngaranya bāyu winatēk marēng
hulu tngah,
sarwwadwara minēb tkapnya tinut-ing wisēṣa
katmu,
om kāra praṇaweki munggu ri dalēm twas-
arddha ya kasēk,
wet ning tatwa śiwatatwa dhāraṇa ngaranya
yoga saphala.
5. Len tang tarkka ngaranya yoga gaganopamaṅ
manahawā,
nghing tan wāk dhara rakwa len-ika sake-
rikang awang - awang,
mwang tang jñāna wikalpa tār -/- jñā ma-
lilang wisadhya pinēlēng,
nissandeha samādhi yoga pangaranya mokṣa
karaṇa.

6. Tandwang-aṣṭaguṇan kapanggiha tkapnya rakwa
karuhun,
dṛṣyādṛṣya wasitwa ring bhuwana rudra
mūrtti sakala,
yekāngbwāti manah nirang paramaśanti kāryya
nipuna,
kempēr yan rusit-ing jitendriya jurang
ning-ambēk-ahajōng.
7. Yapwan dhīra manah ta tunggēng-ikanang swa-
citta mabnēr,
tan kewēh tkaping tri kāya wala siddhi
sarwwa karaṇa,
kewēh ning tri guṇātmakārdha ya huwus
kasimpēn-amatēh,
ngkā rakwan sira śūnya rūpa paramārtha
tatwa kahiḍḍep.

-- 0 --

1. Nāhan tingkah-ikang śiwatwa ri sirang śewā
swapakṣādhika,
bheda mwang jina tatwa teki ri sirang
boddhā prameyeng jagat,
sanghyang adwaya yoga sandhi pinakṣṭi
dwāra sang bhikṣuka,
ang hāh śabda nikang swabāyu ri dalēm
kaṇṭa prasida ng hayu.
2. Rōp prāptang rawi soma denya sumaput ring
deha śuddhākṛti,
mwang tang adwaya citta diwya mapagēh ngkans
-/- manah nirbhaya,

- pōh ning rwānupamātīśīghra ri wijil hyāng
buddha tan kāwaran,
śūnyākāra diwangga nirmala siran nirbāṇa
nirlakṣana.
3. Āpan tan śīwa tan maheśwara siran brāhma
tan keśawa,
tan sanghyang parameṣṭi rudra tuduhēn dū-
ran kawastwerika,
singgih yan paramārtha buddha tmahan sang
siddha yogīśwara,
īcchā nora kasangśayāganal-alit tan matra
mātreng sarāt.
4. Nāhan hetu bhaṭāra buddha kahiḍḍep putrā
prameyeng jagat,
sanghyang adwaya rāma tatwa nira de sang
paṇḍitāṅghaywani,
prajñāpārimitebu tansah-i sḍḅng yoga sānumṛti,
tan rāgodaya bhīna rakwa kalawan hyang
durmukengātmaja.
5. Mangkā śīla nireng mahāyaṇa wkas ning
boddhisatwan laku,
wet ning tatwa wiśeṣa tan huninga ring
haṣṭeswarānindita,
yāwat prokṣaka rakwa tāwwat-ikanang niśśroya
śewēh pinet,
nāhan hetu nirang śīwatwa makaḍat mung-
syāmriheng śūnyata.

1. Sangsipta teki bapa sang gajawaktra rūpa,
41.5.7 mwang -/- nāgarāja karuhun wara satwanātha,
 prih aywa tan duga - dugāwuwus-ing kadi ngwang,
 buddhopadeśa tka ring śiwatatwa yoga.
2. Āpan tiwas juga sirang muniboddhapakṣa,
 yan tan wruh-ing paramatatwa śiwatwamargga,
 mangkāng munīndra sang-apakṣa śiwatwa yoga,
 yan tan wruh-ing paramatatwa jinatwa mandha.
3. Nā de nirāngucapakṣēn wacanopadeśa,
 tan lamba - lamba tuhu yañjinamūrṭti sākṣat,
 durwāktra nāgapati satwapati praṇama,
 bhāktiyātibhakti manaḍah wacanātiguha.
4. Sāmpun mateki ya kinon-ira bhikṣwa wikwa,
 yan kṣetra sindu giri songgwanan-ing mayoga,
 nging tan pakarwana tapowanannaywa mangkā,
 tan mangkaneka gati sang wiku boddhapakṣa.
5. Nā ling niran tan-ucapēn ri gatinya rakwa,
 warṇnan sireki tka ring giri merurāja,
 rāmyāng tapwana rikonggan-i sanghyangūni,
 muṇḍī swabhāwa sira yan makabuddhiśanta.
6. Sang keśawārṣi masayut sira tan wikalpa,
 mangkin kadhīran-ira ni manah nira neka -/-
42.8.7 citta,
 nā hetu sang rēṣi mulih saha mitra sangghya,
 sāmpun sirojar-i munīndra sumitra boddha.

1. Byātītan ri lawas nireng wana mahōm sura
gaṇa rēṣi sangghya warṇnanēn,
wrin - wrin deni kśaktin-ing sudaśa putra
ri patapa nareśwarātmaja,
māyā bañcana teki rakwa glarēn tkap-ira ri
mahārddhikeng manah,
donyān maryya nirān wirāgraha niraśrayan-
atmaha bhūmipālaka.

2. Nāhan hetu nirang surāpsara wadhū marōka
paḍa kinon sureśwara,
mwang sakweh nikanang huwus kṛta yaśeng
ayu mangalahakēn jitendriya,
prāptānambah-i jōng surendra lungayanyan-asōmu
lēmēs-ing wlas-arēp,
tinghalnyāngarawinda yāngēnani sōng smita
sahana lanāmangun lulut.

3. Lwir mūkṣan dinōlō waneh pramuka sang su-
kirapa kalawan tilottama,
sanghyang brāhmā sirātimarmma lumihat winaling-
ira samāwatīn marēk,
hyang śrī ling madhu sudhanājar-ira yan ḍa-
tōnga tkap-~~ij~~kingkinging hati,
dewī śrī giriputri teki kahiḍōp paśupati
tkap-ing manah lēngōng.

4. Mangkang citta -/- nireki karuhun surapati
sira teki göng lulut,
hinghanyān sutasoma ling nira bhaṭāra sira
sama knā prih anglare,

tan warqnan ri huwus surendra mamkas - mōkas-
i hayu ni sang mamañcana,
sāmpun mamwit-i jōng purandara ta yanglaris-
akna saling surādhika.

5. Tanngēh yan huningan lakunyan-amōgat tawang
amungar-i sanghub-ing langit,
lwir wintang mangalih parēng ri pakatonan-ika
sumawur-ing nabhaṣṭala,
wōrnyānrang śarapuṣpa mamatha sakeng laras-
asmu sēkar sōng lurus,
mārqnānapura bhūṣaṣanya kumñar kadi kilat-ali
wōring ambara.

6. Eñjing prāpta ri jōng nikang giri tapowana
pada ratih-imbanging gōgōr,
sōngkan - sōngkan-ikīng turun-turunāning jurang-
i hawan-ikāmangun lōngō,
kapwāhurhur...aneñuh-ambēk-angayuh skar-asana
hana mwan wungu,
len tekang mangayuh gaḍung kalukaran tapih-
... i kicut-awarqna ring jinēm.

7. Lumrāwrā tka ring wanāwija-wijah kawigaran
i kalungwan-ing skar,
lōnglōng piḍa nikang wukir kadi kamānuṣan-
umulat-i rūmnya wah langō,
/43.ā.7 nirdon tang kati -/- rā kta deni manis-ing
laṭi masmu pinañcēr-ing guyu,
kumbangnyāngngih-ing skar hilanga deni rēngih-
ikana pēt karājasan.

8. Nyū dantārēja kengin-engin-asaput hima ri
gmuh-ikang payodhara,
moghārēs-ikang wuluh gaqing-aneka girimisin-
i gatra ning tngah,
tan śobhang rawi kewran-angrsi glungnyan-
ammu jaladhī hēmū hudan,
hyang candrākucēm-erang-ing dina tkap-... ning
muka nikana mūrṇa candrama.
9. Gangānghertali ring jurang swaran-ikān karu-
huran-i patangkis-ing kale,
meghārangrangi ring tawang ring-apa yan kna
hulēs-akneng-acangkrama,
gēntēr mandra muning dukilyan-apēyēh - pēyēh-
i sirat-i de nikāng-ucap,
hrik ning sundari sinrang-ing tangis-i de
ning-ulari rabhaśe mneng jinēm.
10. Sakweh ning kalangōn paqārēs-awdī hajēng-
ika kadi mukṣa ring skar,
lwir hyang ning maśa karttikānuruni pangjrah-
ing-asana ri tambaying kapat,
len tekang kadi campakāsmu wilis lēngēng-
araras-arumpukan mēnur,
nēr twasnyāsmu rāga kāraṇa kangōn-angōn-i
lulut-i sang pa -/- keṣṭinēn.
11. Honyekang hana ring śilānayana ring witing-
asana sumanḍayāngligā,
glānāmbēk nika yan rumēngwakēn-i kas-
tawa ni manis-irang nṛpātmaja,

ring rūpādhika wijñā sarwa guṇadhāraja wkas-
ing-inuttamottama,
yekēngde rōṣṣp-ing sakendran-i tuwuh nira sa-
hana rinēngwa rēngwakēn.

12. Kirṅnekaṅ mangarang wimohita sawang tinulis-
akni lunggah-ing gaḍung,
lēnglēng lwir hinawēsa ring smara kadīng-
hulah-ulah-ing-akung kneng hunēng,
dudwekaṅ mahangan hanān kadi huwus wruh-i
sira kadi kadyanungsunga,
cōt len tang katkan huripaya tka ring swa-
pna kadi katon sumaqḍinga.

13. Wantēn lwir siluman ḡatēng kadi tulis wahu
pinōpōs-angambwakēn raras,
ngkāneng hyāsa ri himbang-ing jurang-angungkuli
bañu tumḡun sekeng wukir,
tan ryāmban gumuling mahāngisisakēn tēngah-
añuriga kabwatan susu,
tan śobhānglihanan sumungkēmi kerang hulu lē-
ngēng-amarantyakēn tangis.

14. Ceṭinyāḡlaraneka ring natar-āpet raras-amupu-/
[44.ā.] skar tlas ruru,
len tekang hana ring batur marēk-i jōng ra-
siki rōṣṣp-amangku pāwahan,
tēkwān wruh ri tuhanya yan milu wirang rwang-
angōṣṣan-anambyakēn lulut,
māramanyāsmu rāga hetu kawuwusnya kadi madhu
pinōncōr ring juruh .

1. Tuhanku sang-awarṇa rātna liningir pinak-
inapi riniñci ring smara,
sang-adyah-inucap sawang tmu sakeng jaladhi
madhu ri pangjrah-ing skar,
bangun karawuhan raras hati tkap ning-atanu
pinakeṣṭi ning hiḍḍep,
alum kadi lung-ing wasāhyun-amilēt lirang-
i pamanas-ing dinākara.

2. Prayojana ning-anghyang ojar-i tuhanku mapa
kari wirang rwang-ing hati,
mapeng kirekireki marmma ning-aśāsmu tan-
atēn-i rāmya ning wukir,
nihan rari ya rōngwakēn pangucap-ing wwang-
umucap-i nareśwarātmaja,
wanah hana kalangwan-ambōk-atmah tangis-awtu
palambang-ing yaśa.

3. Atita ring-atita rakwa ta ya bhūpati maḍana
ri sang nṣpāt_maja,
sang-ārjjuna sahāśrabāhu ring-uśāna sakala
parameśwarātmaḡa,
[44.5.] narendra suta rāmahadra hari -/- mūrṭti pi-
nuji kadi dewa manmata,
sang-ārjjuna surendra putra tuwi tan siring-
ira lituhaywan-indita.

4. Bhaṭṭāra tuwi tan hana mapaga rūpa nira
perama nora darśāḡan,
surendra tiga netra keśawa sirāhirōng-analaha-
sāmbōk-ing rimang,

prajāpati catūrmukāṅgṣi manah ning-umulat-
 amangun raras hati,
 hyang-Iśwara ta nīlakaṅṭha makedoṣa nira pa-
 ngucep-ing janā kabeh.

5. Sirang madana mūrṭti ning turida rāga sina-
 maya kning karasikan,
 surūpa wkas-ing raras kadi rusit ning-aji
 ri lēyēp-ing nira kṣara,
 ananggamalaratna rūm nira tatan pakatuduhan-
 anūkṣmakēn wulat,
 niraśraya tēmēn sireki wiparita kahabṭa ri
 laywan-ing glung.
6. Nda yeka magawe wiyoga ning-akung kalahan-ira
 tkap nṛpātmaja,
 prasiddha wkas-ing niraśraya yayan kna winula-
 than-ing kneng hunṅng,
 manis ni pangucap nirāsmu tkāngupih-upiha mnen
 pamangkwakēn,
 dlit ning-aśarīra tan panirakēn sing-ulaha
 nira yogya sāmathan.
7. Yadin lēpas-amukṣa - mukṣa -/- na mareng pasir-
 i walakang-ing karang liman,
 katon lēyēp-irāṅgīapwakna rūnta saphala sura
 ratna kanyaka,
 bhajāra kusumāstra komadayitānurun-ika sira
 karwa mar bangun,
 bangun kama sihēn sireng panangis-ing patṣr-
 aktṣran-ing labuh kapat.

8. Kalinghan-ika māsku yogya dahatēn pangutus-
 ira surendra tanggaman,
 sājōng karaḡa ning rimang sira lamun kawangka
 juga rakwa bañcanan,
 apan kita jugeki rakwa makapāngreḡa ri
 pjah-ikang jayāntaka,
 titir wacana sanghyang-indra ri siran sumi-
 liha kadi sang dhanañjsya.

9. Nahan ling-ika yan pamarḡnana ri sapolahan-
 ing-angayu rāga ring tilam,
 jagēr twas-ika sang śinabdan-asahur tangis-
 angusapi luh tibeng pipi,
 kakāngku yaḡ tikāmrih-i twas-i yarinta ri
 pangutus-i sang surādhipa,
 asambhawa ngaranya dūra ri pakon-iran-amuhara
 luh kinēllekēn.

10. Gaḡung lumayangol tawang ring-apa yan wnanga
 milēta wimba ning wulan,
 42.9.7 wulan ri kūar-ing dinārkkā -/- wiparita su-
 minanga ri tambwang-ing kapat,
 kamatya pati ning gḡh ring-apa yan sumkarakna
 pāngjrah-ing skar,
 skar ri taya ning madhubrata bangun kusuma
 kera wirūpa kāsihan.

11. Prasiddha raras-ing skar hilang-i tan tkani
 raras-ikang macangkrama,
 hilang raras-iraśmi ning hinalēm-ing sanagara
 yadi tan sinānmatha,

ndatan pahilawan raras - raras-irāsmi ning-
 inutus-anūkṣma bañcana,
 hilang mara rarasnya tan pararasan raras-
 ika tkap-ing jitendriya.

--- 0 ---

1. Ikāṅde lēnglēng ning hati sumusuk-ing citta
 kumtēr,
 wirang rwang ambēk de ni wira - wirang-ing
 rāga sumaput,
 tuwin dening kung ndin wnanng-umulatī rūm
 nira lēnglēng,
 apen sākṣāt sanghyang smara mangulanēh ring
 wang-alangō.

2. Hahah rakryan sangkonēng-unēng-unēng-ing adya
 angarang,
 lihat pweking sambatkwanangis-angayap tan
 wring-ulaha,
 mara ngwang yan sāmput wihikana tuwin
 sojar-adalēu,
 bangun lēnglēng dening patēr-aktērānggyākma
 langō. -/-

[46.8.]

--- 0 ---

1. Rakryan yan hana sanmathanta ring-akung yadi
 tulusa ri sihta ring hulun,
 ndatan mūra ya tākutan kadi manah - manahan-
 ing atibañcananglaro,
 sthityātunggwa daganta ring dukuh-amūkti
 kalēngēngan-i rāmya ning wukir,

yadyan mantuka ring swanāgera sukākwa tmaha
paramēśwa ring puri.

2. Ring janmāntara yan madhubrata kitā ngwang
asana harasēnta ring taman,
sugyan lēnglēng-amarṇanang kakawin-ārjja
karasapaknangkwa tansaha,
mwang yan kārttika māṣa pāwakan-i rūnta gṛh-
atmahangkwa lampunēn,
sakwan selwana rāmya solura rarasku saskara
sasinwam-ing langō.

--- 0 ---

1. tangēh yan-ucapēn laranyan-amgūng tangis yā-
skāl,
lalu pwa ri tiling hyang-arkka maṣa tistis-
ing we ḍatēng,
huwus sama maśwaśoca śubha lakṣaṇāṅapsari,
nda śighra tumuluy sumēngka ri hiring - hiring
ning talun.

2. Paṭinghalen-ikenawang kusuma parwwatāmarwwata,
bangun giri suwarṇa teja kedi pāwwakātyādbhuta,
[46.6.] tkap nika -/- madewa bhūṣaṇa makambalārjjāṅ-
suka,
maṇḍra pinakorṇa kostuba tutup glungayo-
murub.

3. Byatītar tka ring tapowana' tikang surāstra-
nyāgirang,
girāhyasēn-i pāṅjrah-ing kusuma parwwatāṅde
suka,

wawang mungang-i sang nṛpātmaja haneng
gibālwādbhuta,
katon kadi tan ing rat-ing gati raras
nirāweh lōngōng.

4. Sutsja kadi sūryya wimba rasa tan kocapā,
anūkgma kadi tan kawastwana sire padewāśrayan,
ri de niran-awarṇa campaka bangun tapāl
mas katon,
swabhawan-ira māyā - māyā kadi mōra mukṅg
tawang.

--- 0 ---

1. Sākṣāt sūkṣma wiśeṣa ring bhuwana rūpa nira
ratu dewa ning rimang,
hokacatra sireng manis siniwi ning juruh-
i wulat-irāgrasika,
mudrākāra bhāṭāra śākyamuni tang kinatutura
ri tungtung-ing hiḍḍp,
lwir hyang ning kusumāsamādhi maharēp tu-
runa ri kalangwan-ing kapat.

2. Ndan sakweh nikang-apsari paṣa jngōr mihat-
[47.ā.] i sira surūpa dig -/- jaya,
singgih yan para dewa nora maḍane sira
nguni - nguni yan prabhūttama,
tan sangkeng paramārtha dharmma ngusirēn ka-
raṣa nira mayoga dharaka,
erang rakwa ri nora ring sawawa rowangan-
ira pakadewa ning puri.

3. Āpan yan nṛpapatrikā niyata tan hana sa-
wawa nirānūṅ enaka,
ring swarggāmarakāminī pwa sawatōk rasika
paḍa ya nora sambhawa,
nḡhingpahyang kusumāstrepātnyan-upameng
bhuwana pinuji yogya sanmathan,
eman rakwa huwus hilang ri gati ning smara
pjuh-il: kalangwan-ing wukir.
4. Mangkā denyan-amarnānaha ri polah-ira jnēk-
iḡrānya ning wukir,
lon tang bhranta waneh hanāṅku bhaḡāra ma-
dana maśarīra ring jagat,
kapwāmet-i ratih niran karaḡa ning kawulatan-
atmah nṛpātmaja,
yekā hetu nikā praḡānya rēsēp-anḡhyang-
acaru gmuh-ing payodhara.
5. Strī - strī rātna bangun trikañcu pamulunan-
akuning-araras tininghalan,
lwir manggista rēmēk guladrawa sirat - sirat-
i manis-i de nikāṅgucap, -/-
pantēsnyēn patulis-ikāna kanakan lēḡḡng-inamēr-
i laywan-ing ḡlung,
prāpte sāmuka sang kinaryya ya kinol
mucapa yayah-ire nṛpātmaja.
6. Tan tunggal rwa mateki polah-ira yan miḡēm-
iḡēm-agawe wulat dudu,
hanyāt tang mangidung hanan pakawin kakawin-
angḡlikāḡdadak lumuh,

akwēh buddhi nikān mahāsmu wiwal kadi wiwal-
ing-arēs pinangkwakēn,
mārmāngṛs ri tngahnya kengis-i sqēngnyan-
anguwahi tapihnya tan lukar.

7. Len tekang mara madyus-ing makara kendriya
matlēsan putih mirir,
madyā lwir pupus-ing gdang gaḍing-awarṇa
pēpēsa tkap-ing samīraṇa,
len tekang maśarīra yāngucurakēn gigir-i ku-
cur-i pañcur-ing bañu,
siñjangnyārjja mirir kinañcutakning pupu ma-
jnar-angambwakēn smara.

8. Honyekā wahu mēntas-angririh-i roma nika lē-
ngēng-i tīra ning raḡu,
lwir nyūḍanta kawarṣan-anggēh-i susunya tkap-
i titis-ing wway-ing hulu,
len tekang hana ring mahantēn-angikēt skar-
asmu tan-imbak-ing bañu,
mwang tekang mangikēt pala -/- mhang-anulis
kakawin-inapi bhāṣa ring yaśa.

[48.a.]

--- 0 ---

1. Dudū tang-asahut sanā kusuma ring pipi kadi
tapak-ing wajāmrih-anēsēb,
wḍak - wḍak-ikang payodhara ginatra masēmu ca-
rik-ing sqēng silih-asih,
kapantēs-ika yan mahamiru - mirung tapih-anguraya-
nirṇnakēn hati tñuh,

mayang mkar-i pāngjrah-i kumuda teka wangi
nika bangun nikārjja^{win}dar.

2. Wanéh hana sirāhajōng kadi kadang ning-
asana ring-awéh kalangwan-ing-akung,
sawarga kalawan wuluh gaqing-adoh tngah-ika
kadi pādapānglih-araras,
tapihnyan-awulang tatur tkan-i puḡḡutan-ika
kanakārjja kēḡḡit-amurub,
maḡindra pinakocalārjja tka ring wtis-asmu
puḡak haḡar kadamaran.
3. Apan yan ucapēn raras nika mabhūṣaṇa tuhu -
tuhu katwang-ing sura wadhu,
tkapnyan-atutup glung sahasēkar taji suminang-
i gātra ning muka mawa,
kalih - kalih-ikātisōbhita hayunya kadi ratiḡ-
amarwa sūkṣma sumilib,
nda śighra tka tan pasangkan-inucap tka nikan-
umarēk ri jōng nṛpa suta.
4. Ikā ta pinakādi ning -/- sura wadhū sang-
[48.5.] inayamakning suḡendra bhawana,
huwus kṛtayaśēng tapowana ri ngūni kawdi -
wdi sang munīndra sahana,
taḡāpi tka tan pakāryya ri narendra suta
pisaningūn katanggama kunang,
mawarṇa kadi polah-ing wwang-angayuh wiyata
harēp-angola candra harasēn.

5. Balik pwa ya malēs kabañcana wirang rwang-
awtu lara kaḡḡḡhan lulut-unēng,
hanan kadi waśāngdadak mihat-i rūm nira hlah-
hlar-ing matāsmu madhū,
prayojana nikā tkāmluka manggalanama mangisap
wanāngarēkana,
mapeng dadi tkārēs-anglilih-i manahnya kadi
madhukareng skar sumanasa.

-- 0 --

1. Api tuwi rakwa rūm niran-anindya wiśeṣa gati,
subhaga sakendriyan sira yayan kadi sūkṣmamaya,
tkap-i tasak nikang japa samādhi mahāparama,
ya ta magawe rēs-ing surawadhū ri sirāngarasa.
2. Karaṣa nikān harēp muliha teki kabeh milaga,
diwaśa gnēp tigang wngi lawasnya mawanti mara,
kṣaṣa ri ḡatēng surendra paḡa bhakti tikang
yuwati,
majar-i tguh nireki juga tan kawngang cinalan.

--- 0 ---

1. Ndan sanghyang -/- suranātha kepwan-i tkap
[49.ā.] ning bañcanālah larut,
towin rakwa ya tan. wngang mangamēr rārēs ning
manah nirmmala,
nāhan hetu nirātmaḡ parama dewi sang putus-
ring hajōng,
wimba hyang parameśwarīnayu tkap sanghyang
surendrādhipa.

2. Lwir pōh ning jaladhāngēmū wari tētēl ni
 roma wet ning hirēng,
 sanghyang candra sireki molēm-awnēs dening
 mukārjjākila,
 nyūḍantārōja tan padharmma tkap-ing suswāng-
 hritārjjātneṅg,
 madhyā lwir curigenunus raras-irānṅang paḍa
 pākānginan.

3. Singgih yan parameka rūpan-ira himpēr sang
 kamāngiḍarāt,
 wet ning rūpa wiśeṣa rakwa wkas-ing rāgāma-
 ngun twas lulut,
 sor tekang surakanyakā paḍa tatan wantēn
 wnanṅ taḡḡinga,
 lwir wintang ri wijil hyang-indu makucēm
 lwir indu ring bhaḡkara.

4. Sakweh ning surakāminī paḍa kapengin ton
 sirang dewati,
 manggēh kākwan-i sang nṛpātmaja tkap sang-
 hyang surendrāhajēng,
 guntur kasturi kumkumāngin-angin-ing śiṅjang
 sumār mrik minging,
 mārbuk lwir smara rajya bēntar-i hilang
 hyang kāma ngūning wukir.

5. Śśbsēbnyāngasut-ing tapowana bangun meghāngasut-

[49.5.7]

-/- ring wukir,

yekā miśra lawan sugandha wangi ning sārwwā-
 rum-ing pārwwatā,

gēntēr mandramunī dukilyan-alangō rēmrem
 riris tan kara,
 luḡḡū tang giri matra kegu tikanang śṛṣṣe
 ruhurnyāmarēn.

--- 0 ---

1. Tistis māsa ri sāmpun-ing rawi tumunggang-
 acala sahateja ring langit,
 mangkin lēnglēng-i rūm nirān winulatan lē-
 ngēng-i raras-irāngure glung,
 līlā yanya naglih tapih nira limungsungan-
 ing-uraga śuddha mār mirir,
 māyāmāya tikang haneng dalēm-awarṇa śāsa-
 dhara ri sanghub-ing langit,

2. Śūnyang rāt paḡa kāgēman sahana sanghyang
 ing-acala mawarṇa kāśṛpan,
 āpan hyang giriputrikā ta kahiḡēp nira ka-
 raḡa nirān śiwāstuti,
 mangkin prāpta ri sang kināryya ning-ulah
 nira kadi hulah-ing mahēśwari,
 bhāktiyāmḡit ri bhaḡāra yan pangiglēng ta-
 wang-i pucak-ikang surālaya.

3. Solah bhawa nireki cumbu sahajāngucap-amanisa
 nora kēnjuruh,
 hah sang lwir hyang-i dewa ning maḡa kapāḡ
 lēnglēng-untu sakeng puḡak mkar,
 nirdon teku rarasta -/- nirwra ri tuwuhta
 bapa wiphala muḡa kāsmala,
 gōng pāpāmati dharmma sang wiku salah kna
 malalis-i wiryya sang prabhu.

4. Lāwan masku paran sinādhyān-i manah ta paran-
 iku minuṣṭi ning hiḍḍep,
 āpan rakwa huwus wiśeṣa tka ning tri bhūwana
 pati katwang-ing jagat,
 warṇākāra bhaṭāra manmatha samāpta ri kita
 lituhaywan-indita,
 gōng ning wiryya parakramanta sakaleśwara
 tuhu - tuhu bhūmipālaka.

5. Mangke pwān kita bhikṣukāsmu nirāgama tan-
 ulahan-ing kṣinatriya,
 dūran rakwa haneki mukya ngusirēn lwiha
 saka rika sang nṛpātmaja,
 bhranta ngwang harēp-ing nirāgraha bhaṭāra
 tuwi yayan-arūpa ring jagat,
 singhit ring smara sanggamenulahakēn prawala
 hinusi ring kamokṣanan.

6. Sangsiptanya tuhanku māntuka kitātlasana maka-
 buddhi nirmmala,
 bhūktin teku halēp tikung nagara sarwwa ka-
 naka maḡi ratna bhāswara,
 nyā ngwang milwa ri jōng tatan bsur-anīwya
 ri kita pakalakṣmyan-ing puri,
 bhaktyāmonga ri rūnta ring pakasutan tan-
 arēśha ri lungsur-ing tapih.

7. Yapwa -/- n warṣih-i rāmya ning nagara tan
 [50:6:7] wihanga kalihaneng pasir wukir,
 līlālālana mūkṣa - mukṣana tkeng surabhawana
 mangaywa sanggama,

yadyāstun jñēkeng smarālaya matāku siwinēn-
i kalangwan-ing skar,
byāktāwas ri pasung bhaṭāra guru rakwa su-
miliha ri sang manobhawa.

8. Āpan yan suraputrikā ring-apa yan hana
maḍana rarasku dug-singi,
towin sih paramēśwarādbhuta tmēn dlit-i wi-
jil-ikāpti ring tilam,
sanghyang durmuka sasukāpituwi tan kadi sih-
ira bhaṭāra ri nghulun,
nghing kewrañjuga de ni tan hana nikang
wnanga sawawa ring kadewatan.
9. Mangke pwā kita rāja putra sḍēng-antuka sa-
kala bhaṭāra ring jagat,
ring rūpādhika kāmamūrṭti saphalāngṃṃka maṅik-
ing-adyah-ing tilam,
sangkṣepanya tuhanku tanggapena kungku kaka
suwalēn-ing hujar yayi,
panggil rakwa wnang harēpan-ing smara pada
ri dalēm pasanggaman.
10. Nāhan ling nira rāgakāraḡa mamātyakni wuwus-
iran pamañcana,
akweh bhāwa niran hanān pasmu sungkawa ma-
ngṣṣsanāngṃngih - rēngih,
e -/- ūcuh yan pangadṣḡ mahānguwahi ken dadi
kawudan-apet raras hati,
lilāwas pakatonan-ing wahu katon mahangaranga
ri bungkah-ing pupū.

11. Mangkā rāsmi ni de nirānglirāsmu wirang-i
 harēp nṛpātmaja,
 buddhi śrī nṛpa putra tunggēng-anaruh spha-
 ṭikagiri katāpōkañjawuh,
 nāhan hetu nirāharēp mkul-i jōng nṛpa suta
 sirang-indra kerangan,
 lēs mūkṣātmahan tayang nṛpati putra tumuluya
 śarīra dewata.

12. Śrī wairocaṇa dibyarūpa pakarūpa nira ri
 puput-ing kaśantikan,
 mwang padmāsana rātna pangkaja palinggihan-
 ira saha buddha lakṣaṇa,
 līlā bhūgaṇa sarwwa rātna dumilah makuṭa
 maṇi suteja bhāsvara,
 akṣobhyādi huwus mamuji ri sirājaya - jaya
 paramādi dewata.

13. Rēsṛēs śīghra surendra yatna murakēn jati
 nira tumuluy mangañjali,
 gandarwāpsara rāja sangghya mangiring sura
 wara wanitā_mparampara ,
 kapwānēmbah-i jōng bhaṭāra jinarāja makamuka
 mahārṣi nārada,
 hūngkārāstuti dhūpadīpa makapangharēp-ira saha
 /-/- gandha lepana.

--- 0 ---

1. Om budhāstuti sēmbah-ing hulun-i jōng bhaṭāra
 sugata,
 jñānāweṣa minuṣṭi yoga ning-aweṣa dharmma satata,

sang sākṣat sari ning samādhi tmah-ing
tri kāya ginṅgō,
sang lwir teja sakeng maṇḍra tkap-ing
manah prātihata.

2. Singgih yan parameśwarādhika kiteng tri
poruṣapati,
yapwan pañcapitāmahādiśiwa donta ngūni karṅgō,
ring rātnātraya yoga śākyamuni tāpanṅgah-
i kita,
śrī wairocana ring tathāgata makādi pañca
sogata.
3. Hyang prāttañjala rakwa ring prawara pañca
reṣyan-upama,
śrī wāgiśwara mūrṭti wijña kita ring kawin-
dra winuwus,
ring rāgāsmara tatwa rakwa kita muṣṭi ning
saturida,
yan ring dlāha bhaṣāra nātha girinātha ning
sabhuwana.
4. Sakweh ning yawa bhūminātha paḍa bhakti
jōng ta ya hlēm,
mwang dwī pāntara bhūmi tan hana waneh
winūrṣita kita,
hinghantyan kita ngūnināgata ri warttamāna
ta kita,
dūran teki tan-iccapanya pawakī tri loka
sahana.

5. Āpan rakwa kiteka dharmma wkas-ing wiśeṣa

[52.a.] mahi -/- qēp,

tunggal ring paramārtha bheda tkap-ing swa-
tantra katmu,

lwir dwārāngusir pārwwa tolah-ira sang
mangārccaṇa kita,

sangkeng pūrwwa ri dakṣiṇottara ri paścimā-
gra kinēñēp.

6. Sangsipatañjuga tan haneki ya muwah wiśeṣa
kahiḡēp,

hānghing rakwa bhaṭāra sang winuwus-ing
tri loka śaraṇa,

hyang ning hyang paḡa bhakti tan hana
wnang lumangghyana kita,

īcantā śiwabuddhapakṣa paramārtha dharmma^{ta} kita.

7. Donkwāngastuti jōng jinendra guru bhakti
tenulahakēn,

śṛddhānugraha sih teki pinakeṣṭi ning
maśaraṇa,

tan yāgyākna de bhaṭāra maluyeng nirātma
palakun,

tolih ṭang bhuwanātiduhka ri hilang ta
mokṣa karaṇa.

8. Lāwan haywa bhaṭāra tan patutur-ing dangū
pwa karēngō,

don-ing mānuṣa janma tan tapa kināryya
ring janapaḡa,

bhūpāleśwara dharmma rākṣaka kitā siheng
tri bhuwana,
śāntā ning prabhu poruṣāḍa marēnātimūrka
karaḡa.

--- 0 ---

1. Tēkwañ jugekang prabhu rātna kaḡḡaka,
rogi jmah ri wwit-ikang waṭādbhuta,
[52.6.] newe -/- dya satu ratu wāwwaterika,
hyāng' kāla muktyākna yan sujīwana.
2. Yekāmangun kasyasih-ing watēk ratu,
nyāmeḡ winīśeṡa tkap mahāsura,
wrin - wrin tēkeng swargga paḡāharohara,
yan tan hanodhani bhaṭāra ring jagat.
3. Āpan tayang bhūpati dewa sangghya ya,
īndrādi gandarwwapati kadewatan,
īśśādhi dhatrādbhuta wiṡṡwagōng takut,
jriḡ kumyus-osah tkap-ing mahāsura.
4. Tan mithya ling sang wiku wrḡḡḡa bhikṡuka,
mwang hyang nikang bhūmi tlas mangañjali,
mojar majar dadya nikang mahīdhara,
ekabdi yan tan jinamūrṡṡi bhūpati.
5. Kālān-ikāng dewa gaḡān pangastuti,
ngkāne paḡā hyang parameṡṡi gottama,
yekān tutur kapwa siran winūrṡṡitan,
i rēp sāḡṡaḡā ndah waluyang nrpātmaja.

6. Śighramsat sang paradewateng ghyana,
mantuk sirā mwang rēṣi sangghya ring langit,
sang śrī narāryyātmaja teki warṇanān,
sāmpun sirekyāngurungakēn samāhita.
7. Māwas tikā wruh nira yan jinātmaka,
mwang tatwa ning rākṣasa wighna ning jagat,
[33.a.] ngūnī -/- ki mangke ri hlēm ya ring galak,
tan len sirān hetu nikan mahōṣadhi.
8. Nā hetu ning mantuka seṣṭi ning hati,
śīghrādawang roma nirāpatah muwah,
māmwit sirāṇanya rikang mahāgiri,
ngka keśawā prapta sire samāntara.
9. Ling sang narendrātmaja ring mahāyati,
bhāgyan ḍatēng sang paramārṣi manglawad,
tonton mare kāsmala ning hulun kakiḥ
dening watēk dewa gaṇān panangguhi.
10. Merang hulun de nira sang watēk rēṣi,
menak jugākwhāhīḍēpe wuwus nira,
dhū aywa sang śrī nṛpa putra mangkana,
yogīśwara ndin kadi māskun-uttama,
11. Don-ing śarīreki muwah kading dangū,
īccānta tan bañcana roga hetuka,
sihteng mahasatwa sudharma kāraṇa,
mwang swaṣṭa ning sarwwa jagat pṛmāṇaya.

12. Tangeh yadin deṣṣi nirān wiwakṣitan,
 sāmpun msat rakwa sirāhawan langit,
 akweh tikang parwwata bhūmi kongkulan,
 windhyādri len mandara malyawen wuwus.

13. Sanghyang mahāmeru kapungkur-adbhuta,
 lwir bahni muntab kanakāgra bhaswara,
 [53.5.] lambung kidul tang wiwara -/- atisobhita,
 yekātiramyongguan-irā tapowana.

14. Sāmpun lēpas lāmpah-irēng langit madoh,
 mwang sang rēṣindrā kadi kuntuḷānglayang,
 śighrān tkeng bhārata bhūmimaṇḍala,
 kongang tikang rajya sarajya - rajya ya .

--- 0 ---

1. Nda yeka tumurun sirātut-i hujung ning-acala
 tpi ning tapowana,
 ikang wukir-awarṇa garjjita mihat ri siran-
 umulih-ing swanāgara,
 paḍāsmu manis tahēn snē nikā gira - girangan
 i hibang-ing jurang,
 humung swara ni sunderinya kadi śabda ning-
 amapaḡ-akon-arāryyana.

2. Grēhnya tan-arēn sawang misiki rūm nira
 mawarah-i pangjrah-ing skar,
 marēn tangis-i cātakanya tkap-ing rōrēb-
 anlēsi patra ning wungu,

~~ata~~ dudū manis-ikān ri ngūni ri laris
 niran-angnēs-angunggi śunyata,
 paḍāngs-i wuluhnya len titis-ing erttalin-
 - ikin-akēcap haneng jurang.

3. Tangēh yan-ucapēn gatinya ri layat nira
 ri tka nirēmangun langō,
 bangun katurunan hyang-ing masaḅkapāt sahana-
 hana nikang sakendriya,
 byatīta ri laris nireki tucapāng sudahana
 wara rākṣa -/- sottama,
 balang nṛpati poruṣada kaburan tkap-ira
 daśabāhu ring raḅa.

[54.a.]

4. Tigang dina lawasnya māprang- irikang wana
 malaga ri sang nareśwara,
 ĩlang sahana ning śarottama tkap nira paḅa
 kadi mṛtyu yer hiḅēp,
 kaping pat-ikanang dinā paḅa tikēl palu
 nira wkasan silih glut,
 kacidra sinawat pilisnya tinut-ing msat-alayu
 matuntunan kanin.
5. Mukemōk-ikang-angga rukṣa rasa tan wng-ahu-
 ripa ling nikeng hati,
 tuwin ring apa tan tutēnya tkap-ing ripu-
 kula daśabāhu bhūpati,
 ya batu nika tan wruh-ing parana bhkatya-
 nangisi suku sang nṛpātmaja,
 malar sira wng tumangguhana sang prabhu
 kalawan muniśwara.

6. Swajāti mami lokawighna karapang nṛpati
 muwuyung-ing kading hulun,
 ndetan waluya buddhi mūrka palalun lamun
 mahuripa seṣṭi ning hati,
 nahān ling-ira garjjitāmbēk-ira sang nṛpa
 suta mawuwus manohara,
 nya mātalanga jīwa rakwa sira yan talēr-
 awuyunga sang nareśwara.

7. Bhawīṣyati ḍatēng narendra daśabāhu rumuruh-
 irikang mahā -/- sura,
 saḥāyuda surākṣa gadgada manah nira lumihat-
 i sang nṛpātmaja,
 pilih ratu nikang mahāsura nimitta nika
 narṣk-aṇamyā sādharma,
 bhaṭāra karikānurun panaha sang prabhu ka-
 raṇa nirojwalāmuh.

--- O ---

1. Ai sang wirādbhutānwam lituhayu ratu ning
 rākṣasāḍusta lingkū,
 mon hyang mon dewa rājādhika makaśaraṇā
 ning musuh tuccha jāti,
 ōyuh tāngsō payuddhodhara laku patihang pā-
 lagānūng wiśṣa,
 rūdrāstrā nindya sāmbut-watṣkakna ku tan wō-
 dya sakwehnya bhagmya.

2. Yadyān hyang brāhma wiṣṣwiśwara humṣtaknang
 rākṣasā tar kawōdya,
 hinghanyān manuṣā dharama ya wnanng-amukeking
 daśabāhu ring prang,

nā ling kāśīndra yekāṅg hudani śāra waran
topamā mṛtyu tulya,
rēp śīghrāmukṣake jōṅg nṛpa suta kti kang
sarwa rodrāhliśanta.

3. Sakweh ning sañjatālah hyang-anala matmah
warṣa tirthāṃpteng rāt,
dukduk cakrā prameyāṅgdadi tatit-angḍap
lwir kḍap ning katikṣṇan,
[22.a.] hetu śrī bhūmināthā -/- ngṭḥ kamangēn - angen
tingkah-ing śātru śakti,
āpan ngūnī ri ngūnin taya maḍana siran
dewa sor-ing prabhāwa.

4. Śryāwangga mwanṅ sirang bhūpati magadha mu-
suh de nirātyanta śūra,
sākṣāt hyang kāla rudreka tatakut-apa tan
sangka ning kewran-ambōk,
mangke puh twās nirān dūran-ammanga lamun
jīwa ning tuṣṭa citta,
dening śātrwādikānopama juga malilang kewalang
buddhi śanta.

--- 0 ---

- I. Ndan sang keśawa sarjjawojar-irikā wruh
ring nayāṅgenaka,
he śrī bhūpati aywa wismṛti kite sang wwanṅ
sinangguh musuh,
tan len teki wkāṅg narendra suta de sang
śrī narendrā prabhu,
kyāting rāt sutasoma sājña nira sang lunghā-
musir pārwwata.

2. Mangkā māntuka ring swarājya ri huwus ning
 mūkṣa buddhātmaḥ,
 tan sangkeng parabañcaḥyun-ira māwlas ring
 watēk dewata,
 bhaktyāminta ri sih bhaṭāra tkap-ing rāt
 dūrbalā syuh hlēm,
 yan tan śrī jinarāja rakwa ya tinut ning
 mānuṣātwa muwah.
3. Lāwan tan saka ring kadhiran-abhīmānā
 kirtya dharmmaḥyudha, -/-
 [55:5] tan sangkeng hawalepa hetu nira yan kadyā-
 nukā ring musuh,
 dharmmasih nira maryya murkka kalawan
 swaṣṭā nikang rāt kabeh,
 nāhan kāraṇa ning yeyāngalangī don sang nā-
 tha yan tuṣṭika.
4. Ling sang pāṇḍita yatna śīghra mawuwus śrī
 candra singhātmaḥ,
 dhūh bhagyeki tuhanku ling nira tkāngrangkul
 yyewak sang yayi,
 sih ning hyang guru sammatheki ri hiḍḍp
 ningwang tumon ton kita,
 sāksāt lwir karugan maṇik karawuhan jīwā-
 prameyānurun,
5. Bhoḥ tāntuk ta bapangku masku tamare rājya-
 ngkwi kāśīpura,
 tēkwan rakwa haneki sot mami yadin rējwe
 kadibhyān ḍatēng,

strī rātnādhika candrawatya rēja nāmānugraha-
ngkwe kita,

parṇnah wungsux tkapku tan lyan-amisan lā-
wan kitān tēn tēmēn.

6. Nā ling śrī daśabāhu mārddhawa wuwus śrī
hastinendrātmaja,
dibyekin pangasih narendra ksdi tan singgih
tkap ning nghulun,
yyurnēngkwīking-arēmareṇa karaṇṅsya mantukeng
hastina,
towin rakwa lawas nirān katilarangde tan
tutūt ning ma -/- nah.

7. Nghing yan wantēn-asih narendra ri manēh
sang nātha mangkweng-ari,
dēning rākṣasa aywa tan hinuripan sākṣat
sihanta prabhu,
he sang śrī sutasoma bhaṣmi niyatekang
yakṣa dening hulun,
yan sang śrī jinamūrṭti langghyana mareng
rājyātulak kanyaka.

8. Lāwan masku pirang dineka lawasanteng rājya
kāśīpura,
towin tan kinayogyakēn tang-atulak dhāṇādu-
wartteng jagat,
sangsiptan ri huwus nikang dina wiwahan
māntukeng nāgara,
lāwan milwa kakanta bhaktya ri sirang śrī
hastinendra prabhu.

9. Nāhan ling nira sang nerendra karuhun
 sang keśawāngaywani,
 yekā hetu nirānghiḍḍḥ ri cepakon kāsindra
 rājottama,
 tan warṇnan sira munggah-ing ratha kalih
 sang keśawānwit maluy,
 mwang tang rākṣasa sāmpun-amwit-i siran
 bhikṣwātapeng pārwwata.
10. Līlālon lari ning rathātut-i hujung ning
 pārwwatājōng kidul,
 sōk tekang balayodha sangghya mangiring
 ghūrṇuang mṛdānggāslur,
 ndan śrī bhūpati rakwa sārathi ri sang
 śrī hastinendrātmaja,
 sakṣat kr -/- ṣṣa dhanāñjayā huwus-irāprang
 mwang watēk korawa.
11. Śighrā prāpta sireng hawanggapura śūnya
 rājya wus kālasan,
 śirṇekang gupurān rubuh katuwuhan wrkṣā-
 lalang mwang sukēt,
 ring jro māṇḍapa mekalanya hana sanggar
 mwang ḍēngēn syuh rēmuk,
 weśmārjjāglar-ing natar saka nikā len tang
 panunduk basah.
12. Tistin tan hana hūryya ning mara madoh
 deśāmangun sangśaya,
 āpan tan hana kāri wānwa kuwu len dharmā-
 śramālyus hilang,

nāhan hetu nirang narendra tanyātakan
sirā sang prabhu,
reh ning rājya lawan syapeki pangaran
sang bhūminātheng dangu.

13. Ling sang bhārata wangsa yeka sumahur
kāśindra rājādhipa,
yyar wānggeki ngaranya rājya nika sang
dewāntakādi prabhu,
sanak wrddha gatinya rakwa ya tkap śrī
māgadhendrā prabhu,
kyāting rāt mangaran si kośa katakut
ning wira śakting rapa.

14. Kārwalah tkap-ing hulun masusupan bong
lēś matinggal pura,
yekān rakwa tinut ni bhaktin-umusir śrī
ra -/- tna kaṇḍādhipa,
ling sang bhupati sang nṛpātmaja matakwan
hetu ning prang dangu,
lawan mangkana pan sumitra karēngō dadyā-
prabhangśenucap.

15. Singgih ling nṛpa putra ngūni kahiḍḍep
sambada tan wwang waneh,
sang śrī mālawā hetu ning masawalānak
strī sukanyāhajōng,
dewi pūṣpawatī ngaranyan-amisan sangke ibu
pwang hulun,
sangke rāma nireki rakwa kahiḍḍep tan len
sanak māparék.

16. Sang kośālara lēnglēng epu kasōkan kung
de suputryājōng,
mārmānomah-i mālawendra mabuteng denyān
tatan wandhawa,
yekāngungsira ring hulun dadi matēmwākun
prasiddheniwō,
tan swang wāda sadekajāti purih-ing tan
wwang waneh de nira.
17. Śryāwanggādhipa mogha dukka ri tkap sang
kośa manggēng wirang,
nāhan hetu nikān panomah-i yarintang candra-
watyeng puri,
donyān lēlyana mālawendra duhitā ngwang
tan sukānwam tuwi,
nghing rākryan pinalar - palarku karaṇanya-
mūrwa rāgeng tilam.
18. Yekānung ka -/- raṇanya rodra tinut-ing
prang ghora tan pungkuran,
ngkā tākun dasabāhu rūpa pangalah ningwang
ri sang bhūpati,
nāhan ling naranātha śīghra lumaris tang
syandanātūt wana,
makweh deśa huwus kalalwan-ika bhaktyāsung
mahābhojana.
19. Meh - meh prapta sireng swarājya manginēp
glānang bala kweh rapuh,
kāla dwādaśa ratri rakwa midēr-ing bhūmyā-
ngrurah rākṣasa,

hetu śrī naranātha motus-umareng ngkā
 śīpurāngdūtana,
 ngkā rakwang majare datēng nṛpa sute jōng
 supatnī puri.

20. Lāwan rakwa sirekyanungsunga marēng ngudyana
 rātna laya,
 dewī candrawatīki aywa sira kantun mwang
 wwang-ing jro puri,
 nā ling śrī naranātha yeka tujarang dūtā-
 mēngākēn kulēm,
 eñjing prapta ri jōng narendra mahisī mājar
 yyujar sang prabhu.

21. Ndan sang śrī parameśwari paramatuṣṭāmbēk
 niran garjjita,
 de sang śrī sutasoma rakwa karēngō mantuk
 sakēng pārwwata,
 āpan nghing hinarēp nṛpati lakya sang
 suput ring puri,

[28. a. i.] tan len rakwa sirekipenira rēsē -/- p sang
 śrī narendrādhipa.

22. Sāmpun sāpta majōng lawan sang-apatih de
 yan niran mangkata,
 mwang sang śāla sucitra dakṣa tiga putra
 śrī narendrādulur,
 yekāmūk ripu sāk tapowana tlas tang detya
 len rakṣasa,
 nāhan hetu nireki ngūni juga tan tut śrī
 narendrādhipa.

1. Lumrāng wr̄tta jinendramūr̄tti sira rakwa
katmu sira de nareśwara,
ōsik buddhi nikang wwang-adyah-i dalēm kadi
tr̄ḡataru māngḡngō gr̄h,
kāpwālung turidāsēwō lulut-unēngnyan-asmu
kumudāngdadak mkar,
hyun - hyun de ni manah nikang wwang-angucap
ri sira kadi śāsangka pūr̄nana.

2. Byātītan ri gatinya teki tucapēn sang-ahayu
pinakesi ning puri,
sang sākṡat maḡik-ing smarālaya tmah ning-
aji madanatantra ring jinēm,
sang lwir sukṡma sakēng tayānurun-i rakwa
tka ri pangawēsān-ing hiḡēp,
hyang ning kendran-anginḡarāt smu nira wanēh-
i lēyēp-ikang surālaya.

3. Endah rūpa nira hyang-angdiri suteja ri
muka manaruh niśākara,
nirbhagnang tilēm-ing sarājya sa - /- tuwuh,
nira satata mamūr̄na candrama,
sāsērī war̄na nirātulis maḡurigenunus-i tngah-
irāngḡs-ing hati,
suswarjjarēja kēngin - engin-asawang kna tulisa
kasambat-ing mangō.

4. Tannḡh yan wuwusēn hajōng nira tkēng lu-
ngayan-asmu lunggah-ing ḡaḡung,
kir̄nang ḡadpada kēngisāngḡs-i wtis nira
kadi mēkarānamar pudak,

sungsut - sungsut-ireki rakwa caritan dumadak-
amahi rāga ning mihat,
kēmbōng - kēmbōng-i luh nirāsmu riris riris-
ira ngayat-ing labuh kapāt.

5. Sakwēh ning kusumeng taman paḍa ya tan
hana manginaki citta ning mamangō,
sinwam : — konēng - unēng tatan kahuning-
āsmu - smu makasangka ning purik,
śīrṅnang tañjung-aśoka yeka rinuñah - rañih-
ika pamawan lareng hati,
tan hopēn kusut-ing glung humurayawra wahā-
ika huwus sumamburat.

6. Nirwāmbēk nira ring tanah singi rēsēp niran-
anak - anakan puḍak sumar,
nirdon teki wanginya dūra nika yan tulisana
kakawin palambanga,
rātñānopama kāngkēn-ādipa kabhūṣaṇa nira yan-
uwus dinoha -/- kēn,
[59.a.] ānghing luh nira tan pakāla karakēt tumu-
sanē lēs-i himbang-ing pipi.

7. Mangkin tibra manah nikang wwang-umarēk
salah-ulah-i huyung suputrika,
prāptang rātri makin bangun hilanga rakwa
mamarēngana tambwahg-ing wulan,
ring rangkang sphaṭikārjja teki kahanan ra-
sika kasaput-ing nglare hati,
lwir padmāsana rakwa rowanga nirān psata
ri silib-ing wwang-anghaḍēp.

8. Mangkā citta nikang wwang-adyah-i dalēm ka-
 di kawuhana de suputrika,
 gundik mwang kaka len-uweña: paḍa tan wihi-
 kan-i duhka ning manah,
 mukyā śrī paramēśwarīki sira tan wruh-i hu-
 yung-ira sang nṛpātmaja,
 tan kāngēn ri pakon narendra tumute sira
 mamapaga tan kawandyana.
9. WWantēn strī juru ning wicakṣaṣa kawinghita
 walu - walu ning kawiswara,
 kyāting rāt mangaran surāga pinujing hayu
 wahu - wahu lingsir-ing wayah,
 prajñā wruh-i tingkah-ing marṣk-angimbangi
 ri huyung-i sang suputrika,
 lwir manggista minging guladrawa manis - ma-
 nisi hatur-ike nṛpātmaja.

--- 0 ---

1. Ibu sang-awarṇa kartti -/- ka rarasta sūk-
 [59:6:] ṣma ya mangō wirang rwang-alangō,
 bungah-i mukanta tan krama sawang wulan
 kalamukan himārang-anipis,
 lēnggēng-ipatēr tangis saha kilat - kilat kdap-
 ikang wulat tan aharis,
 sahaja mawah - wahan lara tkāng hudan - hudan-
 i luhta māḍṣi pipi.
2. Mapa kari hetu ning wwang-awingit - wingit
 kadi wingit ning onēng-alawas,

tuwi hana matra tka ning madhubrata tama-
 rāngjajah skar-arūm,
 sipi - sipi rūm nirāsmu niraśrayan pangucap-
 ing wruh-anghla-hla,
 tuhu - tuhu yan jinendra maśarīra rakwa
 sira dewa rūpa kahidēp.

3. Sira mara rakwa ngūni mamangun tapabrata
 rikang sumeru karāngō,
 kinarāpa ning watōk hyang-imayoga dharaka
 nireki somya pinalar,
 surawarakāmiṇi sama mamañcanangdadi malēs
 kabañcana lēngō,
 tkap-i halēp nirāsmu manobhawānuruni rāmya
 ning masa kapat.

4. Karaṇa bhaṭāra śakra matmah sira stryanupa-
 meśwarī bhagawati,
 apituwi tan kawighnan-iki kewalā hning-ikang
 manah pratihata,
 paramasukāpti dharmma ya nimitta sang -/-
 [60.a.] nṛpāti putra mānuṣa muwah,
 karuṇa sire jagattraya siroṣaḍī tka nikang
 prakampa hlēm.

5. Krama ri huwus nirān mari tapodharan muliha
 seṣṭi ning twas-ing-amēr,
 prawala kakendriyan sahana ning jagat tkap-
 ikang kaśantan-apagṣh,

karaṇa nikan ḍatēṅ supatya nṛpa putra
rakwa kita lakṣmya ning sanagara.

6. Tuwi panahangku hetu nira tan kabañcana
tkap nikang surawadhū,
wdi nira rakwa kewran-angisapwa māsku ri
sḍēṅ niran silih-asih,
ring-apa surendra tan pasunga yan hanāmbēka
nirēng surapsarawadhū,
ring-apa sireki tan maharṣperiyan yadi haneka
rakwa sawawa.

--- 0 ---

1. Kalinghanyekī tan hana ruruhēn-ing swargga sahana,
hayunta dyah yadyan susupana ri jōṅ ning giri
wana,
apan tan wwantēn towin umahasa lāwan nṛpasuta,
smarāṅgīcca mwang hyang ratih-atiki līlāṭik-
aṭikan.
2. Ndi ta ngwang tan bhrantāṅgēṅ-angēni rūm
ning kadi kita,
ndi dewī dewānūṅ maḍana tuwi yan mānuṣa taha,
tkēng wiṣṇwāṅḍā brahmanagara -/- śiwāṅḍāsmu
[60.6.7] jngṣr,
umādewī byāktānangis-ahiri reh ning silih-asih.

--- 0 ----

1. Sangsiptanya tuhanku nora pala ning gōṅ
duhka tan popama,

tékwān sang hinarēp - harēp sira sǒng kar-
 me suputring puri,
 anghing teki tuwuhta yogya pahayun reh
 ning sukanyā krama,
 aywa wruh - wruh-i polah-ing sama lawan dewi
 ratih ring hajěng.

2. Pujāmantra samadhi yoga gawayěn ri rātri
 kālāměrěn,
 pantěn - pantěn-aneka yogya pituhun sāling
 nikang stryātuha,
 mwang tekang brata sūkla bhūkti gawayěn
 aywācawuh ring pangan,
 astam tang tahapěn gilut - gilutanāngkěnyan
 dinekāprihěn.

3. Āpan rakwa wkas ning ewěh-inucap yan ring
 sukanyākrama,
 akweh strīnujāran maling raras-awarṇa
 lwir skar tan parūm,
 wantěn lwir skar-ing lěmah yayan-agaṇḍānorakěn-
 campaka,
 yekānung purih-ing pramāda ring-ulah lāwan
 praniting laku.

---oOo---

1. Kaka kahiděp-ujarta lwir kadyāmṛta kasirat,
 kuněng-amuhara lěnglěng ning śokā -/- nangis-
 askěl,

[61.a.]

gati nṛpati jugāngde trāsakon mapagi sira,
 raga - ragana tkap ning gěntěr nīkapat-alangö.

2. Ndi kari hana skar ning jangga mwang kumuḍa kuning,
 sumar-angarang-ināpet sing yogyāngisēpa wangi,
 tan-iman-ima tekang kumbang yan tuhu rēsēpa,
 hulih-aparan-ikātoh - toh jiwāmuhara lēsēh.
3. Guru wacaḗa: wkas ning śabdekang tuhu linēpih,
 sphatikā curiga rātnā nindyā mulya sanagara,
 pira pira harēp-ing wwang sing dēnyan rēsēpakna,
 subhaga kadi skar tan sumpang ning wahu wiḗ
 narang.
4. Pṛsama sama - samangkun tan luptāngnasi wirang,
 lēhēnga tiki kadi ngwang prāptāsung-sungēn-i
 nguni,
 panulakan-ika mangkin tan wruh panglipur-alara,
 rininga - ringa katuhwan tan sih bhūpati.

---oO---

1. Yan kāngēn mara tan padhermman-i tuwuhku
 rasa pjaha tan hanenaka,
 towin rakwang-anēmwa rājaduhitā phala makaśara-
 neng swayambara,
 śrī dewīdumatīng-usāna karēngō siran-amilihi
 jalwa ring sabha,
 de sang bhoja makaryya dharmma karuḗan tirun-
 ing-arari -/- rātnakanyaka.

2. Ndan dūran pwa ta sang narendra wiparīta
 yadi lēwēs-asih nireng hulun,

lāwan rakwa huwus subhagya rasikan tayakna
 palakun sih-ing widhi,
 ānghing tekya malar narendra sira lot ka-
 sukē - sukēran eṣṭi ning hati,
 dening gyānira hetu ning luh-angēbēk ri
 pipi sumarasah mareng kapō.

3. Tēkwan rakwa kayogyānīki sira yan kaka haji
 tulusāsih-ing hulun,
 kēmbang - kēmbang-adonku rātna duhitā nira ta-
 lōra makesi ning puri,
 denya ngwang pingitēn malar sira hananglamara
 ratu sumēmbahe haji,
 tan gya - gyākna sing rēṣēp - rēṣēp-angampunana
 rēsēpa ring kadi nghulun.

4. Mangkepwān-anubhara kewala sirālang-alanga ti-
 ki tan pamatyani,
 sinwam śuṣka skar lōwas wruh-ika mulya saka
 ri tan-asih nireng hulun,
 yekānung gumawe putēk hati tkānaputi patilar-
 ing yayah bibi,
 menak ngwang pjaheki rakwa tumutēng sira
 wihikana duhka ning manah.

5. Hāh rāmangku bibingku sang lumah-ing-agranagara
 dedi sūkṣma dewata,
 [62.a.] tingal te -/- ki si harṣa ning kawlas-ing
 kaka dinulu ri tan sih-ing widhi,

dūran teki manēhta yan kita samāhuripa
 tulusa sanmatheng nghulun,
 sangsiptān dudutēn nghulun bapa tibāna lara
 hawana ning nghulun pjah.

6. Ai kong hyang widhi mah hayungku walatēn
 prahakna ri kalangwan-ing kapat,
 ros ning madhya bangun wuluh gaqing-umantuka
 ri lēyēp-i lunggah-ing gaqung,
 nyū dantākuning-ārjja rakwa dunungēn pangulihi
 gmuh-ing payodhara,
 keśārjjātutur-ing himāngmu riris lungayan-
 umaluyeng wlas-arēp.
7. Śocāngrōsi manisnya muliheng śarasija sqēngeng
 samīraṇa,
 sakweh ning śodādi ning śarīra mulihā tmaha
 lēyēp-i rāmya ning wukir,
 sanghyang candra sirekyanūksmakna rāṣmi ni
 bungah-i mukangkwa pūrṇama,
 ngkā tākun muliheng nirātmaka weśā matapakan-
 i lēngēng-ing diwākara.

---oOo---

1. Na wuwus narendra duhitāmlasakna nangis pgat
 pgat,
 paḍa kapyuhen sahana ning marēk-anulu sa-
 ling nṛpātmaja
 sira sang kawindra dayiteki sira milu ma-
 ngepwan-ing manah, -/-/

62.6.7 nghing ateki tan surud-ikung hati dlit
 ulah-ing kawīśwara.

2. Tuhan-ing hulun tuha - tuhangku taham-ibu
 wuwus suputrika,
 sipi gōng asih nṛpati pārwwata sama ri
 tuhānku wah lulut,
 hana ku pwa hetu nira tan makaśaraṇa
 tikung swayambara,
 sira rāma rakryan-ing-uśāna tan-atēn-i wkas
 prayojana.
3. Nghing-ateki mantwa kaharēp nira kurukula
 hastinātmaja,
 salagīki ngūni winkas - wkasakni sōṅg nirā-
 hurip,
 ya nimitta sang prabhu wawang kadi tṛṇa
 taru māṅṅṅō grēh,
 ri ḍatēṅ narendra suta hetu ning-angutus-
 akon manungsunga.
4. Tuwi rakwa ling nira titir winacak nireṅ
 nareśwari,
 taya ngūni - ngūni karēṅō prabhu matuhu
 subhakti ring hari,
 sira rakwa bhaktya ri kite huwus-atmu
 lawan nṛpātmaja,
 thēreki rakwa ratu ring pura sumiliha dewa
 ning jagat.

5. Sira rāka rekryan-iki kewala makabala
 rākṣakeng jagat,
 tumuteng watĕk ratu samangjuru malĕsa
 masewa sanmatha,
 taya tan wruheki pangucap nira makamuka
 sang -/- dwijeśwara,
 ndya ta dona ning nṛpati tan tulusa
 nira ri sang nṛpātmaja.

---oOo---

1. Nāhan hinghan-i goṣṭi sang kawiwadhū tka
 rĕsĕp-i narendra kānyaka,
 sinlan gīta palambangarjja mamanis - manis-i
 wuwus-ikāmangun langō,
 sāmpun rakwa tibang dawuh tlu paḡāturu
 sira tka ning wwang nghidĕp,
 eñjing rakwa sirenatāg laris-umangkata tumu-
 ta ri sang nareśwari .
2. Yekā hetu nirahyasarjja masalin hulĕs-arĕja
 lawan tapih suji,
 mwang sakweh nikanang wwang-adyah-i dalĕm
 sahana paḡa madumduman raras,
 tuṣṭāmbĕk nira sang narendra duhitā tka
 mkuli narendra kānyaka,
 lwir kadyānmu gaḡḡa ning kusuma laywan-i
 marĕn-i huyung suputrika.
3. Tan warḡnan sira teki śighran-umijil tka
 ri lĕbuh-ikang swanāgara,
 sĕk tekang bala wāhanākrama sumanggraha
 katmu matunggalan ḡamar,

ācāri mwanġ-ikang karaḡḡan-angiring kaka - kaka
 sama mungġah-ing ratha,
 walyungġuk hana ring dwipāngġa tumut-īna
 nira huwa nirākramāhalōp.

4. Ndan sang -/- śrī parameśwari mwanġ-ika
 [63.6.] sang nṡpawara duhiteki tan keśah,
 mungġwing syandana rātna sangġhya saha wīra
 gaḡapati mahādbhutangdular,
 ndan rakryen mapatih sasomahan-ateki sira
 milu surēkṡa śobhita,
 mukyang śri daśabāhu putra katigōka sira
 tumut-i jōng narōśwari.

5. Ndan ring sakṡaḡa śighra teki ri laris
 nira liwati pamingġir-ing puri,
 deśākweh tpi ning hawan hana jurang - jurang-
 adalōm-i tunġhaning sawah,
 sāmpun rakwa lōpas nireki wijil-ing rawi
 sumuluhi bhūmimaḡḡala,
 mangġin rāmya katon manuknya marōbut wwahan-
 awurahan-ing tahēn ragas.

---oOo---

1. Byātītan ri laris nireki tka ring ūdhyāna
 rātṡnālaya,
 honyekang ġhupurāpucak maḡi murub lwir
 teja ning bhaṡkara,
 sakweh ning rasa rāmya maḡḡag-irikāġlar
 tang dwipangġādōdō,
 kañcit śrī parameśwarī sira ḡatēng mwanġ
 sang maḡik ning puri.

2. Sāmpun rakwa sira pwa mañjing-umarəng
 ūdyāna rāmyālangō,
 hyun - hyun buddhi nikang sarajya tkap-ing
 wungwānəḍəḅəng mrik su -/- mar,
 nyūḍantāngliga harjja nāgakusumā gambir mnur
 campaka,
 yekānung midēr-ing raḅū yyak-ika ghūrpnang
 lwir yyak-ing sāgara.

64.a.7

3. Tuñjung bang tarate tngahnya kamalānjrah
 ṣappadanyāngḅung,
 kirpnang miḅa haneka māgəng-angasut dhwaṣṅang
 sarajā ptak,
 minggəḅk - minggəḅk-ikang huwur - huwur-awarḅnā-
 nūt-arənggəng pasir,
 puntī wahwamḍar pupus kadi layar munggwing
 tpinyāmiraḅ.

4. Paḍan rangkang-i pinggi - pinggir-angudoḍang
 ketakājjeḅg parung,
 rāmya wwang mangalap samānak - anakan rum
 ming puḍak tan kasah,
 len təkang manulis swarūpa nikakūngnyan lot
 pinindəng lawō,
 mwang təkang kakawin sinūkṣmayakənojar nyār-
 umunggwing jinəm.

5. Gundik wal hana kuñja len kaka - kakānwam
 lwir ratih ring hajəng,
 rāmyādyus paḍa gārjjita wuda - wude tus
 ning taṭakādaləm,

akweh lwirnya bangun wulan mawa sawang
 kawran tkap ning rēmōng,
 len tekang kadi śangkabāhu ring-apekin
 tan subhuktyang tilam.

6. Akweh bhāwa nikang waneh hana mareng nyā-
 śangungang pañcuran,

[64.5.]

anyāt tang kala -/- ngōn mahat ri lēyēp-
 ing nuṣā tngah ning raḡu,
 sāksat swargga ya piḡḡa rūpa nika himpēr
 wiṣṡulokānurun,
 dening kweh nikanang suwarḡna maḡi rangkang
 lwir katoneng tawang.

---oOo---

1. Hyang - hyang ning kalangēn bhaḡāra linēyēp
 ning-laucap-ira sang kawīśwara,
 baprā māṡku kumṡar cinaḡḡyahur-ing paḡu
 ri tngah-ikārjja kokiran,
 līlāmarpat-i ghopuranya sinupit makara kanaka
 rātna bhāswara,
 mwang tekang maḡi kostubhārjja dumilah su-
 marasah-irikang yaśottama.
2. Ring pūrwwādi wiśēṡa weśma kanakanya kadi
 wahu sake hyang-iśwara,
 ngkāne ḡakṡiṡa dhatraweśma kahiḡēp marakṡa
 dumilah nirantara,
 ndan ring paścima yeka rakwa ya mahāmara-
 bhawana panarkka ning mulat,
 nyāśēng-uttara tulya weśma madhuśūddhana
 pasaji nireng waning raḡa.

3. Ring madhyā sphaṭikendra śuddha & winangun
 graha linarangan-ing surālaya,
 bwat singhāsana sūryya candran-umurub pucak-
 ika kadi mṛtyu bhāsvara,
 wai dhūryātēpinekawarṇa ni wuwungnya ma -/-
 buka nawarātna sangghya ta,
 sākṣat swargga bhaṭāra buddha paramārtha
 śiwa ri sṣṅg-ing nirātmaka.
4. Yapwan ratri surup ning-ārka juga tan hana
 ptṅg-inucap sadā mawa,
 dening rā_tna wiśeṣa muntab-amangun dina
 sakala bhaṭāra bhaṣkara,
 tṣkwan denikang-ariṣi widruma makamata indra-
 nīlaya,
 mwang tekang sphaṭikārjja sugya rinōmuk
 kumṅar-ika hnīnya śobhita.
5. Sōk tang sarwwa skar mkar sumkar-angjrah-
 angibki rika ndatan lōsṣh,
 yan tapwan sumkar madṅg kumadu tang kudu
 kadi kudu ning saring tulis,
 mrik kṣmbang śatapatra ring wwayamapag
 wangi nī mayang mkar,
 nghing teki kumuḍā mkar kumudu nājar-i
 tka ning-aho lawan wngi.
6. Kirṅnang cendana wārbuk-ambō ni kapurnya
 sura daru mamandararuhur,
 mwang kalpadrūma pārijāta binatur pinaka-
 rṣja rinōngga ri tatur,

leñ cūḍamaṇi simping-ārjja maṇḍēng wwah-ika
 kusuma rātna pangkaja,
 lungsir - lungsir-aneka petra nika mañjēṭi
 hana lak-asutra bang pṭak.

7. Rāmyākweh trṇa kañcanāsmu wlas-arēp-amilōta
 śoka padapa,

[52:5:7] dhūpā -/- kasturi ng pahoman-amlōk kadi
 hana sira bhikṣwangārccana,
 nīraḥ tang kañcana wrḡga cāmara ri haṅg
 muwah-ika hana satwa kasturi,
 mwaṅ sēnggah kanakārjja rakwa mawilāśa
 manṅa - mṅa warṇa bañcaṇa.

8. Lor wetan hana tirtha nirmmala mijil saka
 ri ūphalapadmarāga ya,
 len tekang tumḍun mareng raḡu bañunya kuning-
 abang-aneka warṇana,
 lumrākweh makaranya medran-i tpinya kanaka
 maṇi teja bhāśwara,
 swarggākambangan-ing tasik madhu paḍanya wahu
 tka sakong smarālaya.

9. Ndi ngganya ngwanganēmwa rajya kadi rama
 nika yaya katona ring langit,
 dewī dewa yayan kapūhan-angalēm tka mara
 paḍa bhaktya mūrḡita,
 tan hopēn nikanang wwaṅ-adyah-i dalēm sahana
 kadi hañar - hañar mulat,
 nḡhing kewrañjuga deni tan wawang-ikān parana-
 kadi tuminghal-ing wulan.

1. Kunang-ika sang sawang hyangi kelangwan-ing
kusuma katwang-ing sanagara,
hana sira ring bukū ri tpi ning jurang
liniput-ing gaḡung wahu mure,
[55.2.] lēngēng-alangō mihat ri -/- lēngēng-ing ka-
langwan-atiścbhitāparimita,
tkap-i halēp nikanḡ sphaṭikawośmaratna ma-
naruh dināwyang-umuruh.
2. Rininga - ringā pwa mogha kadi tan pamatra
muwah eka rakwa ya dlēn,
kadi mēsateng kḡaḡā marēngane kḡep ning-umarā-
ngikēt skar-arūn,
karaḡa nirān maśabca ri sirang kawīśwara
wadhū widagdan-umarēk,
mataña ri mūla ning reḡu manūḡa - nūḡa
kahiḡēp.
3. Sang-inujaran wawang humatur-āngēbang - hē-
bang-angakḡamāngmu manis,
dyah-ari bangun sirat - sirati raśmi ning
madhu wuwusta yogya dahatēn,
niyata manēh tatan wruh-ikang mūla - mūla
nika rāmya tan pasiringan,
nguni - nguni yan bhaṭāra sire sang makār-
yya muni sajjana prabhu tuwi.
4. Nḡhing-iki karēngwa nindya ya titir sinūk-
ḡma kni citta sang narapati,
ulih -i masamādhi sang prawara pāḡḡitāryya
karuhun ta sang narapati,

kita juga sang pramāṇa ri kalangwan-ing
 taman-awṛḍya rātna kanaka,
 mayugala ning ng humah sphaṭika śūddha rakwa
 66.5.7 -/- kalawan narendra tanaya.

5. Karaṇa narendra yan sira makon manungsunga
 ri sang nareśwara wadhu,
 saha kalawanta yunta makamulya nāyaka tkap
 ning-adyah-i dalēm,
 prawala sirekya harya mihateng smarāratih-
 aneng manobhawapada,
 tmah-īrarasta rakwa kalawañjinendratanu ring
 grahārjja kanaka.

6. Sanama sama pwa rūmta bibi yan matēmwa
 kalawan nareśwara suta,
 sḍḅng-usirēn tkap ning-amarā tapabrata makā-
 di janma sahana,
 wwang-apa ngeranya tan maharēpeng kadibyan-
 ing-umeśwarāsih-asihan,
 ndya wnanga ning niraśraya tkapta lālana
 mangaywa rāga turida.

---oOe----

1. Nahan ling sang strī prajña dadi sumahur
 sang nṛpasuta,
 kakangku ndi ngwang tan jēngēra tkap-ing
 śabda racana,
 ndanānghing bhrantekyā mangiḍēpi wuwus ning
 kadi kita,

bangun ngwang mahyun ring wulan-akalangan
lūrup pinalar.

2. Apanyan siddhang campaka mapulanga mwan
gaḍung-arūm,
katon dūrekang sadpada kalēmahan mungsi sari,
pṛsiddhekī ling tan ring-apa -/- pituhun
[67:ā:] mitya dahatēn,
lalityan lamlam kung kawi tka ngikēt gīta
kawin.

3. Bhaṭāreṅdra hyang tri puruṣa siran tan
katuduhan,
praśaste nūṣa ngkā sira mahasalīlāmnga - mnga,
ndatan manggēh rakwārēs-awdi kumēl ring
hila - hila,
apan udyānā śrī jinapati katatwanya karēngō.
4. Kahinyan tekang manuṣa kadi kamī ndan kawnanga,
tkap ning wwe gambīra mamasirana knora wahana,
uśānakweh bhūpālaka pati lawan palwa kasilēm,
jahat bingkas dening wuhaya caturādbhuta
magalak.
5. Kalinghanye norekana wawa rēngōn denta mawuwus,
bangun mājar sor ning giripati tkap ning
sawi - sawi,
kaśaktyan-ing wwan ndin lēwiha saka ring
dewa subhaga,
kawindrā strī mojar saha guyu rēsēp tan
kaputungan.

6. Tuhankwīndung singgih tuhu niki wuwus teng
 hulun-ibu,
 śiwādi brāhmā wiṣṇu katiga sira tan kēna mara,
 nda nistanyā tan dewa nṛpa suta himpēr pwa
 wnanga,
 apan sākṣāt nisreyasa sira tmah śrī jinapati.

7. Nda nāhan pamyaktan ri sira tuhu yan bu-
 ddha sakala,
 praśasteng rāt ngūnin kararayan-iran dug
 wawu mijil, -/-

67:5:2 prayatnā dewāngastuti saha skar ring lāngit-
 ahumung,
 wināśang sarwā kleṣa kujana maluy śantika mati.

8. Rikā śighrāgōng rakwa tuwuh-ira śastra jñā
 tumuli,
 suśīlanwam lwir hyang smara manulus-ing rūpa
 lalita,
 sudhīreng yoga śrī bagawati tkā bhaktya
 ri sira,
 lawan sanghyang ning bhumi tmu sira
 bhaktyāsih-umarēk.

9. Muwah sakweh ning dewata gaḡa paḡātawang
 sira kabeh,
 tkap ning jñānācintya parama sḡēng ning
 kasutapan,
 apan sākṣāt werocaga sira tkap ning surapati,
 tinūt ning hyang bhakting nṛpati suta mahā
 boddhi kahiḡḡp.

10. Ndatan warṅnan tang hastimuka karuhun
 bhakti ring alas,
 lawan sang satwendrō__ragapati huwus śān-
 ta karuṅa,
 nda sangsiptān ndin mānuṅa kadi siran
 dewa sakala,
 awas tan matrekā kita mayugaleng weśma kanaka.
11. Ya rakwekin pākendriya maganal-ing rūpa kahiḡḡp,
 yadin miśre swarggākurēna katkanyān sira harēp,
 sahur toh rakryan aywa patiku tuhāpan sira bisa,
 sukālah ken suputri hana wirang irāryyan pasēsōra.

---oOo---

1. Tad-anantareki sang wwang-ahayu kadi dewa kanyaka,
 [68.a.] -/- kalawan kawīndra dayitā saha kaka - kaka
 rāmya wah langō,
 awiwakṣita pwa ya ḡatōng nṅpawaramahiṡī mare sira,
 daśabāhu putra caritan caritakna tkap ning-anglō-
 ngōng.
2. Katigeki rakwa rumuhun huwus-amapagi jōng
 nareśwara,
 paḡa kāsypan mihat-i sang kurukula susumāyu-
 dhopama,
 humuwah jitendratanu kādbhuta mihat-i sirān
 tri poruṅā,
 syapa teki ling nira sang wahu tka pamuwus
 nire haji.

3. Anak-ing hulun katiga ling nṛpati majar-i
 sang nṛpātmaja,
 subhagāgrajottama si śāla ngaran-ika
 ngarūpakadbhuta,
 si sucitra madhya ya makebu wka nira
 mahārṣi putrika,
 wisatī ngaranya wka sang muniwara bhagawan
 mahottama.

4. Ikanang pamungsu ya si dakṣa ngaran-ika
 suśīla śastrawit,
 dwija wangśa jāti ning-ibunya subhaga ma-
 ngaran sulakṣmiṇi,
 malawendra rāja duhitā juga paran-i hatingkun-
 anglare,
 ri gatinya tan papatutan pituwi ya para-
 meśwarī puri.

5. Na wuwus narendra lumaris laku nira
 mahawan gunung - gunung,
 [68.6.] sahayo -/- dha sangghya mangiring gajaratha
 ya suwarddhaneng hawan,
 irikā nda śighra tka ring taman-i yawi
 nikātiśobhāta,
 tumurun sakeng ratha narendran-umuwah-ika
 sang nṛpātmaja.

---oOo---

1. Byātītan sira sang narendra tka rakwa sira
 ri kahanan nareśwarī,
 mwang sang śrī jīnamūrṭti rakwa kahiḍḍep
 sira mtu saka ring nirātmaka,

hyang - hyang ning kusumeki mangkana ta
 ling ning-umulat-amarantyakēn lulut,
 hyun - hyun buddhi nikang hañar lumihatīsira
 kadi - kadi mukṣa tolihēn,

2. Tandwa śrī parameśwarī tka manambah-i haji
 kalawan suputrika,
 ambēk śrī naranātha tuṣṭa sira garjjita ni tka
 narendra kanyaka ,
 om rakryan sipi hārṣa ningwang-i ḍatēngta
 yayi mapag-ing hulun tuhan,
 bhoh tendungku mangañjaling nṛpati putra
 jina sakala dewa ning jagat.

3. Lāwan rakwa sireki sānak-amisan saka ri
 yayah-i māsku tan waneh,
 tustus bhāratha wangśa yogya siwinēn kadi
 kita pinakesi ning puri,
 ling sang nātha wirang rwang epu kinḍō
 sang-ahayu sahajā wawang mingē,
 lwir dewī marēk-ing -/- smara hyang-i ma-
 nambah-ira majar-i tambwang-ing kapat.

4. Buddhi śrī nṛpa putra mār hati niran mihat-
 i smu gḍah tibeng śila,
 rēmpuh tan pakasamburat manah-ire nṛpawara
 duhitāmiring rwangi,
 lēnglēng deni hajōng nirāsmu tulis kanaka
 wahu sinangling-ing rawi,
 byaktāwas taya ning jitendriya siran
 tumuta ri raras-ing mamañcana.

5. Nden sang śrī naranātha rakwa wihikan sira
ri manah-i sang nṛpātmaja,
ākāreng gati ning tulis marahakēn tēnuh-i
hati nirāpulang lulut,
tan warṇnan sira lālanāngitungi pangjrah-ing-
sasana ri tīra ning raṇu,
tansah śrī jinamūrṭti kādbhuta sirān miyat-i
lēyēp-ikang pacangkraman.

---oOo---

1. Ya hetu nira yan patakwan irarendra ri sa-
hana nikang sakendriya,
ri mūla ni langōnya . nūṣa kadi nūṣa ka-
naka halēyēp tininghalan,
Nahan wacana sang narendra suta bhūpati sira
mawuwus manohara,
tuhanku huningan warahkwiki warah surapati
sira mājar-ing hulun.

2. 69.6.7 Uśāna karēngō katatwan-ikanang sphaṭikagraha
sunū -/- ṣahottama,
bhaṭāra jinarāja dewapati rakwa sira wkas-
ing-iṣṭi dewata,
sirān-upama sampratiṣṭa makakahyangan-iki ka-
lawanājineśwari,
prakāṣa mara hetu ning taman-anindita wuhaya
bhayādbhuteng raṇu.

3. Ya kāraṇa nirā ndaten hana wnanng mahasa ri
kalangōnya dūrggama,
samāpta para dewa sangghya mawding hila - hila
gurutalpakenucap,

bhaṭāra rawi candra tan panggal-ing taman-
i laris-irāmradaḱṣiṇa,
samering-atibhakti ring guru sahāswita sira
mawding hupadrawa.

4. Kunang pwa laki sang w nang ḡatnga ring graha
kanaka wuwus sureśwara,
nṛpātmaja jugēki rakwa karaganya w nang-usirēn-
ing macangkrama,
kitāśaya bhāratangśa ring-apan katamana lara
wighna pātaka,
apan kita wiśēṣa mūla nika rakwa sakala
jinamūrṭti ring sarāt.

5. Ya hetu nika kanta yan wawang-umundang-i
hari nira ken suputrika,
anungsunga kiteng humah sphaṭika rātna ma-
tutura ri tatwa ning smara,
apan rasika locanangdadi tumut ri kita
matmahan hyang-ing puri,
nghulun matuha yogya -/- bhakti ri kitān
kalih-atiśaya dewa mūrṭtika.

6. Kalinghan-ika māsku aywa kita tan patutur-i
gati ning śarīrawān,
nimitta ning-arūpa manmatha lawan ratih-ati-
kin-angaywa sanggama,
amūktya phala ning wiśēṣa hana ring bhuwana
tmaharāja bhūpati,
ndatan waluya ring niraśraya yadin turung-
agawaya kirtya ring jagat.

7. Nahan ling nira sang narendra sutasoma pa-
 rama suka garjjite haji,
 huwus wruh-ika yan narendra duhitan pakayugalan
 sireng jinālaya,
 ikang tamani nūṣa ning raṇu pakongguan-ira
 tikinadharmma deśana,
 ri kāla nira yan winūrṣita tkap ning-amara
 manaḍah waramṛta.

---oOo---

1. Ndan ring sakṣaṣa śighra tang wuhaya mēntas
 ring ḍarat pat ḍatēng,
 harṣān ton jinamūrṭti hetu nika yan krūrā-
 tmah rākṣasa,
 bhaktyānambahi jōng narendrasutajar yan dwa-
 rapālānurun,
 sangkeng buddha padeki yatna ri pekon tang
 rākṣa nūṣottama.

2. Mangke pwā ri ḍatēng bhaṭāra mapa donkwānung
 mahāyogyana,

[70.5.7

mārggeking -/- tmahanta rakwa kaharēpkun
 ling narendrātmaja,
 drak śighrān waluying wwayār ppat-irikang
 nūṣātmah wwat wsi,
 mās rātnopakaranya teja nika sākṣat wangkawa
 mūktyapah.

3. Sang śrī bhūpati yeka rakwa kawngan yan
 ton riyātyādbhuta,
 mwang sakweh nikanang tuminghal-angalēm de
 śrī narendrātmaja,

sāmpun prapta sirerikā haliwat-ing wwat mwang
narendrādhipa,
cuṅḍuk ring kayu pārijāta sira līlān ton
lēyēp ning taman,

4. Ndan sakweh nikanang wwan-adyah-i dalēm
mwang śrī supatnīniwā,
mukyā śrī nṛpa putrikā sira kinon prāpteng
sunūṣan kabeh,
ājñā śrī naranātha rakwa kalawan śrī hasti-
nendratmaja,
yekāngde tutut-ing macangkrama samāhyun - hyun
tkap ning ng hawan.
5. Rāmyākweh madēdēh haneng wwat-alangō lēnglēng
mihat kāsrpan,
dening pangkaja kañcanārjja sunnō lwir teja
ning we murub,
len tekang mahawan kidul hana sakeng pūrwwā-
turāgyārēbut,
wwal wungkuk malajōng kakānwam angure lolyā-
mawang pawwahan. /
6. Tan warṇan tka ring sunūṣa ktikang strī -
strīārjja rāmyāmijah,
sakwehnyan paḍa munggu ring kanaka rangkang
lwir raris ning tulis,
mwang tekang hana ring wit-ing bhūjaga
puṣpārjjābatur kañcana,
dudwekang mangalap skar kanaka rātna len
wwah-ing campaka.

7. Hanyāt tang mangayuh surāṅgana hmās
 ron-ing mahāwṛkṣa ya,
 dudwakang mangalap jbed kangarikā mwang
 kumkumāngasturi,
 mrik māmbwāngasut-ing sunūṣa mapapag mwang
 gaṇḍa ning campaka,
 sōbsōbnyān ular-ambēning kalukaran siñjang
 tkap ning smōng.
8. Nāhan hetu nikang sarājya mangalēm tingkah
 nikātyādbhuta,
 sōng ning rātna bangun kilat mabarungan
 mwang wastra ning strī puri,
 tēkwan deni halēp narendra duhitā lwir
 pwa mamiṇḍeng tawang,
 himpēr wruh - wruha ring smarālaya hiḍēp
 ning wwang mulat kasṛpan.
9. Āpan yan wuwusēn hajēng nira acintyā nora-
 kēn dewati,
 norang swargga śiwādiloka hulikōn dūran
 katēmwerika,
 ngHING sang paṇḍita sang huwus tumēmu pōh
 ning śāstra yogya krama,
 yekānung sira sang wruhe sama niran we -/- t
 ning puroḡottama.
10. Mangkā tingkah-ikang tuminghal-i sira śrī
 hastinendrātmaja,
 sākṣat sūkṣma mijil sakeng sḍēng-ikang jñānā-
 tiśūnyātmaka,

kālil rakwa sirān haneng sphaṭika weśmajā
 narendrādhipa,
 sōng - sōng ning turidātmaḥ ktē - ktēg lumreng
 jajāngde lēngōng.

11. Buddhī śrī jinamūrṭti lēnglēng-alangō de
 śrī narendrātmaja,
 rūpā hyang suranātha ngūnin-atmaḥ strī tan
 tumaṅṅing pisan,
 tan hopēn tikanang mamañcana kabeh sakweh
 nikang āpsari,
 norang mar ppat aneka tan swa mareke jōng
 ning suputrī taman.
12. Yekāngde tñuh-ing twas epu kaskan kung
 rāga lāwan lulut,
 guntur hyun kawahan raras hati babal tekang
 kayogīśwaran,
 tēkwān wruh sira yan narendra duhitān dewī
 nireking dangu,
 tansah rakwa sakeng śarīra ri sǰēng ning
 hārdhdhanārīśwara.
13. Tangheh yan wuwusēn hajōng nira bangun
 hyeng ning taman rwānurun,
 anghing rakwa sireki yogya warangēn ling
 ning mihat kasppan,
 byātītan ri surup hyang-arkkan-umulih sang
 śrī nare -/- ndrādhipa,
 swang sakweh nira sang mahas sira huwus
 præpteng pakuwwan kabeh.

yekānūng pakarowwang-ing mangun karyā" śrī
 narendrātmaja,
 siddhā ning warangōn mateki ya tutēn sojar
 mahājyotiṣa.

18. Lāwan sang mapatih sireki miliheng rajyeki
 tatan wanoh,
 donyāmeta suwarṇa rātna saha kāryā ning
 wiwāhakrama,
 tangheh yan huningan wkas - wkas-irāmwit
 sang kinon māntuka,
 eñjing rakwa mneki mangkata ri sāmpanyang
 tabēh pāt muni.

---oOo---

1. Wwang ring jro pura garjjiteki rumngō paḍa
 wihikan-ikāpti sang prabhu,
 yan rakryan nṛpa putrikā laris-atēmwa sira
 payu lawan nṛpātmaja,
 yekāngde lēngēng-ing manah mangñi polah-ira
 paḍa wiśeṣa ning rimang,
 byakta lwir lēyēp-ing pasir wukir-acumbana
 matmu ri rāmya ning kapat.
2. Len tang bhranta mangñn ri lampah ira sang
 lwir-asana kisapun mneng jinēm,
 mārmmāmakpaka sawang - sawang bhrāmara yan
 pamisiki thēr-angaras pipi,
 cumbwāngola tngah sirānglaku kasungsutana
 waśa ri lungsur-ing tapih,
 mūrccāngṛsi manahnya yan kadi raras ning -/
 inamēr-ika hetu ning mnōng.

3. Wwantēn lwir hayu ning tulis titir-amarṇa
ri hayu ni narendra putrikā,
liśyanyan pamuwus narendra suta sang siniwi
siwi pakeṣṭi ning hiḍḍep,
mogha lēk tika yan kinawruhan-ikungnya ri
sira smu ning kabhāsmaran,
hah mithyekinya yeka kindha pinacē - pacēh-
anambyakēn tangis.
4. Makweh bhāwa nikang wanēh paḍa kapengin-
inajēnga karaśmi ning jinēm,
rānyāmrih mawisik - wisik paḍa silih kuku
susu masilih sahut pipi,
len tekang lali yan kalungsur-i tapihnya
kasarakat-anganti ring dagan,
dening kung wkasan kapoyuh-angbak paḍa tlas-
amarantyakēn guyu.
5. Len tang rānya magoṣṭi ring natar-ahōm-hēman-
i wijil-ikang niśākara,
ānghing rakwa narendra putra winuwusnya riḡa-
caḡa rinūpakeng hati,
ring rūpādhika wiryya tan kapalang-ing guḡa
sira manulus sulakḡaḡa,
singgih yan jinamūrṭti rakwa pangucap ning-
umulat-i sirānulār smara.
6. Pamyaktan ri kadewamūrṭtin-ira ring taman-
atiśaya nora tan wruha,
āpan rakwa ri ngūni - ngūni karēngō -/-
sahana - hana nirang watēk ratu,

norekā mahaseng sunūṣa mawding bhaya
 wuhaya mahādbhuteng raḡu,
 mangke prāpta narendra putra kadi ring
 swapna tka nikang wwang-ūttama.

7. Endah lwir siluman sapolah-ira tan pamanēh-i
 kadi dewa ning taman,
 lwir mukṣān dinlō katon kadi mahānēwasi hati
 ning-angjajah langō,
 yan tinghal kadi polah-ing kumuḡa kānglihan-
 amuhara rāga ning rimang,
 ndin tan syuh tang-akung tuminghala ri po-
 lah-ira rēngi hanānḡar tapih.
8. Tansaheng kawi rakwa kenaka nirān tuladēn-
 ing-angikēt pralāpita,
 yapwan kārttika māṣa - māṣa nira yan panurun-i
 ri kalangwan-ing skar,
 pūjan ring skarārjja ring glung-acarwa tkap-
 ing-adyah-ing tilam,
 ros ning mādhyā lawan tapih lukara teki
 haturakna ring sḡēng rimang.
9. Nāhan ling nika yan pamarḡnana ri rūpa nira
 tuhu bhaḡāra ring jagat,
 buddhī śrī nḡpa putrikā milu wirang rwangi
 pangucap-ikāmiring rwangi,
 lēnglēng mār sumaput manah nira ya rakwa
 mamangēn-i ri sang nḡpātmaja,
 tontonēn ri manis nira paran manis-ira
 mnen pamangkwakēn.

10. Lwir tan pātma sirān mangō - mangōn-i tan
 [74.a.] rēsōpan -/- ira ri sang suputrika,
 ten han sangkeng hana patra ning turida
 kewala winidi ni sang nareśwara,
 hetu śrī nṛpa putrāng opu manahēn lara
 wirang-amarantyakēn tangis,
 nāhan hetu nirang surāga mawuwus - muwus-i
 siran-amet prahelika.
11. Rākryan wruh ngwang-i donta ngūni bibi
 yan wiwal-i gati ning-angjajah langō,
 tan polih kalangōn mihat ri sira sang wahu
 tka mamangun pānas hati,
 ring rūpa krama hīna wīryya guṇa tan hana
 kapiliha hetu ning tangis,
 himpēr wwai malētuh wasēh tangana tan kna
 wiphala ning-ahyunerika.
12. Rakryan aywa tuhanku sangsaya nihan hulun-
 itu marēka nareśwara,
 sāmpun rakwa wkas nireng hulun-ikang tumutakna
 manah suputrika,
 ngkā rakwābangunang swayambara sirāminanga
 ratu sabhārateśwara,
 yadyan tan hana kungta rakwa ri sirang
 jinakula muliheng swanāgara.
13. Yadyan tan hana sāmthanta ri sirang para
 ratu sahaneng jagat kabeh,
 sakweh - kweh para dewa rāja pinangōn pra-
 muka sira bhāṭāra keśawa,

[74.5.]
 mwan widhyādharma kin narendra mangiring
 sira -/- tumuta rikang swayambara,
 byāktāwas kawasanya rakwa phala ning prabhu
 kṛtawara dewamūrttika.

14. Sangsiptann bibi lah nghulun humature nṛpati
 saha lawān nareśwarī,
 pēngpēng rakwa turung nirāturu pijēr gumuṇita
 dadi ning prajojana,
 kapwāmaṇḍyaknang wiwāha nira tan kasuwayana
 rikang swayambara,
 towin rakwa wuwusta ngūni muji sang rājan-
 amiliha jalwa ring sabhā.

---oOo---

1. Na wuwus kawīndra dayitā rasa tuhu marēke
 nareśwara,
 wahwadan-angadōg-apat karaṇa,
 pṛṇateng siran kadata tuhwa mangkata.
2. Sira sang narendra duhitāsmu kadi gigrēn
 sirāsayut,
 dhū kaka jaga - jaga aywa wawang,
 ring-apāku rakwa wihange nareśwara.
3. Tuwi rakwa dibya panganugrahan-ira ya siwin
 sulakṣaṇa,
 ndī ta bhara ratu bhāṭāra kunang,
 maḍane raras - raras-irādbhuteng jagat.

4. Winalingku ngūni ri halēp nira tuhu halēp-
ing nṛpātmaja,
rūpa guṇa saguṇa sang nṛpati,
balikan mawang smara guṇeśwaropama.
5. Ndyā ta hetu ningwang-aharēp - harēpa ri
dadi ning swayambara,
hah sṛb-inaku rēsēpāharēpa,
[25.a.] tēwasā -/- mangun wirang i mādhyā ning sabhā.
6. Kalawan mateki karapangu masmu wiwalāngdadak
lumuh,
kewran-umangēn-i sirang siwinēn,
ring-apāku yan sawawa taṇṇingeng jinōm.
7. Surakānyakā paṇa mamañcana wkas-i manūttameng-
hayu,
indra sira matmahan yuwati,
atidūra rakwa sawawe nṛpātmaja.
8. Ngwang-ateki pan nṛpa sutāku kapana kta yan
samāgama,
lwir wiṣa kusuma lawan bhramara,
ngusirang wanāngañuta dukha ning hati.

---oOo---

1. Hah rakryan sang-arūpa mānmatha tkā manurun
i sṇṅ-ing pacangkraman,
lwir tan pātma matāku yan mihat-i rūmta sa-
phala lituhaywanindita,

ndin ngganyāku madadya kāmadayitā katkana
sawawanti tininghalan,
denya ngwang kasutēn sapolaha ri pangjrah-
ing-asana ri ramya ning taman.

2. Yan sang janma jmah nghulun skara kumbanga
kita rōsēpāngaras pipi,
rāmyangkun wuwusēn katona tkap-ing lēngēng-
aṭika - ṭikan mapet langō,
yapwan karttika māṣa pāwwakan-i rūmta gṛha
tmahangkwa lampunēn,
ngkā tākun sari sāryya tan kasalaheng kawi
parēng-iktēn pralapitā. /

[75:5:7

---oOo---

1. Nāhan tangis śrī naranātha putrika,
ngkā dyah surāgeki muwah sirāwuwus,
dhū aywa māskwību wuwus mangkana,
toh ndin kitā tan sawawe nṛpātmaja.
2. Sākṣāt smarānglōdarat-ing sulakṣaṣa,
singgih wuwustādhika sang nṛpatmaja,
mangkā tuhan rūmta mahārdhikāhajēng,
dewī syapānung sira sang tumarḍinga.
3. Sanghyang śaci strī suranāthanopama,
hyang śrī sira strīki tkap janarddhana,
strī hyang caturmuka saraswatī sira,
sanghyang umā strī paramēśwarottama.
4. Sakweh nirālah pwa tkap suputrika,

āpan mahādibya jineśwarī kita,
wet ning mahārūpa wisēṣa dewati,
norang wngī rājya tkapta bhāswarā.

---oOo---

1. Kalingan-ika samekāṁ sot ning strī jalu winuwus,
prabhawa niki sapolah tang rāt nduk wahun-umijil,
sahana hana nikang hyang bhaktyānganjeli ri kita,
surabhi kusuma lumrā sangkeng byoma kadi hudan,
2. Ndhya kari kareṣa ning tan tuhwānindita kasutēn,
sing-ulah-ika ta himpēr gēṣṣis mwang madhu rinatus,
taha karika wuwus ning -/- moyut jatya marakakēn,
suka pjaha kta ngwang mangke yan mṛṣa riyujar.
3. Nahan-ujar-ira mangde tuṣṭā śrī nṛpa duhita,
mahli guyu ri polah ning manggapuputapati,
lalu diwaśa surup ning candrekān sira maguling,
tayang-inipi nirānghing prāpteng kañcana bhawana.
4. Kṣeṣa rahina kamantyan saughyang sūryya wahu mijil,
narapati sira sām̐pun-ahyas mwang nṛpamahisi,
muwah-ika nṛpa putrī dewī tlas-asuji,
kaka - kaka nira sākṣat strīng kendran sama
mangiqṣp.

---oOo---

1. Nden sang śrī jinamūr̐tti rakwa ri husus niran
asuji manuṣṭanā hyang-ahalēp,
mwang sang śāle sucitra dākṣa pakarowang-iran-
angil-ing taman sama marōk,

byātītan ri ḡatōng narendra sira tekin-umi-
ring-i laris nirang narapati,
mwang sang śrī paramēśwarī saha lawan nṛpa
wara duhitādi ning wwang-ahajōng.

2. Sāmpun prapta sireng sunūṣa paḡa garjjita
sahana nikang wwang-adyah-i dalēm,
dening weśma suwarṇa rakwa paḡa hinyasan-ika
pinak-ing suwastra kanaka,
mwang tekang sphaṭikāgrahadi kinēna -/- n
jinēm-arēja sugandha kāsturi minging,
muntab sōng ngiklab nikang palisirārjja kumali-
lingi warṇa teja dumilah.

[76:6:7

3. Sāmpun pūrṇa tke witāna paḡa hinyasan-ikin
atiśobhitāparimita,
diptang maḡḡapa sarwwa warṇa winangun pamidu-
dukan-aninditādbhuta tmēn,
mwang singhāsana sūryya rūpa dumilah suraga
saha patāraḡeka dumilah,
urṇāng gopura bāhurakṣa makuṭādi sumaji kadi
mṛtyu jihwa kahidēp.

4. Sakweh ning saji ning wiwāha humaḡang tuhu-
tuhu hananeka warṇa mahalēp,
nyāng grodhāmbulu boddhi punti saha tūt wwah-
ika kadi rajang - rajang winulatan,
handong bang saḡomayā rēja rajah ri batur-
ika mawarṇa padma sumkar,
len tekang pasilih rininggit-i janurnya rinacaḡa
haneng palangka sumaji.

5. Molye walyana rakwa huwus masa niga ktikang
 surapsara wadhu,
 mwang widhyādharaḥinnarendra sumnō saha wali-
 wali ning surālaya hana,
 hetu śrī daśabāhu kadbhuta lawan nṛpa suta
 mihat-i hapūrwwa kahiḍḍēp,
 āstam tang balawīrayodha karuhu -/- n sahana
 nikanang wwang-ing pura mdēk.

6. Ndan ring sakṣaṇa śighra sanghyang-amarādhipa
 tka ri harēp narendra mawuwus,
 wruh rakwēki sirān kasowayana sang nṛpati
 tulusa ning wiwāha wangunēn,
 nāhan hetu nirān glis-anghyasi tikang sphaṭika-
 gṛha pinik sanūṣaṇa halēp,
 āgyeking kaharēp surendra warangēn nṛpasuta
 kalawan narendra duhita.

7. pōng - pōng rakwa sireki pōng-pōngan-ikung
 nira sḍēng-anahēn smarāmarupuhi,
 pōng - pōng rakwa ri nora ning gati jina-
 smarapa sinaput-ing manobhawa pinēng,
 nāhan ling nira sanghyang-indran-umulih sira
 caritan-ulah nirang narapati,
 sāmput rakwa narendra putra winarah sira mu-
 wah-ika sang narendra putra duhita.

8. Ndan sakweh nikanang wwang-adyah-i dalēm pura
 makamuka sang narendra mahiṣi,
 guntur hyun kawahan sukāgēng-i tkap surapati
 ri patēmwa sang nṛpa suta,

tan warnan ri gatinya rakwa huwas-ing
pidudukat-ucapēn kathākna muwah,
śrī putrīka lawan nṛpātmaja hinoma sira tkap-
i sang mahārdhika yati.

---oOo---

1. Ndah yekā -/- n pūrṇa puajā nira dadin-umijil
[???:5:] sangka ring dewawēśma,
mungwing paprāsanatyadbhuta nṛpa suta len
śrī suputryā niwaryya,
sākṣāt sanghyang smara mwang ratih-ira mapupul
ling nikang wwang tuminghal,
himpēr - himpēr katoneng tawang-irx raras-iran
mungsirang swargga loka.
2. Ātyantā mānuṣeng rūpa tuhu sira putus mūrtti-
ning hyang wisēṣa,
kirṇekang wwang subhakti sira sahana nikang
wīrayodhāprameya,
len tang mantryādhikā somahan-ikan-umarēk
puṣpa sēmbahnya maglar,
mwang tekang puṣpa sangkeng langit-angawang-
awang cihna ning buddha janma.
3. Hū mwang tang weda mantrāstuti suragaṣa ring
byoma lāwan mahārṣi,
gēṅding gong ghūrṇiteng śāla humung-abarungan
len-ikang śangka tinyup,
rāmyākweh tang manonton ri sira sēṅg-iking
rājakaryyādwitīyā,
dewī - dewārdhha merang mulati sira tkap
ning mahādibyarūpa.

4. Muntab sōng ning bukāsryāsmu kita milēt
 wimba ning candra kōmbar,
 lumrā lwir wintang-angjrah jnu nira kanakāng-
 ambwakēn warṇna muñcar,
 tannēh yan warṇnanēn rūm -/- iran-asmu tapēl
 māsmucap citra molah,
 nore ngūnī jmah towi niayata kahiḍḍp nging
 sirānindya mangke.
5. Sāmpun sampūrṇa kēwyān-ira pnuh-irikang
 bhoga bhojāna kābeh,
 rēp prāptang ratri mantuk sira wininangi rūm
 ning gṛhā rātna sangghya,
 yyāntuk sang wwang mamarang ri sira kari
 sawang cātaka mwang riris mār,
 kumbang - kumbang raras-rūm-ira kadi kumuḍā
 mwang mkar ning śāsangka.
6. Hyang - hyang ning karttika mwang madhu maṣa
 manurun lwir nirekān papanggih,
 nāgāngēmban wulan warṇna nira kadi tajug
 kāmukan roma mawra,
 sākṣat sūkṣmā dadi rwang siki sira kahiḍḍp
 mula ning dewa - dewi,
 kāma lwir kāmiḍī strī jalu patmu niran lwir
 puḍak rwātisuddha.
7. Sang kadyānangga rūpāsmu madhu lumihat sang
 lēngōng ring kisapwan,
 mārmmā - mārmmārahāsāngiling - ilingi būngah
 tngah lwir tulis mās,

janggāngol nyū gaḍing rūm niran-angamēr-urojārjja
 sang śrī sudewi,
 mojar pojor nira lwir gr̄h-amisiki sinwam -
 nwam-ing nāgapuṣpa.

---oOo---

1. Dyah sanghyang-i rāga ning karaktan turida
 [78.6.] piturun-ing ka -/- rāsikan,
 sang lwir sūkṣma sakeng śarīra matmah ratih-
 i sḍḅng-ing ngangḡḡō smara,
 pāwak ning kalangḡn mamiḡa kari rūmta bsur
 i tēlḡnging pasir wukir,
 sang sakṣat wangi ning skar nghulun-aminta
 wangin-ubhayanāngaras pipi.
2. Panghyang ningwang-i jōngta māsku mapa hetu
 ning-asmu wiwal pinangkwakḡn,
 hyunkwānugraha sihta tan kakabḡteng siku gati
 ning-angolakḡn tngah,
 mwang tan hewananānggamḡl susu tasanmathan-
 asunga spah sakeng waja,
 byaktolih phala ning tapāku bibi yan hnḡng-
 akna sapolah-ing hulun.
3. Hah rakryan ring-apāku tan pjaha de ni panarik-
 ing-ayunta dugsingi,
 nghing pintangkwi tuhanku rakwa kita manghuwus-
 akna gatingku kāsihan,
 caḡdintākwi rarasta pḡḡḡmḡn-i rūmta tuduhakna
 margga ning rimang,
 pūjan ring sari sah sakeng paḡah-ateki wisikana
 rḡngih ning-adyahi.

4. Rakryan aywa sasar rarasku musirang parama-
pada ri lungsur-ing tapih,
mārmānuta ri gatra ning tngah-agōgwana susu
ning-arēs kinewala,
līlānona ri raśmi ningwang-anulak jaja kati-
tihan-āngṛngih - rēngih,
[79.a.] swarggankun sira sār -/- yya mukti ri rarasta
mamurangana rāga ning jinēm.

5. Nāhan raśmi ni de nirāngucapakēn wacana kadi
juruh lawan madhu,
āngrūrūm-i kalangwan-ing kakawin-ārjja pangucap-
ira sang nṛpātmaja,
lēnglēng yan pangidung mahāngririh-i roma
sira mihat-i gatra ning muka,
sōng - sōng hārṣa mañumbu - numbu sahajāthēr-umu-
lat-i bungkah-ing tngah.

---oOo---

1. Sang śrī ning-asana kaknan manis ni wiṣa
ning wuwus-amaji kapō,
lwir tan huningan wulat-irān wawang tiklinghalis
amarēpēhi,
rēsēs nira kawnanga hetu ni masmu sung-
sut-atulak-inamēr,
kung rāga nira mangulanēh mapet hati bangun
manah-ing-añutaḥ.
2. Nirwāwlas-ira ri narendra putra paṣa de nira
sumēngagila,
nirwārēmēn-ira ri raras jinendra_tanu dūra
siran-angamēra,

nirwābwat-i turida nirāngalah ring- apa yan
katngāta wilaja,
nirwāharēp-ira ri narendra putra puharātangis-
inalahasa.

3. Dening wdi karaṇa nireki marmma panahēn
ktē - ktēg-i jaja,
lumarāgawara ri kaguh-ing payodhara kasangga
ri tangan-umangang,
279.5.7 mungkin -/- ꦱ iran-angure glung mawnēs-ārjja
lumaya kilusu,
tan sengēh-inari hari tan sahur winuwus
kadi tulis-angarang.

4. Nghing rakwa panulakan-irē gating nṛpati
putra tan-inangēn - angēn,
nirdon rēngu - rēngun-i halis nirān sahatēpak
jaja tēwas-akēsēl,
mwang tikṣṇa ni kuku nira mār sawang pupuga
rakwa ta wiphala tmēn,
nāhan karaṇa niran-umingsēr-amrih-angunus
tngah-angucap - ucap.

---oOo---

1. Ai kong cumbwabangun kalangwan-i raras ning-
shayu pinakesi ning puri,
lwir bhrantang taḍahārṣa - harṣa mihat-ing
muka masmu śāsangka pūrṇama,
lēnglēng lagi tuminghal-ing tngah-awarṇa pēpēsa
tkap-ing tapih suji,
pet - pet rāga mahāgamēl susu walingnyakna
surata ning kneng ng hunēng.

2. Undur aywa parēk ta kong winidhi ning
 kaka kinēqē mangaywa sanggama,
 tan sangke gēng-i kungnya tan saka ring-
 ambēk-anuwukana rāga ning rimang,
 yan sāmpun katkan manahnya maluyeng wukir-
 umuwah-angungsi sūnyata,
 /80.a./ sih - sih tan tuhu sihnya ta -/- n sira
 rēspāng-ing ulat-ing-awding nareśwara .
3. Toh ndin ngwang-arēpe ri yāsmu pasāh-ira
 tan-ana was mangāryyakēn,
 sis ndin wānya ktang lirang winilēt-ing
 gaḍung-i puput-ikāngat sari,
 pan tan kenaka ning skar tumanēk-ing bhra-
 mara jnēk-i rānya ning kapat,
 sinwam konēng-unēng kasumpinga gatinya kaha-
 takna ning macangkrama.
4. Nāhan ling nira sang narendra duhitāsmu ta-
 ngis-angēsah wimūrccita,
 mingsēr - mingsēr-anikwakēn tangan-abewa lu-
 mihat-i sirang nṛpātmaja,
 āmbēk śrī jinamūrṭti marmma mamkul tē-
 ngah-angarēk-i de nirāngucap,
 wit ning komala sārī ning mṛdhu wuwus nira
 kadi madhu sāgarālangō.
5. Dyah sang lwir lōngēng-ing pasir sang-atḍuh
 luh-angalōmēng-i laḍḍēp-ing mata,
 lāgyāgēntēr-i pangḥrs-ing tangis-apat
 panulaka ring-asewasānmatha,

sang līlārjja mahākarang susu bangun du-
nungan-ing-angikōt pralāpita,
mombak lwir ni tngahta dūran-ika tan pa-
ngarōmakna rāga ning rimang.

6. Rākryan aywa wi -/- yoga māsku ri gatingkun
umaluya mareng tapowana,
dūrāsāmbhawa tan kalangkyangatōneng-asuji
maririseng labuh kapat,
swargāmet kawahāmbōk-ingwang-iki yan tan-asiba
ri tuhanku wāhajēng,
tēkwan rakwang-iniṣṭi ning tapa tumōmwa ri
kita putus-ing prayojana.

7. Hāh rakryan winalingku mengōta kitebu ri
patmu maming jinālaya,
ngwang wairocaṇa locaṇā kita wkas ning-ahayu
pinakēṣṭi dewati,
sangsiptā ring-apāku yan wnanga tinggala su-
mikēpa sandi ning tapa,
nghing yan warṣih-i rūmta mūktya phala ning
tuwuh-aku maluyeng nirātmaka.

8. Lāwan māsku tutur - tutur pwa ya nimitta
ning-anurun-arūpa mānuṣā,
tan sangkeng bhawa cakra tan winidhi ning
titah-apituwi śāpa hetuka,
sihkwing hyang karuṇangku ring bhuwana mārgga
ning-apisah-adumduman paran,
lwir ning swāpna jugeki rakwa ri hiḍḍpku
katkan-apupul lawan kita.

1. Māṅkana de nirāmisikakēn wacana nusapi gatra

[81.ā.]

ning mu -/- ka,

cumbu wicakṣaṣāmalaku waswasēn-i manis-irang
dlā mata,

śrī nṛpa putrikātutur-i rēh nira pada dadi
ning hyang-ūttama,

ngkē taman-adbhuteki makapanglēngēngan-ira
lawan mahājina.

2. Nista nireki rakwa wihikan sira ri lulut-i
sang nṛpātmaja,

ndan paḍa de nirāsmu wirang rwang-angṣṣē-
sana hewa tan wulat,

wruh mangṣṣah mkēh linukaranta pihangani
jajāngṛmus tangan,

wruh manangis sirāngjriti knā nira kadi
lara ning kneng panah.

3. Śrī nṛpa putrikā huwas-iran kawawa gupayalurwa-
mādapa,

rūkṣa mhāh tuminghal-i tapih nira karudhira-
unwas-ing wtis,

śrī jinamūrṭti marmma mawlas mangisapu thēr-
angaras pipi,

rānya siran gamṣṣl susu tkeng tngah-anukupi
sasi ning tapih.

4. Tan huningan raras nira bhawīṣyati gumuling-
akālihang hulēs,

śrī nṛpa putra yeka tumitih muwah-i lulut-
irang suputrika,

ndah mawlas kabeh tang-anawing mangni lara
niran kaping rwana,
ling nikanang waneh ndi ta hanang kṛwag-
alara pjah kinōluta -/- n.

---oOo---

1. Byātītan ri patūt nireki mapupul kadi miṭuna
ri rānya ning taman,
tuṣṭāk nikanang sarājya karuhun nṛpati sira
lawan nareśwari,
ri krāban kalaseki rakwa tucapēn wali nira
ya huwus sinanggraha,
mwang tekang suraṣādi bhojana pnuh sumarasah
iriking balākrama.
2. Ndan rakryan mapatih sireki makamukya wahu
tka sakeng purādhikā,
mwang sakweh para pārthiwangjuru sameki sira
marēk-i jōng nareśwara,
tan warṇnan ri parēk nireki wuwusēn nṛpa
suta kalawan suputrika,
sorekuk mangajōng karāśmin-anawung sih-apituwi
ri sāmpun-ing rawi.
3. Āmbōk śrī jinaṃūrṭti tan sipi lulut - lulut
ira ri narendra putrika,
nghing kewran sira de ni kung nira makā-
witan-amuhara luh kinōlakēn,
nāhan hetu nireki maswit-i narendra sira
saha lawan suputrika,
amwit mantuka ring swarājya sira tan mulih
ri pura sang nareśwara.

4. Mangkā śrī daśabhāhu tuṣṭa ri hatur nira
 muliha ri hastineśwara,
 [82.a.] tēkven rakwa sireki milwa /tumute sira saha
 kalawan nareśwari,
 ndah sāmpun wihikan kabeh sahana ning bala
 muwah-ikanang wwang-ing puri,
 yan sang śrī naranātha rakwa tumute sira
 nṛpa suta ring gajāhwaya.
5. Ndan sakweh nikanang wwang-edyah-i dalēm lē-
 ngōng-asmu mangēpwan-ing manah,
 lwir tan milwa tumūta rakwa ri narendra hla-
 hla ri rāmya ning taman,
 lōnglōng de ni lēyōp nikang kanaka wēśma
 suminang-anaruh diwākara,
 sākṣat swargga piniṇḍa teki ri gati nṛpa
 suta kalawan suputrika.
6. Tangheh yan huningan gatinya tucapēn narapati
 kalawan nareśwari,
 sāmpun sah saka ring taman sira tkeng yawa
 tumuluyanunggang-ing ratha,
 mukyā śrī jīnamūrtti rakwa ri harēp nṛpati
 sira lawan suputrika,
 rāmyāsōng smita munggeh-ing ratha bangun ka-
 naka pacēh-iran tininghalan.
7. Yekāngde rēōp-ing tuminghal-i sirāsmu madhu
 kalawan gulādrawa,
 sakweh ning mangiring kapūhan-angalēm ri sira
 kadi sakeng smarālaya,

[82.6.] lilālon lari ning rathātut-i plu -/- k ning-
 acala jurang-adbhutādālēm,
 sumber - sumber-ikāhning-adṛṣa hilinya tṛṣa
 kayu rumambaying baṅu.

8. Śighran sāmpun-anumpak-ing gṛḡr-atēki laku
 nira ri lambung-ing wukir,
 kongang rāmya nikang pasir saha limutnyan-
 alimunan-angungkul-ing baṅu,
 hamham buddhi nikang wwang-adyah-i dalēm rṅ-
 ngṛ - rēngṅn-i gṛrēh ning-ampuhan,
 lwir pangjrah ning-aśoka jangga ring-apan
 tan-agiranga ri gṅtṛr-ing patṛr.

9. Honyang nūṣa lōyṣp katon sumuka ning wahu
 mijil-awdin kaciryana,
 meghānāwli mahānaput susu layarnya mamanur-i
 jajāngun hunṅng,
 sanghub - sanghub-ikānawang riris-alit sariris-i
 mata ning kinewala,
 kuntulnyāḡḡdap-ing rēmṅng kadi mnur susu -
 susup-i kasah sakeng glung.

10. Deśākweh tpi ning pasir muwah-anāśrama hinmu
 kaning lamad - lamad,
 rāmyang wwang hamukṛt hanāmayang-amaṅcing-annḡah
 gawe nḡṛs-ing hati,
 kombak kombul-ikang bahitra yaya rakwa karṛmat
 kaping dṛs-ing barat,
 [83.a.] mangkin dhīra ta yāḡa -/- jāpilih-agōḡng hiwak-
 ika karaḡanyan-ujwala.

11. Kaywanyārjja maninggal-ing kadi manah ning-
 ahañutan-i dunghus-ing parung,
 pañjan wwananya bangun matanggōh-asaput hima
 tinangisan-ing hilang muni,
 lor wetanya karang liman kinasut-ing yyak-
 asmu gōrōh-ing labuh kapat,
 ghorānēmburakēn wway-ing tasik-awarjña mangulinga
 tumōngha ring tawang.

---oOo---

1. Mahāntēn līlāmunggi walakang-ikā lōnglōng-alangō,
 puḍak mūḍoda ngkeng bañu kadi wtis tan kahulōsan,
 lumimbak yyaknya lwir tngah-arōja minggut kati-
 tihan,
2. Tangheh yan warjnan rūm nika lōngōnga ning
 siḍu wuwusēn,
 wiwakṣan prāpta śrī narapati lawan sang nṛpawadhū,
 muwah śrī putri mwang nṛpa euta tkānindita tmēn,
 nda mangkin rāmyāngimbuh-i halōp-ikang sāgara
 lōngōng.
3. Apan sakṣat hyang śrī sarā tka lawan wiṣṣu
 madulur,
 mijil sangkeng jro ning jaladhi ri hiḍōp
 ning wwan-umulat,
 bhaḥārī sangkeng swargga sawawa samā ning
 wwan-umarēk,
 kakeña mwang gu -/- ndik kadi wahu sakeng
 hindra bhawana.

4. Nda yekā rāmya lwir manuku humut-ing wwāhan-
arēbut,
manah ning wwang ring jro pura raga - ragan
dening-udhadhi,
hanānambing ring wwai hana tka malungwing
karang-arēs,
waneh kadyāprang wwang pasir-ika jēngnyāmapah-
alun.
5. Sapolahnyan lwir wīra taruḡa mahāsūra kahiḡēp,
ndatañjrih dhīrekānutati ri surud ning yyak-
umisēp,
tinangkis mangkin tan katututan-i gōng ning
yyak-umili,
lah engging wang dening klab-i tapih-ikā
lwir kahañutan.
6. Waneh wahwāden siñjang-ika masikēp ciḡḡaga minging,
tumandang lagyātangkis-asana sinēmpal saha skar,
matēnggrañ jriḡḡ kēḡḡangnya patēr-aktēr tan paligaran,
kilatnyāliwran lwir prabhawa ni hayunyādbhuta tmēn.
7. Ri pungkur ning yyak mangkin-anukani ni rūm
ning wwang-ahajēng,
paḡēñjuh buddhiyākara-karang-i sat ning bañu murud,
hurang krang ten tekang kapiting-inalapnyāsira-siran,
[84.a.] cucuk sakḡi wwang tang kupa-kupang-ikākweh sumarasah./
8. Hanekā wwang rāmyāsmu manngah-amrih hima - hima,
ikang walwungkuk milwang-ikana tibā ghūrḡna sinurak,
pujut wwang gundik rakwa manlēs-ikākweh-ulih-ika,
pinuḡḡatnyābwat mangdani lukar-i siñjangnya kahudan.

9. Ya tāngde tuṣṭa śrī nṛpati lumihat mwang
 nṛpawadhu,
 nda yen-ungsir syandana sira ri hab ning
 kayu magōṅ,
 kuwū mwang dhimya kweh marēk-i sira sām̄pun
 saha sgēh,
 muwah tang prāpteng śrī nṛpa suta bangun
 wah mamalabar.

---oOo---

1. Ndan śrī nṛpa suta hana ring karang sira
 lawan narapati duhita,
 lēnglēng mangēn - angēn-i kalangwan-ing pasir-
 awarṇa siluman-alangō,
 mūkṣāsmu - smu ya mamīśra ring taya limutnyan-
 angulangunakēn,
 gāntērnaya hana juga titir karēngwa marēng-ing
 surak-ing-alun-agōṅ.
2. Honyāng kuwu - kuwung-i samipa ning rē-
 mōṅ-awor panas-ika manisih,
 pakṣinya kumdap-anawat wērēh sahalis-ing masa-
 maya layata,
 peḍanya gumuli - guling-ing parang sinaput-
 ing hima mirir-apatih,
 molah puḍak-ika tkap-ing yyakāsmu kḍal-ing
 tan-awanēh-ing-ulah. /
3. Rāmyākisi - kisik-amnēr hninya mabangun mata-
 mata marahup,
 himpēr turu - turu tan aneka warṇa kadi
 siñjang-ing-api langō,

kirṅṅang kaka - kaka madulur - dulur ya mahawan
 karang-aringi - ringi,
 len tang sipi - siping-inagēmnya rakwa maka-
 sumping-amuwuhi hajōng.

4. Mangkin lōyēp-i surup-ing-ārkkā wintang-ika
 rāmya suminang-i ruhur,
 kapwāngalōpak ni wijil bhaṭāra śāsadhara
 manulihi rāt,
 sang śrī ning-abayu tumiling - tiling wulat-
 irerikā masmu lōngōng,
 kadyāngira - ngira ri kṅār ning-indu tkap-ing
 muka sumōng-i tawang.

---oOo---

1. Āmbēk śrī jinaṃūrṭṭi rāgan-umulat sira ri
 hayu narendra putrika,
 mārmāngēman-asung spah sira mareng jinēm-i
 walakang-ing karang liman,
 harṅānon bungah-ing tngah kasuluhan śāsadhara
 sunnō tkeng susu,
 śrī putrī sira mingkus-osah-i lukar ni tapih-
 ira huwus katindihan.
2. Sāmpun tuṭṭā sarāga ring gati rēngih nira
 tan-awas-ikin rinēngwakēn,
 panggil - panggil-ireki nora karēngō mari ma-
 ngēsēsānānhakjaja, /
 nghing yoga smarāṅā mamūja sawisik jina_tanu
 PINAKESṬṬI ning biṭṭēp,

drak nīdrāṅgih-i sēmpun-ing gati siran lō-
ngōng-asmu nirātmakeng manah.

3. Tangeh yen huingan raras - raras-irāngapi
turida winidhya ning smara,
rēp tang ghaṭiteki sapta karēngō ri huwus-
iran-anaming rwang-ing gati,
munyang gong pangarah narendra mahungū sa-
hana - hana nikang balāturup
mwang sakweh nikanang wwang-adyah-i dalēm
sama mahungu huwus madan taph.
4. Ndah śighrang rahineki mangkat-ika sang nṛpati
sira lawan nareśwari,
mwang sakweh balawira sangghya mangiring para
ratu sehawāhanangdulur,
ngkā sang śrī jinamūrṭti rakwa ri huwus
nira maṣuji lawan suputrika,
lwir tan mangkata kepwanāmbōk-asawang ginamlan-
i kalangwan-ing pasir.
5. Nāhan hetu nireki lōngōng-angikōt kakawin
inuparōngga ning mangō,
sāmpun rakwa rinekakēn ri wilah-ing yaśa
tmunēn-ing angjajah karang,
ndan sang śrī nṛpa putrikā milu kalangwan-
amuwuhi gurit nṛpātmaṣe,
yekin rakwa gnēp kalih caturapādhika wina -/
ca nirān linakwakēn.

1. Lōnglōng araṣaku tan-intarā ri tkap-ing
sakamstan-alangō
lwir ginamlan-aku kung lumung gaḍung-ikāsmu
lungayan-amilēt,
nyū gaḍing-arēja sasāntēn-ing mahas-apet
raras-akara - karang,
kumbang-amisiki skar bangun rēngih-ikang
kawnang-arabhaṣan.

2. Mrik minging-i pamabaring mayang mkar-awarṇa
glung-anumure,
tañjung-asana tumibang lēmah kadi susup - susup-
ika sumahur,
keṣaka sawtis-ing-adyah-i mrih anilib ya
tumurun-amadhu,
yyar knyān-aliwu - liwuhan bangun tapih-aneng
dagan-ika katilar.

3. Mangkana manis-i manis nirāmaca palambang-
amuwuhi langō,
śrī jinatanu sira harḡajāmuji tkap nira
kawi ḡahātēn,
cumbu sumarasah-asung spah ri wsja pangrēnan-
ira wkasan,
saubyangarēki pipi tan bēsūr tiniklan halis-
i smu madhu.

---oOo---

1. Byātītan ri raras - raras nira bangun smara
ratih-enurun nahāngapilangō,

sāmpun rakwa sireki munggah-irikang ratha
 maqimaya bhāswarāparimitā,
 [86.a.] mangkat śighra tkeng balā -/- ngiringi huntat
 i harēp-ira sēh ya tākrama halēp,
 mukyā śrī daśabāhu putra pakarākṣaka
 katiga tuduh narendra karaṇa.

2. Remyākweh madōdēt tikang ratha matūt sisi
 hana gaja len turangga rumuhun,
 mwang tekang maḍarat sēsēk pnuh-ikang hawan-
 awkasan-amurang - murang-adoh,
 māryātūt tpi ning pasir sira tkeng hiring-
 -iring-i kalangwan-ing giri wana,
 wanwālit ri lēpitnya hana maḍala kuṭi - kuṭi
 dharmmasāla katmu.
3. Deśāgōng ri lēbak - lēbaknya walahar baṇu
 nika gumrēh bangun yyak-umuni,
 katyāgan kidul-ing pkēn parubunganya ri harēp-
 ika śobhitārjja hinēduk,
 nyāng grodhāmbulurang rēboddhi maluhur
 tahēn-ika ri samīpa ning kabuyutan,
 sanggar mwang dngēn-ing paḍū hana wawar janur-
 asmu haṇar kapūjen-acaru.
4. Ndah sāmpun naliwat sirerika tgal - tēgal-arat
 sayojenālwa katmu,
 ngke keryyāna hanan dukut mrak-alalang sumarah-
 irikā lawan kamurugan,
 pintēn ngganya huwus kagunturan-i ngūni kara-/-
 [86.b.] ḡa nika tanyāngṛsi suku,
 wātwakweh sawaluh salumpang-amijā hana sadurung-
 awarṇa ghopura rubuh.

5. Wwai mumbul ri tngahnya suda mahning wa-
 ringin-ika rumambayāhōb-aruhur,
 miqākweh kumḡap - kḡap ri tka ning panasmu
 maḡik suteja gumiwang,
 tūsanyāmalabar kinēmbung-umareng sawah-asmu
 samudra hangalun - alun,
 wḡkḡāgōng rōbah-ing tpinya ya mawarḡna bhanawa
 kajahat aḡar katarahan.

6. Lwah gōng wangkal-alit - alit hana ri tambing-
 ika saktōb-ing pasir winulatan,
 honyang karkaḡa ring gōlōng saha sōsōh
 kadi kapiting-awor lawan saripisan,
 dunghus - dunghus-ike tpinya makarang paras-
 asmu liman mahāpaḡa maḡōng,
 līlānūḡa śilanya rakwa sagunung ri tngah-ika
 katon lōyōp kalimutan.

7. Ngkā tā śrī daśabāhu maḡḡōg-irikāndyus-i
 kuda nira len gajoḡḡra manglih,
 mwanḡ sakweh nikanang rathāsira - siran kedi
 parahu mangumbang-ing jalanidhi,
 mangkin ḡhūrḡna sōsōk pnuh tka sang nḡpa
 suta kalawan narendra duhita,
 me -/- mbōh tang ratha len gaḡāśwari ḡatōng
 niran-anuti ri sang narendra rumuhun.

8. Ndah sāmpun rumuhun sireki ri pakon nḡpati
 sira ḡumantya mungḡwi ri harōp,
 tan warḡnan ri lōpas nireki ri surup ning-
 aruḡa mangil sireng giri wana,

meh - meh prāpta sireng gajahwaya narendra
 mangēn - angēn-ikang nayolahakna,
 tan len dūta mateki yogya gawayēn mawaraha
 ri ḡatōng narendra tenaya.

---oOo---

1. Drak sigrang baladūta tandwa wuwusēn sēmpun
 tōkeng hastina,
 tuṣṭāmbēk prabhu hastinendra rumgō tingkah
 narendrātmaja,
 ndan sang śrī paramośwarī satata dukkānglih
 matanggal sira,
 mwang sakweh nikanang wang-adyah-i dalēm
 śobhāhilang tang lara.

2. Nāhan hetu ni narendran-umijil mwang śrī
 supatnīnamēr,
 kapwānungeunga sang nṛpātmaja sirāgyā wet
 ni gōng ning hunōng,
 sēmpun prapta sire wanguntur-i yawāmungga
 sireng syandana,
 sōk tekang balawīrarāja mangiring mwang
 sang jayendrottama.

3. Lūnghāngdoh saka ring ka -/- ḡatwan-alaris
 sang śrī narendrādhipā,
 tan lingēn tikanang pradeśa kalawan lwah
 sēngka - sēngkan miring,
 prāpteng dharmma kabodhdhanādbhuta ri hengnya n
 yā^{śa} gōng śobhita,
 ngkā tonggwān-ira yan pangantya ri ḡatōng
 śrī narendrātmaja.

4. Ndah ring sākṣaṇa teki tandwa ri ḍatōṅ
 śrī hastinendrātmaja,
 mwang sang śrī nṛpa putrikārjja wahu sah
 sangkeng rathāṅgomarēk,
 kapwānēmbah-i jōṅ narendra kalawan sang
 śrī supatnīswari,
 tan sah śrī daśabāhu rakwa mangiring bhakti
 narendrādhipa.

5. Āmbōk śrī parameśwari paramatuṣṭānton naren-
 drātmaja,
 marumāngrangkul-i bāhu sang wka sirāṅgluh
 wet ni gōṅ nging suka,
 lwir ri swāpna hiḍḍpku rakwa ri tkanta
 mwang suputryāhajōṅ,
 tan wwang len-amisan sakeng kami sḍōṅ
 patnyānta māskwing puri.

6. Nā ling śrī parameśwari mwah ikanā sang
 śrī narendrāmuwus,
 hah rakryan ndi paranta hetu ni bapāṅkun
 tan katuḍḍēs pinet,
 mewiwwang balawīracāraka pareng deśantara
 mwang wana,
 hēntyang rājya mahādri siḍḍu pina -/- ran
 ndātan kapanggih kita.

7. Mangke pwā ri ḍatōṅ ta dinya kahiḍḍp
 sākṣat bhaṭārānurun,
 lwir sanghyang rawi soma denta magawa
 sobagya ning rāt kabeh,

nā tojar nira sang narendra sumahur sang
 śrī narendrātmaja,
 mangka tulya ni tuṣṭa ning hulun-ike bhakti
 narendrādhipa.

8. Ngkāne meru mahāgirindra pinaren mingkis
 madewāsraya,
 pringghātrit wiparīta tan hana wngang mungsyā-
 mrihang parwata,
 sang yogīśwara towi tan pagamanan prapto
 ri kewōh tmēn,
 singgih yan patapan bhaṭāra guru ngūnyā-
 nindya dewottama.

9. Nghing sang paṇḍita keśawāgra sira sang sām-
 pun pṛēastomara,
 yekānung tinut-ing hulun sira tumon-ing
 wngang pratiṣṭerika,
 tan sih ning widhi dewa bañcana nimittang-
 kun prasiddhān turun,
 wet ning pāpa lēhng ta ngūnya hiḍḍpe
 jōng śrī mahābhūpati.

10. Ndan sang śrī daśabāhu yatna sumilih mojar
 sire sang prabhū,
 singgih yan para dewa sangghya magawē sonyā
 narendrātmaja,
 sakweh - kweh nikanang -/- surapsara wadhū
 mighne sḍḅng ning tapa,
 manggēh buddhi narendra putra malēsorang
 tang mahābañcana.

11. Yekā hetu bhaṭāra śakra matmah dewī mahārupini,
 cumbwāhyun mkule raras nira msat mūḡe
 kṣaṅgāṅde lōngōng,
 rōp śighrān-umuluy sireki matmah śrī śakya
 singhādbhuta,
 ngkā sakweh para dewa sangghyan-umarēk śakra-
 tibhakti sira.
12. Kapwānghyang ri bhaṭāra tan tulusa ning
 mokṣāpṣmādeng jagat,
 śāntā ning prabhu porusāḷa huningan de śrī
 mahāgottama,
 nāhan hetu nireki bhakti tka somyā jōng
 narendrādhipa,
 tan dening wara bañcaneki sih-irēng bhūr
 loka cūrṅneng hlēm.
13. Tanngēh yan wuwusēn sapolah-ira sah sang-
 keng swarājyādihika,
 tingkah śrī wara bhorawīki karuhun bhakti
 narendrātmaja,
 mwang sang śrī kṣitidewatī muwah-ikang
 dūrwaktra nāgēndraya,
 mwang mong teki huwus praṅgama karēngō
 ling śrī mahākeśawa.
14. Ten hopēn tikanang sunūḷa kaparan mwang
 tang wiwāhakrama,
 sāmpun rakwa winarṅna teki ya tkap śrī
 ca -/ - ndra singhātmaja,
 hārṅambōk śrī mahāstinendra karuhun dewī

sirāgōng suka,
 praptang bhojana śighra rakwa manaḍah
 śrī bhūmināthādhipa.

15. Sāmpun wartta kabeh tkeng bala nirang
 kaśindra wah tang skul,
 twak badyag waragang kilang b̄m-umilī
 tampo pangasyāhning,
 tan warṇan ri huwusnya śighran-umulih
 sang śrī mahābhūpati,
 mwang sang śrī jinamūrtti munggu ri harēp
 sāmpun tēkeng jro puri.

---oOo---

1. Kunang sahana sang wwang-ing purā ri hastina
 makamuka sang nareśwari,
 prahaḡaḡa rēḡēp tuminghal-i narendra suta
 saha lawan suputrika,
 paḡasmu sakeng niraśraya bangun hana wihikana
 ring smarālaya,
 prasāsta pinilih yuwus nira katon tka manu-
 runi pangjrah-ing skar.
2. Tkeng bala samūha nora winuwusnya sari - sari
 ri sang n̄pāt̄maja,
 surūpa sira darśaḡī ya sakaleśwara guḡa
 nira nora tan wruha,
 ndaḡandwa sira teki rakwa sumilih prabhu lu-
 mēwih-i hastineśwara,
 bhaḡāra sutasoma teki panlah nira mari ma-
 ngaran n̄pāt̄maja.

3. 89.B.7 Ikang bala samapta mangkin-ati -/- bhakti
 ri sira paramottameng sarāt,
 para prabhu sabhāratheki paḍa tan salah-
 ulah-i sirang narēśwara,
 paḍāwat-i sadṛṅyanān-ira maring pura ka-
 ruhun-i sang suputrika,
 ya hetu nira sang narendra kawahan binihaji
 bhūmiphālakā.

4. Narendra daśabāhu rakwa pakarākṣaka tan-umulih
 ing swanāgara,
 muwah sahana sang watōk ratu samangjuru
 sama hana ring gajahwaya,
 nimitta nira sang mahādwiḡa sukāmbōk-ira
 ri pangadōg mahājina,
 mahāmṛta hilang tikang kujanabuddhi dadi su-
 jana dharama kāraṇa.

5. Pitowi ri huwus nirāpatutan-ing gati sira
 kalawan suputrika,
 sang-ārddhana ngaranya rakwa wka sang prabhu
 manasīja dewatāngdadi,
 nda mangkin-apagēh manah nira mahādwiḡa
 lakibi sirāsih-ing putu,
 samangkana tēwōk nireki mamangun tapa mati-
 lar-i sang narēśwara.

---oOo---

1. 90.a. Śighrātuhāgōng ta sira nṛpātmaja,
 sāmṅpun gēnēp dwēdaśa warḡa tang tahun,
 prajñeng dhanūrveda pitāmahāguru,
 sarwāstra tan len pangasih / narēśwara.

2. Yekā ta rowang daśabāhu ring raṇa,
mwang śāla dakṣeki sucitra tan kari,
yapwan hana prang wedane nareśwara,
yakṣādīmūrkkā ya ta wiḡhnaḥ ning jagat.

3. Bhraṣṭeki sakwehnya tkap nṛpātmaja,
wrin - wrin lumakweng wana bhūmi bhārata,
len tang manungkul maharēp ya jiwana,
tan matya yadyā maharēp ya bhikṣuka.

---oOo---

1. Byatīta ri huwus bhaṭāra sugatendra bhūphālaka,
narādhipati rātnakaṇḍa caritan mahādūkita,
blah suku nire tngēn pwa kajiring śīlāgrālungid,
ri kāla nira ngūni yan maburu mānuṣānglālana.

2. Tinūt nira mateki tandwa manahēn larābwat mabēh,
glanā sīra ring wit-ing waṭa ri madhya ning kanana,
tatan hana balan wruh-i yulah nirāgring rapuh,
swabhāwa nira nissahāya maglōng yadin tūtana.

3. Ya kāraṇa nireki tibra kadi tan mahābhūpati,
tayoḡada tayāwlasānghing-ikanang wimānomarēk /
nimitta nira yan maśabda ri bhaṭāra kālādbhuta,
macarwa ratu sātus-ing wana yadin sudirghang hurip.

4. Ri sāmpan nira mangkanāwungu marēn sakit ning lara,
hanāmbōk-ira masyangeng balan-umentukeng nāgara,
prasiddha pinakāṣṭapāduka nirārihang bhūpati,
umeta sang-aneng purāntara ya nisyanang prarthana.

5. Nda mogha tka tang balāsura humung parēng
ghūrṅnita,
sēsēk pnuh-ikang wanādri wihikan mahāraḅṣasa,
nimitta nika yan pasaṅjata sawāhanāgyān laku,
mangōn ri bhaya ning pangēmpwan-alawas siran
tan ḅatēng.
6. Nihan wilang-ikang wīra tumutur ri sang bhūpati,
kagendramuka ng-indrabajra kalawan mahādumdubhi,
duloma sumala prelabha jayaketu durlakṣaṣa,
kṛtāṅna milu tang subhangga si sutikṣa mantrottama.
7. Kaṭākṣa madha lobha dhūmalaba māna mohānala,
mukāgni caturangga kangṣa gaṣabajra wīroddhata,
kubhūmi kumalādi tan kahuri tang pṛgalbhādbhuta,
hanē -/- ka bala koṭi-koṭi sahnanya mangken ḅatēng,
8. Paḅādhika suśakti ring raṣa huwus prakoṣeng
sarāt,
titir kalilip-ing watēk ratu surādirājeng langit,
prawāktra ng-apatih wimōna putus-ing mahāsaktiman,
anindhyagaṣa kēlamūrṭti sumaput sḅēng-ing laga.
9. Nda śīghra sumuyug samāngaras-i jōng nirang
bhūpati,
prabhungku mapa hetu ning tan-umulih maluy
ring pura,
pitowi tikang-angga rūkṣa mawnēs wirūpākṣaya,
aho pilih-aneki duhka ni tuhanku pajār ng hulun.
10. Wuwusnyan-atibhakti jāti mawarah ta sang
bhūpati,

ri kārāṣa nireki yan panmu mohitāśa tmēn,
 ri māri nira ngūni dūrilabha tikang mahāśot pinet,
 kalēna saka ring kabeh ta karaṅanya mangkē
 wuwus.

---oOo---

1. Nā ling śrī poruṣaḍā krama sumahur-ikang rākṣa-
 sānindhya yodha,
 bhoh - bhoh he nātha yadyan suranātha wa-
 latēn ring mahāswargga loka,
 sōk gandharwā ta widhyādhara rumēbuta ta -/- n
 sangka ri kewran-ambōk,
 hinghanyan pārthiweng bhūpaḍa sukēt-upamanyañjangan
 lumbu tulya.
2. Ndan sakweh - kwēh nikang dewa tumulung-amukā
 brāhma wiṣṣwādi mukya,
 hah dūran wanya ring śrī kṣitipati ri sḍōng
 ning mahārudra rūpa,
 āpan sāmpan haneng hasta haji juga huripnyā
 ktang bhūr bhuwah swah,
 sangsiptā ndan wiśeṣa prabhu mahasa mametang
 mahāpārthiweng rāt.
3. Dhīra śrī rākṣasendrāgalak-i pamuji ning wīra
 yodhātirodra,
 yekān munggwing wimānādbhuta siran-umibēr ring
 langit mṛtyu tulya,
 guntur tekang gunung rug pucak-ika kawadal
 de nikang daitya sangghya,
 mwang tekang bāyubajrāngasut-angin - angin-ing
 rākṣasāhyāngiring sōk.

4. Habyūngen ring langit ghūrṇita humung-abarung
 glap sewu lakṣa,
 krūrāmēntang larasnya ngṅgut-ika mamutēr ḍaṇḍa
 koṅṭatikṣa,
 hanyat tang mūr tutug ring gagapa kawigaran
 pārwwatāgōng hinuṇḍa,
 dhwastekang swargga kambah kabaranangili ta
 watēk dewa sangghya.

5. Dūdwekang bhū -/- mi marggāngrik-i kuda nika
 [92.a.] len samajanyātighora,
 rug tekang wrkṣa sol sing kaparag rēmuk
 bhaṣmi bhutālpaśeṣa,
 prodbhūtang daitya rodrāngamuk-amupuh yyargra
 ning pārwwatāgōng,
 kabwat kombul śilanyang hangudani matmah
 pārwwatāgnyātirodra.

6. Kagyat tang satwa singheng halas-ika malayū
 de nikang bāhni mumbul,
 centēn wre barwang-awṅg riga - rigu kumtēr
 mong nikang grong mangohan,
 wrin - wrin sakweh nirang paṇḍita mēsāt-atar
 pājaran mungsir ing doh,
 bhraṣṭang wanwānanāsing saka perēk-irikang
 kānanākweh katunwan.

7. Ndah śighrā prāpta ring mālawā ri pura nira
 śrī mahācandranātha,
 molah tang bhūmi kagyat sahana - hana nikang
 wwang riheng keḍatwan,

wwil bhūtākweh makāpangarēp-awuda - wudātūt
 pkēn tan wring-ambēk,
 len tang bhūtāmalangkrik purus-ika mabungah
 kātarāng-ingkag - ingkag.

8. Honyāngambil hulam ring pajagalan-angmah
 limpa rodrānginum rah,
 /02:5:7 kir -/- pnekang garwa himpēr kasajēngan-awērō
 sing kancuṅṅuk tinutnya,
 puh tan wring de tikang wwang kaktēran-
 alayū mājar-ing śrī narendra,
 hetu śrī bhūmināthāgarawalan-umijil mwang ma-
 hāwīra rodra.

9. Sōk tang mantryādbhutāmuk mapagak ni pamuk
 ning mahābhūtarāja,
 dukduk kontāprameyang kṛtala muśala len bajra
 cakrāniwaryya,
 ndātan kowran tikang rākṣasa tka manugēl
 māstakāsinghanāda,
 prodbhūtāmang wtēng yānatas-iga mangiwung
 ring bajāmātirodra.

10. Wuswusēn tang watōk mālawabala tkap-ing
 daitya yodhātighora,
 sanghārotpātha cittanya karaḡa ni takutnyā-
 layū tan panolih,
 nghing sang nāthāngjlag ring ratha maniha-
 ngakēn bāḡa sarwāstra śakti,
 yekan śighran sinambut sira saka ri ruhur
 de nirang poruṣāḡa.

11. Dhīrāmbēk śrī narendrāmp-anahut-anuduk krūra
 mangkin prakoṣa,
 kapwāngrangsang rinimpus tangan-ira tka ning
 pāda karwan subaṇḍa,
 sēmpun mungging wimane -/- ki sira winawa
 lungḥāngamūk rāja malwi,
 tistis tang rājya kāntun salahesa ri hilang
 māswendrādirāja.
12. Mukyā śrī rājapatnī sira gupay-i hilang
 śrī mahārāja mangke,
 trōsēnglih deni gōng ning lera dadi kalēngēr
 tan wruh-ing polah-ambēk,
 mangkin sambat nikang wwang sama manangis-
 awū ghūrṇiteng jro kaḍatwan,
 dūran tan milwa belā sira yadi nimate liṅa
 ning sang narendra.
13. Yekāngde puh nikang wīra wkasan-amangun
 dukkitāsānya hēmhēm,
 ngḥing pōh ning nīti lakwākna juga majare
 śrī mahādḥata putra,
 ndātan warṇan gatinyan waluyana caritan śrī
 mahāporuṣaḍa,
 akweh tang rājya sēmpun winalat-ira muwah
 bhūpatinyān binaḍa.
14. Len tang pinrang sḍēng rakwa mēṅg-amēng-
 ike sāgarāngdoh kalangwan,
 mwang tāng kāmbil sireng kanana sḍēng-ikire
 satwa rājātirodra,

dundwekan sang cinidreng wngi sǝǝng-aturū
 de nikang śatrū śakti,
 kirṇekā sang sinambut kawṇang-i sǝǝng-ing
 rāja kār -/- yyāniwāryya.

15. Bhraṣṭang rāt cūrṇa tang nāgara haruhara
 de śrī mahāyakṣanātha,
 wrin - wrin sakweh watṣk parthiwa juga ti-
 nawan de nikang daityayodha,
 kambojā lāwana mwang nithīlapura huwus
 kālapan rāja tibra,
 ring lēngkā kaśmire wālabhapura malajōng
 dūrbbalang rāja sangghya.

---oOo---

1. Sāmpun rakwa sangang daśēki kalawan nawa
 wilang-ira eang watṣk ratu,
 ngkāne praṣṭa nikang wimāna mapupul kadi
 garuḍa lawan mahoraga,
 tunggal rakwa wkas pinakṣa juga sang gu-
 mnēpana śateng nareśwara,
 honyāng rājya ri singhaleki pinaran sudaśa-
 suta pakeṣṭi ning hiḍḍp.
2. Warṇnan śrī jayawikrameki rumngō sira ri
 ḍatēng-irā jayantaka,
 sāmpun rakwa haneng superśwagiri dūrggama
 mswarēki kaṣṭa ning puri,
 yekan hetu nirān sagadgada makon ri sahana

ning balākrama,
mwang sang bāṇa sireki wipraja mahādbhuta
mamapaga śakti ning musuh.

3. Ndan rakryan mapatih sireki juga tan raga -

24.a.

ragen-i / manah nareśwara,
kepwan de nika śakti ning musuh-aneki sakala
kadi mrtyu yar hiḍēp,
towin sang katawan kabeh paḍa mahottama ni-
puna sireng prang-adbhuta,
ndatan pamyati hetu ning prayata bhakti ri
haji sahakōmbāng-ing mata.

4. Sēmbah ningwang-i jōng narendra huningan
prabhu hatur-i patik nareśwara,
yan yogyā pilihēn nareśwara hatūr nghulun-
umusira ring gajahwaya,
ngkā ta śrī naranātha mangkat-amadan śara
makahulu hastineśwara,
tonēn sang mangilī subhikṣa sira māmapag-iriya
humus kabaṇḍana.

5. Sangsiptanya katon ri tan wanga sang prabhu
mamapaga śakti ning musuh,
tēkwan rakwa bhaṭāra rudra tmahan sudaśa-
suta ri kāla ning laga,
tan sangkong hawalangghyanāmupugi wiryya guḥa
tanu narendra ring jagat,
sih lāwan pagēh-ing kabhaktin-ika hetu ning-
aktēr-akon lumimbaka.

6. Towin hāna dharmma teki phala ning mulahakna
 kasinghan-ing raja,
 nirbhagnang raja yajña śāstra ring-apan
 pjaha ri sđng-ing prang-ādbhuta,
 āpan rakwang-iniṣṭi ning ripu ya teka su -/
 /94.5.2 mikṣpa ri sang nareśwara,
 sāngsāranta mahātiduhka ya kacitta ri hati
 magawe ngṣ-ing hati.

7. Ling rakryan mapatih narendra sumahur duga-
 duga tuhu bhūmipāleka,
 ndan sep ngūni ya kenakanya huningan bhaya
 ning-umilagān kaciryana,
 byaktekang bala rākṣasānututi ghūrṇita saha
 bala kośa wāhana,
 ndin tan mātya mātāku denya kahiḡṣp curi
 raja matiler swanagara.

---oOo---

1. Lāwan muwah mapa ta hetu niking swarājya,
 sōk rātna kañcana tkap nira sang narendra,
 ndah yeka tinggalakneng tka ning bhayāgōng,
 nirdon mateki ri halēpnya rinēngga - rēngga.

2. Milwang subhūṣaja kuṭāgra ring-ūttamāngga,
 urṇā bukaśryadhika rātna maḡinya muñcar,
 bwanghēn palayakna karya niking payuddhan,
 hāh tan sayukti nikanang kanakan sinaḡḡang.

3. Nghing yogya teki juga bhūṣaṇa ning tumaṇḍang,
ring rājya pāṅglahana hetu. nikān kināryya,
wwantēn pwa bhūpati milag tkap-ing musuh sōk,
ndah yeka kuprabhu ngaranya mahātipāpa.

4. Mangkā prwira -/- sasareng laku ring raṅangga,
kēdwālupe tka nikang musuh-āprameya,
jrih kumyus-anglōsa matinggala nāryyameng prang,
noreka yukti nika yan huripēn narendra.

5. He he kamung bala kaṅungka mahātītuccha,
dhik hāh ta kong-asu. milag saki pāḍukangku,
sing dharmma mulya tumute. ryyaku śaktya bhaktya,
nāṣṭi pwa tan wun-aku misyana dharmmayuddha.

6. Tonton mneki pamuk-ing hulun-ing raṅanggā,
mon matya mon mahuripeki ya tan kawēdya,
yadyan kapāśanana de naramangsa ring prang,
swarggaku matya taḍahēn hyang-anāntakāla.

7. Bhagyaku yan pjaha ring reṣa madhya mamrih,
karweka yogya ngusirēn paramottamoka,
nghing aywa tan parama satya ginēng ring-ambōk,
tan satya hetu nika ngūtpata yeka nindha.

8. Kidharmma tan pamuharāṅghayu yan susatya,
sonāṅgladi hyang-ika tiryyak-ikāṅgladi hyang wwang,
dewādi tuccha kahiḍāp daśajātirūpa,
dening wyamoha gati tan tuhu sadhu ring rāt.

9. Nā ling narendra sumahur dwijaputra bāga,
dhū yogya ten panasar-ing haji denta nātha,
nghing dūra yen kita kasorana yāwat-ing prang,
tāwat hanangku niyangtang ripu bhaṣmi bhūta.
10. Sakwehnya rakwa ya wukēn saha wahananya,
hastīndra len turaga gārdhabhang-oṣṭra bhaṣman,
byaktang gunung kunapa sāgara rah nikāḍya,
bhraṣṭanya dengku ya mne tkap-ing gadāstra.
11. Lāwan syapema maḍane rarising narendra,
salwādi cara janakānggala ketu māya,
mwang bāmadewa subalantaka śaktimanta,
sangkotarādbhuta daśābhujā wīrarodra.
12. Ndin dewa yakṣa mihateki guṇanya ring prang,
mowīwwa lakṣa ya sakeng gaganān-umangswa,
tanāwa kacurṇa kimutang ripu bhūmi margga,
ya teka bhaṣmi nika dengku lawan narendra.
13. Ndah kantōnya haji aywa wikalpangāmbēk,
pōh ning swacitta juga lampaha sang narendra,
haywenucap hatur-i sang mapatih pramoda,
mlecā swabhāwa purih-ing guṇa śaktimaṇḍa.
14. Bhinneki rakwa kalawan nghulun-ing ka -/- dhīran,
[36.00] tue ning dwijendra ring-apānguwakeng reṅāngga,
ling bāga rodra mangusap lēngēn-anggakāra,
krūrānggōtēm kedi manon galak-ing musuh sōk.

15. Mwang sang narendra suta sangghya mahātirodra,
 sālwādi rakwa saha sēmbah-i sang narendra,
 mahyun ri tan wurunga ning laga sang narendra,
 prodbhūta tang bala kabeh paḍa tuṣṭacitta.

---oCo---

1. Ngūā rakryan mapatih sireki humatūr prayatna
 ri haji,
 singgih nirguṣa tan wruh-ing naya paṭik
 narendran-umarēk,
 gōng tṛṣṣāhati dharmma ning dedi hiḍḍpkwi
 sang narapati,
 nāhan kāraṇa ning wikalpa kedi tan tumūta malaga.
2. Mangke pṛā wkas-ing mahāyaṇa sudhīra yogā
 plēngēn,
 dūra ngwang juga tan tumūta ri saduhka sang
 narapati,
 tēkwan wṛddha huwus humukti suka bhoga rātna
 kanaka,
 stryādipati yeki dharmma wkasan nda aywa kalupa.
3. Ḍāpen rakwa hiḍḍp paṭik haji ri tingkah-ing
 hulun-ike,
 dṛṣṭantopama weṣya ngūni karāṇanya wwah pari
 nika,
 dening dhīra makaryya tar lēga mareng sawah
 mamatuni,
 [06:5:17] hetu -/- nyan wki sēk durungnya tinut-ing
 pirak pwa katmu.

4. Tuṣṭāmbēknya tkeng swaragga nguniwēh
 tikang wka suka,
 sakwēh ning kulagotra rānya mamangan ta
 yeka manginum,
 prāptang kāla ri mahnya rakwa masa ning
 pariki tlass,
 yekādan ta muwah ta yāsawa-sawah kabhūktya
 ri hlēm.
5. Tulyekā gati ning prawīra ri hiḍḍep patik
 narapati,
 krūrākāra ri madhya ning raḡa mawētwa
 dharmma ri ya,
 kapwānūt-i ri pamrah-ing musuh-onu swawīja
 kapatin,
 tandwāmuktya subhojanēdi suka ring mahāpadapati.
6. Ling sang paṇḍita pōh ning-āgama catūr
 janeka linēwih,
 wwang sukleng rēḡa bhoja dhāna sḡḡng-ing
 kubhikḡa satata,
 nwang tan dukka sucitta rakwa sḡḡng-
 ing sinestawa suka,
 sūrātyanta sudhīra ring raḡa paḍeki mulya
 ngusirēn.
7. Yekān rakwa pakeṣṭi dewa paramēśwarāgra satata,
 beryyan ratri sirekyanēmbah-ucarḡp mareng
 jenapada,
 senghyang sūryya blah tlēng nira tkapnya
 margga dumilah,

prāpteng swarḡga wiśeḡa rakwa ri patinyan-
adbhuta tmēn.

8. Sangsipatanya wka -/- s ning-ewēh-ika satya
sang narapati,

yekānung tapa saprahāra ginōgō tkap sang-
hahulun,

trḡḡāgōng mara bañcananya ta kunōng balā
wḡga layū,

syuh dening ripu śakti ghūrḡnita bangun
prakāmpa mangasut.

9. Yapwan dhīra manah narendra juga tan tumut
kapalayu,

tunggōng tan muriring tuminghal-i

pamuk nikang ripu kula,

tan linggar rinōbut ring-astra tkap-ing

musuh ginurusung,

drak liḡā pwa ta sang narendra puruḡottameka
katmu.

---oOo---

1. Kunang yan lambhāmbēk nḡpati ri putus ning
laga hlēm,

lōhōng ring lunghāpet hurip-atilarang rājya
lalunēn,

apan tan yogyang kḡatriya yadi surud ring
pabharatan,

wuwus śrī kḡḡe pārtha śubha wacageng

pāḡḡawajaya.

2. Apan yan mantrībhṛtya juga yānya malayū,
 ta yekā yan wīrādbhuta mamagutang śatru rēmukēn,
 ndan-ākweh sojar tan pakaraṇa yaya kliwa
 masaki,
 mne yuddheka sang prabhu mihata re ning balagaṇa.
3. Nda hinghanyekī yan rari haji sirāmangpanga
 musuh,
 muwah wwang bhang śrī bhūpati sira kabeh ya -
 [97.5:] - / - n mapaga,
 tuwin yan len sangke sira ta juga aywenaya-
 makēn,
 awas mungkur dening wil-alit-ika bhītāmdi-mdi.
4. Tuhunyan ngwang tandweki pjah-i harēp śrī
 narapati,
 ndan-ānghing māsāngandēgakna wuk-ing rākṣasapati,
 apan ngwang hināpēs wiguṇa ring-apekin pamnanga,
 prasiddhālpāku lwir kadi daśa mating jōng
 mangiḍēmā.
5. Nda nāhan ling sang wīrapati humatūr sādara
 marēk,
 ndatan hṛt śalyāmbēk nṛpati tuhu yan kṣatriya
 kula,
 sukā bhraṣṭā ring prang kṣaṇika linalun
 patulaka,
 umūr matyācarwāku yadi mēsatātinggala pura.
6. Rikan manggēh tan sangsaya gati nikang sing-
 halapura,

muke tandang ning rākṣasa sumarasah ring
 balagaṇa,
 byatitan māntuk śrī narapati sirān śighran
 umijil,
 muwah sang bāṇā mwang rari haji wdin sep-
 amaṇana.

7. Pnuh sakweh ning wīra bala cumadang ring
 lēbuh-agōṅg,
 wanguntur sōk tang sāmaja kuda rathātēngnan.
 apajēg,
 gubar gong gēṇḍing ghūṇnita ya kalasangkāngrik
 umēngōṅg,
 [98.a.] ndatandwā tingkah sang prabhu mabhimu --/-- keng-
 gwan ring-asura.

8. Kagendra byuhānung glar-ira patuk bāṇa ma-
 tguh,
 hlar kānan śangkottara kiwa muwah salwa janaka,
 ri tēṇḍas sang wīrāpatih-ika mahāsūra suyaśa,
 narendra praṇṭānggēh nira milu dhirā māya
 ri wugat,

9. Nda śighra prāptang rākṣasabala humung lwir
 glap-ahēm,
 gumuntur sangkeng parwata saha gajāśwāglis-
 umaśō,
 prayatnang yodheng singgala kadi tasik rob
 mamalabar,
 bangūn syūhang rāt de ni patmu nikātyanta
 majmur.

10. Paḍātyanteng wīrāmuk - inamuk-anglwāng-i manurung,
 sudhīrāmrang - pinrang gulu nika tugēl mūrddha
 masahut,
 kawāṇḍakweh rotādbhutang-anuduk-ing śūla malungid,
 umumbul rahnya lwir wulakan-umijil rodra kumu-
 cur.
11. Wawang krodhāṅḍuk ring kṛtala muśalang rākṣasa-
 bala,
 dudūṅ krūrānambut gunung-anak-ikā mwang watu
 magōṅ,
 alah mewwīwwang singhalabala pjah kumyus-atakut,
 larut kewran tandwanuyak-irika sangkeng-awang-
 awang.
12. Katuṅḍōs nggwan sang bāṇa sira ma -/- mutēr
 ḍaṅḍa tinahēn,
 pupuh sakweh ning rākṣasabala balāwahana gmut,
 muwah sakweh sang kṣatriya rari hajī prodbhuta
 masō,
 makāsyāṅ salwā hrū niran-angibēkī bhyoma lu-
 mēpas.
13. Aneka lwang ning rākṣasa pjah-ikā de nṛpasuta,
 waneh bhraṣṭa ring hawyat-asura tibākweh katlēbuk,
 sawang warṣādṛs tang kunapa matmah parwata
 śawa,
 humilyang rah lwir habdhi rudhira karang
 sarwwa niśita.

1. Ndah yekāngīndra bajrāpulih-i tlas-ikang rāk-
 śasā krūra yodha,
 mungging hastyāngakus wāhana nika dumēmak
 syandane salwa cūrṇa,
 lumpat sang salwa mangsō tka ri muka nikang
 rākṣasāngduk linesan,
 yekān pinrih dinaṅḍeng gaḍa kiniwa tngēn de
 nirālwat tumanggā.

2. Syuh bhraṣṭang kumba ning sāmaja kahawa rō-
 muka len-ikang ḍaḍa cūrṇa,
 dhīrāmp sang narendrātmaja dadi kasikēp de
 nikang śatru mahya,
 tandang sang māya bāṅānglēpasi śarawarengindra
 bajrāprameya,
 ndātan kewran manahnyāmupuhakni sirang salwa
 pārwwatāgra.

3. Lāwan tekang mahādumdu -/- bi kumala masō
 mwang watēk wīra yodha,
 len tang pakṣindra wāktrādbhuta manguyab - uyab
 ring mahākadga tikṣṣa,
 hanyāt tang bahnī sangke tangan-ika madulur
 bāyubajrā pradipta,
 dudwā tang śūla sangkeng tutuk- : ikan-umijil
 bajra kontātitikṣṣa.

4. Nā hetwan tang watēk singhalabala malayū
 dūrbalang kṣatriyāngśa,
 rēmpak tang byūha kānan kiwa paḍa maradin
 mungsir-ing śrī narendra,

sang bāṇā lēs matinggal ratha sira manusup
nungsirang deśa śūnya,
kirṇekang wwang manupēt bapang-ika winalik
sandangan mās binuñcang.

5. Nging tekang mūrddha manggēh kang-inucap
angaran wīramantrī pramoda,
līlā mungwing rathābhrāsmu gujēng-amucang
n ton-irewang nirāwṛg,
mangken prāptang musuh tan surud-amanahakēn
sarwwa diwyāstrarāja,
kānggēk tang rākṣasākweh kna mati kapisan
bhūta tan lwir hawaknya.
6. Gutgūtēn tang watēk rākṣasa paḍa rumēbut
ring mahābajrakonta,
dhīrāmbēk sang pramodān ginurumung-inasō binwa -
tan śatrū śakti,
tēkwān sang śrī nare -/- ndrādbhuta sira
[99.6.] tumulung hrū nira rwang yutādṛṣa,
mangkin sūrānggṛgut tuṣṭa pjaha ri harēp
singhalendrādhirāja.
7. Ngkā tekāng-indrabajrāngamah - amah - angagēm
tomarāsinghānāda,
tēnggēk sang wīramantrī tinuju tinudingan
moḍa suprajña ring prang,
sakrodha ngke ta dūrlakṣaṇa kalih-amupuh
yyangga sang wīramantri,
singlar kapwātakis lāgawa malēs-anuduk ring
mahākadga tikṣa.

8. Tandwān trus karwabhinang dāḍa tarawang-abāṅ
rah nikādṣe manēmbur,
manglah ring syandana syuh rēnūh-ika kasawat
mwang tikang haśwa rimpung,
mangkin sūrāngiwung rakryan-apatih-angamuk
cūrṅnitang daitya yodha,
punggōl teng kadga cūrṅnan kapling-i siyung-
ing rākṣasan krūra rodra.
9. Yekānambut gadā bhigāṣa rika mamupuh rākṣasā-
kweh karingkōl,
mwang tekang tunggangan syuh gaja ratha ma-
rēmuk bhagmibhūtālpaśeṣa,
ngkā ta śrī rātnakaḍḍā mapagakna ngayat candra-
hāṣādwitīya,
trus pyuh sang wīramantrī saphala tīru nikang
wwang subhaktī narendra.

---oOo---

1. Sāmpun māti rikang -/- pramodan-umasō sang
[100.a.] śrī narendrādhipa,
mwang sang kottara bāma sira sakweh sang
herindā masō,
krūrāṅ hastra salakṣa koṭi lumōpas gar-
wwa watōk rākṣasa,
sakrodhangīkumala pralambha mamagut sakweh
watōk kṣatriya.

2. Hetu nyang prang-awarṇa guntur-atarung ghūr-
ṅnang sabha maṅḍala,

Tandang sang garuḍasya tandwa manguwuh sangke
 langit garwita,
 prāyānglawya gulu dyah-ūttara sireng hastīndra
 śighromasō,
 kanggék yan dinuk-ing tri śūla katibā de
 śangka śūrottama.

3. Śighrāwungwangusir lumumpat-anugēl sang śangka
 sāmpun pjah,
 ketu mwang janakeki mukya kawngang bhraṣṭang
 narendrānuja,
 haanghing teki narendra sang linuput-ing
 detyāgra len rākṣasa,
 sākṣat sūryya mahāprabhāwa rinubung ning
 rāhu koṭyādbhuta.

4. Dhīra śrī jayawikrameki lumihat kweh ning
 musuh rākṣasa,
 krūrānantara de nirāmanahakēn rudrāstra tejomaya,
 mwang tekang baruṅāstra bharggawaśara lwir
 mṛtyu sākṣat murub,
 bhraṣṭekang ripu sing masō katulayah syuh
 tang prawirotta -/- ma.

5. Towin rakwa ya tan sinung mjahaneki śrī
 narendrādhipa,
 āpan rakwa knoh nireka sikhēpēn ling poruṣaja
 prabhu,
 yekāngde puték-ing mahāsura kabeh dening
 musuh śaktiman,
 dṛk śighrang kumalā pralamban-umēsat ring
 byoma mungsir ptēng.

6. Ghorang krak tumdun sakeng ngawang - awang
 dhangstranya himpēr kilat,
 pakṣānambuta sang narendra pinanah tōṅḍasnya
 sāmpun tiba,
 kālih māti tikang sulobha ri wugat sadyāni-
 kēp ring haji,
 ndah śighreki dinuk nireng muśala māti
 mangguling syandana.

7. Ngkā sang wīra patih wimonan-umasō kapwāng-
 gēgō sāyaka,
 gaṅḍewāyudha sang narendra pinanah syuh lā-
 wan ratha,
 mwang tekang curigāstra ḍaṅḍa tinahēn gēk
 grang tikēl ring tangan,
 de rakryan mapatih ya hetu nikanang yakṣā-
 sura kweh marēk.

8. Hyun - hyun ghora paḍa hyunoliha ri sang
 śrī bhūmināthaprabhu,
 kirṅnekang manikēp tangan suku tengah ndātan
 knākral sira,
 dhīrāmbēk nira tandwa yan pṛp-ikanang
 śatrwādbhutāmah gunung,
 rōmpuh syuh sahananya de ni tkap-ing
 hastātulis cakra ya. /

9. Sakweh tang bala daitya yakṣa kapēngl
 rōncēm tibā ring lēmah,
 mañcur - mañcur-ike baḍuknya ya blah dening
 nakāgrālungid,

len tekang sumirat matanya malēlō rampak
wajanya pukah,
dudwekang dinugang tinūr nira pjah mawḡ
watēk rākṣasa.

10. Ndah sang śrī naramangsa garjjita sirān ton
śakti sang bhūpati,
ngāk - ngāk mtu tang mahābhujaga sangkeng
hasta rodrādbhuta,
dhangṣṭranyān lumarap sumēng ring muka sang
śrī poruṣāja prabhu,
tampuhnyan mangne narendra lumēyēp glānan
kapāsaraga.
11. Gārwwāhyā bala daitya rākṣasa mulat tuṣṭāti-
weghomarēk,
āptyāmuṇḍuta sang narendra wawanēn munggwing
wimānāglisēn,
śighrodhāni sireka rakwa matatur yañ cakra-
paṇyādbhuta,
syuh bhraṣṭang wara nāgarodra ya pḡat dening
śarīrojwala.
12. Dhīra śrī naranātha yeka mamupak dhang-
ṣṭroragāpālaga,
bingkas rwang yuta tā mahāsura balākweh
rākṣasendrān pjah,
len tekang dudut-ing wtēng wudul-ususnyāran-
tayan -/- kweh hutah,
dūran rakwa wnangya yan sumikēpe sang
śrī narendrādhipa.

13. Kagyat sang prabhu ratnakaṇḍa ri hilang
ning nāgapāsādhika,
mwang dhwaṣṭang bala sangghya tan hana wnanḡ
mangswā ri sang bhūpati,
nāhan hetu nirān harēp mjahane sang sūra
roteng raja,
krūrākara marāṅdikangdugangakōn hastindra
rodrāṅguling.
14. Prodbhūtāngusi sang narendra manujah ḡantinya
molih lēmah,
trūs teng bhūmi luput narendra kaplang ring
ḡanta kadgopama,
ping rwā ping tiga yan minangkana sirang
krodhān panek tang liman,
ngkāne kumbha nikān harēp manuduke tēnggōk
mahārākṣasa.
15. Yatna śrī naramangsarāja tumḡun ring bhunya
tinggal sajah,
kapwānūt sira sang narendra dinuk-ing
kontātisārottama,
mangkin sūra sirāṅggut sinusunan sūlāstra
sāmpun pjah,
de sang śrī puruṣāḡa śighran-umulih prapteng
supārēwācala.

---oOo---

1. Atha ri pjah narendra jayawikrama ring palagan,
tinangisan-ing grēh saha riris taḡit-ing gagaga,
binihaji sang nare -/- ndra ri dalēm masatya
sira,

mijil-ika len kakeña paḍa bela ri jōng
nṛpati.

2. Ndatan-ucapēn ta sang prabhu huwus sira sūkṣmamaya,
balagaḡa sang jayāntaka masuk mara ring nagara,
sahana haneng kaḡatwan-ika rātnawadhū tinawan,
maḡi kanakārjja rātna hinalap tkap-ing danuja.

---oOo---

1. Tan warḡnan gati sang jayāntaka milag sira
ri huwus-irāñjayeng raḡa,
dewī marmawati sirā caritanēn tan-ilu ri
pati singhaleśwara,
ngkān wantēn sira ring himālaya tapwana
ni yayah-irañ jiteng langō,
kyāting rāt bhagawan sukeśa panlah paramarēḡi
narendra pūrwaka.
2. Yekā hetu nireki tan wruh-i pjah narapati
tkap-ing musuh ḡatēng,
towin rākwa sireki ngūni kelawan karaḡa
nira ngusir tapwana,
sambandan gati sang narendra dayitā lōngēng-
angitung-i rānya ning taman,
ngkā tānganti sireng mahāntēn-anular kakawin-
ika patinggal-ing mangō.
3. Ndan sang śrī naranātha rakwa rumgō sira
ri pakakawin nareśwari,
[102:6:7] mo -/- ghālēk sira sangeḡa hati hanōngakirima
palambang-ing puḡak,

dewī marmawati sirekin-awarah yan-ulih-ing
adulad sakeng taman,
ndah yekan pinaran narendra ya lutur
katuruhan-i basah nikang hatēp.

4. Yekāngdān-i wuyung narendra ri sirāmarēn-i
lulut-ire nareśwari,
tēkwan rakwa haneki duṣṭa rari sang prabhu
kna turidānggō smara,
māmma hyun ri hajōng nireki tinulak nira
titir-akirim pralāpita,
ndātandwā mweng-i duke sang prabhu tumūta
ri panguha ni sang nareśwara.

5. Mangke pwā ri hilang narendra karēngō pjah-
amapag-i śakti ning musuh,
ānghing patya jugēki rakwa kabarēp nira tumuta
ri liṅa sang prabhu,
tan kēngōn ri wingit narendra ri sirānlēh-
i mamalih-ambōk-ing tilam,
panggil rakwa sire dlāha tiki yan kahiḍēpa
tuhu de nareśwara.

6. Ndah sāmpun sira teki mājar-i munīndra suka
sira tkap nareśwari,
āpan tan hana len saking pati juga panulaka
ri paninda ning para,
nāhen ling nira mūrccitang wwang-awlas mihat-
i hajēng-i -/- rān turung lēsēh,
atri - stri kweh ri dalēa wanāśrama haneka
kili - kili samānurun tangis.

7. Kirṇekang mahatūr sḡah saha lawan skar-
 anangisi jōng nareśwarī,
 āpan rakwa walingnya teki sira kāwangana
 sari kasumba ring raras,
 kapwāsaryya sire pamungsu palarēn hana sira
 ratu ganyangambila,
 tan . . . kewēh patutūrnya tandwan-umijil ri
 huwus-ira manōmbah-ing yayah.
8. Mangkat śrī paramēśwarī sira wirang rwang-
 askēl-ika sang kināryyakēn,
 sēapun prāpta sireng papuḡyan-i yawāngapi
 laku nira mungguh-ing ratha,
 sakweh - kweh para walkiliki mangiring kaka -
 kaka nira sōh samāḡarat,
 mwang tekang bala rākḡake sira tumūt saha
 curiga pakon muniśwara.
9. Byātītan-i laris nirātuti hujung ning-acala
 tpi ning wanāśrama,
 wanwākweh kahalintangan jurang - jurangnya baṇu
 nika wiśūddha nirmala,
 rāmyāḡjrah priyakanya mārbuk-umure gaḡung-ika
 ri samipa ning hawan,
 kumbangnyāsmu sembat-ing katanōhan mihat-i
 hajōng-irāḡusir śāśi.
10. Prā -/- pteng singhala rājya tistis-i surud
 ning-asuran-umareng purāntara,
 pangguh tang balawīrayodha pjah-ing raḡa tkap-
 ira maglar-ing pkēn,

mwang tekang pjah-ing wanguntur-atumang ri
 harēp-i hiringing papanggungan,
 astam tang wwang-i saṅḅing-ing ghupura par-
 wwatasama marus-arṇawopama.

11. Honyang lwir makarang - karang saha tangisnyan
 asmu grēh-ing lebuḅ kapat,
 tingkah ning wwang-apet kakungnyan-angurit
 śawa ri tpi ning-abdhi śobhita,
 mwang tekang mangusir gunung sira tatañjrih-i
 rubuhan-ikang liman śawa,
 dhīrekān panapak rangin saha tēwēknya kadi
 parang-i tungḅa ning batur.

12. Len tang strī tumēmung prayojana huwus pjah
 acurik-umandēm-ing priya,
 siñjangnyārjja kanan-anan karudhiran kadi wahu
 kawawe pasanggaman,
 dudwekang hana ring rathāngayatakēñ curiga
 ling-ika milwa ring snōng,
 gagāknyāliwēran haneng dhwaḅa pinañjēr-i gēgēr-
 i samīpa ning kuda.

13. Wetanye harēp-ing catuspaṅa haneka waringin-
 atiśobhitāhalēp,
 parṇah lor saka ring bale bang-añōpēt ka-
 kidul-ika sakeng -/- yaśādawa,
 ngkā tonggwan prabhu singhalendra pjah-ing
 raḅan-umulahakēñ parākrama,
 mwang sakweh para wīrayodha karuhun rari haji
 paḅa bhakti tan kasah.

14. Mwang sakweh nikanang wwang-adyah-i dalēm
 sahana - hana ning-anggaṛaras,
 strī kryan - kryan hana pañji - pañji paḍa
 bela sang-anarima kung nireng jinēm,
 yekānyūh-ati sang narendra duhitāgya tumuta
 ri pjah narādhipa,
 nāhan hetu nireki śighra tumurun saka ri
 ratha nirātkēn saki.
15. ṅgkā ta śrī parameśwarīki sire kewran-i
 taya śawa sang nareśwara,
 sāmpun rakwa pinet sirengidēran-ing wiku para
 kaki sang samangdulur,
 sakweh - kweh nika tan hanānu ri konapa
 nira sang-iniṣṭi ning manah,
 towin sang tañaneki rakwa juga tan hana sang-
 atuduhātīdūrana.
16. Mangkin tibra manah narendra mahiṣī mangangēn-
 angēn-i tan sih-ing snōng,
 āpan de ni glōng nireki ya nimitta nira
 tan-aharēp kaciryana,
 yekānung manguwā nireng twas-atlōb dadi ka-
 lōngēr-i sanding-ing śawa, /
 akarak sang mangiring manambuti sirānangiei
 sira ri pangkwan-ing kaka.

---oOo---

1. Wkasan sirānglilir-adan tah-angusapi luh tibeng
 pipi,
 hāh kaka haji ling-irān panawang,

ndi śawanta māsku bapa sang mating hayun.

2. Sipi denta tan panēwasīng-alara midēr-i
madhya ning raga,
tan tēmu kita ring-apāngucapa,
mapa tolahangku ri tayanta kasihan.
3. Winalingkun-āryyakna dukkita merōna wuyungta
ring hulun,
tan huwus-adhika mamūrtyāmara,
wiparita tan wruha kite manah nami.
4. Ūki yan kadon ḍatōng-unilwa pjaha ri sukunta
ngungsirōn,
kendriyana mara kasādhu nami,
salakungkū rakwa dlōn sakeng tawang.
5. Balik-anglare hati bangun tuhu - tuhu mara
doḡa ning hulun,
de ni kunapa haji tan katmu,
magawe larangku kadi tuhwa mangkana.

---oOo---

1. Nahan tangis śrī naranāthapatnī,
mār twas tikang wwang mangiring samānglih,
haneka wadwāgata bhaktimanta,
miéreng paratreki dumehnya jīwan.
2. Ikā hatur eśmbah-i jōng nirāwas,
nōjar yyulah sang nātha ring prang,

pjah sira ngke ri harēp sudewī,
de sang prabhū rākṣasa poruṣaḍa.

3. Samantarang rākṣasa śighra lungha,
warjanta sang śrī nāranātha dibya,
mahojwalang bahni sakeng śarīra,
yekānggēsōng deha nirātibhaṣmya.
4. Bangun lōbu śweta tang-aṣṭi śuddha,
ndā tandwa sūkṣe tka ning prahāra,
wināśa sūkṣmāngusi śūnya deśa,
ndā hetu rakwan mati tan pacihna.
5. Ya hetu sang śrī naranātha dewī,
motus sirāmwanang-agni mangke,
ndātār wiheng tang winkas ta ya glis,
sāmpun murub śighra tang-agni muntab.
6. Kunōng sirā śrī naranātha dewī,
yekan padandan tumute narendra,
makin tangis-ing kaka lon-uwōna,
glānan sumungkōm ya ri jōng nira rwa.
7. Kabeh nikang wwang paḍa mohitāśa,
ya ton sirā ring ratha ratna sangghya,
hinir sireng wwang maring-agni tīrā,
lilāngadōg lwir wulat-ing jayeng prang.
8. Hurub nikāng-agni somōng-i waktra,
kadyānggyakēn polah-iran pabala,
tapih nirāncawli mirir lawōnya,
lagyā -/- ngurewēpi mēs tinelas.

9. Sudipta - diptang curigān ginḡwan,
de sang sudewīki mngs lungidaya,
ndatan hanāngs nira matra denya,
wet ning gya ning hyun tumute narendra.

---oOo---

1. Hāh sang mūrwa ri sikhu sang pinakamuḡti
ning-atutur-i tatwa ning ratih,
sang sākḡat smara_mūrṭti ring pakasutan
sang-amigani ri rāga ning rimang,
tinghalte gati ning hulun tumutire kita
pjah-atiḡūra ring raya,
panggil rakwa ya hetu ningwang-iki yan silih-
asiha muwah lawan kita.
2. Hāh rakryan palakungwi rūnta papagōn wwang-
i lōyōp-i kalangwan-ing tawang,
līlāngambaha candra sūryya ya tutēnkwangusira
hawan-ing mahottama,
towin rakwa katona dening-angiring sehana
nika tuminghal-ing hulun,
rāmyākūnga lawan kiteki kaharēpkun-umaluya
wiḡeḡa ning langō.

---oOo---

1. Nā ling nirāngayatakēncurigāngne twas,
mumbul marang rudhira tan nahamōng sugandha,
yekārahup gtih-i nganjali sūradhīra,
ndah śighra rakwa tumdun sira ring subahni.
2. Sāmpun pjah sira makin tikang-agni mumbul,

[106.a.]

kapwāngtĕk sahana -/- ning mangiring kapūhan,
yan ton patibrata nirākulus-ing kahaywan,
ring rūpa dibya kahiḡḡp kusumāstradewī,

3. Rĕp śighra teki sira ring kḡaḡa ton ka-
panggih,

ring wiḡḡuloka kalawan naranātha monĕng,
mwang sarwwa dewan-umarĕk baśawādimukya,
ndā yeka bhakti ri sira saha puḡpawarḡa.

4. Nāhan wulat nira bangun pangipyan,
tan warḡnanĕn yyulah-ikang muji sang mabela,
prāpteng wanaśrama sukāmbĕk-i sang munīndra,
ān pangrĕngĕ ri kamahārdhika sang suputri.

---oOo---

1. Awicaritan ta sang rĕḡi muwah pati sang nḡpati,
muwah-ikanang mahāsura mapet dhana ring nagara,
kḡaḡa ri tlasnya teki huningan prabhu yakḡapati,
sumuyuga ring widarbbha nagaran paran kīng hḡdaya.
2. Tka ta sireng gunung - gunung-i sanḡing-ikang nagara,
dadi mawuwus wimona ri tuhanya thĕr praḡata,
prabhu mapa dāya sang nḡpati de ning-umeta ratu,
nyata ya sukanya rakwa kapuhan supadin kawawa.
3. Apituwi sang narendra ri widarbbha mahāsuyaśa,
wka-wka tus ning-adbhuta wiśḡa jayeng bhuwana,
ngaran-ira sang mahār -/- ddhika-mahārdhika śakti nira,
nḡpa jayawikramopama kināryya tĕwas masuwĕ.

[106.b.]

4. Kalingan-ireki nora gamananya w nang huripēn,
hiqēp-i paṭikta langghyana ri denta mameta muwah,
sahur-ira sang jayāntaka dadi wawang yar pawuwus,
aku juga tan waneh sumikēpe ri ya tandwakna.
5. Sumiliba tangkwa rūpa wara wipra mahānipuna,
ḡatnga ri sanmukanya makalisyā manāsyā dhana,
syapa w nang-agrahe panikēpkwi ta bajrasama,
sqēng-i pasungnya dhāna ya mnen ta ya pōngakna.

---oOo---

1. Rēp śighrorṇī sirang bhūpati dadi matmah
brāhmaṇānindyarūpa,
līlāsapat putih bāng wdihan-ira sawit tantu
diwyādhikāra,
tansah ring goduhā mwang jnu nira hinirañ
caṇḍaṇāmrik kapurnya,
kānan mwang kerī sāmpun wija nira kataman
bhaṣmawījatisūddha.
2. Mahyekang wīra yar ton ri sira paḡa suka
lwir sakeng brāhmaloka,
tūt marggāweda mantrāstuti lari nira yan
mungsiṛekang widarbbha,
byātītan kāri ring pārwwata sahana nikang
wadwa yakṣendra līngēn,
sāmpurṇānunḡga - nunggal sira lumaku -/-
hane heng nikang rājya śobha.
3. Kirṇāng wīrāpajēg ring lēbuh-ika pangalun
lwir wah-ing pārwwatāgōng,

ngkāneng pūrwwotarātryang gaja ratha mariwōg
 koṭi - kotyāprameya,
 kulwan rwang koṭi ring dakṣiṇa daśa yuta
 tang cakra bajrāgra śakti,
 sangke gōng ning wikalpānaha ri tka nikang
 poruṣaḍādinātha.

4. Sōk tang bhogopabhogānumin-umilī sangka ring
 jro kaḍatwan,
 tuṣṭāmbēk ning watēk yodhagaṇa ri pangiwō
 śrī mahārajya dibya,
 mwang sakweh - kweh nirang paḍḍita makamuka
 sang wipra len śewa boddha,
 sām̄pun pinrih nireng dhāna mijil-i huwus
 ing homayajñāniwaryya.
5. Don-ing pūjeniwō mwang stuti ginawayakēn
 dhāna ring sarwwa dewa,
 ring mitra twak skul tang sungakna ya
 sadā jīwa ring śatru śakti,
 yekānung tang pinanggih ring tri bhuwana
 karēngō pāwak-ing rāt wisēṣa,
 sangsiptan nghing liṅeki juga ya kawkas
 kirttya sang śrī narendra.
6. Kañcit śrī poruṣaḍā dwijatanu magawe waḍḍya
 ning mātya ring prang,
 tan kewēh tar kaciryyan laku -/- nira kahiḍḍp
 brāhmaṇan wṛddhajati,
 prāptang śantī harēp śrī narapati sahaajāṅg
 gorawang buddhi tuṣṭā,
 sām̄pun tang sthāna singhāsana ri sira ḍatēng
 dadya linggih saharṣa.

1. Mojar narendra nganubhagya ri sang dwijendra,
mangke paranta ri widarbbhapurātisunya,
dūran mateki hana dhāna rajāta tēmwa,
reh ning hulun prabhu kurang guṇa śaktimaṇḍa.
2. Ling sang narendra sumahur dwijarūpa tulya,
wruh ngwang mataku kita yan ratu śaktimanta,
de wangsa - wangsa suranātha jagat praṇama,
śāstrājña wira pinujing dhanurāstra dibya.
3. Mangke tkangkwi kita de ni mahottamanta,
sangke śiwālaya pakon parameśwarāswi,
sandeha nira de ni manahta māsku,
dhānādi pūja winangun saha wira rodra.
4. Āpan swabhāwan nira sang makapuṇya pūja,
karuṇya citta licin-ing laku nissahāya,
tan mangka denta wiparīta mahāprabhangsa,
lwir buddhi ning lumurugāmrihang-indraloka.
5. Yekābangun pangupēt-ing bhuwanātininda,
nirdon pasungta suka ring para paṇḍitāryya,
[108.a.] ring swargga -/- dewata maminghēt-i denta
māmbēk,
hemān carunta kahiḍēp caruśeṣa tulya.
6. Mangkāwuwus nira wawang naranātha mojar,
dhū sang dwijendra bapa aywa salah manahta,
bhaktingku ring hyang-atibhakti suyajñā pinrih,
homādi dūran-arēpe ruga ning triloka.

7. Nantēn ta hetu ning-adan balawirasangghya,
ndā mūrka jāti cumaḡang prabhu rātnakaḡa,
sāmpun haneng giri mahottama tirtha rāja,
mwang detya dānawa harēp mumurang widarbbha.
8. Don-ing prayatna malēmēh ta kapāsa denya,
manggaku mātya sapedin pakacarwa bhaktan,
nā hetu ning tan-umilag saka ring kaḡatwan,
panggil wnanḡ pjaha misyani dharmmayuddha.
9. He sang narendra tuhu duḡṡa wihang manahmu,
ḡik hāh ta kong paḡujana syapa tanggalēngku,
ndi wīrarāja mihateki ri pādukanḡku,
brāhmā wiḡṡu tka teki ya tan kawēdya.
10. Sangsipa kong ratu kaḡungka mahātipāpa,
dūrān wnanḡnya lupute hyang-anantakāla,
nā ling dwijendra matmah puruḡaḡanātha,
krūrāḡēng-adbhuta bangun daḡawaktrarāja.
11. [108:5:] Kagyat marang -/- wang-umulat ri tmah mpu
ḡanghyang,
ngkā tang sarājya kadi tan mahurip gatinya,
mwang śrī narendra sira tan wruh-i denya mangka,
kapwāḡadēḡ sira harēp milagan sinambut.
12. Krūrāmp-angdugang-ikādbhuta sang narendra,
garwwang balāmrih arēbut sahaneng kaḡatwan,
ndātan kewran-i manah prabhu poruḡāḡa,
tandwāḡlayang sira tkeng gagaḡātiwegha.

13. Ngkā sang wimona mamapag sira ring wimāna,
 sāmpun gnēp śata sirang ratu carwakēnya,
 tan warṇanēn tangis-ikang kari ring widarbha,
 lampah jayantaka kathān saha wīra sangghya.
14. Śighrān-ulih sira tkeng giri kālaweśma,
 sthāne wit-ing wātā ri madhya nikang wanāgōng,
 sakweh watēk ratu hinārppaṇakēnya sāmpun,
 sāmpun pinañjara kabeh sahananya rūkṣa.

---oOo---

1. Sanghyang kāla jugeki rakwa sira tan manggōh
 tkap ning ratu,
 rehnyān hina guṇānalpaśakti kaluṣā ya ndān
 subhuktyāsēpa,
 nging sang bhūpati hastinendra kaharēpkun
 ling nirātambaha,
 kyāting rāt sutasoma sājña nira sang petōn
 mahābhojana. /

∟109.a.7

2. Yekā hetu nirang jayāntakan-umangkat sah
 sakeng pārwwata,
 sakweh - kweh bala rākṣasāruh-aruhan milwāngiring
 bhīṣaṇa,
 rēp śighrāmgat-ing hawan prawara siddharṣī
 ngaran nārada,
 hung - hung kārajayastu yeka pangasirwāderi
 sang bhūpati.
3. He he bhūpati poruṣāḍa sakala hyang ning
 mahārākṣasa,

sang sākṣat wara kośarudra kahiḍḍep ring
 yuddha tan popaman,
 niṣṭanyān wiparīta dūran-i gatintan sora de
 ning waneh,
 tan gōng dūrnaya yatna - yatna kaharēpkwī
 dāya sang bhūpati.

4. Ton tekang garudāngabēn paśuḍmit tulyangabēn
 samaja,
 nāgendra hlō dhārddhuran sama lawan de
 nyānghlō wwang magēng,
 sangkṣepanya bapanku māntuka kiteng rājyāti-
 śobhang laku,
 sakweh - kweh-i balanta yekan-atagēn mwan
 sang watēk pārthiwa.
5. Tōkwan rakwa mahārddhikeng bhuwana petēn
 tkap sang prabhu,
 tustus bhārata wangśa rāja kahiḍḍep śrī
 dharmma putrānurun,
 sāmantang prabhu wīra sangghya paḍa bhaktyā-
 mūrṣitāngastawa,
 mukyang -/- śrī daśabāhu sānak-amisan de
 rakryan-atyādbhuta.

---oOo---

1. Lwir sanghyang kumēmit mahāmṛta kamaṇḍa lu
 pwa mapupul,
 tingkah sang prabhu śewake nṛpati buddha
 mūrṭti siniwi,

tensah ring rahineng kulēm paḍa haneng
 gajahwaya sada,
 wet ning sih nṛdha bhakti yānghla-hlā su-
 mēmbah-i haji.

2. Ndan sakweh suta sang narendra kawrang
 tkapta kasikēp,
 kapwāngungsi ri hastinendra saha yodha sang-
 ghya sumēśśk,
 kambojātmaja jambana mwan-ala kāśmirājanaya,
 kālānak nṛpa wallabāruḷa sutāgra sang daśapati.

3. Śrī lēngkeśwara sang gadhānak-ira methilātmaja
 bali,
 śrī hemānggadha kādha putra nira nēm
 nya cēmpatanaya,
 pañcāleśwara putra sang praśata bhīmanātmaja
 bahu,
 gophālātmaja sang mahimpati kaśindra putra
 manukuh.

4. Rwānak śryānuparāja gupta ta ngaranya luptang-
 atuha,
 cāya mwan śrama len gameki suta sang
 maḷindra katiga,
 pat putra prabhu kuṅja nāgara surāja tang
 pamuruju,
 gangsal putra narondra madrapura padmaketu
 pamuka. /

<110.a.>

5. Sang malwātmaja putra sang panasarāja
 ṣaḍ sanak-ika,
 sang śrī jyāmaga sapta putra wikatāgra
 ḍaḍḍa tikahēn,
 salwendrāṣṭa suputra sang nṛpati mārddhāwādi
 karēngō,
 ṣaḍa pañcā nika candra_rāja panlahnya wāma
 subala.
6. Sang śrī matta mayūrarāja daśa putra śakti
 suyaśa,
 kyāting rāt śubhadatta sang linōwih-ing guḍa-
 marasama,
 tangeh yan wilangēn wkātmaja nirang para
 prabhu kabeh,
 mātus tang pararāja putra bala sangghya koṭi
 niyuta.
7. Tan hopēn tikanang para prabhu ri jōng
 nikang giripati,
 pūrwwanyeka kidul ri paścima ri uttareka
 sahana,
 wrin - wrin de ni pameta carwa ratu śakti
 kapwa kawnanng,
 nāhen hetu niran samāngibēki bhūmi bhārata tka.
8. He dewarṣi bapangku aywa kita sangsaye
 gati nika,
 yadyan pārthiwa sewu lakṣa saha wāhananya
 ḍatnga,

mwang yan parwata merudṛṣṭa nika ring
 guṇāparimita,
 dhik tan rākṣasarāja tāku yadiyan wnangya
 luputa.

9. Monyan manghēta ring śiwaṇḍa hariloka
 tan kwatakuta,

110.5.7

rohṅkwīki -/- kabehnya ten wwikne bha-
 ṭāra walatēn,
 mangke ngwang matagī tke sahana bhūr bhuwah
 swah-arahēn,
 donyāngēntyakne balanya wulikēn ta yeng giriwana.

10. Ndan sang śrī puruṣāḍa bhūpati sireka
 kātaragalak,

wet ning krodha mahānggakāra kadi behni
 rūpa sumaput,
 tuṣṭāmbēk rēṣi nāradaṃwit-unilag mareng surapaḍa,
 ngkā rakwājar-i rāmya ning laga ri bhūmi bhā-
 rata hlēm.

11. Seng śrī bhūpati rātnakaṇḍa caritan tkeng
 swanagara,

tuṣṭāmbēk nikenang sarājya karuhun tikang
 wwang-i delēm,
 mwang tekang bala rākṣasan kari makādi
 duḡkara hana,
 dūrmedagra mahāngga rūpa saha wighna bajra
 kaluṣa.

12. Len tang dānawa daitya kopawara dharmma!
 hantika bala,

mwang sakweh para parthiwēki kulawaṇḍu sang
 narapati,

śryāwanggādhipa mukya sang magadha len ka-
linggan-umarék,
ngūnin rakwa mameti sang prabhu tatan ka-
panggih-umaluy.

13. Gōng ning pātaka ling nireki juga tan cu-
muḍuk-i haji,

bhoh - bhoh aywa ta ma -/- ngkanojar-ira

[iii.a.] sang mahāsurapati,

nghing tekang ripu bhūmi bhārata rugēn

tkapta sahana,

prih tekang sutasoma rāja pakacarwa tan

hana waneh.

14. Donyengkāna huwus tinātyak nireng bala prati-
hata,

mwang sakweh nira sang kabaḍana huwus wi-
narḡnana nira,

tan waktan sira sang narendra caritan

tikang balagaḡa,

sakwehnyan sahaneng jagattraya ḡatēng tlas
kinuturan.

15. Ghorakrak-amnuh-ing wanguntur-apajōg tkeng

pkōn-agōng,

hūng ning gong kahalātighūrḡna saha pang-

hrik-ing gaja kuda,

ketyābhrāliwēran banguḡ jalaḡa kānginan ka-

bharagaḡ,

kambwan de ni snō nikang muśala cakra

sūryya sakala.

līlābhūṣaṇa sarwa rātna maṇi kostubha nira
kum̄nar,
cāpa mwang gada panglageka saha cakra pi-
nutēr-i tnḡn.

4. Śengkāngrik ri harēp m̄dangga muni ghūr̄ṇita
parōng-aslur,
mewīwwang bala tulya dewa dadi ning wani
pjah-ing-ayun,
catra rwāsmu candra kālih-akilat śarawara-
niśita,
kumlab tēnggran-irātulis garuḍa rūpa kadi manga-
bēna.

5. Śryāwanggādhipa dhatararūpa ri hugat sira wahu
lumurug,
mungwing syandana hangéa warṇa kadi mōra
kumda -/- p aputih,
muntab sōng ni tutup glung nira skartaji
nira dumilah,
krūrāmbēk nira kādi wētwa caturasya s̄ōng-
ing-alaga.

6. Sōk tekang bala wira sāruda dudūng gaja-
ratha turaga,
mantri tanḍa maharddhikeng guḥa sahasra
mangapi ri sira,
sakweh - kweh ning-añar bangun pinakakāryya
nira sumaringah,
sot ning lokatara pramāya juga ling ning-
umulat-i sira.

1. Mangkat sang prabhu poruṣāḍa panutub ning
lampah-atyadbhuta,
sākṣat hyang parameśwarānīti-i goh śuddhāti-
śaktyojwala,
mangkē tingkah-ireng wimāna madulur teja
pralēmbeng langit,
muntab lwir śikarādrirājan-umēsāt lwir mṛtyu
ring bhaswara.

2. Sāmantang prabhu dewa tulya kahiḍēp saptarṣya-
śanti sira,
hung - hung ning bala wīrayodha gumērēh mantrā
tri pujakrama,
newedyāstra mapuṣpa jīwa makawijang dhīra
hārohara,
dhyāyī citta wiśeṣapādang-usirēn tan wandhya
siddheng raṇa.

3. Sōk tekang bala daitya rākṣasa humung gōng
ghyora tan pangkura, /
[112:6.] sākṣat kāla manūrṭti bahni tkap ing sarwā-
stra muntab murub,
wet ning krodha bangun tkāmangana sakweh
ning watēk dewata,
ten hoḍān tikanang bhuwah paḍa rugēn de-
nyā tke bhūtala.

4. Mukyakang mapatih wimona pinaketunggāgra
ning rākṣasa,
nunggwing sānajang-aṣṭaṣanta malungid lwir
aṣṭalinggācca ya,

sarwāstrādbhuta tansah-ing phalana rēnggātyanta
ring bhīṣaṇa,
lwir singhāṣana rāja dibiya pangasih sang
śrī mahārākṣasa.

5. Pakṣinyāśya bangun kagendra mahawan byomāti-
śighrān laku,
rēs - rēs yan padulur prahāra kumusuh guntur
tikang pārwwata,
prodbhutang baḍamālwa tikṣa ginēgō nyāmrih
sakeng tan hana,
prang nyang lwir glap-ahni muntab-i dilah
ning sarwwa baḍottama.
6. Krūrākāra sang-indra bajra sumuyug tan sang-
graheng wāhana,
gōng krodhan panguwuh lumumpat-amutēr ḍaḍanya
gangsāl ḍpa,
kagyat sing lumihat bangun kahilangan wāni-
nya ring paprangan,
āpan syuh sakamarga denya pinupuh ring ḍaḍa
kolāhala.
7. Gōk ghyor śighra tikang dulo -/- ma lumurug
(II3.a.) lwir singharājeng wana,
gong tulyākṣi nika rwa mulyar-umurub dhang-
ṣṭrānya tikṣnāmngs,
dukduk konta bangun nakāgra kahidēp tansah
sqōng ning laga,
byaktang śatru sahaśra koṭi ya larut himpēr
gajendrāpupul.

8. Hyun - hyun buddhi nikang sutikṣa lurus
 līlāgadṅ ring ratha,
 mwan sang dukara sūra rota sawatōknyang
 rākṣasendrāngiring,
 len tekang wara dumdubhīki sumilih krūrāti-
 rodrākṛti,
 dening bhūṣaṣa rātna sangghyan-umurub sākṣat
 gunung pātaka.
9. Aśwānggāhulu sāmājendra pamatōknyānghing ratha-
 nyā wai,
 sarwāstrāyudha bhūta kālen-umijil sangkeng
 tutuk bhīṣaṣa,
 gaṇḍewādbhuta bāṣa bahni hinayat glānang tri-
 lokā kṣaya,
 cūrṅekang bhuwanān sayat rēngat-angauh sang
 hyang pṛthiwyānangis.
10. Wadwākwēh śata koṭi lakṣa mangiring len
 tang gajāśwādulur,
 gūṅḍing gong gubar-apratidwani humung te-
 kang mṛdanggāslur,
 mangkā wīra gaṇḍadi wīra bala sang śrī po-
 ruṣāḍāprabhu,
 mwan sakwēh -/- bala sang watōk ratu sanekā
 ring sarājyottama.
11. Sakwēh ning mahawan langit katawōnganya sbah-
 hyang-arkkākucōm,
 len tekang mahawan lēsah kasōōkan tekang
 gunung mwan wana,

dudwekang mahawan samudra malētuh tekang
mahāsāgara,
mīṅosah kakbur pjah kulina tang jong pelang-
akweh karēm,

12. Mangkā lwir nikanang tri loka kaparah de
śrī mahārākṣasa,
tan warṇan tka ring tgal kuru sirālwa
lwir mahētang sabha,
warṇan śrī ṛpa hastinendra runṅō reh
śrī mahārākṣasa,
prāptāhyun malape siran kahaturo hyang kāla
don-ing datēng.

---oOo---

1. Lumrāng wṛtta huwus praśasta ri datēng sang-
asurapati rātnakaṅḍaka,
wrin - wrin buddhi nikang sarājya ri dalēm
hali - halin-i sirang nareśwara,
mukyā śrī parameśwarī sira wirang rwang-i
tka nikanang mahāsura,
towin śakti mahātirodra karēngōnya kawdi - wdi
sang watēk ratu.
2. Ambōk śrī jinamūrtti manggōh-i manah nira
yadi pakacarwa lampunēn,
dening sih nira ring jagat karaṇa tan harēp-
i tmahan-ing praṅgadbhuta,
nāhan hetu niran ha - / - rēp mahēma ring
pura saha bala wira sangghyata,
donyānungkula ring musuh sura jugāng-
masana pinakeṣṭi ning hati.

3. Sāmpun rakwa marēk kabeh sahana ning bala-
balagaṇa hastineśwara,
sōk mantryādika wīra rāja pakamanggala sira
kalawan dwijeśwara,
rakryan sang matih jayendra juga tansah-umarēk-
i harēp naraśwara,
dhyem sakwoh nika tan paśabdha ri wuwus nṛpati
paramedharma kottama.
4. Ai sakwehta wiśeṣa yodha karuhun para ratu
sama bhakti ring hulun,
mwang sakweh pararāja putra suta sang prabhu
sahana huwus pinañjara,
toh ndyāng nīti rike bapangku ri dātēng
sang-asurapati rātnakaṇḍaka,
sakṣat hyang parameṣṭikāla ring-apan wnanga
mapagēn-ing rayanggaga.
5. Panglinggan ri kadewamūrṭti nira tana hana
gumap-irikang watēk ratu,
āpan rakwa sireki ngūni paḍa śakti paḍa pa-
ramodigjasyeng sarat,
tēkwan śrī jayawikrameki sira wiggu sakala
hinucap huwus pōjah,
de sang śrī puruṣāḍa tan pinira śakti nika
sakala dewa tāntaka.
6. Mwang tang wāhana rāja wāhana wimāna nira
hunilu śakti siddhiman,
dṛṣyā -/- dṛṣya ri kēla ning laga nirantaka
tan-atakut-ing sureśwara,

bwat ning pārthiwa sangghya sātus-ika ngūni
 sakala giri maṇḍaropama,
 tan kewran juga tan titi ggati nirā prawala
 kadi kagendra wāhana.

7. Sangkṣepan mara aywa gōng galak-ikang lumawana
 śakti ning musuh,
 prih - prih denta manungkulāngisapu jōng sudaśa
 suta jugekang-anaka,
 manggṣh ngwang makacarwa tan kral-asukānuwukana
 ri sang-apti ring hulun,
 mon matyāhuripeki tan huninganēn lamun-ahuripa
 sang watśk ratu.

---oOo---

1. Mawah bala nireki tan parawaśang nagara sahana
 bhārataśwara,
 subhikga tka ning swawargga suta ghāra bala
 sahana pūrṇa saswata,
 apan niyata cūrṇa bhaśmi sahananta yadi
 kita tusaṇḍanga apranga,
 awas hilang hiki sudherama kuṭi śāla kahawa
 tkap-ing prang-adbhuta.
2. Nahan ling-ira sang narendra sumahur sang-
 apatih-atiwīra kottama,
 prabhūngku paramaśwarangku kita bhūpati pati
 nikang jagat kabeh,
 knoh sahana sang narendra ring-apan luputa
 ri panguwā aṣṣeśwara,
 span sakala buddhamūrtti kita tatwa nika
 parama dūra dārśśaya.

3. [115.a.] Kunang pwa tiki hetu ning tak- / - ahang -
 hbang-i sapangutus narādhipa,
 maagēn tulaka ning kaninda ning-adharama ma-
 tilara ri sang nareśwara,
 syapeki harēpe gatinya tuwi tan hulun-iki
 karuhun parā prebhu,
 yadin pasunga sang narendra pakacarwa karaḡa
 ri kaśaktin-ing musuh.
4. pireki sakit-ing pjah pira ta rāmya ning-
 ahuripa yan kadūryyaśan,
 haneka mahurip paratra sama māti kahiḡēp-ika
 jiwa sātma,
 ikang mati matinggal-ing raḡa hurip nika
 kahiḡēp-anganti ring kawah,
 ikang mabhūmukeng raḡangḡa paratra kahiḡēp-
 ika jiwa ning jagat.
5. Praśāsta mara tan haneki ḡaḡa rūpa ning-
 aniwi yatan suśilawan,
 hilang sib-ira ring anōng yadi tan-ilwa ri
 pati nika tan tapodhara,
 nda mangkana jugang pḡwira niyātā yamapaḡa
 tinmunya tan wurung,
 ya tan panuta dharama ning kahulaya nguniweh
 kading hulun.
6. Kalinghan-ika tan pasatra manoh-ing hulun-
 ahiḡēpa sang nareśwara,
 ndatan wuwuśn-āḡūa langghyana patik haji
 tan-ulaha ning masewita,

takā prabhu parāparang laku w nang tutakna
 pangutus nareśwara,
 si tan lamunaneki rakwa yadiyan bcika nira
 ta yogya langghyanan.

7. Muwah ling-ira sang m̄nindra guṇa ning musuh-
 atisaya yo -/- gya kastutin,
 presenggaha mara doṣa ning guru w nang wuwusēkni
 ri madhya ning sabha,
 nimitta ni patik narendra juga tan raga - raga
 ni mansh nareśwara,
 apan prawala pākṣapāta kahiḡēp nghulun-ahiḡēp-
 ang nareśwara.

8. Hana pwa ri pjah patik nṛpati dūrbala saha
 bala kośa wahana,
 muwah sahana sang nareśwara wiśirṇa tlas-ika
 mamawartteng raḡa,
 samangkana narendra yan larisa carwakna tkap-
 i śakti ning musuh,
 kunēng ri hana ning nghulun syapa hikā
 w nang-umalapa sang nareśwara.

9. Yadin śata sahaśra koṭi bala rākṣasa śata
 yuta daitya dānawa,
 paḡāmuka mamawartendra walate nṛpati tumkanang
 prayojana,
 arēs pwa kumtēr wulungku muriring sasiki
 tkap-ika kadbhuteng sarāt,
 adhā prabhu mṛṣāku yan bala wiśeṣa yadi su-
 ruda ring samangkana.

10. Nda sakgya sira sang watĕk ratu rumĕngvakna
 rasa ni wākya ning hulun,
 pitowi manaweki rakwa hana bañcaça nika lĕ-
 wĕdĕn nareśwara,
 nda śighra sumahur narendra daśabāhu parama
 suka gārjjiteng hati,
 prakoça kadi singha rodra rumgĕ dwiradha
 wacena ghūrĕnite wa -/- wana.

---ooOooo---

1. Āhā he wīra mantrī jayapati pinatih ning
 mahāsena yodha,
 yadyan tan milwa sakweh para ratu nguniweh
 sang watĕk bhāratangśa,
 bhoh - bhoh - bhoh-aywa śalwang tan-umapagaknang
 śatru śūrātirodra,
 manggĕh tākwariha mwang kita juga pjahāngisya-
 nang dharmmayuddha.
2. Lāwan tan niścaya ngwang pjaha tkap-ikang
 rātnakapādīrāja,
 nghing rehnyān rudra mūrṭti guṇa kinarśe-
 akṣa de nikang rāja sangghya,
 yāwat māᅅkā mnang ring laga niyata ni-
 kang śatru sakwehnya bhāśaya,
 dhū mithyang wākya madrādhipa sira
 ta pjah de nirang paᅅu putra.
3. Sangsiptān maprangānghing lkasakna tkap ning
 mahāwīra sangghya,
 panggil ngwang siddha sādhyā katkan-apapaga
 mwang tikang poruᅅāᅅa,

prodbhūtang hangga yadyan matmahana mahākā-
 la rūdra gni rūpa,
 ngkā tākun brāhma rūpāmadhana ri gēng-ing
 kroda madwandwa yuddha.

4. Ndan yan soreki śaktingku pjaha tkap-ing
 rātnakaṇḍādirāja,
 byaktekang wiṣṇulokāparimita kadunung sūryya
 marggātiso -/- bha,
 yapwan nūrdhāmnang ring laga niyata nikang
 swargga wāhyān katmu,
 stryādi mwang rātna bhogā karaṇa ya phala
 ning wīra singheng raṇangga.

5. Sangsiptanya ndi hetunyanatiking-arēs-ānungkule
 śatru śakti,
 wwang melik ring mahāswargga ngaran-ika yadin
 kumyuseng wīra karya,
 yadyan tan mātya yan tan puji nika ya lē-
 hēng ring pjah śura ring prang,
 āpan don-ing tuwuh rakwa ya mulahaknang dhar-
 ma kāsutyan ding rāt.

6. Ling sang kasindra citrāngsuka sira sumahur
 dwārawatyādirāja,
 dhū bhagyā denta nātha ngbulun-iki tumutā
 selwane sang narendra,
 yan sang śryāwangga yekān kapangulu nguniweh
 māgadhendrādirāja,
 manggēh ngwang karwa tañjrih sakaharēpan-ikā
 mon silih bajra - bajra.

7. Ndan sang śrī singhaghoga prabhu sira si-
niwing rājya nātheng wirāṭa,
mojar sahyānggugut ndah syapa lawana dlōn
kaptya sang śrī narendra,
yan sang pakṣindra waktrādbhuta kumala tuwī-
kang mahādumubhika,
aywā rowang nghulun yan mjahana katigā
mwang bala -/- nyāprameya.
8. Āpan byakteka cūrṇan kadmaka ri gadāngkwā
yudhātyanta ghora,
śaktinyān sagarāsat wukir-ika ya rubuh sing
katōmbung rēmuk gyuh,
sangsiptan dūra jīwan sahana nika tkapkwang
raṅgāgātīdūrḡga,
māryyāḍaḍāyudhang ngwang yadi luh-ika wkas-
kwatōneng rājyaḍaḍya.
9. Dhīrekāmbōk nirang māruta sumahur bhupating
welarājya,
mangḡh ngwang samprayuktan subhaga mangamukeng
śatru milweng narendra,
yadyan tekang wimonāpatih-ika ya tkap poruḡā-
ḍātirodra,
krūrāgōng pat ḍpā ḍangstra nika sana sīni
lwir mahākadga tikḡḡa.
10. Nistanyan kāla rupeng guḡa ri sḍōng-ikeng
prang bangun kumbakarṇa,
ndātān jrih lumakḡyeng ri ya kawngan-ing
parwatang rug tapaswī,

ngkā tākun śighra manek gajah-ira mamupuh
 māstakanyān tibānglah,
 sanyāsākun mēke tēnggōk-ika pinihēran de nirang
 paḡḡitāryya.

11. Nāhan hetunyāhurip rakwa tinut-ika marēkbyā-
 pakeng bharata ngke,
 mwang sakweh - kweh nikang rājya mari kasakitan
 de nikang -/- yakṣa rodra,
 mangke prāpteking mangdon yaya ring-apa mnang-
 nyā tkap sang narendra,
 hanghing pinrihnya pantēn saka pjaha tkap
 sang mahākṣatriyeng rāt.

12. Krūrāmbēk sang susenādbhuta sira ratu ring
 kuṇḡināryyan paśabda,
 mangkā ngwang ngūni sāmpun sinaput-ing-asurā
 prodbhute rātri kāla,
 ghorākarak lwir glap sewu manguwuh-abarung
 dūrbalang wwang paḡarēs,
 hetungkwāmrih mijil ring lēbuh-amawa laras
 mwang mahāwīra yodha.

13. Tandwekān bhaśmi sakwehnya parawaṣa hilang
 syuh tkeng wahananya,
 lobhangga mwang tikang durkuda pinakajurungan
 pjah dengku naṣṭa,
 tan waktan hīnakāyalpa guṣa - guṣa nikang
 rākṣasa ndya kawēdyan,
 tan wruh ngwang yan sirang rākṣasapati ma-
 naworddhādhikeng śaktimanta.

1. Narapati cedirāja mangaran subalāwacana,
prabhu daśabāhu rakwa huningan pwa hatūr karēngēn,
ring-apa ta sang watōk ratu kabeh juga tan tumuta,
ri pamuka sang narendra makatoh pati ring samara.

2. Nguni-nguni sang -/- watōk nyā sutānek-i sang
[118.a.] kawrang,
paḍa masnāha sañjata gajāsēwa huwus dinanun,
hiḍḍp-i patik narendra duwōk-amwit-i sang nyāpati,
ri suku bhajāra buddhatanu mamriha ring samara.

3. Apan-iki yanya sowayana durgama tmōn,
niyata tikang musuh ḡatōnga mōrpōki ring nagara,
kuwu juru sanya rakwa kasihanya tlas karuhun,
saka parōk-ing tgal kuru pakongwan-ikang danuja.

4. Ling-ing-aji bāhni roga saha śāstra ta mangka mne,
muwah-iki śātru tan duga-dugāmbōka sang nipuna,
wacana nirekā tandwa karaga hati sang nyāpati,
karaga nirān wawang marōk-anganjali supragata.

---oOo---

1. śhā prabhu śrī jinamūrṭti sāḡgat,
śmabahku ki tinghāli padadhwayanta,
mamwītku mangke mijileng rapangga,
māhārdhikaka swastha narendra donya.

2. Ndātan lingōn langghyana tāku denta,
tātūt pakontāpōsa ring musuh sōk,
gōng nghing mahāpātaka mōja hetu,
mādoh sakeng prajña kurang wiweka.

3. Lāwan huwas prartha -/- na ning śarīra,

[118.6.7]

cittan takut ring gati molah hingsa,
mārādi towin makabuddhi tuṣṭa,
manggēh nghulun mātyana tañ jrih-ambēk.

4. Ulādhika mon mṛga wanādi,
sākenakanyā ya yadin sudharma,
sābhagya yan mānuṣa jati pūrṇa,
karēsrēs-ing wwang sahaneng tri loka.

5. Hanān pwa rī prāpta nikang musuh ngke,
prayojanāhyun malape narendra,
ādā cmēr ndin kawaśeka denya,
kunēng hanangkūiki ri pādūkanta.

6. Nā ling nira śrī daśabāhu rodra,
ndā śighra yekan wtu tan wiwakṣan,
paṅgiring sang para pārthiwākweh,
huwas paṅānēmbah-i jōng narendra.

7. Tumūt marang wīra gaṅāpramāṅa,
mukyeka rakryan mapatih jayendra,
tlas nira mwit ri narendranātha,
humilwa ri śrī daśabāhu mangke.

8. Kunēng sira śrī nṛpa hastinendra,
kewran tkap pararāja sangghya,
byatīta tan wandya pjah nirong prang,
tkap nirang śatru wiśeṣa śakti.

9. Mwang tang waték kṣatriya rāja putra,
 kabehnya rakweki paḍātirodra,
 sang-ārddha -/- nānak nira dibya rupa,
 prajñeng dhanurweda suśila buddhi,
10. Sang śāla rowang nira śaktimanta,
 sucitra dākṣāri niran suroṣa,
 huwus paḍānēmbah-i jōng nirāmwiṭ,
 dūran wnanḡnyāhuripeng raḡeka.
11. Nā ling nireng jro hati sang narendra,
 wimūrcca de dang laris-amrih-aprang,
 sirang mahābrāhmaṇa wijña mojar,
 wruh ring manah śrī nṣpati suputra.
12. Dhū sang narendrādhipa aywa mangka,
 hayunya rakweki huśn tkapta,
 mahāmṣtang homa mayajña gēnghēn,
 ndā yan tkā ning musuh-aprameya.
13. Mwang yan paratreka kabehnya rakwa,
 katon huripnyan ri hurip narendra,
 jīwanta jīwanya mahāwiśeṣa,
 kabeh pramāṇan kita jīwa ning rāt.
14. Yadin hurip ning puruṣāḡanātha,
 kitān wiśeṣā sahananya rakwa,
 ndatan sake śakti nikā ya jīwan,
 jīwanya sihteng dadi hetukanya.

15. Ndā mangkanojar nira sang dwijendra,
tan warṇanōn śrī nṛpating kaḍatwan,
narendrā kaśipura tang wiwakṣan,
muwah watēk parthiwa rāja mahya.

16. Huvus si -/- rādan bala wīrayodha,
Sar sōk pnuh rakwa tkeng pkōn sōk,
ghūrṇang wanguntur kahawan gaḷāśwa,
taḷit mahōm tulya nikang dwajābang.

---oOo---

1. Yyāngkat sang para rāja kirṇa mangiring kā-
śindra dhatrātmaja,
sangkōp ring bala kośa wāhana dudūng sarwā-
stra muntab murub,
mangkā lwir śiwa sūryya rūpa kahidōp sangkeng
wiyat bhaswara,
mwang teki kadi candra pūrṇa sumnō wintang
samā ning bala.

2. Sang śrī dwārawatīki rākwa makapānganjur
watēk bhūpati,
mungwing sāmaja suddha warṇa ya bangun
śācindra airāwaga,
diptang bajra sutikṇa yeka gīngā
lwir hyang surendranglurug,
gandarwāpsara tulya ning bala gaḷa lwir
rodra moreng tawang.

3. Huntat sang prabhu singhagoṣa mamutēr
 ḍaḍḍātirodrān laku,
 lwir sanghyang baruṇomijil sira sakeng jro
 ning mahāsāgara,
 prodbhūtang bala koṭi lakṣa gumuruh yyak
 tulya ring bhīṣaṇa,
 syuh bhaḡmyang kahawan tabēn kabarubuh
 lwir palwa makweh karēm,
4. Ngkā ta śrī nṛpa cedirāja kahiḍēp sanghyang
 dhanendrānurun,
 līlānunggang-i rēngga ning ratha pnuh de
 ning suwar -/- ḡnottama,
 dukduk cakra suḍaḍḍa cāpa winatēk ring ratna
 maḡyojwala,
 guntur mās tka ring balēruh - aruhan sōk
 tang mahābhūṣaṇa.
5. Mangkat śrī nṛpa hastinendra suta sang sākṣat
 smarangiḍḍa rāt,
 gaḡḍewāyuddha puṣpa cāpa kahiḍēp de ning
 mulat kāsrpan,
 ngkaneng syandana rātne sangghya kumṇar
 lwir sūryya mārggālangō,
 hūng ning gong kahalātri bheri karēngō
 himpēr grēh ning kapat.
6. Sakweh - kweh pararāja putra mangiring lwir
 sarwwa puṣpa nḍōng,
 sang śālādi sucitra dakṣa sira taneah mung-
 gah-ing sāmaja,

4. Ten ngsh yan-ucapēkni tuṣṭa ning bala muwah
para ratu sumgut,
prāpteng kuru tgal-i samīpa ning giri pa-
konggwan-ing-asuragaṣa,
śighrākūwu - kūwu sira sang watēk ratu muwah
prabhu suta sahana,
lēngkeśwara suta miṣṭilātmaajādi nika wālabha-
suta ya tka.
5. Lwir sapta jaladi mangalih wukir saka sahaśra
tka katulajēg,
tingkah para ratu saha yodha sangghya saha
gong gubar-asira - siran,
śécaryya mulinga manah-ing mahāsura sakeng
giri parēng-umulat,
[IPI:ā:] hetunyan -/- agarawalan-ambēk-agma mapageng
musuh-aruh - aruhan,
6. Chorākrak-umtu sakeng langit saha gadāstra
muśala niśita,
sōk tang gaja ratha śata koṭi lakṣa ya
sakeng kṣititalan-umasa,
yatna bala gaṣa sawatēk ri hastina muwah
para ratun-umasō,
sāmpun paḍa manihangakēn warāstra pamapag
wuking-asura gaṣa.
7. Tandwā bala gaṣa mapagut silih pagut-asūk
paḍa ya kapagutan,
len tang malaga ri hiringing wukir saka
gulma sacamuh-amupuh,

dudwālaga ri pucak-ikang gunung sakapati
 sarga gumuruh,
 ngkane jurang-ika ya sēsōk tkeng wiwara
 ghora ya marurōk-arok.

8. Rānyang prang-agaaja - gajahan silih wulōt-
 ikang tulalay-apulōtan,
 krūrāngakus - angakus-ikang susārathi tibā
 ya paḍa kabaraḅan,
 krodhāmalu . pinalu ri kumbha ning dwi-
 radharāja nika paḍa pjah,
 mwanng sāmaja nika kadi pārwatanglah-ika
 cūrḅna paḍa mapulihan.
9. Kirḅnang ratu maratha - rathan samā ratha
 mamuk paḍa ta kawigaran,
12176 sewung sara -/- wara lumpas ring-ambara ba-
 ngun . hudan-epuy-umurub,
 mwanng tang bala makuda - kudan paḍācahut-
 ikang kuda parōng-arukōt,
 cek ceng dwani ni curik-ikāngne kraya tguh
 kadi watu pinōrang.
10. Prodbhūtang-asura bala gōng galak paḍa masō
 kadi glap-angawura,
 dukduk mudala kḅtala sañjatanya . lumarap
 taḅit-ika maliwōran,
 len tekang-aliman-ike mangunḅa tomara hane
 tngōn-inabōnakōn,
 syuh tang kuru bala kedahut watōk makuda
 sewu paḍa kasulayah.

11. Śighrāpulih-amahi gadāstra cāpa para bhūpati
 suta tumitih,
 koṭyār-wuda śara nira pañca rūpa nawawaktra
 mangṣnani musuh,
 malwang sang-angiwu tikenang mahāsura makin
 ta ya muwah-umasō,
 krūrang daśagupa halōp-ing hilang kadi ta
 warnang-udhadhi pasang.

12. Sanghāra malaku - laku tulya ning laga bangun
 maburakna jagat,
 liṅḍūng bhuwana tkap-i panghruk-ing danuja
 bhūpati suta mamupuh,
 rāktang dhwaja nira kumlab bangun lidah-ing-
 āntaka manged - alad,
 lwir dwādaśa rati putō -/- r-ing gadāmarṅgi
 cakra ya linṣpasakṣn,

[122.a.]

13. Lwir pār-wata mahēm-i semīpa ning joladhi
 ghūrṇita sḍōng-ing-alun,
 kweh tang śawa seha rudhiranya rakwa tmah-
 ing pjah-amuk-ing-ayun,
 nistanyan-apingit-atiḍūrggamāng samarebhūmi ta
 ya katatakut,
 tan kewṣh-ike tar arusit tkap sang-atiśūra
 maharōp-alaga.

---oOo---

1. Nūng ning rākṣasa daitya yodha manguwuh
 lwir dadyangekārṇawa,
 bheri mwang kahalātri māslur-umasō sakweh

watēk pārthiwa,
 pōh ning śāstra mahārathādi ginlar sang
 wṛddha - wṛddheng laga,
 hetunyāprang-arok silih prang-arukēt norang
 harōp mangsula.

2. Śrī citrāngsuka wīra dhīra masikēp gaṇḍewa
 śighromasō,
 dhwaṣṭang rākṣasa sewu lakṣa kapusus
 de ning śarātyādbhuta,
 len tekang ya dhinaṇḍa māti hiniwung
 de sang mahākṣatriya,
 dūdwekang malayu tinūt pwa katdun ring lwah
 jurang ning wana.
3. Mabyūran bala poruṣāḍa mananā kabwang tinūtan
 panah,
 manggēh mēnggah-ikang kawongan-umangap glānā-
 tibā ring lē -/- mah,
 nāhan hetu nikang mahāsura balā mwang bhūta
 senāng butēng,
 dūrmedāgra duloma śighra mapulih pakṣindra
 waktrādhika.
4. Garwwāhyā paṣa garjjitānglēpasakēn sarwwāstra
 bāṣottama,
 cakra mwang hala bajra bāla madulur bāṣāgni
 muntab murub,
 śrī citrāngsuka yatna śighra mamapag ring
 bāyubajrādbhuta,
 kabwang tang śara sangghya malwi gumēsēng
 yakṣādhipākweh pjah.

5. Dhīrāmbōk nikanang duloman-unasō nūk wūk
 watōk hastina,
 kangōk yan pinanah wijangnya kahiring de
 śrī narendrādhīpa,
 yekā hetu nirāharēp mamupuhāmuke sireng
 syandana,
 cek tōnggōknya ppat cinakra ya tkap sang
 śāla sangkong kiwa.
6. Durmedāhyatirodra mangkin-abutōng nton sang
 duloman pjah,
 krūrākāra harēp tkāngduka ri sang śālekiwān
 wruh sira,
 tandang śrī jīnāmūrtti putra wihikan prāpta-
 nya sangkong gōgōr,
 tan wruh yan pinanah nireka ya sakong kānan
 kṣaṅgkā pjah.
7. Mwang sakwehnya tikang mahāsura balānganti
 wiyat durba -/- la,
 wrin - wrin de ni panah sang-śriddhana tutug
 ring swargga hārohara,
 yekā hetu nikang kagendra muka tandwāmūrdha-
 pakṣing layanā,
 syuh sakweh bala hastinendra cinucuk so-
 canya sāmpan tlas.
8. Len tekang hinlō waneh ts pinulir śrīwanya
 kangōr ppat,
 dudwekang cinucuk gōtihnyen-inidōk tōṅasnya
 sāmpan lucat,

antranyārawa mabang karudhiraṅ lwir nāga
 mangsāmilēt,
 lwir pakṣāndra ya tānglayang napuṭēran ring
 bhyoma himpēr glap.

9. Rēsrsnyan padulur ptēng dēdēt-ikang rāt
 wibrameng wang kabeh,
 mwang sarwāstra bangun hudan makcēhan glā-
 nang watēk hastina,
 yekā hetu narendra putra mangsyat hrū śakti
 tan popama,
 sākṣat sūryya mahāprabhāwa malilang rug
 tang tamo bhīṣaṇa.

10. Mangkin rodra tikang mahāsura keton sakwehnya
 munggwing langit,
 syuh bhraṣṭan pinanah tkap nṛpati putra
 trus jajanyānglah,
 muñcar - muñcar-ike gulunya sawaneh sēmpal
 wijangnyāpasah,
 len tekang maḍarat sakoṭi ya gmut de śāla
 dākṣāmupuh.

11. Krodhekang garuḍāsya tandwa tumurun sangkeng
 langit -/- ghūrṇita,
 ghorākarak maharēp tkā matuka cakpu śrī
 narendrātmaja,
 yatnā śrī nṛpa putra tandwa tumḍun sākeng
 rathāglis masō,
 sangke bhūmi sireki yār panah-ikā tēnggōk-
 nya sāmpun pḡat.

12. Liṅgūṅ bhūmi bangūn śilādri ya rubuh
 manglah lēmēṅṅeng lēmah,
 mahyang kṣatriya rāja sangghya lumihat mwanḡ
 yodhapekakrama,
 kapwāngastuti dibya sang prabhu sutan
 singgih jinendrātmaja,
 mwanḡ sang dewa rēs-ing langit saha skar
 nrik mar paḡāngastuti.
13. Ndah śighrang sumala prakopan-umasō sambutekēn
 betala,
 sakrosang bala wāhananya gumrēh praptāngalun
 sāhasa,
 cakrā tomara sañjatanya magawo syuh ning
 watēk hastina,
 ngkā tānak prabhu wālanekana pjah mwanḡ
 gupta luptān parēng.
14. Mangkin krodha watēk narendra tanayāruk
 wūk mahārākṣasa,
 len tekang pemanah ring-astra manuhuk ring
 kadga tikṣomngēs,
 dudwekan mamupuh ndatandwa kasikēp denyan ka-
 bhakṣa kabeh,
 sāksat rākṣasa kumbhakarṇa hinasō de ning
 watēk wānara.
15. Ndātān jrih rinēbut ring-astra winahan ca-
 krāstra bajrojwala,
 krodhekan pangalap śiladri sadurung -/- kabwanḡ
 watēk kṣatriya,

ayuh bhraṣṭang pārwwateka pinanah de śrī
 narendrātmaja,
 mwang tōnggōknya huwus ppat kapisan tōnggāsnya
 sampun tiba.

16. Mumbul rahnya sake gulūnya kumucur lwir
 dhātu muñcar mlōk,
 tōnggāsnyākrak-uminduhur ya matēpung pūrṇā-
 kaśaktyādbhuta,
 āy - ay kong ratu putra tuccha lihatekī
 rākṣasānindita,
 hah - hah - hah ta kabehmu hah papagakēn
 śaktingku tar popama.
17. Ling ning rākṣasa śighra yatna mamanah sang
 śrī narendrātmaja,
 ping pat ping lina tandwa mangkana maluy
 jīwanya kepwen sire,
 lumpat sang nṛpa putra śāla tka mungging
 bāhu ning rākṣasa,
 pakṣanyātēpungang śirahnya pinupuh syuh de
 mirātyādbhuta.
18. Byātītan ri jurunya mātīn-umurud sang śrī
 narendrātmaja,
 mangsō tang mangaran pratikṣa pinakotunggāgra
 ning rākṣasa,
 makweh pārthiwa mātī denya tkap-ing sarwwastra
 sangkeng gaḍag,
 lwir guntur mangalih rēbah sahana ning
 deryyottamāṣṭa pjah.

19. Śrī citrangauka rāja tandwa kedunung de
nyang watōk rākṣasa,
sakwehnyan paḍa rodra rota sumahab sthīrā-
ngadōg ring liman,
[124.6.] hetu śrī naranātha śighra ma -/- ngayat
ḍaḍḍātīrotānggātēm,
bhraṣṭāng rākṣasa sewu māti pinupuh mwang
sang subhanggān pjah.
20. Ndah krodhā wara dumdubhīki mangagēm sya-
mogha tikṣṇojwala,
yāngduk śrī naranātha ten wruh-i ḍatōngnyā-
lumpati syandana,
trus pyuh sang prabhu denya ghūrṇita
tikang yakṣāsrangāngadwakōn,
māwṛg tang bala hastinendra kaḍawut sakweh
watōk pārthiwa.
21. Ndan sang wīrapati jayendra juga tan kabwang
tkap ning musuh,
tan kewran winahan warastra pinōning de
ning watōk rākṣasa,
len tekang maharōp tkānuduki mungguh rōngga
ning syandana,
sāmpun rakwa dinuk nirōng musāla tandwa
syuh rōmuk sing kna.
22. Brāhmāstrādbhuta weggu wāstra pamamah sang
wīramantring ripu,
hetunyāng bala rākṣasārōs-ika tan wantōn
parōk de nira,

sakweh - kweh nikanang mahāsura maluy tekang
 suśaktī dangu,
 astam tang bala peka bhūta gaḡa sōk cūrṅang
 piśācālayu.

---oOo---

1. Ndah śighrāṅindra bajrāgarawalan-apulih ton
 i rowang nikāwṅg,
 rwang koṡyā detya yakṡa tka parēng-amupak
 [125.a.] -/- pārwwatāgōng nginunda,
 wwil ning wil bhūta ning bhūta paḡa ya
 sumahab ring langit, ghūrṅnitāhya,
 mangḡṅg mangrik ya rodrāmawa watu sadurung
 mwang salumpang sinangga.

2. Tandang ning detya yakṡā rasa muburaknang
 bhūr bhuwah swah ya kēmpan,
 yatnekang wīramantrī mamapagak nikang śatru
 ring cakra madṡs,
 bēntar tang pārwwatā syuh sahana nika tkeng
 sang mahayodharāja,
 sakḡat śrī kṡṡṅa ngūnin para waśak nikang
 cakra ring salwa rāja.

3. Lāwan tekang sutikṡṅān pjah-ika ya tkap-i
 sang mahāwīramantri ,
 sakweh ning rākṡasā panglaga ri sira huwus
 dhwas tēkeng wāhananya,
 tēkwan śrī hastinendrātmaja sira matulung
 mwang nikang śāla dakṡa,
 sewwīngastrānēsēb rākṡasa makatlēbuk syuh
 tibeng bhūmi cūrṅna.

4. Ngkā mangsō dumdubhī guragada maharōp molihe
 sang sumantri,
 sambut syāmogha sām̄pun pinanah-ika tikōl
 de nikang śatru śakti,
 ndah yekan sām̄ajendrānala tmahan-ikang rāk-
 gasa krūra -/- dhūma,
 mattanghanggāruhur gunung-anak-umurub katarāngun-
 tab - untab.

5. Mangkin krodhāngamūk gad gaḡing-ika manujah
 syuh marang kḡatriyangśā,
 nāgāgōng tulya ning nāsika mutitakōn tōḡas-
 ing wīrayodha,
 dhwas tekang sañjatāsing tka kahala gōng
 de nikang sām̄ajāgni,
 nā hetunyang watōk hastina bala malayū dūr-
 balāng rāja sangghya.

6. Dhīrāmbōk sang jayendrāpuliha mapagakōn sa-
 majendrātirodra,
 lwir sang pārheng rapan tan siga sigun-i
 panas ning gajah bahnirūpa,
 syuh dagdhang syandana mwang kuda nira ya
 gōng de nikang dumdubhīka,
 lumpat sang wīramantri tka ri gulu nikang
 sām̄ajānunggang-ahya.

7. Pok - pok - pok tōḡas-ing samaja pinalu nireng
 ḡaḡa muñcar gtihnya,
 ghorāngohan pjah ring kḡaya rika tumurun
 ring lmaḡ sang jayendra,

rug sakweh ning watĕk rākṣasa niyata tkeng-
 gwan-irang poruṣāḍa,
 rĕp moghang ratri kadyāmusani dadi mulih
 sang mahāwīrayodha. /

[126.a.]

----oOo----

1. Byātītan gati niro sang musir kuḍāprang,
 tingkah sang prabhu puruṣāḍa yan wiwakṣan,
 ndah sām̄pun sira rumngō lwang-ing balākweh,
 pakṣindrāsya pamuka ning pjah wiśirṇa.
2. Aścaryyang bala mahurip samoka mojar,
 mukyang rākṣasa warawīrang-indra bajra,
 kapwāngastuti guṇa ning musuh sudhīra,
 rāyānwam tuwi paḍa śakti wīra rota.
3. Ton tekang kumala kagasya bhaśmi cūrṇa,
 de śālārddhana para rāja putra dibya,
 tan hopĕn pjah-ikanang gajendrārūpa,
 de rakryan patih-ika śakti wīramanta.
4. Tambis ngwang pjaha tkap nireng raṅangga,
 yan tan ratryanapiha hetu ning swajīwan,
 nā ling nyan dadi sumahur ta rākṣasendra,
 tan len sang kṣitipati rātnakaṇḍarāja.
5. Hāh - hāh he kita bapang-indrabajra sājāna,
 aywāgōng wḍi tkap-ing musuh wicitra,
 nyā māṅkun mususa riye raṅangga bhūmi,
 yadyan bhūmi nika mawasya bhaśmi bhūta.

6. Sangsiptan larisa tĕku mĕtwa ring prang,
 lud magyĕkun-umalape jinendramŭrtti,
 swinĕn rakwa sungakneng bha -/- țĕra kĕla,
 dŭran parthiwa gaqa wanya mĕngpanga ngwang.
7. Nghing tekang prabhu daśabĕhu pĕngajanya,
 manggĕh syĕku makalagĕ prajapating rĕt,
 kirĕnang hasta daśa sahĕstra sarwwa siddhi,
 ndĕtan kewran-aku rumoha matyanosĕn.
8. Nĕ tojar nira manawut rawis prakopa,
 lwir kedyĕmangana jagattrayeki mangke,
 dhyam sakweh nikang-umulat wimŭrcitĕrĕs,
 muntab sĕng ni muka nirĕgni rudra sĕkĕt.

----oOo----

1. Ndan sakweh nira sang watĕk ratu muwah sa-
 hana - hana nikang mahĕsura,
 wruh rakweki manah mahĕsurapatĭ wijilan-ira
 ri madhya ning raqa,
 yekĕn sang mapatih wimona humatur mawarah-i
 taya hastinĕśwara,
 ngkĕneng rĕjya tatan tumŭt sira mareng
 raqa tan-angawak-ing prang-sdbhuta.
2. Yekĕ hetu narendra tan wawang-umangkat-i
 taya nira sang pinet nira,
 sang śrĭ bhŭpati kośa rakwa tinuduh nira
 makepati ning balĕsura,

mwang dewāntaka wīra rāja tumutāmapagakna
 kaśaktin-ing musuh,
 lyan sangke sira sang kalingga tinuduh ni -/
 ra sulabha panōnggah-ing sarāt.

- [127.8.]
3. Śryāwanggādhipa garjjiteki ri pakon sudaśasuta
 pakāptya ning bala,
 kālih mwang magadhendra dhīra sira tañ jrih
 i pangutus-1 rakṣaseśwara,
 āpan rakwa sireka tan kahañangeng laga mangu-
 sing-aminta mapranga,
 de ning krodha nire narendra daśabāhu karaḡa
 marōbut sukanyaka.
4. Sāmanta prabhu wīrayodha karuhun bala gaḡa
 hana detya rākṣasa,
 kroḡa - kroḡa kabehnya rakwa tumuteng magadhapatin
 umōtwa ring sabha,
 ajñā sang prabhu mangkaneka tumihang ndatita
 mtu mulih nareśwara,
 ngkāne jro kuḡa pārśwa ning giri pakonggwan-
 ira kinmit-ing balādḡhika.
5. Tan warḡnan ri kḡḡpnya māri muni tang tabō-
 tabōhan-aganti lor kidul,
 tingkah ning raḡa bhūmi yeka caritan suminang-
 i tka ning tngah wngi,
 kaśrang de ni kñar ring-astra maḡi bhūgaḡa
 katilar-i liḡa sang prabhu,
 yokā hetu nikang raḡanggaḡa paḡang rahina
 sama sudipta bhāswara.

6. Makweh tang kunapāglar pakasulangkrah-akalangan-
i śirṅna ning ratha,
mwang -/- tekang pangarah kalung hana mahām-
bulungan-ika sumañḍaying kuda,
len tekang pjah-ing jurang hana sumungkēm-i
suku [redacted] ni ratunya ring gēgēr,
dudwekang mahurip sisip kanin-ikā darawayan-i
marusnya tūt hawan.
7. Honyekang giri konapāgōng-atibhīṣaṇa ri tpi
ning-abdi śobhita,
tēngnan kāri ri saḍḍing-ing ratha bangun kayu
tumuwuh-i [redacted] dungus-ing parung,
kirṅnekang śirah-ing kapōkana tumang asmu
watu ri tīra ning jurang,
yekātuḍa matuḍa - tuḍa kadi margga ning-
umusira ring tapowana.
8. Ngkā sang sadhaka muḍḍirūpa pakapājaran-irika
malinggih-ing śawa,
len tekang sinamādhi mungguh-i harēp nira
dadi mahurip mangañjali,
kapwāhyun muliheng swawēṣma sahabenuraknira
muwah wawang pjah,
mātī tingkah-ireng raḡa prawala mānglagi - lagi
ri kadibyen-ing manah.
9. Yekā hetu ni sang mahāyana sirātaki - taki
makabuddhi sādḥaka,
tan sangke naramangea tan suka ring-ambōk-
anuwukana bhoga bhojana,

jñānekātwa ginēng niran wnanga ring pati-
hurip-ika don-irān laku,
sāmangkāna sireki rakwa kahiḍḍp jinapati wkas-
ing -/- niraśraya.

[128.a.]

10. Akweh bhāwa nireki dudwang-apayung sirar-~~kk~~
athēr-ayogadhāraka,
milyang rah mahamēng titisnya tumibeng hulun-
ira ya tumus tkeng jaja,
antranyān wilētan lalēr wilis-aneka ri muka
pangurambat-ing mata,
ndātan simpang-ike manah nira sumadhya ri
turuni bhaḥāra reḥuka.
11. Bhūtākweh ri ~~si~~ huwus nireka mamangan daging-
angamuk - amuk mabherawa,
ghorang preta piśāca rāmya manginum gtih-ika
mangigēl ya māwērē,
len tekang tumḍun marādyus-irikang jaladhi ru-
dhira ghūrḥnitāngalun,
līlānūṣa narendra konapa lawan bala gaḡa ma-
karang liman śawa.
12. Tan ngeh yan huningan gatinya tucapā rahina
ri huwus-ing tabēh walu,
yekāhēm sira sang watēk ratu sabhārata humarēk-
i padmayonija,
mwang sakweh para rāja putra makamanggala suta
haji hastineśwara,
mwang sang śāla sucitra dakḡa paḡa rakwa
mamuji ri kaśaktin-ing musuh.

1. Ngkā rakryan mapatih jayendra humatur nda
 yekin-amuwus,
 he śrī bhūpati dhatraputra mapa dāya sang
 narapati,
 reh ning māga -/- dha rāja rakwa kalawan,
 śryawangga karēngō,
 sāmpan kobhaya yan pakādipati ning mahasura
 bala.

2. Wruh rakweki narendra hetu nika yan pamang-
 pang-i haji,
 āpan rakwa huwus pacuṅḍang-ika de narendra
 malayū,
 de ning pālaga rudra dhangstra karapanyan
 ujwala muwah,
 sangke hyang paramēśwareka sḡng-ing tapodhara
 ginōng.

3. Tēkwan rakwa wkas bhātāra ri narendra
 kalih-umarēka,
 ndātan mātya tkap ning-astra sahananya
 bhagna ri sira,
 mwang tekang paramāstra tan dadi wnanng
 yasing kapanahēn,
 yan tan śatru sḡng tri wikrama pakolihe
 riya hade.

4. Sangsiptan prabhu aywa gadgada manahta ring
 laga hlēm,
 sugyan wruh - wruha yan wnanng kita mahā-
 tri wikraman-usēn,

nirbhagnan ring sājōng ta mapranga lawan
hawangga magadha,
byakta was ri pjahta rakwa tkap-ing warāstra
subala.

5. Lēwan byuha mapeki rakwa wangunēn narendra
raṣana,
yan pakgindra yan-ārddhacandra makarādi
yogya pilihōn,
len sangke rika pādma rakwa glarēn nda
aywa makabōt,
sakweh ning para pārthiweka tuduhōn -/-
tkap sang-ahulun.

[129.a.]

6. Mangkojar nira tandwa yatna sumahur ta sang
narapati,
cakrabyuha ngaranya mkwa wkas-ing pradurgga
glarēn,
sāmanta prabhu rājya sangghya kipinganya toki
tuduhōn,
mwang tekang para rājaputra ya sukinya
śāla pamuka.

7. Yekānūng pangalah dwijendra ri pjah dhanañ-
jaya suta,
ndah ngūnī ta ya sang wṛkodhara makādi
partha karaṣa,
panggil tang ripu mangkaneka taya sang
mahāsurapati,
ling sang nātha luwar pahēm nira tkeng
raṣangga wuwusēn.

8. Sāmpun rakwa tiningkah-akrama kabeh watĕk
 kuru kula,
 mwang sakweh para rājaputra ya huwus kabeh
 mabubuhan,
 sang śrī bhūpati māgadhendra caritan nda
 yeki cumaḡang,
 mwang śryāwangapatiki rakwa mekarābyuhā
 ya ginlar.
9. Tan len śrī sulabheki rakwa ya tutuk sudhīra
 ring-ayun,
 śryāwanggādhipa magadhendra ya supit kalih
 sira huwus,
 sang mohanala tēnggĕk-āngga walakang pralambha
 kubala,
 kānan keri sungutnya lobha kalawan pra-
 galbha matguh.

---oOo---

1. Sāmpun tang byūha pūrṇā pakĕkĕs-ika huwus-
 [129:67] -/- dūrḡga parimita,
 munyāng gong bheri ginwal murawa saha
 kalānghrik tang gaja kuda,
 sār sĕk lumreng kuru kĕetra samara humaḡang
 tekang bala gaga,
 mwang sakweh sang watĕk pārthiwa paḡa mapajĕg
 mwang rākḡasapati.
2. Ndāh yekān śīghra mangĕĕ sahana nikang
 yoddhodhara gaga,
 tangkĕpnyāprang silih prang kawigaran-anguwuh
 dhīrārurĕk-arok,

len tang rotānggalah trus jaja nika sinuduk
pinrih sinurupan,
dukduk cakrākabēt nghing gaḍa paraśu tujuk
kris kadga mangne.

3. Prodbhūtang daitya yakḡādhipa parēng-umasō
lwir hombok-angalun,
grit - grit - grit ghūrḡnitang pārthiwa ratha
lumurug lwir guntur rangalih,
hetunyan prang bangun nyūhang-acala guntēr
tekang kḡititala,
de ning sarwāstra dibyāstra kahawa ya rubuh
tekang gunung-anak,

4. Lāwan sakweh watōk kḡatriya suta tumitih
mungwing gaḡa kula,
sōk tang bāḡāḡrujak rākḡasa makasulayah
malwang sangang-iwu,
ngkā krodhang dūmawadwāpanah-emanshakōn bhūtar -
sura masō,
bālā mwanḡ bajra sangke tutuk-ika kumutug
lwir dhūma mangasut. /

5. Yekālāh sang watōk hastina bala malayū
rūḡ tan patulungan,
kewran de ning warāstrānakiti ya tumibeng
henggopama hudan,
tōkwan ginlis tinut de ning asura pinangan
tōḡḡasnya kinmah,
len tang rodranguyup rah gaḡa nika malōbōk
muñcar kadi baḡu.

6. Yatna éri singhaghośāpūlih-agarawalan mungwing
 ratha mapik,
 rwang lakṣa hyūn-ira mwang bala gaṣa lu-
 murug syuh tang kalaśara,
 mangkin rodrātma rwang yuta sumēk-i raṅang
 kālāstran-umijil,
 ndah śighra bahni sangke narapatin-umurub
 dipteng tangan-ira.
7. Bhor bhog ghūr ghūrṇita lwir tasik-
 angalun - alun lumreng raṅatala,
 syuh dagdhang dhūmawadwāstra katawurag-ikang
 yakṣendra malayū,
 ngkā sang mohānalahyangemah - amah - umasō
 rodrāmangan-apuy,
 kagyat tang śatru kadyāmangana bhuwana ling-
 nyan pangruga langit.
8. Lāwan sarwāstra guntur baṇu saka ri tutuk-
 nyamah mamalabar,
 bhar pōt tang bahni sāmpun pjah-ika kahili
 tekang kurubala,
 kabwang kombu -/- l tikang sāmaja ratha ka-
 walik lwir phelwa kajehat,
 kirṅnekanṅ wirasenādbhuta mati kadadak dening
 jala magōng.
9. Sakrodhang singhaghośādbhuta mihat-1 rusak
 ning yodha kahili,
 sambut tang ḍaṅḍa sangke hyang-anala ri
 eqōng ning homa karaṅa,

rōp śighrānghambu mūkṣenayat-ira ya hilang
sampun malaradan,
mwang sakweh ning mahāsañjata dadi tumibong
dūrādri gahana.

10. Bhrasṭekang rākṣasasing mapagak ning pamuk
seng śrī narapati,
syuh dening ḍaṇḍa cūrṇang saka sawat-arōmuk
len tang gaja retha,
krūrekang dhūmawadwāmapagakni sireng cakrārddha
kapupuh,
mwang tang mohānala syuh pjah-ika tkap-ing
ḍaṇḍāstra tinahēn,

11. Wīrāmbēk śrī wirāṭeśwara makin-angiwung gho-
rārdhik-amupuh,
waktrāgni mwang caturtyāng-asura ya ta pjah
sāmpun kapugutan,
hetunyāng rākṣasa mrih kahuripan alayū
mungsi giri wana,
menggah - mōnggah kawongan suku nika kumtār
glanang kackakan.

---oOo---

1. Ndah śrī kalinggapati rakwa wīra tan tumut
ka -/- palayū,
līlāngadēg sira ri rōngga ning ratha ri
pāwṅ-ing bala gaṇa,
ngkā singhaghoṣa kadi singha rodra para

ning wulat sǝǝng-amuk,
 krūrāptyamūka sira ring rathangga pinanah
 nire kǝaga pjah.

2. Durgrehya tang laga ri liǝa sang prabhu
 wiratarāja kawnanǝ,
 krodhā watǝk ratu sahestinendra nǝparāja
 welan-umasǝ,
 tandang nirānglǝpasakǝn warāstra śara śakti
 yekan-umsat,
 rǝmpak tikǝl ratha nirang kalinggapati
 de ning-iśwa kahala.
3. Krodhang kalinggapati samajendra pakawāhanā-
 glis-umasǝ,
 śighradmak ratha narendra māruta luput
 tinon tan - umilag,
 mangsǝ muwah sira tkeng gajendra hulu
 sang kalingga pinupuh,
 rǝmpuh śirah nira tkap nareśwara ri wela-
 rājya mamati.
4. Mengkin mahādabhuta tikang prang osyan- i
 pjah kalingga ring-ayun,
 garwwang mahāsura paǝeki rakwa sumuyug
 haneng gaja ratha,
 kapwāngduk-anglǝpasakǝn warāstra hana bajra
 cakra pinutǝr,
 len tang śarāgni bhujagāstra guntur
 angasut glapnya kumupak.

5. Lawan tikang prawarang-indra bajra paka-
panggalekan-umasö,
[131:6.] śrī cedirāja cira -- dhīra mādōg-i pemūk
nirang kurukula,
śrī welanātha lumawan pralambha nrpa kuḍḍinā-
nglaga peṣa,
śālārdhaneka lumagang kaṭākṣa si wikalpa
bajra kaluśa.
6. Ndah yeka hetu nikanang lagādbhuta bangun
rugang tri bhuwana,
tandang pragalbha warayakṣa śakti matmah
tri rūpa lumurug,
krūrangamuk sahana ning prawīra pinupuhnya
ring gada pjah,
len tang śinūla binlah wtōngnya dinudut
hatinya pinangan.
7. Dhīrang prawīra sawatōk ri hastina makādi-
rāja tanaya,
teṅ jrih dīnaḍḍa tinugēl gulunya tinatas
higanya winadhung,
lēngkendra putra ya pjah lawan śryanuṣa
putra māti kapisan,
de sang pragalbha ri sḍōngnya rakwa mamupuh
śirahnya sinikēp.
8. Ngkā cadirāja mangayat ring-astra pangasih
trīrājya dahana,
lwir mṛtyu jihwa tigarūpa tikṣan-umurub
sakeng panah-ira,

siddhyāmbhajya ri gulū pragālbha ya pjah
 tlas kapugutan,
 rōp śighra yeka sumaput swarūpa nikan
 ekajāti ya muwah.

9. 12.2.2 Krodhang ku -/- bhūmi ri pjah pragālbha
 kadi hasti matta magalak,
 bhraṣṭang musuh saka lakṣa sewu hinidōknya
 yen amah - amah,
 timbul dīnaṣṭa sinuduk cinakra ya makin
 sudhāra mangiwung,
 salwir ning-astro kadi tōmpuh-ing bañu
 tibeng śiladriwa hilang.

10. Kepwan sira subalarāja teki ri tlas ning-
 astro ginōgō,
 śighran tkeng ratha teka rakwa dinōdōl
 nireng suku tiba,
 bōk ghor nda mādōg-ika rakwa tandwa pi-
 nanah ring-astro pinarōng,
 de kuṅṅinendra wihikan sakeng kiwa tugōl
 gulunya ya pjah.

---oOo---

1. Tandwāprang-arukōt-i pjah kubhūmi paḍa kād-
 bhutang-asura bala,
 sang śrī magadhapati sireki tibran-umaeō
 saha bala mamamah,
 śryāwanggapati sira muwah paḍāngudanakēn
 śara_wara gumuruh,

koṭṭyārwada panah-irang-indra baṇa matmah
yuta makacōrōcōban.

2. Kṛp ning kuru bala tijurunya bhaṣmi tka
ning gaja ratha ya gmut,
śrī māruta pjah-ika de nirang magadharāja
rumuhun-apagut,
śryāwanggapati mjahi cedinātha milu kuṇḍi
nagara ya pjah,
[132.6.] sakweh -/- prabhu suta kawrang tkap ning-
asurāpati bala gaṇa sēk.

---oOo---

1. Ghūrṅang wṛg bala hastiuendra kadawut ke-
wran watēk pārthiwa,
kāṅṅk ring giri nora pāwatu karang sarwā-
stra bajrālōyēng,
len tekang tumḍun ring-abdhi rudhirang yyak
lwir yyak-ing sāgara,
kombak kombul-ike tlēngnya kasilēm molah
karang sāmaja.
2. Śryāwanggādhipa dhīra mangkin -umasō nton
seng watēk hastina,
mwang śrī magadhendra yeka tumitih len
tang watēk rākṣasa,
yatnā śrī daśabāhu garjjita tkap sang rwāti-
rodṛākṛti,
lwir pakṣindra rakwa lumihat ring mpas
lawan sāmaja.

3. Umrang tang kala bheri éangka tinulup sa-
 mantarājān asō,
 mwang sakweh para rājaputra ri harēp mung-
 gwing gaja mwang ratha,
 ngkā sang śrī nṛpa putra dakṣa mamupuh
 yakṣādhipākweh pjah,
 mātus tang balapeka yodha ya huwus rēmpūh
 ḍinanḍeng gada.

4. Rug sakweh bala rākṣaseka tumuluy sang
 mānakangsāpulih,
 sām̄pun māti tkap sucitra pinanah syuh
 tang balanyātumang,
 [133.a.] krodhākṛak mangaran prala -/- mbhan - umurub
 tang bahni sangkeng tutuk,
 ngkān sām̄pun pjah-ing kṣaṇeka ya tkap
 kaśindrarājāmanah.

5. Krodhāmbōk prabhu kośarāja ri luyuk ning
 rākṣasākweh pjah,
 mwang dewāntakarāja kālan - umasō krūrāṅgōgō
 sāyaka,
 cuṇḍuk śrī daśabāhu rakwa para ning sār-
 wwastra muntab murub,
 lwir sanghāra bangun prakāmpa rumawuh
 bhraṣṭang watōk hastina.

6. Dhīra śrī daśabāhu śigaran - umatōk hrū
 bāyubajrādbhuta,
 dhwas lunghā śara sangghya kabwang-umarong
 doh sāk ḍawuh ring wana,

rug bhraṣṭang kayu sol rébah kabarubuh
guntur tikang pārwwata,
kagyat tang mṛgerāja centēn-angilī de
ning warāstrāngawur.

7. Sang dewāntaka śoka mangkin-angayag
gaṇḍewa pūrṇānglu,
brāhmāstrāyudha weṣṇuwāstra lumēpas lwir
mṛtyu sākṣāt murub,
len tekang baruṇāstra bhārggawa śarā ndā-
ten haneka myati,
ngkāne śrī daśabāhu cūrṇa ya hilang lwir
warṇa pāteng tasik.

8. Mangkang hrū daśabahu bhagna ya tke śrī
bhūmināthān kalih,
rudrāstrādbhuta kālaḍangstra lumēpas
punggōl kawa lwir tngah,
[133:6.] nghing te -/- kang bala rākṣasātri ya pjah
de ning mahāstrā punah,
mwang sakweh bala hastinendra matumang
de bāpa seng rwāngasut.

9. Ndān sang rwā makire tri wikrama sirang
kāśindrārājāmuka,
śrī kāśindra sirekināptya marōke sang
rwāngupayeng laga,
hetu śrī daśabāhu yatna mangagēm ḍaḍḍāstra
rotānggētēm,
ngkan lumpat sira yar pupuh-ikang yakṣa-
dhipākweh pjah.

10. Pok - pok - pok dhvani ning gajendra kapupuh
 len tang cēngāl ning kuda,
 mangkin krodha siraṅ harēp musira sang
 śrī māgadhendrang ratha,
 sēmpun prāpta sireng susarati rikā śryā-
 wangga śighrāmanah,
 ngāk - ngāk - ngāk bhujagāstra rampak-angne
 kāśindra rājottama.
11. Ngkā ta śrī daśabāhu tandwa tumibeng
 bhūmin kapaśoraga,
 mahyang rākṣasa sangghya daitya gumuruh
 ghūrṅang kalāṅgawakēn,
 mawṅg tang bala hastinendran - umasō śālar-
 ddhan-amrih mamūk,
 mwang rakryan mapatih jayendra tinhēr de
 ning kadakṣādbhuta.
12. Ndah śighrān nṛpa kośa tandwa mamupuh
 tēṅṅas nirang dhatraja,
 mwang śryāwangga sireki dhīra manujah ndā-
 tan wibhuh de nira,
 sakweh - kweh ba -/- la rākṣasāṅgrbutakēn
 kāśindra mengēt sira,
 sākṣat mārutī ngūni rakwa rinēbut de ning
 watēk rāwaga.
13. Rēp śighran pawungū sireki tumuluy bhraṣṅang
 mahāhoraga,
 kagyat tang bala rākṣasāṅga sinikēp
 sang kośakeśāgrahan,

prodbhūtang pamupuh nda yeki winalat mwang
 daja sampun tinūr,
 de sang śrī daśabāhu hetu nika sang śryā-
 wangga manglōr murud.

---oOo---

1. Sājēng sang śrī dewāntaka sira murud
 kabwang - alayū,
 muwah sakweh ning rākasapati paḍārēs
 giri - girin,
 mihat tingkah śrī māgadha sira tkap
 dhatra tanaya,
 wimūrccālōk trāsēnulōng-ikin inalpenuman - uman,
2. Adha kong rājā mlecca cumēmōri nātheng
 tri bhuwana,
 umūr nīccā bhaktīng-asura ri harōpnyān
 pannanga,
 nda panglampū ko ndin guḡamu pesung-ing
 mūrka kuhaka,
 arah ngwang yekin bhukti phala nika
 mangkeki tariman.
3. Muwah yā hetungkun kedi kawngang-ing
 pāsā bhujaga,
 ndatan sangkeng hīnā kawnganga muḡanyeki
 sinikōp,
 epan yan sarwāstrādbhuta niyata bhaḡmi
 tka ri -/- ko,
 ulihnyū ngūnyanghyang - hyang-i larimu
 bhaktīng kalajana.

4. Nahan ling śrī brāhmātmaja mankēk-ahyāngutitakōn,
manampyal waktrāmōb hṛdaya sinudak ring
naka tngēn,
riken glāna śrī māgadha gtih-iran tandwa
kumucur,
sudhīrāmṛp rotang...dēdōl amkas-ing prāpa kumtēr.
5. Kabhīnā - bhinang dhatra tanaya mamunggal
gulu pgat,
sinanggang mūridhāngdhik gutukakōn-ikeng śatru
malayū,
riken tandang śryāwanga muwah - amisik
bāṇa niśite,
nda yekā dhangstrā hyang paśupati katatwan-
nya karēngō.
6. Sudipta lwir diptā hyang - aruṇa sumunwing
pabharatan,
halisyus mwan baywānala dulur-ikā len
glap umung,
patēr mwan lindwāgōng tka kadi rugang
haṇḍa bhuwana,
tkap ning rudrāstrādbhuta haruharang
bhumi sahana.
7. Tuhun sang dewārśingṛagaṇa sama marmmohuti haji,
ri de ning rudrānugraha lēpasa ring dhatra
tanaya,
nda kantēnya dewāngēa rasika panah ling paśupati,
awas malwī prapteng kita pjah-ikā yan pa-
rikō.

8. Nahen ling sang mohut ri sira matatur
 śrī narapati,
 ilang sanghyang rudrāṣṭra pinadēm - ireng
 citta sumirēp,
 samangkā rakwāhyun mēsata sira sangkeng
 raṇa sabha,
 mareng doh rekwāngantyakna ri wibuh
 ning ripu hlēm.
9. Riken kepwan śryāwanggapati sira de dhatra
 tanaya,
 prakopāmūk tañ jrih pinupuh - anikēp ḍaḍa
 tinikōl,
 thēr mangduk ring tomara linuputan dhīra
 mangusi,
 sahojar wāk sampay guragaḍa wuwus lwir
 glep ahōm.
10. Arah maṇḍēg dewantaka lihat-i tāntōnta kapugutan,
 lēwas ring mleccā pāpā ta kamu yadin
 tan papuliha,
 syapekī wīra hyun duluramu yadin mithya
 dahatēn,
 wwanganyekā yā tan tilarakna de mwing pabharaten,
11. Pitowin rakwāngdehā matuha sḍēng matyang-usirēn,
 barākweh lumrah ring hulu pangarah-ing meh
 sumurupa,
 yayā lwir rāyyānwam mahuripa jugang buddhi
 kaluṣa,

adha wruh ngwang tapwan bsur - anunas - ing
rākṣasa kula.

12. Nda yekojar kaśyādhipa mamurēkāhyun panudingi, /
wawang krodhā śryāwangga siran - umalēs dhīra
mawuwus,

aho kong ratwānēmbah-i yayi nikā tucca kuhaka,
nihan śaktingkwāmbhraṣṭakna ri huripmun paśujana.

13. Nahan ling śryāwanggāmititis-ing kanta mangabēt,
tibā kantap dhatrātmaja tkap-ikā ślghra mawungu,
prayatnekā dewanteka manutuh-ing ḍaṇḍa mamupuh,
kasangge kānan kerī sumawat-i tēṇḍas nira rēmuk.

14. Ri liṣa śrī dewantaka sira lawan kośa karuhun,
larut bēntar sekweh ning-asura gaḡa_wrin - wrin
atakut,
kunang sang śrī dhatrātmaja sira murud mwang
para ratu,
muwah sakweh ning rāja tanaya balānglih kapanasan.

15. Ri hēb ningnyāgrodharuhur-i tpi ning lwah
mamalabar,
rikārāryyan sang narapati mihat ring
bala gaḡa,
waneh mungsir wwit ning kayu sukēt-i tēm-
bing ning - acala,
dudū wwang madyus tunggangan - ika gajoṣṭrā-
śwa yak - inum.

1. Byātītan sang haneng pəprangan - ika tucapən
 śrī mahāporuḡāḡa,
 ndah sām̄pun wruh sire bhaḡmi ning - asura
 gaḡājar nikeng - indrabajra,
 lā -/- wan sang nāradāḡanti ri sira lumihat
 bhraḡṡa ning wīra sangghya,
 śryāwanga mwang sirang magadhapati kapjah
 de nirang dhatraputra.
2. Yekāḡde dukha tan popama sumōḡ - i mukābang
 bangun hagnirūpa,
 tandwā mungwing wimānādhika huwus - amasōk
 bhūḡaḡānindya warḡna,
 sakweh ning wīra śeḡāḡiring-i sira tumut
 mwang watōk rāja kantōn,
 mukyang mantri wimonādbhuta sira hana ring
 samajendrātirodra.
3. Tōkwan sakweh watōk rākḡasa kari sahanāmet
 ri jōḡ sang narendra,
 golakḡa mwang tikang durmala paḡa ya ḡatōḡ
 moha śūranggakāra,
 wḡdawḡdewu rowangnya hangun - angun - awū
 ḡhūrḡnitang ḡaḡṡa - ḡaḡṡa,
 lwir tan milwang bangun sāḡara sumurud -
 umaluy tingkah - ing wīra yodha.
4. Mangkat śrī poruḡāḡāhalōp - ahulap -ikang
 wāhanābhrāhlār mas,
 sāḡḡat śrī bhūmiputrāmāpagakni pamūk sāmba
 len paḡḡuputra,

syuh bhraṣṭang śatru kirṇang kurubala malayū
 dhwas tkeng wāhananya,
 akweh sang kṣatriyangśa prabhu mati pinōkan
 de nikang detya rodra.

5. 135.5.7 Yatna śrī dha - / - tra putrāpulih-i ratha masō
 mwang watōk rājaputra,
 rwang koṭyang hastra sangkeng panah - ira ru-
 mujak śatru ring bhūr bhuwah krek,
 mangkin dhīrāngiwung tang danujapati paḍāmō-
 twakōn deha rodra,
 len teka sthūlarūpātrinayaga madaśāsyaṭangan
 dwāśāsahya.

6. Prodbhūtang konta sangke karatala kumutug
 bāṇa sarwātikṣṇa,
 mwang tekang bhūta sangkeng tutuk - ika ma-
 dulur preta yakṣā piśāca,
 dudwekang yakṣa sangkeng sudaśa suta bangun
 kāla sanghārarāja,
 sākṣat guntur sakeng pārwwataśata mangōbak
 ring kuru kṣetrabhūmi.

7. Yekān syuh wīra ring hastina ya ta pinangan
 de nikang rākṣasāstra,
 krūrānambut sakeng tan hana mangamuk - amuk
 manghlō śatru śakti,
 wwil ning wwil rodra sangkeng kṣititalan
 umijil kātarānekarūpa,
 ghorangaungsung ripu syuh pāṣk - inabōn ring
 mahāsēla cūrṇa .

1. Dhīra śrī daśabāhu garjjita mihat kweh
ning musuh śaktiman,
nāla mwanḡ hala cāpa bajra lumēpas mangkin
matambēh tka, /
132.227 dhwāyi sakṣaṣa yoga rākṣa ya ginōng mwanḡ
dūrḡga mayāsmṛti,
de sang śrī naranātha dibyan - umijil sang-
hyang mahābherawi.
2. Tandwānḡhṛik sira yañ catur bhuja katon
dening watōk rākṣasa,
rug bhraṣṭang hasurāstra śighran - umaluy ring
jihwa marggan hilang,
āpan rakwa sireki mūla nikanang yakṣātirodṛeng
dangū,
hetunyā sasarā ndatan hana wnanḡ gōng māna
bhaṣmīkṛti.
3. Kagyāt sang prabhu poruṣāḡa ri hilang ning
bāḡa yakṣānana,
rōp dūrḡgāstuti mantra siddhi pamunah māyan
bhaṣārī nini,
somyācintya sira kamantyan - umuwah tang rākṣa-
sākweh masō,
mwanḡ sakweh prabhu hastinānḡlōpasakōn hrū
tyanta ring bhīṣaḡa.
4. Krodhang rākṣasa pangherōp sudaśa putrākṛak
marānḡmbuli,
golakṣādbhuta dūrmalāgra sungut len ngindra
bajromasō,

mwang tekang mapatih wimona mabutōng
 mungwing gajānindita,
 krūranyan pangayat trisūla malungid mawꦑ
 watꦏꦒꦠꦶꦪꦲ.

5. Kaśindrātmaja dakṣa yatna kadunung syuh
 tang rathāles luput, /
 C132.6.2 ngkān lumpat sira śighra yar tuhuk - ikang
 mantri limanyātguh,
 krodhāngꦑꦒꦸꦠ- ikang wimona kasikōp sang
 dakṣa sāmpan tinur,
 yekāhyun malōsanpak manhut - āngrangasang
 pinōkan pjah.

6. Dhīrāmbōk nikang wimona maharōp mungsyā
 sirang dhatraja,
 tandang śrī nṛpa putra śāla mamutōr cākrārddha
 mabhrāngōpēr,
 ten wyārthan mangne gulūnya kahiring ndātan
 kanin gōng galak,
 wlōg tekang gaja śāla śighra magaja krodhan
 samānghrik masō.

7. Kirṇang pālaga nāla bajra maliwēr de
 sang rwa warṣopama,
 len tekang glap - agni muntab- angabēn sangkeng
 gadāstrābhuta,
 mawꦑ tang bala yodha sangghya pinupuh
 sangkeng langit syuh gsōng,
 yekan krodha siran peḍānujahakēn hastindra
 rothārurōk.

8. Mundur śīghra parṅg tumandang - apulih
 lwir nāgapāṅgrāṅgrāṅ
 yatnang ḍaṅḍa wiḍaḍa sang rwa ri ruhur
 kapwāhurup tunggangan,
 sakweh sang prabhu wīra yodha lumihat
 ghūrṅnang swarāṅadwakēn,
 syuh bhraṣṭang gaja kumba bhagmi kapupuh
 mwang sārathinyan pjah.
9. Gēk ghyor kāḍḍēm - ikang -/- gajendra kaguling
 [138:2:] rāmyang. prang-atyadbhuta,
 krūrangkāla wimona dhīra mapluk ring bhūmi
 tandwojwala,
 kapwāhidra ^{cinidra} yeka kapupuh tēnggēk nikang rākṣasa,
 tambis mātya tkap narendra tanayān mūrccānibeng
 bhūtala.
10. Śīghrodhāni ta yeka tandwa matatur yan kāla
 mūrtyeng sarat,
 sthūlang deha catūr bhujākarak - umasō
 māwṅ watōk kṣatriya,
 nghing sang śāla jugēka dhīran - umanek
 yyarnggā bhaṣṭārāmupuh,
 ndā yekān kasikōp sirenayat - ing - angkusyāgra
 tikṣomigāl.
11. Yatna śrī daśabāhu bapra panulung sang
 śāla kepwan sira,
 trus tēnggēk nikanang wimona katugāl de
 śrī mahābhūpati.

Kagyat tang bala rākṣasaka ya makin
 sang śāla māmuk sira,
 mātūs tang bala detya bhūta ya pjah kārun
 tkeng wāhana.

12. Krodhang rākṣasang - indra__bajra ri pjah
 ning wīra mantring raja,
 sāmbut śrī nṛpa putra śāla winatheng ngākaśa
 sāmpan lōpas,
 śrī dhatrātmaja kepwan - ing daya mihat
 mwang hastinendrātmaja,
 tōkwan de ni larut watōk ratu tkep seng
 śrī mahārākṣasa.

13. [138.6.] Dhīrāmbōk nṛpa -/- putra śāla rinōbut ning
 daitya yakṣeng langit,
 akweh tang maharōp mamatingakneng pārwwatā-
 grong śīla,
 rōp śighran patutur prajāpati sutāngśa śrī
 narendrātmaja,
 mabwat lwir girirāja tandwa kapisan tang
 daitya sāmpan tiba.

14. Prapteng bhūtala ghora yar walōs - ikang
 wīrendra bajrān pjah,
 sakweh - kwehnya wiśirṇa pinrap - inulōng
 de śrī narendrātmaja,
 krodhang rākṣasa sewu lakṣa pangawak śrī
 rātnakaṅgādhipa,
 ndah yekan pinupuh niroki ya rōmuk kabwang
 tkeng ngambara.

15. Abyūran bala rākṣasārēs - i tkap sang śāla
 wīrottama,
 śighrang dagdha siran tumampuh - irikang
 detyān sayat rwang yuta,
 pakṣāmatyana poruṣaḍa kaharṣp kāryyājlag
 śobhita,
 yatna śrī wara rākṣasasendra mangayat ring
 candra hāṣādhika.
16. Yekān trus jaja sang nṛpātmaja humung tang
 rākṣasāngadwakṣn,
 drak śighrān pjah - ing kṣapēki lumurug
 śrī hastinendrātmaja,
 mwang sang wīra sucitra dhīran - umasō
 bhraṣṭang watēk rākṣasa,
 mangkin bhīṣaḡa poruṣaḍa kumutug tang
 krodha tan pantara.
17. Ghor ghyorang bala rākṣa -/- seka tumḡun
 sangkeng langit sāyuta,
 len tekang hana ring mahītala sēsēk rwang
 koṭi lakṣomasē,
 cang cing cang dhwani ning warāstra mapagut
 sōk grang tikōl ning gada,
 pok kyāk śabḡa nikang rathāngga kapupuh
 gong kōṅḡang -atryāslur.
18. Sanghāreśwara wīṣṡu rodra mapagut lwir ning
 prang-atyādbhuta,
 liṅḡung rāt giri sol tasiknya kumucak
 matsyāwērō jong karēm,

makweh swaraga rusak kaböntur-1 tkap ning
 bāga muntab murub,
 sanghyang śakra salah graheka kahiḍḍp tang
 yugantāngasut.

19. Ngkā ta śrī nṛpa putra arddhana māśō
 sthīrāngadḍg ring ratha,
 bāga hyang parameśwarāmjah-ikang deitya
 tri rājyeniwō,
 muntab teja nikāgni yeka gumḍḍng yakḡā-
 prameyan pjah,
 ghorang bāyu parḡngnya ngūtpata grḡh kir-
 puang glap tañ jawḡh.

20. Tampuhnyeng ng hati sang jayantaka waluy
 tātar wikārātguh,
 ndah yekan mangne wimāna katugḡl griwanya
 sampun pḡat,
 ngkā lumpat prabhu rātnakaḡḡa mamupuh
 śrī hastinendrātmoja,
 rḡmpuh syuh tka ning rathāngga marḡmuk
 dening gadāstrādbhuta.

21. Ndah rakryan ma -/- patih jayendra lumihat
 krothang mahārakḡasa,
 kontāgḡng lumḡpas tkap nira bangun sūryya
 pradipteng raḡa,
 kāntḡp sang prabhu poruḡḡḡa kalumah denyā-
 ngne pyah gumḡk,
 durmedāgra wikalpa bajra mapulih nton
 rākḡasendra sakit.

22. Sāmpun māti tkap susena ya parēng pinrang
 cinakrān tuṣṭī,
 ngkā tanggal prabhu poruṣāḍa mamupuh kryen
 patih syuh pjah,
 bhraṣṭang cakra glar watēk ratu gīgal
 ronyang sukinyān hilang,
 hetunyang bala hāstinendra malayū mungoir
 ri sang dhatraja.
23. Prodbhūtang huragāgni sangka ri tangan
 sang śrī mahārākṣasa,
 dudwekang waḍawangnalāgēng - umufub sangkeng
 gadāstrāngasut,
 syuh ḍagḍhang kurubhṛtya bhagmi pinangan
 dening paśādbhuta,
 mwang tekang binēbbōd kabeh sinakitan dening
 sahaśroraga.
24. Hetu śrī daśabāhu cāpa winatēk ring syandana
 aglis masō,
 rēp śighrang garuḍāgnibāṇa lumpas lwir
 mṛtyu sākṣat murub,
 dhwas tekang wara pānagagni waḍawāng gni
 bhraṣṭa sāmpun hilang,
 de pakṣindra mahāgni rakwa mangabēn kārun
 tkeng rākṣasa.
25. Krūrāmbēk prabhu po -/- ruṣāḍan - umṣat ton
 śakti sang dhatreja,
 cēt kōter kagraha cēt katon sira hana
 huntat harēp ning musuh,

āy - ay kong daśabāhu sambut - ika sang
 sangken paramwing jagat,
 ḍaṇḍangkwaḍbhuta mah tumārjjana ri ko
 kong mungsir - ing nāraka.

26. Nāhan ling puruṣāḍa śighra mamupuh sangkeng
 langit ḡhūrṇita,
 syuh bhraṣṭang ratha bhaṣmi yatna tunḍun
 sang nātha mungsir luput,
 ngkā mangsō sira tandwa yar papagakēn wūk
 sang mahārākṣasa,
 ḡhorang rāt - aktēr tkap nira silih tēmbung
 ndatan pangharis.

---oOo---

1. Ri sḡṅg - ira silih ḡaḍḡaḍḡa - ḍaṇḍātakis
 lāḡawan tan kacidran wruh - ing tanggulan
 len sire ḡōṅg - ḡōṅḡn de ni ḡōṅg - ing pra-
 bhāwojwala prodbhutā de ni ḡōṅg-ing kaśaktin
 bangun nāḡa rodrāpluk tan hana wyat paḡālwat
 blah nirwikāreṅḡhētāwarṇa tunggal midēr lwir
 mahāsāḡaredran tkap sang watēk dewata,

Kagiri - giri pamūk nirang rwātirodrenḡ
 ḡuṇa tyanta ri cittā ri kāya lot mingluhur
 śighra mingsor lumpat nirān ḡhūrṇitang bhūmi
 len wḡkṣa rēmpu ḡinaḡḡaḡ ḡaḍā / ruḡ rēbah
 muwah sing katēmbung ḡunung syuh śilārēruk
 ḡuli tulyanya mumbul tikāṅg - aḡni sangkeng
 wukir de ni panghruk nirādwardwa yuddhodharā

nindhya dhireng raja.

Gēyuh - alēh - aktēr tikang pepelikan durba-
lang singha barwang knas muwang wijung
gajahnyānggung mungsir -ing ptingga ning
pārwatāngdoh muwah sang tapāwng mēsat mungsir-
ing dūrggadesān tkap ning wana lwir wanekāṅḍa-
wān ḍagḍha tkap ning dwijānbah ni rūpāmangan
sarwa satwān tinūt sahyang-indrālaga mwang
sirang kṛṣṇa pāρθeng dangū.

Giri - girinēn - ikang watēk rākḡasa mwang
watēk hastinān ton sirang rwādbhutā lwir
rugekāng mahītāla koḍḍang langit kadyayūnan
bangūn rūwa sanghyang śiwāditya makweh ti-
kang swarga cūrḡnan tkap ning mahācakra-
bajran sakeng ḍaḍḍa ghūrḡnang ngilī sang
watēk dewa sangghyān tkeng brāhmalokātakut
lwir mahākālarudrārūkēt.

---oOo---

1. Tatkālang bhūr bhuwah swah rasa lēbura
tkap sang rwa garwātighora,
gōk rangpyang bhaḡmibhūtang gada tikēl-apagut
de ni gōng ning kasaktin,
yatnānambut mahā -/- kaḍḍagan - inabēnakēn
de nirātyanta tikḡḡa,
syuh bhraḡṅang kadga punggēl pēpēr - ika
wkasan krodha! kēdwāsilih PTP.

2. Krūrāmingkal piningkal paḍa watin - ira
rukōt dhīra tan pangragānghel,
tandwāmundut pinundut sira paḍa kahidḍep
bajra tulyākralāgōng,
yekān kāḍḍp pilis sang sudaśasuta tkap
śrī mahādhatraputra,
gōnjor puh glāna pāteng kḡititala kumtōr
meh paratrekang -angga.
3. Tōkwan śrī dhatraputrānguman - uman - angulōng
keśa sang yakḡanātha,
krodhāngnampyal mukāhyāngdōli makuḡa sang
kāgrahan wus kabuḡcang,
ḡik hah kong poruḡāḡāri hapa kari wngsun
mahāḡīwaneng rāt,
ndaḡ yeka bhukti sāmpeḡu rumakut - irikang
rājasāmantacarwā.
4. Nāhan ling dhatraputrāngayat - aharḍp amōke
śirah poruḡāḡa,
cihnā ning wīra ring prang wawan -ika ha-
ture śrī mahāboddhisatwa,
rḍp śighrār ratnakaḡḡa prabhu matutur yan
mahārudramūrḡti,
krūrānganggāngadōg śobhita paramawibhūh dhwas
tikang śatru kaḡyat.
5. Prod -/- bhūtang rūpa kadyānēcōkana bhuwanāhōt
marang haḡḡa deśa,
limpad ring bhūr bhuwah swah ruhur - ira
kahidḡep trus tōkeng śūnyawēśma,

mendah lwir pārwwatatuspa śirah - ira sahasrā-
 susun sapta mahya,
 dangstrāgra lwir taṭit candra dinakara mahōm
 tulya ning caksu makweh.

6. Dwā mewwang hasta dirghākrama agada muśala
 bajra cakraṇiwaryya,
 kanta mwang betalāstrāyudha sahana kabeh mṛtyu
 sangghyopamanya,
 Tindak lwir meru kembar suku nira tumameng
 bhūmi liḡḡwātighora,
 kombak - kombul tikang sāgara giri kadawut
 denya hatyādbhutāgōng.

7. Muntab tang bahni sangke driya niran -usurub
 kālarūpangkara,
 hinpēr guntur haneng - adri śikara mangasut
 hastinābhṛtya bhagmi,
 mwang tang wṛkṣōng wanāmārwwata makaplēṭok
 de nikāng - agni muntab,
 lumreng rāt durbalang bhūmi sahana matunu
 syuh tkeng swargga cūrṇa.

8. Śrī kāsīndrādbhutan ton sudaśasuta mahārudra
 mūrtti raṅgga,
 sakweh ning sañjatendrāyudha linēpasakēn
 mwang danendrāstrarāja,
 len tekang / brāhma wigḡwīswaraśara tumane
 yyanḡga sanghyang tumēmpuh,
 dhwas tekang sarwwangastrādbhuta tlas - enanā
 de nikang bahni dagdha.

1. Dhīrāmbhōk prabhu dhatriputra ri hilang
ning sarwabhāṣottama,
yeka hetu nirā tri wikrama magōng lwir
hyang jagatkāraṇa,
ring kāyādi samēka siddhi ring - ulah glā-
nang trilokā kṣaya,
ghorang hasta daśeka yatna rungōp sarwā-
stra tikṣṇojwala.

2. Gaṇḍewāyudha cakra śula bhidurāgranyān mahā-
bhīṣaṇa,
mwang brāhmāstra murub sake suka nirāṅghikṣang
mahādhatraja,
āy - ay kong puruṣāḍa duṣṭa huningan śaktiṅ-
kwanindyeng jagat,
bhoh pembuh patmah daśeka wara rudrā krūra
tan waḍakan.

3. Yekāṅ dagdha manah bhāṣāra sumaput ya
krodha tan pāṅkuran,
sāmbut tang lipungārīdha śakti lumēpas
muntab murub langit,
gōk gōr tēmpuh - ikāṅgne pyah - ira sang
kāśindra kāntōp tiba,
śighrodhanya ngalap gadāstra tinahēn pañjang-
nya sātus ḍpa.

4. Ndah yekan pamupuh sira -/- ḍaja bhāṣāra
śrī mahārudraka,
tunggōng tan kataman wiyoga sira himpēr
pārwwatān kenilan,

pok - pok kryanggada bhagmibhūta kaplang
ring dhangstra sāmpun tikṣī,
ndan mangsō ta bhaṭāra yatna sumikōp
kaśindra rotānggētēm.

5. Ghorang wākya bangun yuganta rumawāh ghūrṅnang
śiwāṅṅāktēr,
hā - hā ho daśabāhu yuh pahalawō kong
brāhmaputrādhama,
yadyan hyang caturasya keśawa kunang milwā-
nukāreng laga,
manggāh tar takutāku mangwēka donmun rāja
wīreng jagat,

6. Krūrākarak ta bhaṭāra rudra manugēl tēnggēk
nikang dhatraja,
prodbhūtang lawayan sudhīra mamalēs ring
sarwa śaktyāyudha,
sol tekang daśa hasta nirbhaya tkap sang-
hyang rikeng bettala,
liṅḡung bhūmi tkap ni māstaka niran bēk
ghor tibeng bhūtala.

---oOo---

1. Atha ri pati narendra dhatrātmaja wṅg rebah
sang watēk hastina mwan watēk parthiwānglēś
muwah sang watēk rājaputrālayū mungair - ing
pringga ning pārwwatāhēt - hētān ring guhajro
pangung sēngka - sēngkañ jurang dūr -/- egamā
doh pṅdung len tekang wwan manek wṅka

mūr minduhur sing nimittanya tan tutēn -
ing éatru mingkus ring ron - ing hano nyū
pucang haḡḡawe saḡḡikin tang rinangkalnya
sāmbin mamet panglanang.

Kathamapi ha tinūt tkap ning mahāyakḡasenādu-
lur daitya_senāngluruh éatru manggyat sakeng
byoma mangduk tayeng hastra tikeḡḡāḡdagōl ring
mahāwḡḡḡa mohangḡḡut manggutuk ring watu syuh
pūḡḡk sing knālwang kajōḡḡang kajōḡḡkong rō-
mōḡḡ wangku wangkwā ni wangkwāḡnya sēmpal
pcat cakḡu doknyan sēbit lōḡnya lekalak ma-
hālnyan mēsāt wwah nikolih sihung ning wa-
tōḡḡ rākḡasan kahlō dadya tār-ḡya kaḡḡōḡ
mahidwārēhak.

Hana ta ya mangusir wukir pājaran mwang pa-
ngubwān anungwa len ring pamāḡḡuywan erig
paḡḡawrin - wrin -amrih milag sang tapā mwang
tapi tapyangilwārēbut māḡḡga hungil tkap ning
wkākweh lanāḡ stri samāḡḡēmbih - ēmbih ma-
sambat yayah mwang ibu mwang nininyānangis
nora jīwanya cittanya de ning watōḡḡ rākḡa-
sān ḡarwa mangroh wajōḡḡ mwang ḡaḡḡḡōḡḡ
nirobwan rinoh nora mulyān kepangḡḡih dudū
tang rumoh -/- ken ḡajih.

Muwah - ika humareng humah ranwa ring kāryya
deśa ngusir maḡḡalāhēt ta yeng śīma katyāḡan-
ing thāni kirḡnānusup dhwas tkeng dharmasālan
kuḡi mwang tikang kāhyangan ghopuranyān rubuh
ḡhūrḡnita ngkān pinañcal ḡinaḡḡan tkap ning
watōḡḡ rākḡasākweh tkeng - arccha bēntar tugōl

wimba sanghyang śiwa mwan mahābuddha wimban
lawan brāhma wimbādulur wiṣṇuwimbātunah ring
lōmah kāsihan mwan gaḡā mwan kunāran pa-
ngenting jurang.

2. Nguni - nguni pura sang watōk rāja sāmanta
rājan katinggal tkap sang mahāpārthiwāmūk
pjah ring raḡan bhagmi sāmpan tinunwan tikung
wōsma len maḡapāwḡg tikang strī dalēm wēḡa
ning bela mākwēh nibelang kari ngkān sinambut
pinuḡḡut tkap ning watōk detya pindhan rēbut
ndan pēluk sing lōwih ring hajēng yen - aras-
nyān wanēh kāsihan mwan rinowwang nikācumbanā-
kwēh mihat lwir paratra kinanggan lōhng milwa
mātyeng priya.

Pilih - ikana karōsrōs nirang hastinendrāsayat
ngūni sakwēh nirang pārthiwān mētwa ring prang
katon kasyasih rinampas pinupang mināhan mi -/-

[144.2.7]
lu sarwa dharman tkeng pārwatang sāgara
lwir kinōleka tikḡḡang tasik matsya kirḡna pjah
mwan tekang burwan -ing kānana dhwas tlas de
nikeng bāhni sangkeng driya hyang mahārudra
lumreng bhuwah bhūmi ring bhārata syuh ḡmut
wwanganya wadwanya len nāgarān tan hana wyat
ḡḡng.

Makin amuwahi rodra sanghyang tri rajyāntakā-
mah gunung tang mahōḡ nika sangkeng eirāḡḡn-
tyakōn sarwa bhūmīng kuru mwan tikang sar-
wa rājyācala mwan wanang wḡkḡa mungḡwing

wukir dagdha de ning wiṣāṅgyojwala lwir
 sinanggang langit dhūma lumrā ptēng sarwa
 dewāṅgusir wiṣṣulokan lēwēs tang wwang - ing
 mārtyalokan waneh mungsir - ing hastina kweh
 musī jōng nirang hastinendrālayū yā malakwing
 hurip.

Haruhara marikang watōk hastinātunggwi sang
 somasunwanḍḍōngō hūng nikang bahni rodrāngalah
 lwir mahāsāgarātryāngalun lwir nunung bahni
 muntab lawan bayubajrāngasnt hetu ning wwang
 sarājyānangis ndah wijil śrī mahāboddhisatwan
 sakeng dewawēśman tuwin sang sucitreki yekan
 ḍatōng tāwarah -/- bhaḡmi sang pārthiwa
 mwanḡ sirang rēma sāmpun pjah de bhaḡarēśwa-
 rāstam tikang wīra niśēḡa dening hapuy.

---oOo---

Tlas ḍaḍḍa Kalayu.

---oOo---

1. Ndan sang śrī nḡpa hastinendra wihikan sira
 ri tlas - ikang balēlaga,
 sāmanta prabhu wīra liḡa ring - apa huripa
 tkap-i śakti ning musuh, [ḡanti]
 nāhan hetu nirātīśiḡhra mahawan ratha mamapaga
 sanghyang - iśwara,
 mwanḡ sang brāhmaya śewa sogata haneng dwi-
 radha tumut-i sang narēśwara.
2. Sekweh ning bala wīra tan hana tumūt ri
 sira kari rumakḡa ring puri,

anghing rakwa sirang sucitra makasārathi
 nira milu tansah - ing ratha,
 tan warṇan sira teka tandwa katke kahanan-
 ira bhaṭāra śaṅkara,
 menggal rakwa parṅg lawan manah - ireki
 tinut-i lari ning swawāhana.

3. Sanghyang rudra sagadgadāmbēk - ira rakwa
 ḍatṅg-i sang inisṭi ning manah,
 sampun rakwa tke harṅp nira taman gōṅg-i
 tkep ikang mahānala,
 rṅp tapwātman mahāmṅtang - apuy dadi baṅu
 ya numbēr -ing panas,
 len tekang mtu sangka ring wukira airttali
 tumḍun - i pārēwa ning jurang.

4. Hekangde tumbuh -ing huwus ka -/- gōṅgan
 saka paragi wulat narōśwara,
 wahwādan śmi ning tahēn tṅga laṅān kadi
 wahu katamañjōwēh pisan,
 mwang sakweh prabhu bhārateka mahurip saha
 bela tke ning swawāhana,
 sang śālārddhana dhatriputra karuhun pragata
 ri suku hastineśwara.

5. Mangkin krodha bhaṭāra rudra lumihat sira
 hurip - ikang huwus pjah,
 prodbhūtang lungayan sahaśra sisih - aptya ru-
 makuta ri hastineśwara,
 lwir dhīrān iki wārttamāna panikṅp nira ri
 musuh - irātikadbhuta,
 de ning jāāna wiśēga rakwa ring - apan kawmanga
 tkep - ing rajah tamah.

6. Yekā hetu nirāṅg^{dhikāṅglōpasakān} sahana - hana
ning - astra kottama,
sumyuk tandwa parṅg sakoṭi rumawuh tka
hilang - i harṅp jineśwara,
sakwehnyātmahan kalangwan - anurun kedi wahu
saka ring smarālaya,
cakrāl^{wādbhuta} padma wāhu sumkar dadi nika
ya mangenti ring raṅu.
7. Kontāgōṅg dadi ketakārjja makuning kedi
wtis - angudoḍa ring baṅu,
kṅp ning dukduk - aneka rakwa matmah bakung-
amijah - i pinggir - ing wana,
[145:6] lwir warḅakcōhan marang śa -/- rawarāṅgdadi
mnur - aglar tibeng natar,
hrik ning śangka tāṅgdadi swaran - i sundari
ni kalōṅgōṅg - ing wanāntara.
8. Gaḅḅewayudha betalān wtu gaḅḅung priyaka
kamuning - angjrah - ing gōḅḅḅr,
bajrā mwang muśala triśūla matmah bhujaga
kusuma campakānōdhōṅg,
honyekang kayu pārijāta binatūr pilih ika
tmah - ing mahāyudha,
gōk ghōr tempuh - ikang gadāstra tumibeng
kḅiti dadi grōh - ing labuh kapat.
9. Rangkang māś tngah - ing wwayādbhuta murub
kedi siluman - anindita halṅp,
dhangḅḅtra hyang paramēśwarōka lumōpas tka
pupug - i sirang narēśwara,

mwang tekang giri sañjateka rumawuh dadi
parigi rēmuk sekeng tangan,
tan hopēn tikang - agnibāga ya huwus dadi
bañu mahning haneng raja.

---oOo---

1. Ngkā krodha sanghyang- i tlas nikang-astra
bhagna,
kālāgnirudra wkasan sira bahnirūpa,
krūra hyun-anghawaknang bhuwaneka cūrṅna,
sāmpun mayat tutuk-irāmanganang triloka.
2. Ghūrṅnang watēk hyang - umulat paḍa bhīta sānta,
brāhmādi wiṣṅu tumurun saha sēmbah -/- agya,
śakrādi len baruḍa dewa yamang dhanendra,
milwang kuwera kimuteng gaḍa len kumāra.
3. Mwang sang watēk rēṣi kaboh saha dewamantra,
manghyang ri tan tulusa ning muburang triloka,
mojar gurungku kita aywa bhaḷāra mangkā,
heman yaśanta lēburēn turung - ing yuganta.
4. Yadyan sahaśra yuga rakwa dhiranta ring rāt,
dhīrodhbutāngalahalā prabhu hastinendra,
dūran wēnangta juga pan ratu buddhajanna,
hyang buddha tan pahilawan śīwarājadewa.
5. Rwaneka dhatu winuwus wara buddha wiśwa,
bhīneka rakwa ring-apan kna parwanosēn,
mangkang jinatwa kalawan śīwatatwa tunggal,
bhineka tunggal-ika tan hana dharmma mangrwa.

6. Akṣobhya tatwa kitang - iśwara dewa dibya,
hyang rātna sambhawa sireki bhaṭāra datta,
sanghyang mahāmara sirāstem tikāmitāna,
śryānoga siddhi sira wiṣṇu mahādikāra.
7. Ndah kāntēnanya kaharēpkwi bhaṭāra mangke,
somyārihātutura ring śiwabuddhatatwa,
ndah yeka tinggalaknang tanu ghorarūpa,
tan ghora hetu -/- nikanang sutasoma carwa.
8. Ling sang watēk sura humung saha puṣpa warṣa,
ndātan marēn huyung-irānglēburang trilokā,
hyang śakra yekan - umutus ri narendranātha,
kāpwāsisārjja nira dukka bhaṭāra ring rāt.
9. Ndah śighra sang prabhu tutut ri wkas surendra,
boddyāgrimudra wkasān sirekā citta,
hyang bajra tikṣṇan - umijil kadi sūryyarūpa,
sangke marendra rumakut ri huyung bhaṭāra.
10. Rēp śanti teka matutur ta bhaṭāra rudra,
yan sang narendra sira janma bhaṭāra buddha,
ngkān somya sah sira sakeng puruṣāḍanātha,
sūkṣmātiwegha kalawan para dewa sangghya.
11. Ndan sang kawuntat - ika mār gupeyanglih-ambēk,
mūrccānibeng kṣiti laling prang-anindyarodra,
enggal matāngi tumuluy masurārdhana mrih,
ndā tār waluy gati nirang parameśwarānglēś.

12. Ngkā sanghyang-indra mawuwus ri mahāsurāgra,
he rākṣasendra mapa donta mamūrṭti sanghyang,
mahyuñ cumarwakna sang prabhu hastinendra,
ling poruṣāḍa sumahur ta bhaṭāra śakra.
13. Do aywa -/- mangka kita mangga sirang narendra,
[147.a.] ngūnin tutut nging-ikanang para rāja wangla,
mangkeng hulun masih-ire riya yar wikalpa,
nā ling surendra mawuwus prabhu rātnakaḍa.
14. Ai śrī narendra jinamūrṭti kitādirāja,
singgih mateki śubhawakya nirang surendra,
om ling narendra ri mahāsura poruṣāḍa,
tuṣṭāku matya taḍahēn hyang - anantakāla.
15. Yadyan piśaca gaṇa dēnawa bhūta yakṣa,
salwir ning-aptya ri tuwuhku makādi dewa,
ndin tāku yan wihanga towi bhaṭāra kāla,
āpan sireka kahiḍēp śīwabuddha margga.
16. Lāwan ta sang ratun - umisyana carwa sota,
nghing ngwang mateki kaharēp taḍahēn bhaṭāra,
bhāreki rakwa sira yan tuhu śṛddha citta,
panggil wngang karaṇa sang para rāja jīwan.
17. Sangsiptāku tāku larisāmrih - acarwa mangke,
ngke - ngke ta sang prabhu mahāsura aywa dūra,
sāsyandanāku kalawan kita yogya rakwa,
tan sangsayanta ri glōmkun umangga matya.

18. Na ling narendra lōga jiwa mahātisuddha,
 yekan sumapwan - i. . rajah puruṣādānātha,
 kārūnya cī -/- tta tumuwuh maśmī swacitta,
 metryāpagēh twas - askar muditāngupekṣa.
19. Mangkin kacitta magawe dṛṣ - i luh nirāmwas,
 kāngōn ri pāpa nira mātyana sang narendra,
 sor pāpa ning mamati lēmbu sahaśra kaṇḍang,
 pan tan sudoṣa sira kewala bhūmipāla.
20. Towin mahārddhika tmēn sira śaktimanta,
 sanghyang meheśwara sirārēs-apaṇḍa kepwan,
 ring rūpa nora maḍane sira mānmathābha,
 eman sireki taḍahēn hyang - anantakāla.

---oOo---

1. Nāhan ling hāsura twas mār,
 kārūnyang buddhi satwika,
 tinūtnya bhakti jōng nātha,
 kāwāsang jñāna nirmala.
2. Hāh - ah prabhu sutasoma,
 sang sākṣat buddha dewata,
 lihat sēmbakkwi sang nātha,
 umandya donta carwaka.
3. Lāwan ta yeka hetunta,
 prāpteng sanghyang mahākāla,
 āpan sotku satu sampun,
 mūrkkanyāngde harēp muwah.

4. Kālinghanyāku tan tuṣṭa,
 mangke ri patya sang nātha,
 bālīken mantukeng rājya,
 ngwang milwa gurwa ring kita,
5. Sawkasta tutūta ngwang,
 saślantan - umīlwāku,
 hingsā dweṣa kramā bwangēn,
 lamun kiteki -/- jīwana.
6. Nāhan ling poruṣāḍojar,
 tuṣṭāmbēk sang śrī narendra,
 nghing tan wandya sirān carwa,
 carwā ring hyang mahākāla.
7. Ya hetu sang mahāyakṣa,
 kepwan tan wring nayanangis,
 muwah sekweh watēk nātha,
 mānāng mkēh sirāsayut.
8. Rikā hyang śācīpatyojar,
 tan योग्यang kala mangana,
 parameśwāra tan dadya,
 makolihang jinātmake.
9. Nāhan wuwus nirang śakra,
 śighrāmūr māntuk - ing swarga,
 mangkat prabhu mahābuddha,
 hyang kālaweśma ngungsirēn.

10. Tumūt sakweh nirang nātha,
makādi dhatrajāngiring,
moring sang śrī sunusoma,
sarāthi sang jayantaka.
11. Parwatakwēh jurang sōngkan,
wanāgōng durggamāng hawan,
tan warṇan prāpta ring weśma,
ngkā ta hyang kāla garjjita.
12. Ngkā ta śrī boddhisatwojar,
ai kamung hyang mahākāla,
praptangkwi tan lyan sadhyanta,
taḍah mah aywa sangsaya.
13. Nghing pintangkwi mahākāla,
huripānang watēk ratu,
phalangkun kāpangan denta,
yan śriddha sanghyang-ing hulun.
14. Bhoh - bhoh - bhoh ling nirang kāla,
poruṣādan / kinon - ira,
huwakanang watēk nātha,
lakṣaṅekang jayāntaka.

---oOo---

1. Sāmpun rakwa kabeh tlas linuputan sirang para ratu,
sangkong pañjara de nikang sudaśa putra sawlas-
umulat,
sakweh - kwēh nira duhkitākuru glung nirādēl-amure,
lud glānālapa tan pabhojana sirāpa tan hana sunga.

2. Akweh sang kapaḍēm waneh wahu humangkas -
 angkas - atatur,
 āpan de ni lawas nireng wana kasangkalāng
 dani pati,
 ājñā śrī jīnamūrṭti hetu nira yan matanggala
 muweh,
 rōp - rōp kapwa huwus mangañjali ri sang
 narendra mawuwus.

3. Ai sakweh ta narendra sang manmu ḍuhka
 bhāra kawrang,
 aywāsālara sang narendra niyateki jīwana hurip,
 manggēh ngwang sili diryya sang prabhu
 gumantya carwa taḍahēn,
 de hyang kāla lamun kitekyahuripāku tuṣṭa
 pjaha.

4. Lāwan teki wkaskwi sang prabhu kayatnakēn
 ta ya kabēh,
 ndātan drohaka ring jayantakan - umangsuleng
 kira - kira,
 āpan tan rasikāgawe lara titahta duṣṭa
 karaḡa,
 göng nindeng - aji ta -/ - n pamituhu ri
 sang wngang mangucapa.

[149.a.]

5. Hetunyan wtu dūrbalang bhuwana denta
 ngūni siniwi,
 wruh - wruh yan ratu sing katēnta tinēkan
 pinatyan - inalap,
 krūrāmbēkta parēng pwa mandiri paḍeka nora
 sugati,

nāhan hetu nirān parṅg manmu dukka tan
hana kari,

6. Ling ning śastra haneka rakwa kuhakā
sqṅg nika wala,
byaktānwam panmunya pāpa juga tan wurung
mangmasi,
duṣṭāmbēk sqṅg - ing mawṛddha magawe halā-
ngala - hala,
tandwang pāpa ya teka rakwa sqṅg - ing
mawṛddha katmu.
7. Sangsiptān haji aywa tan duga - dugang
manah pahajṅgṅn,
apan nora rēṅeki rakwa huwusanya tan pwa
sahurṅn,
mangkang sūkrta duskrteki niyateki rakwa
katmu,
tan wandyāng - iku ring śarīra kadi māya-
rūpa ya tumūt.
8. Nāhan ling nira teki sang winuwusan
praṇama kahiḍḍp,
ngkā ta śrī jinamūrṭti mojar - i bhaṭāra
kāla mulinga,
bhoh sanghyang taḍahṅn mataḱutariman nda
aywa masuwe,
mon pḱkin wunuhṅn mataḱu rumuhun sadenta
tututa.

1. Nā ling śrī hastinendrādharma thēr rumarōk
 [143.6.] tan ha -/- nā buddhi tṛṣṇa,
 harṣāmbhōk sanghyang - ādbhuta sira sumikēp
 madhya sang śrī narendra,
 sāmpun kāngkat ri kerī tngēn - ira mangayat
 kadga tikṣṇāniwaryya,
 mōr mukṣā sang tuminghal tlas - ika karuhun
 sang watēk pārthiwāngs.

2. Meh - meh prāpteng gulū śrī nṛpati curik -
 ikang kāla malwīki mangke,
 ndah ping pat ping limān mangkana dadi
 masalin rūpa sanghyang prakopa,
 ngak - ngak - ngak nāga rodrādbhuta tmahan -
 iran lwir mahānantabhoga,
 yekān śighrāng hlē śrī jinakula sira tan
 kewran - ing buddhi līlā.

---oOo---

1. Atha ri sṅg narendra kahlō tkap nira
 bhāṭāra kāloraga,
 wahu tka ring wtēng suku nireki rakwa
 karase twas - ārdhāmṛta,
 kṣaya tumuwul tikang karuṣa ring swacitta
 muditādi metryapagōh,
 milu tang - upekṣa kāraṣa nireka māṅḍēg -
 umlō ri sang bhūpati.
2. Narapati hastinendra mawuwus bhāṭāra mapa
 sanghyang - ārdhan warḡg,

marin - umlōd bangun kaluputan tanūt krama
 ri nāga rodrādbhuta,
 apan - aku sang pakeṣṭi ni manahta rakwa
 kahidṣp mahābhōjana,
 bali -- k agawe wiyoga hidṣp - ing hulun
 kita mamukti tan sangsaya.

---000---

1. Wkasan bhaṣāra mawuwus siran - ataṅa ri
 sang nareśwara,
 ring - arēp narendra mapa tang laku katakut-
 i sang narādhipa,
 taya ling narendra juga tan wdi ring - asura
 daitya dānawa,
 jana dewa towi pati jīwita nika karēs -
 ing hulun kabeh.
2. Nghing - ateki pāpa kawdingku kanarēsak ning
 manah tmēn,
 ndi ta pāpa lingta kita dewa ni laga
 kugawenya dewata,
 sr̥bi yan tumirwa ri kitāmati - mati ring -
 ulahta hingsaka,
 mangalēm matāku yadiyan talōra kita mahā-
 sureng jagat.
3. Niyateki bhūta putanāmdi - mdi makabuddhi
 kāsmala,
 ya tmahta rakwa mawōwēh mala juga yadiyan
 kaduryaśa,
 kalinganya aywa kita tan gōmē - gōmēn -
 irikang śiwāsmṛti,

hawananta rakwa muliheng paramapada maluy
hyang - iśwara.

4. Na wuwus narendra cumarik ri hati nira
bhaṭāra rākṣasa,
nda wawang sirāsalahi jōng jinakula tumuluy
mangañjali,
[150.6.7] nṛpa hastinendra matulak si -/- ra ri gati
bhaṭāra mangkana,
kita dewa mānuṣa mataku . mawdi ring - ulah
kapātaka.

5. Sira kāla teki mawuwus tumulusak nikang
prayojana,
ring - usāna pūrwwa baruṇāmara sira karēngō
mangañjali,
ri narendra rāma harimūrṭti karaṇa nira
bhakti tan salah,
iwa mangkeneki gati ning hulun - atatur - i
jōng mahājina.

6. Kalawanta hetu ning - angārdhana ri ḡatanga
sang nareśwara,
kadi tuhwa ghora pakamangga ri haji maka-
rūpa takṣaka,
ndan - agurwa donta kaharēpku lumukata ri
pāpa ning hulun,
kita rakwa wās karaṇa ning kaluputa ring -
adhermma pātaka.

7. Na wuwus nireka suka sang prabhu ri gati
nira bhaṭāra mangkana,

kalawan narendra naramangsa sira tumuta
 bhikṣwa sogata,
 ī dalēm gubhābhuta pakonggan - ira tikiṅ -
 adharmma deśana,
 sahapuṣpa wastradhika kañcana saji nira
 pūrwwa saswata.

8. Sira sang watēk ratu paḍākram - agurugaṇa
 don - ira marēk,
 para rājaputra sira tāmariwara ri pahoma
 sang prabhū,
 wkasan ma -/- rēk prabhu jayāntaka makamuka
 kāla śobhita,
 umarēk ring sang nṛpati kālih - ika sira
 subhaktyangakṣama.

---oOo---

1. Tan warṇnan gati sang rwa rakwa kinēnan
 sangskāra muḍḍī haji,
 tandwekang warabodha bhuṣaṇa kuṭagranyān
 sinundang nira,
 ndah yekan tumuluy sireka winarah ring
 śikṣa - śiṣyākrama,
 de sang śrī sutasoma rakwa kahiḍḍep hyang
 buddha mojar sira.

2. Bwat bajrāyaṇa pañcaśīla ya gēgēn denteki
 aywāluma,
 mwang tekang daśaśīla dharmma kinnēp sang
 śrāwakāpet hayu,

tan hopēn gati sang mahāyaya tigang wāk
kāya citteniwō,
yekānung wkas - ing mahābrata tkap sang
boddha pakṣan laku.

3. Sangsiptan breta yoga rakwa rumuhun gōnghēn
tkap sang wiku,
kapwāngdohaknang rajah tamah - aneka lwir
mahāḡḡākara,
mwang pañcendriya ḡadripu trimala rug de -
nyātma sang satwika,
ngkā rakwā kita nissahāya sakatōnta byakta
siddhang laku.

4. Āpan rakwa haneki bhikṣu tumasak ri jñāna
lobhāwēre,
wruh - wruh yan wruh - i tatwa ning bhuwana
ling sang gurwanantākrama,
tan -/- yoga brata tan samādhi kawrang
denyāwamāneng jagat,
hetunyanmu pāpa tandwa kabalik tekang ka-
yogīśwaran.

5. Mewēh rakwa siran wnanḡ gumawayang yogādi
pūjājapa,
mewēh rakwa siran wnanḡ mupulakēn jñānā-
tisuddhāpagēh,
mewēh rakwa sirān munusa jīwacintya
sangkenḡ tanu,
mewēh rakwa sirān wnanḡ wruha ri sangkan-
pāran - ing rāt kabeh.

6. Jñānekatwa wisaṣa śuddha kahiḍḍep sang
 mangkanānggēh nira,
 tan len rakwa samādhi yoga tinut - ing
 hambēk mahāwīśwasa,
 towin rakwa bhaṭāra buddhan - umijil sang-
 keng manah nirmala,
 ngūning - adwayayoga dibya karēngō de sang
 mahāpaḍḍita.

---oOo---

1. Kalingan - i wuwus-i ngwang yogyākin gawayakna,
 saphala tinut-ing - ambēk līlāngungsi kalēpasan,
 syapa karika tiruntānindyeng rāt kaluṣa sada,
 tri puruṣa tuwi kaḍḍēg de ning yoga tar-atngēt.
2. Taya panulaka hingsādharma krodha tan - ahajēng,
 yadi tan-ika gēgēteng jñānānindita skungēn,
 ndya kari phala nikang pañcākṣindrā hnangakna,
 pangaraman-ika mangkin dūrang swargga kaḍḍēka.
3. Makin - amuwuhi / lēnglēng ning buddhyāmuwuhi wtēng,
 tkap - i pangawak-ing ṣaḍṣatrwāgōng-ibēki dalēm,
 ri yawa mada tumandang sakweh ning trimala
 ḍatēng,
 tka sumaput-ing-ambēk tṛṣṇārug yaśa kawikun.

---oOo---

1. Ngkā tekang japa yoga siddha rēgḍḍēn panga-
 laha ri kaśaktin - ing musuh,
 tatwa śrī wara bajrapāṇi sira bāyu pēnggōn-
 ika dhīra ning manah,

mwang lokeswara sabja sakyamunicitta gawayakni
 tungtung - ing hiqēp,
 byaktāwas matmah bhaṭāra paramāthajina kita
 diwāngga bhaśwara.

2. Āpan rakwa sireki tan lyan - usir - ing wiku
 mangulahakēn jinasmṛti,
 sang sākṣāt hurip - ing triloka guru ning
 tripuruṣa paramādi dewata,
 bhrantang wang bhramiteng pasir wukir - amet
 ri sira kadi katēmwalālana,
 kempēr yan hana ring śarīra kahadang lē-
 ngēng - i patmu ning tri kāyika.

3. Yapwan mangkena denta mamangun tapa humilang-
 akēn rajah tamah,
 tandwenggal tumēmung prayojana wināśang - asura
 gati śantikātmaka,
 sanghyang kāla maluy hyang - iswara jayāntaka
 mari puruṣāḍa bhūpati,
 de ning yoga wiśeṣa rakwa makapanglu -/- kata
 mala mahāmṛteng jagat.

4. Lāwan rakwa tayeka panghilanga pātaka saka
 rika dibya ning manah,
 āpan ngūni ya hetu ning manmu pātaka manah-
 atiduṣṭa dūrjjana,
 mangkādharma ta toya rakwa karānya hilang-
 ika ya toya nirmmala,
 sangsiptanya wisoswatiki kita tan para pu-
 riha ni dukka ning hiqēp.

5. Tan ngeh yan huningan menah nira tkeng
 paramasiwa tles winahyakēn,
 mwang tang ṣaḍ tanu yoga rakwa ya huwus
 sasiki riniñci ning manah,
 mukyāng... adwayayoga rakwa karuhun pawarah -
 ira ri sang rwa guhyaka,
 ndātan bheda lawan warah nira ri sang
 gajamuka pawarah nareśwara.
6. Byātitan ri huwus nirāmarahakēn wara - warah -
 ira sang muniśwara,
 māntuk śrī naranātha kāri ta bhaṭāra sira
 wiku mahāyaḡābrata,
 ndan sang śrī puruṣāḡa rakwa kalawan para
 ratu mangiring nareśwara,
 mwang sākweh para rājaputra sama mangdulur-
 i sira mareng gajahwaya.
7. Ndah śighreka bhaṭāra śakra tka manghalangi
 ri laku sang nareśwara,
 kapwāsyaḡ ḡatēngeng surālaya narendra tumu-
 lara ri sang dhanañjaya,
 āpa -/- n sot nira rakwa yan prabhu jayāntaka
 marēna kaṭungka ring jagat,
 mangkā ling nira sang narendra tumulak sira
 ri punagi sang sureśwara.
8. Nghing pintangkwiki sang sureśwara lakun ri
 kita huripan - ing mating raja,
 sākweh sang prabhu māti rakwa huripēn saha
 bala kalawan mahāsura,

ndā śighrā hudan- smṛtādṛṣa - umilī mtu saka
 ri bhaṭāra bāsāwa,
 yakāṅḍe hurip - ing pjah paḍa huwus praṅata
 ri suku hastineśwara.

9. Tan warṅnan tka ring swarājya suka garjjita
 sahana nikang wwang - ing puri,
 mukya śrī parameśwari mari wirang rwang-i
 tka nira sang nareśwara,
 mwang tang strī rabi ning prawīra paḍa
 tuṣṭa ri tka ni snōṅnya gorawa,
 ramyang wwang mawarah yyulah-ikāprang - amuk -
 inamakan paḍānamuk.
10. Rēp prāptang wngi tan wiwakṣa ni manahnya
 paḍa ta kalawan silih pkul,
 enjing rakwa mijil narendra huningan huwus-
 aśuci mabhūṣaḥa halōp,
 ring rangkang maḥi kostubheki kahanan nṛpati
 pinarēk - ing bālādika,
 kirṅnang wwang madawuh - dawuh lyan - alarih
 midēr - i harēp - atunggalan hajōṅ.
11. Tampo mwang pangasih kilang bṛm - umilī lu-
 mari paḍa haneng pucung guḍu,
 rombeh -/- mwang guci sewu lakṣa hibēkan
 pēṭaramalahar -ing balākrama,
 lwir guntur mangalih tikang skul - aneka sama
 marwwateng hajōṅ,
 len teking sinikang pasir wukir - aneka lawē -
 lawē haneka warṅnana.

12. Len pwekang pisalin suwastra rinawuh rawuh-
akni sirang waték ratu,
sakweh-ing bala wīra sangghya dinuman sahana
nika sinung ya tākrama,
rāmyā wwang manginum paḍa waneh-ana mangigāl-
ikang silih duduk,
krūrākāra sahastra rakwa kadi polah - ika
ri sḍōng-ing prang-ādbhuta.

13. Len tekang mangidung hanan pakakawin lōngōng-
i harēp-i sang nareśwara,
dudwekang mangucep jurit paḍa taman harēp-
alaha paḍānawut rawis,
drak śighran tka tang sḍah saha lawan kusuma
wangi huwus winārttakōn,
mrik tang caḍḍana mar kapurnya rumawuh suma-
rasah-irikang baleng yawā.

14. Tan ngeh yañ caritan gatinya mulih nṛpati
ri surup-ing diwākara,
sakweh sang para pārthiwēkan - umarēng wgilan-
ira lawan balāngdulur,
sāmpun rakwa gnēp pitung dina lawan nira
sinungan - indya bhojana,
ngkōn pamwit sira matukeng pura huwus paḍa
sinungan-i de nareśwara.

15. Ndan sang śrī puruṣēḍa / rakwa sira tan
harēpa maliha ring swanāgara,
ngkōneng mandarapārwwateka kahanan rasika mu-
lahakōn jinasṛti,

mwang sakweh nikanang mahāsura paḍā sira -
siran - amangun tapabrata,
milwang bhūta piśāca rakwa ya tumut suyaśa
mari mabuddhi hingsaka.

16. Nirwighnang bhuwaneki rakwa ri tlas ning -
asura makabuddhi satwika,
norang dūrjjana duṣṭa roga hinucap suka ri
taya ning duratmaka,
astang bala wīra yodha paḍa tan hana - hana-
sar i śīla sang prabhu,
pōh ning śāstra tinūtnya rakwa pawarah
nrpati pinakamuṣṭi ning hiḍēp.
17. Yekā hetu nikang jagat paḍa subhikṣa sahana
tka ring digantara,
sakweh - kweh - ira sang tapowana paḍāskung-
anḡulahakōn kamokṣakan,
sōk tang sarwwa bhinukti tan hana kurang
hudan - adawa rawuhnya nityasa,
swasthang rāt kṛta dūrbalang kalih - ilang
sawatēk-i pangadēg mahājina.
18. Ambēk śrī sutasoma tan karakētan sira ri
lēyēp - ikang swanāgara,
mwang sang śrī parameśwarīki sira tan kajnēkan
aśarīra ring jagat,
anghing rakwang - iniṣṭi ning hati sirān mu-
lihan - umaluyeng jinālaya,
nāhan hetu nireka / kālih - umusir tapa parēng
atisūkṣma dewata.

19. Sanghyang kĕla sireka tandwa maluy paśupati
 tkap - ing tapodhara,
 sang śrī bhūpati rātnakaḡḡa matmah jinapari-
 cara ring jinālaya,
 tan len kirtti bhaḡāra buddha juga hetu nira
 mari makānggarakḡḡa,
 yekā hetu nirang wetĕk hyang - atibhaktya
 muji gati bhaḡāra gottama.
20. Ndan sang śrī nḡpaputra ārdhana karĭki
 kumalilir - ikang prabhun haji,
 sĕmpun rakwa sinung garā paḡa ta rowang - ira
 siniwi ning balottama,
 sĕkḡat śrī jinamūrthi rakwa kahiḡĕp salaku
 nira mahārdhikeng dalĕm,
 lwir sanghyang rawi candra pūrḡna sumnō pra-
 bhawa nira haneng gajahwaya.
- oOc---
1. Nāhan tatwa . . . nikang kathātisaya boddha caritang-
 inikĕt,
 de sang kawyaparab mpu tantular-amarḡna kakawin
 alangō,
 kyĕting rĕt puruḡaḡasanta pangaranya katuturakna,
 dirghāyuh sira sang rumĕngwa tuwi sang mamaca manulisa.
2. Bhraḡtang durjjana śūnyakā ya kumtĕr mawdi giri-giri,
 de śrī rĕja bhūpati sang-andiri ratu ri jawa,
 śuddhĕmbĕk sang-aswa tan salah-asing pawarah-ira/tinūt,
 sĕk wirĕdhika mewu yekā magawe rĕsa ning-ari tkā.

3. Rāmyang sāgara pārwwateki saka punpunan - i sira
lōngōng,
mwang tang rājya ri wilwatikṭa pekarējya nira-
nanupama,
kirpnokang kawi gita lambang - atuhānwam - umarēk
i haji,
lwir sanghyang śaśi rakwa pūrṇa pangapus nira ma-
nuluhi rāt.
4. Bheda mwang damēl - ing hulun kadi matanggan-
umibēr -ing lōmah,
ndān dūran maḍanekapan ngwang - atinūḍa kumawi
halangō,
lwir bhrantāgati dharmma ning kawi turung wruh - ing
aji sakatha,
nghing sang śri raḡa manggile sira sang
titir -anganumata.

---oOo---

Tlas.

Puniki lontar kakawin sutasoma, kasurat holih
i wayan gtas, magnah ring mangsul dlod pasar,
inaa ipun lontar saking pidpid dṛwen i ktut
sngod, pidpid kaler dawuh marggi.

Subal duk dina, ca,wa, warā kulantir, titi, pang,
ping, 5, masai karo, ĩśakā, 1908. tanggal masēhi,
25, agustus, 1986. Ring sang-awos sweca ngampura-
yang, antuk wirupaning akṡara, bandung, katah
macoret, kirang rangkung pasang miwah guru, sweca
sang mamawos malih mamahayu. ---oOo-----

Diperiksa oleh
tanda tangan

: N. Sujana

: 